

CONCIONES

IN EVANGELIA ET

EPISTOLAS,

QVAE

FESTIS TOTIVS ANNI DIEBV^s populo in
Ecclesia proponi solēt: Ecclesiasticis omnibus moder-
ni temporis summoperè vtilis, è Tabulis D. L. AÏ-
RENTII A VILLAVICENTIO XERESA-
NI elaboratæ:

NVNC VERO

Plurimis in locis cum sacrarum literarum, tum Catholicorum an-
tiquorumq; Patrum scriptis diligenti cura supra omnes alias editio-
nes antea & locupletata:

PER

D. AEGIDIUM TOPIARIUM.

Saluis per omnia semper iudicio, correctioneq;
S. Sedis Apostolicæ.

PARS HYEMALIS.



ANTVERPIÆ

Ex officina Christophori Plantini.

M. D. LXVIII.

SVMMA PRIVILEGIORVM.

CAVTVM est Regio priuilegio, ne quis alius prater Christophorum Plantinum & Antonium Tilenium Cōciones in Euangel. & Epist. qua in pracipuis & alijs totius anni festis & Dominicis diebus populo in Ecclesia proponi solent, è Tabulis D. Laurentij à Villauicentio Xeresani collectas, nec non ex S. Patrum, neotericorūq; Orthodoxorū scriptis, maximo studio auctas & locupletatas per D. Aegidium Topiarium, imprimat, aut alibi impressas vēdat hinc ad sexennium, sub pœna confiscationis librorum, vt latius patet in litteris datis Bruxella 24. Decemb.

Subsign. De la Torre.

Idem cautum est in Consilio Brabantie ad totidem annos, & sub pœnis ijsdem, vt in superiori Priuilegio, quēadmodum latius patet in litteris datis Bruxella 15. Ianuar. Anno Domini M. D. LXVI.

Subsign. De Perre.

V M nuper, optime Lector, aliquot amici familiares, viri pla-
ne omnibus virtutis & doctrinae numeris absoluti, ad me de-
dissent Tabulas D. Laurentij à Villauicentio Xerefuni, tabula-
tis (ut sic dicam) typis excusas, eorum improbo rogatu capi re-
pentino quodam imperu atrepto calamo teniare, num possem,
quas vir ille sapientissimus simul & eloquentissimus sancta sagacitate tra-
didisset, magis vulgari notiorique phrasi vertere, ut his qui in emeritis ipsis
non essent adeo triti atque astuti, promptum esset intelligere, quas vir ille tan-
tus in totius vulgi Christiani utilitatem suppediasset. Cum itaque absoluis-
sem Conciones in Evangelia & Epistolas, quae Dominicis diebus leguntur per
totum annum, è Tabulis isdem magno studio collectas, necnon plurimis in
locis cum sacrarum literarum, tum Catholicorum ac Neotericorum probato-
rum scriptis locupletiores reldidisset, reliquum fuit promissis stare, quae in
dedicatoria nostra Epistola feceram, inceptumque opus (quod aiunt) ad suum
colophonem deducere. Neque id frustra, cum ad sapientem architectum per-
tineat, non solum fundamentum iacere, sed etiam ad suam absolutam for-
mam quodque opus deducere. Ediderat etiam hic bonus vir Tabulas in Euan-
gelia, quae festis diebus annuatim populo proponuntur, pari artificio cum prio-
ribus elaboratas, quibus eximiam laudem & gloriam perpetuò in Ecclesia
apud viros pios & eruditos obtinuit. Ne ergo pius Cōcionator his quoque ta-
bulis quas diuorum feris consecrauit, fraudaretur, curavi hanc nostram qua-
lemcunque operam illis impendere, atque ad prioris nostri operis formam eas
redigere, nimirum hoc persuasum habens, quod eiusmodi conciones methodi-
ca, eaque facili ac propemodum populari institutione sua non parum adiu-
uarent conatus eorū qui omni fructu in Ecclesia docere volunt. Sed quia nulle
(quod mihi constet) Tabulae in Epistolas Sanctorum extant: ut priorem se-
quat ordinem, ex aliis Neotericis probatisque scriptoribus non absimili phrasi
pro ingenio mei capacitate iuxta apud similitudinem conciones in diuorum
Epistolas collegi, easque Evangelicis sermonibus prefixi. Scripseram quidem
primū mihi, ut (quod fieri solet) in dies tendenti ad senium, pro memoria
iuuanda subsidio esse possent: sed quorundam pietas cupiuit, imò etiam insti-
tit, ut hic quoque fructus per me fieret multorum communis. Cumque ad hoc
quodammodo urgeret, deterruit me, quod obiici mihi posse à nonnullis suspi-
cabar, aliorum scilicet me in elucidandis vel dilatandis eiusmodi Tabulis non
modo verba, sed multis etiam in locis integras sententias mutasse. Quod ta-
men non eo animo feci, ut plurius (quod aiunt) alienis ornari cuperem, sed
quod hoc ipsum mea tenuitatis erat necessarium. Non enim ille sum, qui sine
dubio prauiis sacrarum scripturarum interpretem (praesertim hoc nasutissi-
mo seculo) agere audeam: quin magis in hoc pio nostro labore semper doctio-
rum usus sum & consiliis & disciplinis. Sed nec virio dabitur discipulo, si
illustrium praeceptorum potius quam propriis utatur verbis: quod inter Neo-
tericos

sericos adeo tritum est, ut iam nulli horum detur vitio. Nec hoc mirum, cum apud D. Hieronymum legatur Plato ille diuinus Aegypti, eamque oram Italia, quae quondam magna Graecia dicebatur, laboriosissime peragrasse: ut qui Athenis magister eras, cuiusque doctrinam Academia gymnasia personabant, fieret peregrinus atque discipulus: malens aliena vetecunde discere, quam sua impudenter ingerere. Conflauerunt enim plerique ex aliorum codicibus & ipsi Sermones, & quidem eo pacto, ut quicquid ab illis accommodato acceperim, usurpatim sibi. At ego hoc iactantiae vento nullo pacto transiitum fui, sed potius meos sudores optimis cum praeceptorum, tum Neotericorum patrum scriptis innexui, ut ea quae per se non consistere, illorum auctoritate salirentur. Verum ut & haecenus consueui, ethice seu moraliter potissimum omnia tractare curavi, non quod contempnam tractationem allegoritam vel tropologicam, vel anagogicam (quae nonnunquam in interpretandis sacris literis admittenda est) sed quod sensui moralis auditorio praecipue moderno sit conuenientior ac conducibilior. Ceterum pro meis istis laboribus quid hic aliud à nonnullis emulis expectem, quam praepostera iudicia & maledicta? Adeo enim corrupto quidam sunt iudicio, ut etiam de his male loquantur & indigent, quae teste conscientia probant. At cuiuspiam horum obreftationes nihil moror, cum facilius sit aliena carpere, quam propria praestare. Vnde si prosperè cesserit haec alea, noueròque amicis & aliis quibusdam Theologiae sincerioris fautoribus hanc nostram operam non fore ingratam, suo fortassis tempore plura (vita comite) prodibunt, non minus omnibus Ecclesiasticis necessaria quam proficua. Et quod facio, candide lector, boni consule, atque praesentes qualescunque nostras lucubrationes, tametsi rudiores, quam ut huius aui ingeniis respondeant, saltem in pias operas transcribe, eisque fructu saliciter.

Anno Domini M. D. L X V I. Mense Nouemb.



IN FERIIS DIVI ANDREÆ

APOSTOLI, EPISTOLA

AD ROM. X.

Fratres, Corde creditur ad iusticiam, ore autem confessio fit ad salutem: *Rom. 10.*
Dicit enim scriptura, Omnis qui credit in illum, non confundetur. Non est distinctio Iudæi & Græci. Nam idem Dominus omnium, dives in omnes qui invocant illum. Omnis enim quisque invocaverit nomen Domini, salvus erit. Quomodo ergo invocabunt in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo vero prædicabunt nisi mittantur? Sicut scriptum est: Quam speciosi pedes evangelizantium pacem, evangelizantium bonam: sed non omnes obediunt Evangelio. Isaias autem dicit: Domine, quis credidit auditui nostro? Ergo fides ex auditu: auditus autem per verbum Christi. Sed dico, nunquid non audierunt? Et quidem in omnem terram exiit sonus eorum, & in fines orbis terra verba eorum.



BERICOPE apta, hoc est, partialis amputatio totius orationis ad memoriam Apostolici ministerij. Nam & quibus, & quid prædicarint, pulchrè ex hoc loco intelligitur: Prædicarunt omnibus, & cum primis gentibus, cum Iudæi nollent, Act. 13. Prædicarunt autem saluberrimam atque

Apostoli quibus primum prædicarunt.

sempiternam pacem. Postò, ut iuxta Pauli ordinem procedamus, agit ille de vocatione Gentium, gentes etiam pertinere ad regnum Christi, & participatum Evangelij. Idque,

1 Proponit: Non est distinctio Iudæi & Græci, æquè admittuntur ad salutem, & utrisque prædicandum Evangelium. Quia non est Deus Iudæorum tantum, sed & Gentium.

Rom. 3.

2 Probat hanc propositionem: Primò, A communi Dei in omnes potestate, de qua etiam Rom. 3. Vnus omnium Dominus, id est, omnes eius sumus: igitur omnium rationem habet, omnibus dominatur. Ergo ab omnibus agnoscendus & colendus. Omnis qui fidit illi, non pudebit, dicit scriptura, Isai. 28. Item Ecclesiastici. 2. Respicite filij nationes hominum, & scitote quia nullus speravit in Domino, & cōfusus est. Quis enim permansit in mandatis eius, & derelictus est? Quin potius (ut Jeremias ad Dominum loquens ait, cap. 17.) omnes qui ipsum derelinquunt, confundentur. Et rursum alius Propheta, Confundantur omnes, inquit, qui adorant sculptilia. Secundò probat

Deo qui fuit, non pudebit.

*Misericordia
Dei commen-
datur à bene-
ficientia.
Deus diues in
unnes.*

bat ab exposita Dei erga omnes misericordia, ne quis potesta-
tem modò generalem esse putet. Commendat autem Dei mise-
ricordiam, Primò ab exuberante sua beneficentia: *Diues est in*
omnes, sicut etiam ait ad Ephes. 2. largiendo scilicet & iuuando:
quod vel corporales eius benedictiones satis docent, quas cum
ita passim fundat, non est còsentaneum à spiritualibus; & præ-
sertim noui testamenti bonis eum gentes iam excludere. *Diues*,
inquam, est in donis fortunæ, in donis veniæ, in donis gratiæ,
& in donis gloriæ. Psal. Gloria, inquit, & diuitiæ in domo
eius. Iaco. 1. Dat omnibus affluenter, & nbn improperat. Omne
datum optimum & dònun perfectum desursum est descen-
dens, &c. Quàm diues sit in misericordia, vide etiam Matth.
18. & Luc. 15.

*Ab inuocatio-
ne.*

Deinde còmendat eam à facillimo consequendi modo, qui
est inuocatio, *diues est in inuocantes*. *Omnis enim quicunque inuo-*
cauerit nomen Domini, saluus erit. Ioël. 2. Aët. 2. Spectat ergo nò Iu-
deos tantum velut doctos, puros, operosos, sed in genere, quot-
quot egent, petunt, fidunt, quales etià inter gentes, & còplures
quidem, deprehèdit, inter quos non ex minimis fuit Eunuchus
ille Aët. 8. qui interroganti Philippo, num crederet, respondit:
Credo filium Dei esse Iesum Christum: Et descenderunt vterque
in aquam Philippus & Eunuchus, & baptizauit eum.

*Ab amplifi-
cama Dei pro-
missione.*

Commendat insuper eandem Dei misericordiam ab amplifi-
sima Dei promissione, quam expressè facit cunctis inuocanti-
bus, sicut Ioël docet, qui apertè tollit, quicquid fuit aut impedi-
menti aut discriminis inter gentes & Iudæos: Quod clare re-
uelatum fuit B. Petro in linceo de cælo in terram submisso,
Aët. 10. &c.

Atque istæ quidem rationes, vt de Deo Patre, sic de filio quo-
que possunt intelligi. Nam Dominus omnium constitutus est,
non Iudæorum tantum.

*Matth. 11.
Domini in no-
mine exaudi-
mur.*

Dirisissimus fuit in fundendo suo sanguine, proque omnibus
abundanter fudit, omnes item ad se vocat.

Ipsam nomen Domini est, in quo exaudimur, Ioan. 16.

Ipsam item medium in quo omnes exaquantur, omnes ad-
mittuntur, Ioan. 10. & 14. 1. Timoth. 2.

Probat eandem à coniunctis illis: Primò inuocatione &
prædicatione, nam ex eo quòd promissio generalis est, vt mo-
dò dictum, infert Paulus prædicationē quoque generalem esse
oportere: idque hac gradatione: nemo inuocabit, nisi credat:
nemo credet, nisi audiat: nemo audiet, nisi prædicetur. Ergo vt
iuxta promissionem omnes possint inuocare, omnibus etiam
prædicandum.

*Prædicatio à
missione pèdet.*

Deinde missione & prædicatione, nam cum prædicatio à
missione pendeat, missio verò ad gentes quoque destinata sit,
conclu-

concludit Paulus, prædicationem quoque eis hinc deberi; atque eo refert locum Esa. 52. Naum. 1. quem ad gentes quoque pertinere satis ea quæ sequuntur ibi, docent. Utinam hæc attendant Ecclesiarum Episcopi consecrati, qui dum ad exterarum & barbararum regiones cum Evangelico volumine & baculo destinantur, interim domi remanent desides; & pertimescant ne sanguis illarum ouium extremo in examine de manibus eorum requiratur.

Exech. 13.

Porro singula ista argumenta sicut propositionem probant, sic permulta simul docent. Discis hinc:

1. Quam moderatè, quam amanter inter nos viuendum.

Ad modestiam hinc hortatur Paulus, Ephes. 6. cum de seruis agit, d. Serui obedite dominis vestris carnalibus cum timore, & tremore: in simplicitate cordis vestri sicut Christo, non ad oculum seruientes, quasi hominibus placentes, sed ut serui Christi facientes voluntatem Dei ex animo, cum bona voluntate seruientes sicut domino, & non hominibus. Scientes quoniam vnusquisque quodcunque fecerit bonum, hoc recipiet à domino, siue seruus siue liber. Et vos domini, eadem facite illis remittentes minas, scientes quod illorum & vester dominus est in cælis: & personarum acceptio non est apud eum. Ad charitatem. 1. Timoth. 2. cum de precibus agit: Obsecro, inquit, primum omnium fieri obsecrationes, orationes, &c.

2. Quam magnifice cum de generali Dei prouidentia, tum de singulari eius acceptatione sentiendū. Quo ad illam viuimus ex plenissima benignissimaque Dei manu, Psalm. 104. Quo ad hanc exuberat Dei gratia supra omnem peccatorum molema: modò illam fide apprehendas, Romanorum quinto, Vbi abundauit delictum, superabundauit & gratia.

3. Quæ verissima omnis nostræ sit penuriæ causa, quæque vera ditescendi ratio: Illic obstat precum intermissio, Iacob. 4. Hic profuerit nobis frequens & legitimus earundem usus, Matthæi septimo: Petite & accipietis.

4. Quanta fidei & precationis sit cognatio, cum quod paulo supra fidei, hic precationi ascribatur. Item quæ verissima inuocandi ratio, nempe, quæ ad verum Deum iuxta eius normam instituitur, nam utrunque horum nomen Dei exigit. 1. Ioan. 3. & 5.

Fidei et pre-
cationis cognatio.

5. Inuocationem naturaliter comitari fidem, nec deberi vlli, nisi cui & fides debeatur, id est, soli Deo, Matth. 4.

6. Fidem non complecti sensu nostræ rationis. Heb. 11. neque subiici magisterio rationis. 1. Corint. 2. sed complecti documenta verbi Dei, cui & soli subest, & auditu eius comparatur, non natura nobis inest.

7. Auditum non internum & occultum hic intelligi, sed externum, atque ideo esse summum usum prædicationis, simul

verò diligenter attendendum, quid vel audiat vel dicatur, nam pro verbi ratione comparatur quoque, vel humana, vel diuina fides.

*Prædicatio
Dei legatio.*

8 Prædicationem agnoscendam esse pro legatione Dei, 2. Corinth. 5. Pro Christo legatione fungimur, &c. Et vicissim hanc testandam esse prædicatione, Matth. 28. In illo populus, in hoc ministri sæpe peccant, & cum primis Pontificij, canes muti non valentes latrare, Isai. 9.

9 Discimus quòd ad Isaia testimonium, 1. Splendidissimum esse ordinem ministrorū verbi. 2. Sed humilimum simul esse, nempe, viatorum, Marc. 16. Ioan. 15. 3. Cursum ministrorum ad docendam pacem dirigi oportere. Matth. 10. Luc. 10. 4. Et verissimam esse pacem eam, de qua Euangelium & ministri eius sonant.

Hæc in hisce verbis de vocatione gentium, nostrum fuerit, ut qui gentes fuimus, gratiam hanc agnoscere, & prædicationē verbi colere, utque semper vigeat missionem Dei flagitare, quo per veram fidem, crebram inuocationē, & cælesti pace & æterna gloria certò tandem potiamur, Amen.

EPILOGVS.

1 Ratio iustificationis & regenerationis hic exponitur, quæ à fide non à ceremoniis dependet, cum Spiritus Dei homini conceditur, ut suam carnem mortificet, desinit à prava consuetudine, displicent ei ea quæ Deo aduersantur, nam illa mortificatione nascitur desiderium, ut viuamus iuxta voluntatem Dei: Corde credimus ad iustitiam, ore confitemur ad salutem etiam aliorum.

2 Communis ordo Dei est, ut fides sit ex auditu, auditus per verbum Dei. Suscipientes ergo verbum & spiritum, in nobis fidem operantem, ita ut vitam cupiamus emendare, signum est nouæ regenerationis.

3 Decorum sunt pedes Euangelizantium pacem, Euangelizantium bona, & tamen raritas est credentium Euangelio: Angusta porta & stricta via quæ adducit ad vitam, & pauci sunt qui inueniunt illam, Matth. 7. Hinc horrendum iudicium manet mundum, qui spiritum veritatis non vult capere.

IN FERIIS EIVSDEM APOSTOLI, EVANGELIVM.

Matth. 4.

IN illo tempore: Ambulans Iesus iuxta mare Galilee, vidit duos fratres, Simonem qui vocatur Petrus, & Andream fratrem eius, mutentes rete in mare, erant enim piscatores. Et ait illis: Venite post me, faciam vos fieri piscatores hominum: ille continuo relictis retibus & naus secuti sunt eum. Et procedens inde vidit alios duos fratres, Iacobum Zebedæ, & Ioannem fratrem eius in naui cum Zebedæo patre eorum, resicientes retia sua, & vocauit eos. Illi autem statim relictis retibus & patre, secuti sunt eum.

Charitatis doctrina.

HOC Euangelio proponuntur nobis tres doctrinæ. 1. Charitatis, in Christo, qui ambulabat iuxta mare Galilee.

Illic. Est autem considerandum, non casu aut fortuito Christum illac ambulasse: sed secundum æternum suum propositum quos ad suam gloriam, & Ecclesiam, & Apostolicam dignitatem æterna sua prædestinatione præordinauerat, tunc ambulando iuxta mare Galilææ quæsiuisse: cuius rei meminit Apost. Ephes. 1. Elegit nos, inquit, in ipso ante mundi constitutionem, &c.

Hinc docemur, Andream & Petrum quanuis ad vitam æternam prædestinatos ac præordinatos, nunquam tamen Christum solis suis viribus quæsiuisse, neque agnouisse. Sed Christus ipsos quæsiuit, ad ipsos prior accessit, ipsis cognoscendum se præbuit, & iisdem vnde ipsum cognoscerent dedit, iuxta illud, Isa. 65. Palam apparui iis, qui me non interrogabant: inuentus sum à non quærentibus me. Lucæ 10. Nemo scit quis sit filius nisi Pater: & quis sit Pater, nisi filius, & cui voluerit filius reuelare. Item Ioan. 6. Nemo potest venire ad me, nisi Pater meus traxerit eum. Matthæi. 11. Nemo nouit filium nisi Pater: neque Patrem quis nouit, nisi filius, & cui voluerit filius reuelare. Paul. Roman. 9. Non est volentis neque currentis, sed misericordis Dei: & Lucæ octauo, Vobis datum est nosse mysterium regni Dei, vbi considerandum est verbum illud (datum) magnam enim emphasin habet, nisi datum fuisset, nunquam agnouissent.

Sciamus hinc nos itidem Christum non quæsiuisse, neque inuenisse: sed ab ipso nos vocatos fuisse & quæsitos vt perditos, inuentos vt errantes. Tantum igitur beneficium, & tantam gratiam admirantes, dicamus cum Paulo: O altitudo diuitiarum sapientiæ, & scientiæ Dei. Ro. 11.

Vidit duos fratres, Petrum & Andream mittentes rete in mare. Est autem hic considerandum Christum non vidisse illos duos fratres, sicut ceteri homines vident: nec vidisse illos, sicut viderat Pilatum, Annam, Caipham, ac reliquos suos crucifixores: nam in hoc loco, & aliis quibusdam scripturæ sacræ, videre Dei idem est, atque Iesum corda hominum mouere, suamque gratiam impertiri. de qua Sap. 4. dicitur, Gratia Dei & misericordia in sanctos eius, & respectus in electos illius. Sic vidit & respexit quamplurimos, Matthæum in telonio, Math. 9. Zachæum in arbore, Luc. 19. Nathanaëlem sub ficu, Ioan. 1. latronem in cruce, Luc. 23. Peccatricem in conuiuio, Luc. 7. & hos discipulos in piscatura vt sequerentur. Nec est intuitus ille Christi, simplex aliqua hominum cognitio, sed est interioris cordis dulcissima & efficacissima penetratio, quæ tangit & vulnerat, carnem, ossa, medullam, sanguinem, animam, spiritum, cor, præcordia & omnia interiora commouet, & ad Dei amorem incitat, ad fidem trahit, ad obedientiam format, ad Christum sequendum

Videre Dei, quid.

Intuitus Christi, quid.

inducit, ad omnia propter eundem contemnenda promptos facit, hoc olim patuit in Prophetis, nam ita puerum citharoedum vidit & Psalmistam eum fecit. Sic armentarium Amos sycomoros vellicantem vidit: & prophetam eum fecit. Sic puerum Danielelem, abstinentem vidit, & eum iudicem senum constituit. Hoc idem constat hic ex Apostolis. Nam ita eos vidit, ut suo diuino visu eorum mentes illustrauerit, ut in ipsum crederent, voluntatem ita inflammavit, ut ipsum amauerint: animum ita perfecit, ut ad ipsum mox sequendum promptos fecerit: hinc Iob 10. Nonne oculi carnei tibi sunt, aut sicut videt homo, & tu vides? Vulnerasti cor meum in vno oculorum tuorum, Cantic. 4. Item Iob. 40. In oculis eius quasi hamo capiet eum. Oremus Christum, ut ita his oculis nos videat, ut corda nostra vulneret suo visu, suisque oculis quasi hamo nos capiat, atque ad se sequendum amandumque commoueat: sicut videndo hos commouit Apostolos, dicentes hoc Psalmographi: Aspice in me domine & miserere mei.

Christi piscatio.

Rete Euangelicum.

Videt eos mittentes rete in mare. Fuit hæc piscatio magna & eximia operis illius significatio, ad quod ministerio eorum uti voluit dominus: Sicut enim in stagno iam hic eiiciebant retia ad capiendos pisces in perniciem, ita voluit quoque eos rete verbi diuini & sermonis sancti ex variis scripturarum locis hinc inde contextum eiicere in mare mundi huius ad capiendos homines in salutem. Fuit hæc piscatio longè antè prædicta à domino per Ieremiam. 16. cap. Mittam piscatores multos, & piscabuntur eos: & homines appellatione piscium intelligi prædictum fuit Abac. 1. Facies hominis quasi pisces maris.

Beati de proprio labore viuere.

Erant enim piscatores, labore victum querentes, iuxta illud Gen. 3. In sudore vultus tui vesceris pane tuo. Laudabile, imò beatum est de proprio labore viuere, dicente nimirum Psal. 127. Labores manuum tuarum quia manducabis, beatus es & bene tibi erit: sed vix illis qui bonis iniquè partis viuunt in diem, tanquam fruges consumere nati, qui carnem pauperum deuorant & sanguinem bibunt. Ecclesiastici. 13. Bonè est substantia, cui non est peccatum in conscientia. Cum illis iudicio contendet dominus, in quorum oris vestimentorum inuentus fuerit sanguis animarum pauperum, & innocentum.

Ierem. 2. Vocatio Dei duplex, generalis & specialis.

Vocauit eos dicens, Venite post me: faciam vos fieri piscatores hominum. Est autem considerandum, vocationem Dei esse duplicem, generalem ad Ecclesiam, de qua Genes. 3. In sudore vultus tui vesceris pane tuo: & Matthæi. 11. Venite ad me omnes, & cætera. Hæc vocatio ad omnes pertinet, quia omnes vocat Deus ad operandum in sudore vultus sui, non ad oriandum: Et specialem siue singularem ad dignitatem, de qua Mat. 4. Marc. 1. & Iohan. 1. Hæc vocatio ad eos tantum pertinet, qui

qui ad vitam & dignitatem præordinati sunt.

Est autem vocatio iterum duplex, simplex: De hac iam egimus. Et secundum propositum, de hac loquitur Paulus Rom. 8. Is qui secundum propositum vocati sunt sancti. Ephes. 1. Secundum propositum voluntatis suæ.

Vocantur enim quidam immediatè à Deo: vt Prophetæ & Apostoli. Quidam per media: vt discipuli Prophetarum & Apostolorum. Quidam neque à Deo, neque ab hominibus: vt Pseudoprophetæ, Lucherani, Brentiani, Anabaptistæ, Sacramentarii, & Calvinistæ, de quibus Ierem. 23. agitur.

Vocauit autem Christus hos & alios simplices ac indoctos, propter tres causas. 1. Vt potentia Dei vniuerso mundo innotesceret, & ne fides credentium non virtutè Dei, sed eloquentia atque sapientia humana fieri putaretur. Euangelium Dei virtus est, ait Apost. Rom. 1. in salutem omni credenti, qui loqui fecit Ašinam. Balzam. Numer. 22. Hic quoque facit linguas infantium disertas, Sapient. 10.

2 Ne quis existimaret Deum respicere personas, aut diuitias, nobilitatem, potentiam, &c. Act. 10. Roman. 2. Coloss. 3. & Iaco. 1. Vt discant hic penes quos est electio Episcoporum, Præpositorum, Pastorum, &c. ne ita temerè personarum tantum habito respectu, diuites, potentes & nobiles plebibus præficiant: aut venatoribus suis, aucupibus & culinariis sacerdotia conferant, nihil aut certè parum attendentes doctrinam, eruditionem, morum probitatem, cetera quæ ad huiusmodi functiones pertinentia, contemptis & neglectis interim dignioribus, melioribus, magisque idoneis, quod nunc, proh dolor, in magna Christianismi parte factum cernimus, vnde vix dici potest quantum detrimenti fidei nostræ, & Ecclesiæ sanctæ accesserit. Consultissimè Moſen fecisse legimus, iuxta consilium Iethro, Exod. 18. dicentis: Prouide de omni plebe viros sapientes & timentes Deum, in quibus sit veritas, & qui oderint auaritiā, & constitue ex eis tribunos, centuriones, quinquagenarios & decanos, qui iudicent populum omni tempore. Quicquid autem maius fuerit, referant ad te, & ipsi minora tantum iudicent. &c.

3 Quo facilius & promptius homines sequerentur, maximè rudes & simplices. Nam docti, diuites ac nobiles non ita facile veniunt, sicut patet Matth. 22. & 19. Luc. 14. Hinc Apostolus ait. 1. Corinth. 1. Videte vocationem vestram fratres, quia non multisapientes secundum carnem, non multi potentes, non multi nobiles, sed quæ stulta sunt mundi elegit Deus, &c.

Venite post me, ait, significans nimirum omnes animarum curatores ipsum sequi debere, vt quisque eorum verè cum ipso Iob. 23. dicere posset, Vestigia eius sequutus est pes meus,

*Indoctos cum
vocant Deus.*

*Episcoporum
& pastorum
electio penes
quos.*

*Animarum
curatores Christi
sequi debent.*

viam eius custodiui, & non declinaui ex ea, &c. Talis sequutor fuit Paulus, qui & alios ad sequendum illum cohortatus est. 1. Corinth. 11. Imitatores mei estote, sicut & ego Christi. Venite, inquit, post me: ac si dicat, Sequamini me, verbum meum audiendo, verbo meo vos submittendo, sequamini me, credendo & obaudiendo, crucem suam quisque post seferendo, mutua inter vos charitatem seruando. Sequamini vt discatis ex me sacramentum crucis artem longè excellentiorem ea, quàm à parente vestro siona didicistis, nempe, quàm hominum piscatores abibitis, pro pisciculis porro homines piscaturi, non ad necem, sed ad vitam.

*Apostoli ad
quid piscatu-
ri, missi.*

Faciam vos fieri piscatores hominum. Non autem nummorum, hominum & beneficiorum. Verbi huius meminerint Episcopi, Pastores, & verbi Dei ministri, vt & ipsi piscatores fiant hominum, non censuum, reddituum, nec beneficiorum, ne tanquam alini elitellarum oneribus onusti sub ipsis succumbant. Non enim debet verbi Dei declamator predicare vt edat: sed edere debet vt predicet, cui ex Dei ordinatione debetur victus & amictus: quod Paulus triplici ratione pulchrè declarat. 1. Cor. 9. Qui & de seipso testatur. 1. Cor. 10. quidd non quæsiuerit quod sibi utile esset, sed quod multis, vt salui fierent. Item. 2. Cor. 12. sic ait, Non quæro vestra, sed vos.

*Doctrina libe-
ri arbitrij obedi-
entis.
Potentia ver-
bi Dei, vniuersæ
efficax.
Bonitas Dei
vocantis ma-
gna.*

2. Liberi arbitrij obedientis. Nam viso Christo, & audita eius voce, mox euestigio relinquunt & deferunt nauem, retia & patrem. In qua desertione apparet potentia verbi Dei, quæ aded est viua & efficax, vt corda auersa à Deo admiranda virtute ad Deum conuertat. Iere: 23. In qua etiam apparet bonitas Domini vocantis, quæ adeo est magna, vt indignos ad se vocet, Ioan. 15. In qua desertione tertio apparet natura fidei, quæ credentes statim intellectum in suum obsequium docet captiuare. 2. Cor. 10. Huc quadrat historia de Eliseo. 3. Reg. 19. qui quamuis cum duodecim bobus araret, tamen quamprimum pallium suum illi iniecit Elias, relictis bobus cucurrit post eum. Talem quippe obedientiam à nobis Christus efflagitat, vt neque punctum temporis differamus, etiam si nos aliquid necessarium vrgere videatur, quando nihil cuique charius esse debet animæ suæ salute, vnde & iuueni petenti à Domino vt abiens prius sepeliret patrem suum, quamuis interim sepultura parentis sit opus pium: tamen respondit, Tu me sequere, & sine vt mortui sepeliant mortuos suos.

Matth. 8.

*Cælum est vo-
nale.*

Non autem hic spectandum est lacerum rete, aut nauicula fatiscens, sed paratus animus. Multum enim reliquerunt, qui omnia quæ habebant, vel habere poterant, deseruerunt. Cælum enim venale est: si multa tibi sunt, magno constat pretio: si pauca tibi sunt, paruo pretio constat: regnum Dei tantum valet quan-

quantum habes. Nam Zachæus bonorū suorum dimidio. Luc. 19. Vidua gemino ære minuto. Luc. 21. Discipuli nauicula & reti. Matth. cælum sibi compararunt.

Discant hinc pauperes, Deum non magnificare magna munera, amplissimaque dona, sed animi liberalitatem. Hilarem enim datorem diligit Deus. 2. Cor. 9. Piscatores, opifices, ac mechanici omnes sua paupertate regnum Dei sibi poterunt comparare, imò calice aquæ frigida potest aliquis mercari regnum cælorum, Matth. 10.

Animi liberalitatem Deum magni facit.

Deinde sequuntur Christum. Est autem duplex sequendi ratio, corporalis & spiritualis. Sequi autem Christum corporaliter non est cuiusvis, sed eorum tantum, qui expressum Dei mandatum habent, vt Abrahami, Genes. 12. Petri, Andree, Iacobi, Ioannis, Philippi, Matth. 4. & Ioan. 1. Sic Christianus quisque cum propter Christum aut eius sponsam Ecclesiam catholicam Romanam à tyrannis, vi ab vxore, & liberis, ab agris & ædibus euellitur, & in manus licitorum traditur: non modò spiritualiter, verum & corporaliter Christum sequi debet.

Duplex sequendi Christi ratio.

Sequi autem Christum spiritualiter est omnium Christianorum, quisque enim piorum eo debet esse animo, vt quando, vbi, & quacunque hora Christus velit, & gloria Dei exigat, sit paratus ac promptus relinquere omnia, & propter veritatem mortem oppetere. Talis sequitur Paulus fuit, Philippen. 3.

Imitatio tamen spiritualis fieri potest sæpe sine corporali, ita, & si complures Catholicorum à Turcis capti, corpore captiui detinentur, aded vt nec templa accedere, nec sacro interesse, nec sacramenta suscipere possint: spiritu tamen Christum sequuntur & amant. Corporalis autem imitatio fieri nec potest, nec debet sine spirituali: ita qui Christiani sunt, quamuis baptizati sint, nisi tamen spiritu Christum amantes sequantur, sciant carnem & sanguinem in regnum Dei non admitenda. Ideo docet Paulus, spiritu ambulate, Gal. 5. Et caro non prodest quicquam, Ioan. 6. Caro & sanguis regnum Dei non possidebunt.

Imitatio spiritualis.

Corporalis.

1. Cor. 15.

Sequuti autem sunt Christum, humilitate & mansuetudine, paupertate, quia reliquerunt propter Christum omnia; pietate & doctrina, prædicabant enim verbum Dei: passione, cruce, & morte tandem consecuti sunt vitam æternam. Ita & nos Christum sequentes vitam æternam consequemur. Admiratur hanc discipulorum fidem B. Gregor. d. Nulla Petrus & Andreas Christum miracula facere viderant, nihil ab eo de præmio æternæ retributionis audierant, & tamē ad vnum Domini præceptum, hoc quod possidere videbantur, obliti sunt.

Et

Et quanta nos, inquit, eius miracula videmus, quòd flagellis as-
fligimur, quantis ruinarum asperitatibus deterremur, & tamē
vocatē sequi contēnimus. In cælo iam sedet, & qui de con-
uersione nos admonet: iam iugo fidei, colla gentium subdidit,
iam mundi gloriam strauit, iam ruinis eius crebrescentibus di-
stricti iudicii sui diem appropinquantem denuntiat, & tamen
superba mens nostra non vult hoc sponte dimittere, quod quo-
tidie perdit inuita, 1. Tim. 6.

*Obedientiæ do-
ctrina.*

*Petrus & An-
dreas ad primam
Christi vocem
omnia negli-
gunt.*

3 Obedientiæ doctrina proponitur, quam Andreas & Petrus
vocationi Christi præstiterunt. Nam ad primam Christi vo-
cem, omnia negligunt; non curant vxores, non filios, non pa-
tres, non res, nec rerum suarum maiestatem perimiscunt; sed ali-
quid magis inuenisse putantes, mox absque mora Christū
sequuntur. O felices viros! O admirandā obedientiam! O dul-
ces animos, qui ita Christo parent, vt propter eum quem pau-
perem videbant, nec semel antè conspexerant, suas diuitias,
notos, atque familiares relinquunt. Vnde nostra conuincitur
peruicacia, atque obduratio, qui ad tot, ac tantas voces Christi
vocantis per Prophetas, per Apostolos, per Angelos, per mira-
cula, per internas inspirationes, ad Christum venire negligi-
mus, sicut ostensum est ex verbis D. Gregorij. Sed quare ve-
niunt Apostoli? quia voluerunt: quare crediderunt? quia visum
fuit illis, & vt illis ita videretur, Deus in illis operatus est. Au-
gust. Gratia non tollit liberum arbitrium, sed confirmat: per-
ficit, non destituit.

*Et procedens inle vidit alios duos fratres Iacobum Zebedæi & Iouanem
fratrem eius in nauī cum Zebedæo patre eorum.*

*Suorum domo-
ficorum cura
habenda.*

Summa virtus est pascere patrem senem, idque iustæ partis
sumptibus. Qui suorum maximè domesticorum curam non
habet, fidem negauit: hinc Eccle. 3. Fili suscipe senectam patris
tui, & non contristes eum inuita ipsius, & si defecerit sensu, ve-
niam da, & ne spernas eum in virtute tua, eleemosyna enim pa-
tris non erit in obliuionem. Vtinam & nostri nautæ non de
iniquè partis, aut violentia extortis, sed de iustis suis laboribus
sefe enutrient.

*Vidit eos facientes retia sua, & vocauit eos. Pauperes erant: & quia
non poterant emere noua, reparauerunt vetera.*

*Pater quando
relinquendus.*

Illi autem statim relictis retibus & patre, secuti sunt eum. Apparet
Zebedæum non credidisse, & propterea reliquerunt eum:
Non quòd bonum sit relinquere parentes, sed quia fortasse
impedimento futurus erat sequuturis Christum. Vides hic
quando oportet relinquere patrem, nempe, quando obstat
virtuti & pietati, & Christianæ religioni. Hieronymus, Per cal-
catum patrem & matrem transi ad consortium seruorū Chri-
sti.

sti. Matth. 10. Qui amat patrem aut matrem plus quàm me, non est me dignus, &c.

Hi quoque viderunt priores sequentes Christum, meritis secuti sunt & ipsi, quorum exemplo docemur & nos imitari eos & sequi quos videmus post Christum ire. Cum bonis ambula, inquit Cato. Et Apost. Obseruate eos qui ita ambulant *Philip. 3.* sicut habetis formam nostram.

EPISTOLA.

1 Hic primatui Petri, sacerdotalique ordini, qui pontificia auctoritate est, praeludium premititur: ne tanti ponderis res, tot hostes habitura, ceteris & iis gravissimis auspiciis carere videatur. Aderat namque tempus quo eorum aliquem discipulorum colligeret, quos familiares haberet, & testes omnium quæ faceret & diceret, quos tandem in suum locum sufficeret & per quos alios deinceps doceret: hinc Apost. Hebr. 2. Quæ cum initium accepissent enarrandi per dominum, ab eis qui audierunt, in nos confirmata sunt.

2 Noluit Dominus Evangelij gloriam ullis mundi præditiis inquinari, unde non philosophos, non Regum filios, non Phariseos, non sacerdotes, non opulentos elegit aut misit, sed teste Hieronymo, Piscatores & illiterati mittuntur ad prædicandum, ne fides credentium non virtute Dei, sed eloquentia atque doctrina fieri putaretur, ut humiliemur omnes docti & indocti. Nam quæ infirma sunt apud homines, fortia sunt apud Deum. 1. Corinth. 1. Mittuntur non ad capiendos nummos, sed homines.

3 Plenâ conversionis & obedientie formam ad Deum, discere licet ex his *Conversionis ac obedientie forma.* quatuor Apostolis, secundum duas partes iustitiæ, declinando à malo & faciundo bonum. Psal. 36. Qui etiam occasiones reliquerunt peccatorum, scilicet, sua. Matth. 19. Luc. 14. suos. Luc. 14. Matth. 10. denique seipsum. Luc. 14. Marc. 8. Matth. 16. Relictis rebus & patre, secuti sunt Iesum.

IN FERIIS DIVI NICOLAI EPI-

SCOPÏ, EPISTOLA.

Ecce sacerdos magnus qui in diebus suis placuit Deo, & inuentus est iustus, *Eccle. 44. et 45.* & in tempore iracundia factus est reconciliatio. Non est inuentus similis illi, qui conservaret legem excelsi. Ideo iure iurando fecit illum Dominus crescere in plebem suam: benedictionem omnium gentium dedit illi, & testamentum suum confirmavit super caput eius. Cognovit eum in benedictionibus suis, conservavit illi misericordiam suam, & invenit gratiam coram oculo Domini. Magnificavit eum in conspectu regum, & dedit illi coronam gloria. Statuit illi testamentum sempiternum, & dedit illi sacerdotium magnum, & beatificavit illum in gloria, fungi sacerdote, & habere laudem in nomine ipsius, & offerre illi incensum dignum in odorem suavitatis.

IN hac Epistola beatus iste Christi confessor de tribus ab Ecclesia magnificè commendatur, quemadmodum olim sancti patres vet. test. à synagoga commendati sunt.

D. Nicolai à tribus commendatur.

Tria ad sacerdotale munus pertinent.

Quid docere debeat sacerdos.

Tabulae duae et quid per eas intelligendū.

Isa. 14.

Sacerdotes morales, sacerdotes peculiares, seu ministeriales.

1. Primum est veneranda sacerdotalis dignitas, Quæ notatur cūm dicitur: *Ecce sacerdos*. Tria sunt autem quæ ad sacerdotale munus pertinere noscuntur, videlicet. 1. Populum docere: de quo per Ezechielem. 44. Dominus loquitur, dicens, Sacerdotes populum meum docebunt, quid sit inter sanctū & pollutum, inter mundum & immundum, ostendent eis. Et rursum per Malachiam. 2. cap. dictum est: Labia sacerdotis custodient scientiam, & legem requirent ex ore eius. Hinc Leuit. 13. inter lepram & non lepram iudicandi facultas solis sacerdotibus per legem data est. Debet autem sacerdos docere quid faciendum, quid fugiendum & prudēter quid pollutum sit, quid sanctū discernere, quid proinde credendū sit, & quid sperandum. Debet quoq; docere populū sacerdos non ex proprii sensus adinventione, sed ex præscripto legis Dei. Vnde ad Moysen à Domino dictum est, Dabo tibi duas tabulas, & leges ac mandata quæ scripsi ut doceas filios Israël. Per duas tabulas vel legem veterem & nouam, vel duo charitatis præcepta possumus intelligere. Talis doctor Esdras olim fuit, de quo scriptum est Neem. 8. quod attulit legem coram multitudine virorum & mulierum, & aures omnis populi erant erectæ ad librum. Stetit autem Esdras super gradum lignēum quem fecerat ad loquendum, vnde etiam super omnem populum eminebat. Et legit in libro legis Dei distinctè & apertè ad intelligendū, & intellexerūt cūm legeretur. Debet quippe sacerdos docēs nō modò situ corporis, sed multò magis sublimitate mentis terrena transcendendo supra vulgus eminere, ne iure queratur propheta, dicens, Sicut populus, sic & sacerdotes.

2. Acceptum Deo sacrificium offerre. Considerandum hīc quosdam esse sacerdotes morales, & quosdam peculiares seu ministeriales. Primus per B. Petrum. 1. can. 2. dicitur: Vos estis genus electum, regale sacerdotium, gens sancta, populus acquisitionis (totam nimirum Ecclesiam sacerdotium sanctum compellans) offerentes, inquit, spirituales hostias acceptabiles Deo per Iesum Christum. Et Paulus ait, Hebr. 13. Per ipsum ergo offeramus hostiam laudis semper Deo, id est, fructum labiorum consentientium nomini eius. Beneficiæ autem & communionis nolite obliuisci, talibus enim hostiis promeretur Deus. Exhibeatis iterum, inquit Rom. 12. corpora vestra hostiam viuētem, sanctam, Deo placentem, rationabile obsequium vestrum. Quibus etiam per prophetam dicitur: Sacrificate sacrificium iustitiæ, & sperate in Domino. Quæ non solū ad sacerdotes peculiares seu ministeriales dicta sunt, sed ad Christi fideles vniuersos: debemus ergo pro peccatis nostris offerre Domino non modò nostra, vti quondam faciebat Israël secundū carnem, sed nos ipsos. Si quidem de corde

corde nostro offerre debemus peccati detestationem, & propositum vitæ melioris, de ore admissorum humilem confessionem, precationem, gratiarum actionem, & vocem laudis. De corpore verò mortificationem membrorum nostrorum quæ sunt super terram. Coloss. 3. & spontanæ crucis quotidianam baiulationem. Matth. 16. de ea nihilominus quæ extra nos est temporalifacultate, promptam & hilarem in pauperes erogationem. Proverb. 3. Honora Dominum de tua substantia, & de primitiis omnium frugum tuarum da pauperibus, &c. Considerandum tamen hæc sacrificia Deo minimè placitura, nisi fiant secundum legis præscriptum, hoc est, sine pelle ostentationis & iactantiæ: de qua Matth. 23. dicitur, Omnia opera sua faciunt vt videantur ab hominibus. Nam tales hic recipiunt mercedem suam, Matth. 6. Sine melle propriæ complacentiæ, propter quam Pharisei decimæ & ieiunia Domino non placuerunt, sicut patet, Matth. 18. cum iuxta sententiam B. Iob impietas sit maxima. Iob. 31. Sine felle iracundiæ, odij, seu cuiusvis amarulentiæ; quia Dominus in Evangelio dicit, Matth. 5. Si offers munus tuum ad altare, & recordatus fueris quia frater tuus habet aliquid aduersum te, &c. Sine fermento cuiusvis peccati & irrequietæ conscientiæ, sicut docet Apostolus. 1. Corint. 5. Auferte, inquit, malum ex vobis, &c. Debet proinde secundum eiusdem legis typum oblatio nostra nonnullis fulciri circumstantiis, vt sit accepta. Leuit. 2. Debet fieri primò cum thure orationis, iuxta Psalm. Dirigatur, inquit, oratio mea, sicut incensum in cōspectu tuo Domine. Debet fieri cum sale discretionis, vt ne quid nimis, sed rationabile obsequium nostrum, Rom. 12. Debet fieri cum sanguine, id est, recordatione passionis, & effusi sanguinis Christi Domini redemptoris, non enim nisi per virtutem oblationis suæ, prodesse nobis potest, aut esse Deo gratum quicquid obtulerimus patri. Ipse est enim altare nostrum, super quod solùm legitima Deo sacrificia possunt offerri. Nam sine fide impossibile est placere Deo, Hebr. 11. Debet tandem fieri nostra oblatio cum capite & cauda, Leui. 3. & 22. quo nimirum perseverantiæ virtus commendatur. Non enim qui quantumlibet benè inchoauerit, sed qui perseverauerit vsque in finem, saluus erit, Matth. 10. Et hæc de sacerdotibus moralibus & sacrificio eorum.

Pro peccati offerendum & quomodo.

Quæ sacrificia Deo minimè placent.

Leuit. 2.

Oblatio quibus circumstantiis fulciri debet.

Porro sacerdotes peculiare seu ministeriales sunt, qui ad ministrandum in Ecclesia sunt legitimè consecrati, quorum munus sine graui sacrilegio sibi vendicare non potest, quisquis hoc modo sacerdos non est. Patuit hoc olim in Ozia rege. 2. Paralipom. 26. qui plaga lepræ à Deo percussus & à regno abiectus est, quia inconcessum munus sacerdotis elatus

Sacerdotes ministeriales, qui

superbia in domo domini vindicare sibi non timuit. Sacerdotibus istis per Zachariam 2. cap. Dominus loquitur, dicens, Qui vos tangit, quasi pupillam oculi mei tangit. Quibus & per semetipsum, ait, Luc. 10. Qui vos audit, me audit; & qui vos spernit, me spernit. In fauorem illorum Deut. 17. scriptum est, Qui superbiuit nolens obedire sacerdotis imperio, qui eo tempore ministrat, ex decreto iudicis morietur homo ille, vt nullus deinceps intumescat superbia. Quod insuper à populo sustentandi sint, Deut. 18. exprimitur. Non habebunt sacerdotes & Leuitæ partem & hæreditatē cum reliquo Israël, quia sacrificia domini & oblationes eius comedent, & nihil aliud accipiet de possessione fratrum suorum. Dominus enim ipse est hæreditas eorum. Hinc etiam per Oseam dicitur 4. cap. Peccata populi mei comedent.

Tertium munus sacerdotale.

3. Ad sacerdotale munus pertinet, populum peccatorem precibus & sacrificio Deo reconciliare, vnde Leuit. 4. legitur: Si omnis turba filiorum Israël ignorauerit, & per imperitiam fecerit contra mandatum Domini, rogāte pro eis sacerdote, propitiū erit eis Dominus. Si peccauerit princeps, & fecerit quod lege domini prohibetur, rogabit pro eo sacerdos, & pro peccato eius, & dimittetur ei. Quod si peccauerit anima per ignorantiam de populo terræ, vt faciat quicquam de his quæ domini lege prohibentur, atque delinquat, & cognouerit peccatum suum, rogabit pro ea sacerdos, & dimittetur ei. Hinc rursus de eisdē Ioël. 2. dicitur: Inter vestibulum & altare plorabunt sacerdotes ministri domini, & dicent: Parce domine, parce populo tuo, & nede hæreditatem tuam in opprobrium, vt dominantur eis nationes. Itaque veri sacerdotis munus est diuinam clementiam pro peccatoribus interpellare. Hoc munere functus est Moses Exod. 32. orans pro populo. Vnde & in laudem eius decantat Sirac: In tempore iracundiæ magni est æstimatus, hoc est, factus est reconciliatio. Et quantum valeat pro populo sacerdotis deprecatio, patet Num. 16. in Aarone, qui cum ex iussu Moysi cum thuribulo medius inter Deum & populum, & inter mortuos & viuētes cucurrisset, plaga cessauit. His tribus muneribus sacerdotalibus peroptime functus est in Ecclesia B. Nicolaus.

Magnitudo virtualis triplex. Corporalis.

2. Secundum est magnitudo virtualis huius B. Confessoris Christi, quæ notatur in hoc verbo, *Magnus*. Quocirca considerandum est triplicem esse magnitudinem, à qua homines diuersimodè magni denominantur. Vna est magnitudo corporalis, qua illud dicitur magnum, quod est mole corporis distentum: à qua quidem magnitudine nullus sanctorum commendatur, quasi propter illam sanctior, imò potius magnitudo hæc in hominibus plerumque impedit sanctitatem. Mens enim tanta mole

moles carnis grauiter hebetatur, sicut scriptum est Eccle. 9. Corpus quod corrumpitur, aggrauat animam: & quanto nutritur impensius, tanto grauiora bella molitur aduersus spiritum. Ca- ro concupiscit aduersus spiritum, &c.

Alia est magnitudo moralis, qua illos dicimus magnos, vel *Moralis*, qui magnis sustulti sunt diuitiis, vel magnis sublimati honori- bus, vel magna vigent potentia: aut magni nominis vmbra, aut magna nobilitate, vel quauis alia humana seu mundana dignitate, quasi magni vulgi opinione celebrantur. Hinc de B. Iob, ubi diuitiarum eius mentio agitur, sic scriptum est, Iob. 1. Erat vir ille magnus inter omnes Orientales. Hac etiam magnitudine grandis ille erat, cui dicitur à Domino per Na- than prophetam. 2. Reg. 7: Feci tibi nomen grande, iuxta no- men magnorum qui sunt in terrâ. Hæc quoque magnitudo non modò ad sanctitatem non proficit, sed potius aduersatur sanctitati. Sicut patuit in Salomone 3. Reg. 11. cui diuitiarum & voluptatum magnitudo, exitium peperit: per hæc enim deprauatum est cor eius.

Est proinde magnitudo spiritualis, quæ ad similitudinem *Spiritualis*, dictarum magnitudinum accipitur, qua magnos dicimus, qui magnas & multas animi virtutes quasi opes habent spirituales: hac magnitudine sancti denominantur magni: Sic nimirum ab hac magnitudine mulierem fortem atque prudentem Sa- lomon commendat, dicens, Prouerb. 31. Multæ filia congre- gauerunt diuitias, tu supergressa es vniuersas. Et sicut corpus aliquod magnum dicitur à latitudine, longitudine & profun- ditate, sic spiritus suo modo hac trina dimensione moraliter intellecta, magnus censetur, qui videlicet habet longitudinem, latitudinem, & profunditatem, de qua pulchrè agit Aposto- lus Ephes. 3. qui eadem epistola, cap. 4. vult nos adolescere in virum perfectum, & crescere in illo per omnia, qui est caput Christus. Idem vult B. Pet. 1. cano. 2. cap. Ad hanc magnitu- dinem creuit. s. Nicolaus.

3. Tertium est acceptabilitas, si sic dici fas sit, seu gratia coram Deo, qua Confessor hic beatissimus fuit Deo acceptus, quæ no- tatur cum dicitur, *Qui in diebus suis placuit Deo*. Contigit autem placere hominibus, sibi ipsi, & Deo.

Quoniam autem hominum quidam mali, & quidam boni sunt: Præuis hominibus non nisi malis artibus & scelere place- re quis potest? Nullos enim approbant aut diligunt nisi studiis suis & vitiis conformes. Vnde Apost. Gal. 1. Si adhuc homini- bus placere, Christi seruus non essem. Bonis autem placere propter finem bonum (quale est fomentum mutuæ charitatis) commendabile est. Vnusquisque, inquit Paulus, proximo suo placeat in bono, Rom. 13.

*Placere sibi
ipſi, quid.*

Porro ſibi ipſi placere vanum & coram Deo deteſtabile eſt. Id enim eſt cūculari manum propriam, quod ſecundum B. Iob ſententiam, eſt impietas maxima, & abnegatio contra Deum altiſſimum, Iob. 31. Talis erat qui ait: Non ſum ſicut cæteri hominum, &c. Mat. 18. Sed qui ſe exiſtimat aliquid eſſe cū nihil ſit, ipſe ſe ſeducit, Gal. 6.

Placere Deo.

Placere autem Deo, appetere debet homo ſuper omne præmiū, etiam ſi propter hoc cæteris omnibus diſpliceret, hoc enim appetere, ambitio ſancta eſt. Nam Dei gratia ſummis ſtudiis eſt ambienda, hoc rogat, hoc ipſum obſecrat Apoſt. 1. Theſſal. 4.

Poſſumus autem Deo placere in diebus noſtris, id eſt, ad vſum nobis conceſſis. Qui nimirum noſtri idcirco dicuntur, quod iis vtimur prout libet, ſive in bonis operibus, ſive malis. Dies iſti ad æternitatem collati, breves, imò quaſi momentanei ſunt. Complevit autem ſanctus iſte Chriſti confeſſor hos dies ſuos in bono, & annos ſuos in gloria.

*Tres Deo pecu-
liariter place-
runt.*

Tres, ſcriptura teſte, cognouimus Deo peculiariter placuiſſe: Enoch, de quo ſcriptum legimus Gen. 5. quod cum Deo ambulauit, & tranſſatus eſt in paradifum. Noë, qui fecit omnia quæ præcepit ei Deus, & iuſſus à Domino fecit arcam, vt hominum atque cæterorum ſemen animantium ab aquis diluuij ſalvaretur in ea, Gen. 6. Et Abraham, qui Deo placuit, & gratiam inuenit coram eo. Nam ad præceptum Domini terram ſuam, & cognationem, & domum patris ſui relinquens, venit in terram peregrinā. Contra ſpē proinde in ſpem credidit, nec heſitauit diſſidentia, cū illi Deus, quæ videri poterant impoſſibilia, polliceretur, quod videlicet ex vxore ſterili & iam tunc nonagenaria viro centū annorū filius naſceretur. Gen. 12. 15. & 18. Horum itaq; exemplo poſſumus & ipſi Deo per tria placere. Primò, Dei mandatorū obſervatione, cum Enoch: qui, vt dictum eſt, cum Deo ambulauit, de virtute in virtutem proſi- ciendo: vt ſicut ille in paradifum raptus eſt, ita & nos, ſi velimus ad vitam ingredi, ſeruemus mandata, Mat. 19. Secundò, propriæ conſcientiæ ædificatione, exemplo Noë arcam ſaluationis ædificantis. Hæc enim arca conſcientiam bonam & mundam non abſurdè ſignificat, quæ nimirum ſaluare nos poteſt, ne in æternæ perditionis abyſſum demergamur. Hæc eſt enim volūtas Dei, ſanctificatio noſtra, 1. Theſ. 4. Deniq; placere Deo poſſumus fide recta, & firma in Deum ſpe, exēplo Abraham: quod utiq; fiet, ſi terrenarum rerum amorem derelinquentes, populū noſtrum & domum patris obliuiſcamur, verbo Dei pleniffimā accommodantes fidem, etiam in his quæ non videntur, ſicut ille credidit Deo filium ſibi Iſaac promittenti. Reliqua induſtrio

*Deo per tria
placere poſſu-
mus.*

*Arca Noë
quid denotat.*

Concionatori perſcrutanda committimus.

EPILOGVS.

1 Quemadmodum Iesus Siracus in calce sui libri veteris Testamenti herodas laudibus in calum euehit, ita nimirum Ecclesia instinctu Spiritu sancti diuos suos multis encomiis celebrat. Nec id absurde, cum etiam Turca Spiritu Dei vacui, imò etiam Saraceni, non solum sanctos patres eos, Enochum, Abrahamum, Moysen magnificent, sed & noui Testamenti plerosque, iuxta Ecclesia cantica reuerentur: Restordecet collaudatio, inquit Psalm. 3 2^a.

2 Ecclesia laudat sanctos patres, ad confirmandam legitimam vitam, & ad instituendos eorum exemplo nostros mores, ut iuxta Poeticum dictum, Patres sequantur sua proles.

3 Nullius cultus diuui gratior exhiberi potest, quam ut Christianus quisque pro viribus studeat sese conformem reddere sanctis illorum moribus, ne frustra gloriemur de patribus nostris, quemadmodum olim Iudaei falso se habebant de patre suo Abrahamo, cuius sanctissima vita nec minimum apicem consequuti sunt. Ioan. 8.

IN FERIIS EIVSDEM

EVANGELIUM.

In illo tempore dixit Iesus turbis parabolam hæc: Homo quidam nobilis abiit in regionem longinquam accipere sibi regnum, & reuerti. Vocatis autem decem Luc. 19. seruis suis dedit eis decem mnas, & ait ad illos, Negociamini dum venio. Cuius autem eius edarant eum: & miserunt legationem post illum, dicentes, Nolumus hunc regnare super nos: Et factum est ut rediret accepto regno: & iussit vocare seruos, quibus dedit pecuniam: ut sciret quantum quisque negotiatus esset. Venit autem primus, dicens, Domine, mna tua decem mnas acquisiuit. Et ait illi, Euge bene serue, quia in medico fuisti fidelis, eris potestatem habens super decem ciuitates. Et alter venit, dicens, Domine, mna tua fecit quinque mnas. Et huic ait, Et tu esto super quinque ciuitates. Et alter venit, dicens, Domine, ecce mna tua quam habui repositam in sudario: Timui enim te, quia homo austerus es: tollis quod non posuisti, & metis quod non seminasti. Dicit ei, De ore tuo te iudico serue nequam, sciebas quod ego homo austerus sum, tollens quod non posui, & metens quod non seminavi: Et quare non dedisti pecuniam meam ad mensam, & ego veniens cum usuris utique exegissem illud? Et astantibus dixit, Aufer te ab illo mnam, & dato illi qui decem mnas habet. Et dixerunt ei, Domine, habet decem mnas. Dico autem vobis, quia omni habenti dabitur & abundabit: ab eo autem qui non habet, & quod habet, aufretur ei eo. Veruntamen inimicos meos illos qui noluerunt me regnare super se, adducite huc: & interficite ante me.

HVIVS Evangelij parabola complectitur tria.

Primo, prudentiam nobilis patrisfamilias, qui res suas prudenter administrat, ne ipsi sint damno, sed magis emolumento.

Christus paterfamilias.

Est autem hic paterfamilias dominus noster Iesus Christus rex regum, & dominus dominantium, Apoc. 19. Qui per suam passionem, mortem, resurrectionem & ascensionem, in longinquam regionem, hoc est, in cælum profectus est, vnde in die iudicii reuertetur. Act. 1. Hic Iesus qui assumptus est à vobis in cælum, sic veniet quemadmodum vidistis eum euntem in cælum.

Quia Christus ante ascensionem fuerit.

Fecit autem tria ante suam profectioem: Primum vocavit decem seruos suos, hoc est, Apostolos, Episcopos, Pastores ac reliquos operatores suos. Secundo dedit & distribuit illis bona sua, nempe, unicuique donum suum, vt docet Paulus. 1. Corin. 12. Tertio ait illis, *Negotiamini dum venio: vt cum rediero, recipiam à vobis pecuniam meam cum sanore.* q. d. Hæc mea bona vobis trado, non vt prodigatis, vel seruetis apud vos otiosa, sed vt negotiatione crescant, videlicet vt reuersus reperiam rem adauctam. Huic dominicæ sententiæ consonat verbum Petr. 1. cano. 4. cap. Vnusquisque sicut accepit gratiam, in alterutrum illam administrantes sicut boni dispensatores multiformis gratiæ Dei.

Vnusquisque in sua vocatione negotiari bona fide debet.

Si legitime & bona fide, inquit, vnusquisque in sua vocatione negotiemini, non poenitebit vos facti, sed amplissima præmia vos manent. Si verò negligenter, fraudulenter & illegitime vnusquisque in sua vocatione negotiemini, poenitebit vos facti, & in corpore & in anima poenas daturi estis. Sic enim ait Paulus. 2. Corin. 5. Omnes nos manifestari oportet ante tribunal Christi, vt referat vnusquisque propria corporis, prout gessit, siue bonum siue malum. Et B. Athanasius in symbolo: Ad cuius aduentum omnes homines resurgere habent cum corporibus suis, & reddituri sunt de factis propriis rationem. Et qui bona egerunt, ibunt in vitam æternam, &c. Ioan. 5.

Nemo enim hominum in terris agit ad eum infirmus, tenuis fortunæ, exiguus & vilis, qui non à Deo gratuitum aliquod beneficium & donum acceperit, de quo ratio reddenda est ipsi quo modo eo vsus sit. Ephes. 4. Ascendens in altum, captiuam duxit captiuitatem, dedit dona hominibus.

2. Complectitur mores & ingenium seruorum fidelium & infidelium. Sunt autem serui fideles, qui diligenter officio suo perfunguntur, agentes quæ ipsos decet, & rerum suarum interest, & serid res suas agunt: imo ad singulas horas dominum suum expectant, quando sit venturus. Luc. 12.

Serui oscitantur.

Sunt autem serui infideles, qui negligenter & oscitanter officio suo perfunguntur, non agentes quæ ipsos decet, & rerum suarum interest, sed absente domino suo belluinam agunt vitam, vorando, ingurgitando, dilapidando: & multorum peccatorum sunt authores, loco poenitentiae abutentes in superbiâ, Iob. 14.

Agunt

Agunt autem fideliter, qui ad reddendam rationem semper parati sunt: Exemplo sunt Samuel propheta fidelis Domini. *Fideliter agunt qui ad reddendam rationem sunt semper parati.* 1. Reg. 12. Dauid fidelis rex Iuda & Ierusalem, Psal. 88. Act. 13. Salomon rex filius Dauid, magnificum extruxit templum, atque præstantissimum instituit cultum, 3. Reg. 6. & 8. 2. Paral. 6. Prophetæ qui mandata dñi populo prædicarunt, Isaias, Ieremias. Christus ipse seruus seruorum, qui venit omnes homines saluos facere: & diuina illa dona, quæ in plenitudine accepit, cum fœnore patri reddidit. Apostoli quoque, qui fuerunt fideles serui Domini, prædicantes & docentes omnes gentes penitentiam in remissionem peccatorum. Luc. 24.

Infideliter autem agunt, qui officio sibi commisso abutuntur, persequendo & profigando conseruos & domesticos. *Infideliter agunt qui officio sibi commisso abutuntur.*

3. Præfens Euangelica parabola completur mercedem bonorum & malorum. Vnusquisque propriam mercedem accipiet secundum suum laborem, ait Apost. 2. Cor. 3. Redeunte enim Christo summo iudice in nouissimo die, quatuor genera hominum coram eo apparebunt: nempe, tres serui: quartò, ciues immorigeri, à quibus exigit rationē. Nam ad primum seruum, qui vna mna decem lucratus fuerat, dixit, *Euge serue bone & fidelis, &c.* Ad secundum, qui vna mna quinque lucratus fuerat, dixit, *Euge serue bone, &c.* Ad tertium qui mnas Domini absconderat in ludario, dixit, *Serue nequam, &c.* Et astatibus dixit: *Auferte ab illo mnas, & date illi qui decem mnas habet, &c.* De ciuibz illis immorigeris dixit: *Veruntamen inimicos meos illos, qui noluerunt me regnare super se, adducite huc, & interficite ante me.* *Hæretici notantur.*

Hi serui & ciues adumbrant quatuor genera hominum.

Primus seruus significat homines qui donis suis, nempe, fide, charitate, spe, iustitia, scientia, humilitate, ac reliquis pro virili vsi sunt ad Dei honorem, & proximi commodum, aded vt auxerint Dei succurrente gratia suam iustitiam, donec videant Deum in Sion, Psalm. 83. In hoc genere sunt Moses, Patriarchæ, Prophetæ, Apostoli, Paulus, Stephanus, atque martyres, qui fuere fideles dispensatores mysteriorum Dei. 1. Cor. 4. *Doctrina pro ministris diuini verbi.*

Secundus seruus significat homines qui in sincera fide & charitate officium suum faciunt, & inculpabilem vitā agunt, omnibus bonum præbentes exemplum. 1. Timot. 4. In hoc genere sunt prisci illi patres, Ecclesiæ lumina, Augustinus, Ambrosius, Basiliius, Chrysostomus, Cyrillus, &c.

Tertius seruus significat homines qui vocationem suam neglecti habent, aliud agentes, quàm à Domino ipsis est mandatum: qui verè bona opera diuini præcepta omittentes, vitam in peruersis ac vitiosis operibus trāsfigunt. In hoc genere sunt Iudeorum pontifices, Pharisei, Sadducei, & mali Episcopi, atq;

peruerſi paſtores noſtri temporis, ac denique omnes tum ſacerdotes, tum ſeculares, qui quæ ſuæ ſunt vocationis negligunt.

Hæretici verbum Dei contemnunt & eccleſiam.

Ciues inobedientes ſunt hæretici, qui verbum dei contemnentes, Eccleſiam ſponſam Chriſti, fidelium matrem criminantur, & contumelia afficiunt, Euangelium corrumpunt, veritatem perſequuntur, miſeras animas rudium ſeducunt ac perdunt. Hi dicunt ſe nolle habere Chriſtum qui regnet ſuper eos ſed diabolum. In hoc genere ſunt Iudæi, apoſtatae, Turcæ, Mauri, Gentes, Lutherani, Brentiani, Caluiniſtæ, Anabaptiſtæ, ac reliqui hæretici. Quauis enim hæc parabola peculiariter notare videatur Iudæos, qui dixerunt, Non habemus regem niſi Cæſarem, Ioan. 19. concludit tamen omnes qui non obediunt Euangelio, qui pœnas dabunt in interitum æternas, à facie domini, & à gloria virtutis eius, cum venerit glorificari in ſanctis ſuis, & admirabilis fieri in omnibus qui crediderunt. 2. Theſſ. 1. Et Apocalyp. 21. Timidis autem & incredulis & execratis & homicidis, & fornicatoribus, & veneficis, & idololatræ, & omnibus mendacibus, pars illorum erit in ſtagno ardenti igne & ſulfure, quæ eſt mors ſecunda.

Serui fideles.

Ex his ergo fideles ſerui honorificè commendantur verbis, deinde ampliſſimis præmiis remunerantur, Luc. 12. Beati ſerui illi, quos cum venerit dominus, inueniet vigilantes. Amen dico vobis, quod præcinget ſe, &c. Infidelis ſeruus verbis aſperis increpatur, & ab eo quicquid habet aufertur, aliique traditur, vt nihil retineat, nihil quoque præter iram & inclementiam reportet. Ignauus enim ſeipſum & dono reddit indignum, & merito ac præmio ſempiterno.

Serui infideles

In hæreticos iudicium.

Ciues immorigeri, hoc eſt, contemptores & perſecutores verbi & Eccleſiæ Chriſti, occiduntur poena ignis æterni. Pronuntiabit enim Chriſtus in eos ſententiam, Diſcedite à me maledicti in ignem æternum. Ad fideles autem dicit, Venite benedicti Patris mei, poſſidete paratum vobis regnum à conſtitutione mundi: nempe, vitam æternam. Matth. 25. Nemo ergo negligat gratiam quæ in eo eſt, 1. Tim. 4. Sed dum tempus habemus, operemur bonum ad omnes, Galat. 6. bonum autem facientes, non deficiamus: tempore enim ſuo metemus non deficientes.

EPILOGVS.

1 Parabola de homine clauo, de regno Chriſti agit, hoc eſt, de regno Euangelico, in quod ſermone predicationis publicani, meretrices, milites, Græci, Romani, Scythæ, Galli, Gotti, Sarmatæ, Germani, ac omnes ſunt attrahendi. Hinc & Agarenicè & Arabicè nobis ſtudendum eſſet, ne quid dicam de tribus celebribus linguis, Hebræa, Græca & Latina, vt Turcas & Agarenos aliquando in obedientiam fidei attrahere poſſemus, fides enim

enim per auditum fit, cui inseruit lingua. Es pudor est ingens, cum duodecim Apostoli seu fermentum in tria sata farina positum, totum orbem fermentaret, quod nos Christiani innumerabiles adeo patrum aut sanè nihil fructificamus.

2 Potest etiam Regio longinqua Ecclesia gentium apè intelligi. Nam preclarus ille homo Christus abiit, ut plenitudo gentium intraret, reuertetur ut omnis Israël saluus fiat, Rom. 11.

3 Doctrina pro ministris verbi, ut in negotio predicationis Evangelica simus quàm maxime fideles & industrij, & multos lucrificamus Christo, sic reportaturi immarcescibilem coronam, cum princeps pastorum redierit Christus Iesus verus homo nobilis & clarus. Aliqui Dei munus amittit, qui habens non habet, id est, eo non utitur: & eo augetur qui habens habet, id est, bene utitur.

IN FERIIS CONCEPTIONIS B. MARIAE

TAE MARIAE SEMPER VIRGINIS,

EPISTOLA.

Benedictus Deus & Pater Domini nostri Iesu Christi, qui benedixit nos in *Ephes. 1.*
bona benedictione spirituali, in celestibus, in Christo: Sicut elegit nos in ipso ante mundi constitutionem, ut essemus sancti & immaculati in confectis eius in charitate. Qui predestinavit nos in adoptionem filiorum per Iesum Christum, in ipsum secundum propositum voluntatis suae. In laudem gloriae gratiae suae, in qua gratificavit nos in dilecto filio suo.

PERICOPE illa, qua per gratulationem D. Paulus pro solemnini suo modo exorditur, quoque digna est, quæ Apostolica recordationi deputeretur. Nam & summam & utilitatem Apostolica predicationis pulchrè tradit, & de nostro nos officio, nempe gratæ celebrationis, simul docet. Ordo ita habet.

Cùm in Evangelio prædicentur maxima Dei beneficia, loquitur diuus Paulus.

1 De ipsorum genere, quæ & qualia sint, nimirum quo ad numerum cumulatissima: quo ad formam solidissima: & quo ad gradum eminentissima, quando ait: *Deus benedixit nobis omni benedictione spirituali in celestibus.* Idque probat una voce, Christo. Nam reuera dato Christo, dantur nobis talia, nempe, Dei lucidissima iucundissimaque paterfactio, nostri à peccato, lege, morte, inferno, satana, & ira Dei, liberatio. Vtrorunque planè optatissima & firmissima inter se coniunctio, cum & Deus homo factus sit, & homines propter Christum diuinitatis atque omnis opulentiae eius sint consortes: vel ut Paulus ait, dantur nobis dato Christo, sapientia, iustitia, sanctitas, & redemptio. *2. Pet. 1. 1. Cor. 1.*

Talia nusquam habet mundus, cuius bona sunt paucissima, unde nunquam satiant: sunt fallacissima, unde *Eccl. 1. & 2.*

1. *Timoth. 6.*

bullæ, fumus appellantur, sunt abiectissima, unde nihil nisi terram sapiunt, subque terram trahunt: neque Moses talia præbet, ut qui plus minarum quam promissionum habeat: quodque habet, non de suo, sed de Christo habeat: velis, typis, umbris & figuris gaudeat, pædagogica bona, Chanaan, mel & lac & cætera temporalia atque corporalia magis vrgeat. Rectè igitur Paulus in Euangelio ait exhiberi copiosissima, sincerrissima, præstantissimaque bona.

2. Paulus loquitur de ipsorum beneficiorum donatione, quomodo nobis dentur. Vbi ista perpendenda. 1. Initium eius liberalitatis, quando nimirum coeperit, nunquam autem coepit: ab æterno sumus electi ad salutem, & prædestinati ad salutis dispensationem, ætæ rerum, temporum, id est mundi fabricatione.

E quo cernitur. 1. Dei natura, quæ hæc nihil aliud sit, quam ardentissimus amor atque charitas, ut Iohannes ait. 2. Dei opus ante creationem. Queritur, quod nam sit? Respondeo, vni geniti filij generatio, & cæterorum filiorum adoptatio. Quanta verò illa est foelicitas, quàm inexplicabilis nostra gloria! 3. Salutis certitudo, ut quæ ratione largientis nunquam coeperit, ex æterno sinu semper fluxerit. Abiit ergo Sophistarum anxia hæsitatio. 4. Meriti prætexendi nimia vanitas: etenim cum natura nostra præuertatur, quidni omnis etiam nostra dignitas excludatur? valeat ergo Sophistarum tumida arrogantia.

3. Causa, quæ Deum impulerit, ipse sese Deus, ob beneplacitum suæ voluntatis, & immensum pondus opulentæ suæ gratiæ. Inde igitur primò salus nostra validissimè stabilitur. Nam quâdiu Deus ipsum sese non impugnat, id est, Deus est, immota manet etiam nostra salus. Vbi igitur denuò horum Sophistarum dubitatio? Secundò, omnis dignitas, siue præsens, siue secutura, hinc excluditur, ubi igitur denuò Sophistarum gloriatio? 4. Medium, per quod tanta bona obueniant. Solus nempe Christus, in quo naturali filio sumus adoptati, gratioso admati, obsequente expiati.

*Finis ad quem
donatio refe-
renda, duplex.*

4. Finis ad quem donatio referenda. Est autem duplex: Prior quod ad nos, videlicet sanctitas, eademque inculcata per dilectionem. Hinc ergo sanctitas 1. non est causa salutis, sed cum finis, quia exigitur: tum effectus, quia per spiritum Christi efficitur. 2. Nulla est extra Christum, atque electorum cœtum. 3. Non extinguitur, ut nonnulli conqueruntur, sed accenditur prædicatione electionis atque Euangelij. 4. Necessaria est, nec sub prætextu electionis omittenda. 5. Vera, non fucata sit oportet, ut quæ ambulet coram Domino. 6. Feruida, non inutilis sit oportet, ut quæ charitate constet, non externo habitu.

Posterior, quo ad Deum: videlicet gloria gratiæ Dei, quia nec creatio neque sustentatio sic illustrent gratiam Dei, sicut nostra

nostra beatificatio. Et hic supremus finis est, ut cuncta à Deo fluant, inque Deum refluant. Atque hic Apostolus propter maiorem vehementiam bis per ordinem hunc decurrit, semper initij, causæ, medij, finis alicuius mentionem faciens, ut in textu vides.

Potèd hac doctrina quid succinctius, certius, & perpetua celebratione dignius? Nihil quidem fuimus, sed electi fuimus, ut essemus per creationem, utque bene beateque haberemus per vocationem, in qua Christus, cumque Christo omnia offeruntur: ea tamen lege, ut sanctè ambulemus, non quoquicquā mereamur ex nobis, sed quo partis perfruamur: magna igitur est & nostræ felicitatis, & benignitatis Dei gloria: nos utranque semper prædicemus. Rom. 6.

EPILOGVS.

1 Salus nostra ex electione Dei, ut qui gloriatur, in Domino gloriatur. 1. Cor. 1. ut sciant sancti se non posse excidere.

2 Electionem sequuntur verba & Deo placens vita, in qua fides per charitatem operatur. Nam fideles vocationem & electionem suam firmam faciunt operibus fidei, 2. Pet. 1.

3 In Christo dilecto filio Dei, est redemptio per sanguinem eius, in remissionem peccatorum, ne quis gloriatur in operibus.

IN FERIIS EIVSDEM APOSTOLI,

EVANGELIVM.

IN illo tempore: Thomas autem unus ex duodecim qui dicitur Didymus, non erat cum eo quando venit Iesus. Dixerunt ergo ei alij discipuli: Vidimus Dominum. Ille autem dixit eis: Nisi videro in manibus eius fixuram clavorum, & mittam diguum meum in locum clavorum, & mittam manum meam in latus eius, non credam. Et post dies octo iterum erant discipuli eius intus, & Thomas cum illis. Venit Iesus ianuis clausis, & stetit in medio, & dixit: Pax vobis. Deinde dicit Thomas: Infer digitum tuum huc, & vide manus meas, & adfer manum tuam, & mitte in latus meum, & noli esse incredulus, sed fidelis. Respondit Thomas & dixit ei: Dominus meus & Deus meus. Dicit ei Iesus: Quia vidisti me Thomas, credidisti: Beati qui non viderunt, & crediderunt. Ioan. 20.

HISTORIA huius Euangelij continet tria.

1. Primum, incredulitatem Thomæ, quæ elicitur ex tribus: Thomas incredulus.

1. Conversatus diu cum Christo, eius diuinas conciones audierat, miracula viderat, Christumque suam mortem prædicentem audierat: Filius hominis crucifigetur, & tertia die resurget. Luc. 18.

2. Audierat à mulieribus Dominum resurrexisse. Luc. 24.

3. Audierat quoque à condiscipulis quoddam dicerent, Vidimus Dominum, Ioan. 20. Sed hæc omnia obstinato animo negabat, dicens, Nisi videro in manibus eius fixuram clavorum, &c. non credam. Non enim considerabat Dei potentiam, nec recordabatur verborum Domini, quibus passionem & resurrectionem prædixerat. Vnde suspicabatur illos ludificatos fuisse aliquo phan-

phantasmate, & idē negabat se crediturum, nisi testibus oculis & manibus. Hac responsione committit triagratia peccata. 1. Sentit de Christo, quod sit simplex homo, qui semel mortuus, non sit resurrecturus. 2. Arguit mulieres & discipulos mendacij. 3. Christi verba & miracula pro vanissimis nugis dicit.

Videntur hac ratione Pontifices, Annas, Caiphas, Pharisei, & Scribæ maiorem fidem habuisse de Christi resurrectione, quàm Thomas. Nam crediderunt custodibus sepulchri, dicentibus Christum surrexisse: dederuntque illis pecunias, vt dicerent quod discipuli illum nocte furati essent: quod profectò nunquam fecissent, nisi custodibus Christum à mortuis surrexisse affirmantibus fidem adhibuissent.

Matth. 28.

Bonitas & sollicitudo Christi erga Thomam.

2. Continet bonitatem & sollicitudinem Christi erga Thomam, quæ deprehenditur ex tribus. 1. Apparet illius causa, vt ipsum ad fidem adducat, & in eo articulum resurrectionis confirmet. 2. Sinit se tangi, & ait: *Insere digitum tuum huc, & vide manus meas, & asser manum tuam, & mitte in latus meum.* 3. Facit ex incredulo beatissimum Apostolum, ac certissimum resurrectionis suæ testem. Nam eius incredulitatem sciebat non ex malitia, quemadmodum Phariseorum & Scribarum, sed ex infirmitate humana provenire: ideoque eam sanare dignatus est, iuxta illud Psal. Cum ceciderit iustus, non collidetur, dominus enim supponit manum suam. Licet enim superauerit passionem, non tamen compassionem amisit.

Psal. 36.

Inspectio & contrectatio Thomæ in vulneribus & cicatricibus Christi.

Nam inspectio & contrectatio Thomæ in vulneribus & cicatricibus Christi, tam firmum ac solidum fundamentum fidei nobis iecit, vt deinceps vltra nemo hominum de resurrectione Christi dubitare possit. Vnde Gregor. pulchrè hinc rationem reddit, quam ob causam Thomas abfuerit quando venit Iesus. d. Ideo defuit Thomas, vt post veniens audiret, audiens dubitaret, dubitans palparet, palpando crederet, & vt dum vulnera tangeret magistri, in nobis cicatrices curaret infidelitatis. Plus enim nobis incredulitas Thomæ profuit, quàm reliquorum subita fides, dum ipsius dubitatione animus noster est in fide confirmatus. Idem fermè adfert Beda: Thomas, inquit, qui dubitavit, mihi plus profuit, quàm Magdalena, quæ citò credidit. Sic diligentibus Deum, omnia coöperantur in bonum.

Rom. 8.

Matth. 1.

Noluit tamen Christus in hoc seculo sese singulis diebus, nationibus, urbibus, pagis, & hominibus visibiliter conspicendum & palpandum obicere: sed selegit tantum. 40. dies post resurrectionem. in quibus voluit sese visibilem & palpabilem ostendere: non tamen cuius, sed solim Apostolis, qui testimonium perhiberent in Ierosolymis, Iudæa vniuersa, & Samaria, denique vsque ad extrema terræ. Non erat missus in propria per-

Matth. 1.

Luc. 24.

persona, nisi ad oues quæ perierant domus Israël, Matt. 15. Si roget quis, quare? Inscrutabilia sunt iudicia Dei, Rom. 11.

Matth. 15.
Rom. 11.
Thomas confessio.

3 Continet præsentem historiam confessionem Thomæ, & nominatam beatitudinem. Mox enim ut Thomas vidit Christum stantem in medio discipulorum: ut audiuit Christum dicentem: Noti esse incredulus, sed fidelis, utque tetigit Christum, mittens manum suam in latus eius, respondit, dicens: Dominus meus, & Deus meus. quasi dicat, Antè iudicaui te seruum omnium hominum, purum & simplicem hominem. Aded te humiliasti, ut pedes nostros lauares: cæcis, surdis, mutis, claudis inseruires, leprosos mundares, à Iudæis volentibus mortem tibi inferre, non semel fugeres, & ab iisdem etiam te capi, ligari, duci, illudi, flagellari, iudicari, actandem cruci affigi permitteres: nullumque in te diuinitatis argumentum superesse videbatur. Nunc autem per responsum tuum agnosco te esse non tantum verum hominem, sed & verum Dominum meum, & Deum meum, cui debeo omnem timorem, amorem, & honorem. Tanta namque euidentia veritatis victus, corde credidit ad iustitiam, & ore confessus est ad salutem, Rom. 10, Et quemadmodum prius fuit ad credendum difficilius, ita nemo clariùs Deum & hominem professus est.

1. Cor. 13.

Ad hæc respondit Christus, Quia vidisti me Thomas, credidisti: Beati qui non viderunt & crediderunt. Quibus verbis. 1. approbat fidem & confessionem Thomæ, & occultè taxat incredulitatem & condemnationem Pontificum, Annæ, Caiphæ, Phariseorum, & Scribarum, Pilati, & Herodis, qui sapientius viderunt Christum, audierunt Christum, & cōuersati cum Christo fuerunt: nec tamen crediderunt, sed infideles usque in finem permanserunt. Hinc arguimur omnes, qui cum simus Christiani, in Ecclesia baptizati, educati, nutriti lacte verbi Dei, cumque frequenter viderimus Christum in sacramento Eucharistiæ, audiuerimus in Euangelis, in Missis, aliisque diuinis officiis, conuersati simus cum illo in sacramento confessionis, accesserimus ad diuinam eius mensam: nihilo minus à peccatis non abstinemus, quin quotidie magis ac magis prolabimur in grauissima quæque peccata. Utinam non puniamur cum Pilato, Anna, atque Caipha, &c. Si omnis prauaricatio & inobedientia accepit iustam mercedis retributionem, quomodo nos effugiemus si tantam neglexerimus salutem?

Christum Thomas fidem & confessionem approbat.

Hebr. 2.
Fides totius Ecclesiæ.

Deinde commendat fidem totius Ecclesiæ, & omnium illorum qui Christum oculis & auribus corporeis non viderunt nec audierunt, & tamen verbo Dei & Euangelio Christi credunt: quibus vicissim hunc habet honorem, & prædicat eos beatos. Nemo ergo iam dicat, Utinam fuisset temporibus illis, & Christum vidissem, Nam si volumus diuini oris pronuntiatione esse

1. *Pa. 1.*

esse beati, credamus, tametsi non viderimus, visuri quandoque gloriosius, quàm Thomas, & alij. In quem quoque nunc non videntes creditis: credentes autem exultabitis lætitia inenarrabili & glorificata; reportantes finem fidei vestræ, salutem animarum vestrarum. Quam & nobis concedat Iesus Christus. Amen.

*Matth. 13.**Luc. 10.*

Verba hæc consolationis sunt plena, ut quæ sacramentū magnum contineat. Nam Christus dixerat: Beati oculi qui vident quæ vos videtis, &c. Poterāt Christiani forsā trīstari, qui post Christi ascensionem nati sunt, ut qui Christum non vidissent incarnatū, ob idque ex Christi sententia dixissent se non fore beatos. At ne quis putet beatitudinē ex oculari corporis visione pendere: dicit nunc, Beati qui non viderunt, & crediderunt. Credere enim oportet accedētem ad Deum, &c. Beati erimus si credentes amauerimus. Aliās fides sine operibus mortua est. Si autem ocularis corporis visio beatos faceret, beati fuissent Pilatus, Annas, Caiphas, ac reliqui crucifixores. At fides quæ est oculus cordis, beatos facit.

*Hebr. 11.**Galat. 3.**Iaco. 2.*

EPILOGVS.

1. *Reg. 10.**1. *Reg. 10.***Ioa. 20.*

1 Quam noxium sit deesse bonæ congregationi, hic innōtescit. Saul inter Prophetas simul prophetauit, discipuli in eodem loco vnā conglomerati Spiritum sanctū receperunt. Item, Gausi sunt viso Domino. Sed Thomas tanto dono priuatus fuit, quia à sancto cætu recessit. Primum enim omnium gaudiorum priuatus est, quod aliās habuisset conspectus Dominū post tanta supplicia, & mortem ignominiosam, tanta cum maiestate ex mortuis resurrexisse. Vnde Bernard. Falleris, inquit, o Thoma, quando arbitraris te Christum inuenire extra cætum sanctorum, qui semper est in millibus angelorum. Partim tamen in hoc commendandus est, quod non adeo longe segregauit sese ab Apostolis, quin denuo reuersus sit. Quod vimam imitentur animales illi qui seipsos segregauerunt, eiūsq; exemplo reuertantur ad Ecclesiam Castiplicam, audientes vocem sponsi. d. Reuertere Synamitis, reuertere, &c.

Christus intra
cætum sancto-
rum inuenitur.

Cant. 6.

2 Dubitatio Thomæ profuit, quia electis omnia in bonum. Hinc enim plenius & diuinitatem & humanitatem Christi confitetur. d. Dominus meus & Deus meus.

3 Tacite vocationem gentium prædicit: Beati qui non viderunt & crediderunt. Hoc autem verbum summe nos consolatur, quod scilicet hi qui Christum non viderunt, & tamen credunt, æquē saluandi sunt, ut hi qui viderunt, imò tanto beatiores erunt, quanto minus viderint.

IN FERIIS STEPHANI PROTOMAR-

TYRIS EPISTOLA.

Act. 6. & 7.

IN diebus illis: Stephanus autem plenus gratia & fortitudine, faciebat prodigia & signa magna in populo. Surrexerunt autem quidam de synagoga, quæ appellabatur Libertinorum & Cyrenensium & Alexandrinorum, & eorū qui erant à Cilicia & Asia, disputantes cum Stephano: & non poterant resistere sapientia

sapientia & spiritui qui loquebatur. Dura ceruice & incircuncisis cordibus, & auribus, vos semper spiritui sancto resististis: sicut patres vestri, ita & vos. Quem prophetarum non sunt persequuti patres vestri? Et occiderunt eos qui prænuntiabant de aduentu iusti huius, cuius vos proditores & homicide fuistis: qui accepistis legem in dispositione angelorum & non custodistis. Audientes autē hæc, disscebantur cordibus suis, & stridebant dentibus in eum. Cum autem esset plenus Spiritu sancto, intendens in calum, vidit gloriam Dei, & Iesum stantem à dextro Dei, & ait: Ecce video calos apertos, & filium hominu stantem à dextris virtutis Des. Exclamantes autē voce magna, continuerunt aures suas, & impetum fecerunt unanimiter in eum. Et eicientes eum extra ciuitatē, lapidabant: & testes deposuerunt vestimenta sua sicut pedes adulescenti, qui vocabatur Saulus. Et lapidabant Stephanum inuocantem & dicentem: Domine Iesu suscipe spiritum meum. Positu autem genibus, clamauit voce magna, dicens: Domine ne statuas illi hoc peccatū, quia nesciunt quid faciant. Et cum hoc dixisset, obdormiuit in Domino.

IN HAC Epistola, B. Lucas Euangelista beatissimū protomartyrem Stephanum à tribus magnificè commendat.

1 Primò, à cælestis gratiæ plenitudine, cuius certissima testimonia erant signa & prodigia quæ faciebat, cum dicit: Stephanus autem plenus gratia & fortitudine. Vult dicere, quodd habuerit fidem veram ac fortem, quodd ex toto corde & omnia credenda crediderit. Hic admoneamur iam nos. i. vt & ipsi pleni ac fortes fide simus, non dubitemus de credendis, non oscitanter credamus, non solo ore & lingua fidem geramus. Cordeenim (vt Paulus inquit) creditur ad iustitiam: & vult agnosci colique Deus in spiritu ac veritate.

Stephanus veram fidem ac fortem habuit. Rom. 10. Ioan. 4.

Ex fortitudine verò fides cordis eius reluxit. Nam confessus est (vt ex longa illa oratione eius in concilio Sacerdotum habita colligere licet) Iesum Nazarenum esse verum Messiam patribus antiquis promissum, nec esse in re vlla salutem, nisi in hoc vno: Deum item non coli externo templo Ierosolymitano & cæremoniis sacrificiisque Mosaicis, sed fide, spiritu, ac vera vitæ innocentia. Hic igitur admoneri nos debemus primò, vt & ipsi fidem, quam tenemus corde, confiteamur ore coram omnibus: eo quodd ore confessio fiat ad salutem, teste Paulo.

2 Vt præcipuus sit confessionis nostræ scopus, Iesum esse verum Messiam, & vnicum orbis seruatorē, summumque & verum Dei cultum placitum consistere in fide, ac innocenti vita, non in externis cæremoniis, sed hoc postremū ita intelligi debet, non quodd cæremoniis piis haud sit nobis vtendum, sed ne in his fiduciam collocemus. Nam nec Stephanus templum ac cæremonias Mosaias per se damnauit, sed damnauit in Iudæis fiduciam in templum & cæremonias.

Fidei nostræ scopus.

Proinde Euangelista dicit edidisse D. Stephanum prodigia & signa magna in populo, facultas edendorum signorum seu miracu-

*Facultas ad-
dendū miracu-
lorum quibus
primum data.*

miraculorum data est à Christo primis Christianismi extru-
toribus, vt iis doctrina Euangelica & fides in Christum apud
incredulos confirmarentur: at posteaquam satis ex confirmatæ
essent, desierunt illa, neque necessaria amplius sunt. Verùm in
horum locum spiritualia à nobis signa prodigiaque fieri oportet,
quibus cordis nostri fidem testemur: quæ nempe erunt vita
innocens, sancti mores, opera verè bona, charitatis & misericor-
diæ exercitia. Non minus enim hinc, quàm ex miraculis, glori-
ficabitur Deus, & conuertentur impij.

*Matth. 9.
1. Pet. 3.*

2 Commendat B. Stephanum à claritate diuinæ sapientiæ,
cùm dicit, *Surrexerunt autem quidam de synagoga que appellabantur Li-
berinorum, & Cyrenensium, & Alexandrinorū, & eorum qui erant à Cil-
icia & Asia, disputantes cum Stephano: & non poterant resistere sapientia,
& spiritui qui loquebatur, &c.* In eo siquidem illud impletum est
quod dominus antè promiserat discipulis s. d. Ego dabo vobis

Luc. 21.

*Virtus habet
inuidiam co-
mitem.*

os & sapientiam, cui non poterunt resistere & contradicere
omnes aduersarij vestri. Disputarunt cum Stephano quinque
Synagogistæ diuersarum regionum, nec potuerunt tamen vin-
cere illum. Disputatio hæc ex inuidia orta est, quemadmodum
semper virtus seu egregia actio inuidiam habet comitem. Vt
autem ea ex inuidia ortum habuit, ita in D. Stephani tetendit
perniciem. Nam id vnum venabantur illi, vt confessionem eius
disputando elicerent, electaque hac ipsum & confunderent &
accusarent. Idem verò & nobis hoc in mundo expectandum,
si non (vt olim) à tyrannis, certè ab hæreticis & hypocritis. Ve-
rùm quemadinodum Stephanus non veritus est confessionem
suam prodere: ita & nos parati esse semper debemus ad respon-
dendum cuilibet petenti rationem de ea quæ in nobis est spe,
cum mansuetudine & reuerentia. Idem enim spiritus qui in il-
lo loquebatur, loquetur & in nobis: atque vtille vinci non po-
terat, ita nec nos vinci sinet Deus.

1. Pet. 3.

*D. Stephanus
à Iudæis in qua
tuor accusatur.*

*Improbiorum
mos.*

Ceterùm subornarūt Synagogistæ falsos testes aduersus Ste-
phanū, qui accusabant eū de quatuor blasphemiarum criminibus,
dicentes eū blasphemasse Deū, blasphemasse Moysen, blasphe-
masset legē, & blasphemasse templū Dei, eaq; occasione apprehen-
derunt illum, & adduxerunt in concilium. Ex quo vide-
mus quis improborum mos sit: quodd nimirum ij vbi veritati
discedunt impares, & ratione nihil possunt, ad mendacia &
violentam rabiem confugiunt: & vbi victifuerint sapientia spi-
ritus, ad diabolicas fraudes sese conuertunt. Verùm omnia
falsè obiecta, sapientia & fortissima Apologia confutauit, in-
tegrissima atque fidelissima confessione affirmans se non bla-
spphemum esse in Deum, vt cuius gloriam niscè prouehere sa-
tagat, quem dixit loquutum fuisse patribus, eumque vocat
Deum gloriæ: neque in Moysen aut legem, quum eum quem
Moses

Moses & lex prædicarunt, nempe, Iesum Nazarenum, amplexus sit & confiteatur, & de Mose quoddam amicus Dei, & de lege quoddam à Deo data fuerit testatus sit: neque denique in templum, quum templum illud honoret, cuius templum Iudaicum erat typus. Nempe templum spirituale, hoc est, Ecclesiam in Iesum Nazarenum credentium, & templum illud typicum dixerit Deo mandante constructum. Cuius confessionis suæ veritati Deus insigni miraculo attestatus est, quoddam Stephani facies apparuit omnibus in consilio sedentibus tanquam angeli facies, tum in testimonium infusi sibi cælitus luminis sapientiæ, tum ad indicium suæ virginalis munditiæ. Per virginitatem enim angelis homines assimilantur: propter quod etiam ab ipsis Apostolis constitutus fuit in ministerio viduarum, tum ad confutationem Iudaicæ perfidiæ, qui etiam hunc quem in angelica specie viderunt, interficere veriti non sunt, fidum nempe nuntium voluntatis Dei. Ex his etiam videmus quàm insignis thesaurus sit mens sibi bene conscia, quàm nullis hæc calumniis aut mendaciis commouetur aut turbetur: ut nihil contra cruciabilius pauidiusque est animo malè sibi conscio. Atqui hinc monemur nos, ut & ipsi ita credamus, loquamurque ac agamus: quod si fortè calumniis improborum impetamur, appareat facies nostra faciei Angelicæ instar, hæc est, in ipso etiam vultu refulceat mentis nostræ innocentia.

Ut autem sic se purgavit, omnem blasphemiam sibi impatam, in ipsos reiecit aduersarios: dicens, probansque, tum patres eorum, tum ipsos quoque semper restitisse veritati, occidisseque iusti illius (Iesu inquam) confessores, non Apostolos tantum, sed & Prophetas: ideoque ob illorum incredulitatem, & ciuitatem Ierolimam & ipsum templum & totam adeo Iudæam demolitum iri. Hinc iam moneamur nos rursus, ut talem semper causam foueamus, quam solidè possimus defendere, quæque & veritati & iustitiæ innitatur. Pro iustitia agonizare pro anima tua, & usque ad mortem certa pro iustitia, ait Ecclesiasticus 4. cap. Sequitur: *Audientes autem hac dissecabantur cordibus suis, & stridebant dentibus in eum.* Erant enim eorum corda usque aded repleta furore & libidine pium sanguinem effundendi, quoddam dissecari, id est, in diuersum rumpi, vel secari posse putarentur, si non mox opere scelus adimplerent: nec non furore nimio, ferarum mordacium in morem, minaciter in eum dentibus stridebant, quasi impatientes moræ, quoddam eum vel dentibus iam iamque discerpere non permitterentur: vnde & clamoribus magnis confessionem eius interceperunt, & impetum facientes in illum vnanimiter, eiecerunt denique eum è ciuitate & lapidabāt. Hic iterum improborum morem videmus: quod scilicet ij, quum ratione & solidis argumentis professores veri-

*Templi Iudas
cuius erat
typus.*

*Homines in
quibus angelus
assimilantur.
Act. 6.*

*Mens sibi bene
conscia, thesaurus insignis*

Causa, qua veritatis innitatur, defendenda.

Dissecari cordibus.

Mos improborum.

Ioa. 8.

tatis ac innocentes conuincere nequeant, à ratione ad irrationalitatem, à verbis ad verbera & tyrannidem progrediantur. Similem morem habes in Iudeis de Christo. Qui quidem mos tam longè à nobis abesse debet, vt ne semel in mentem vnquam veniat.

*Stephani inui-
cta patientia.*

3 Commendat Euangelista B. Stephanum ab inuicta ani-
mi fortitudine & patientia. Vnde passionis agone iam propin-
quante Spiritum sanctum tota mente concipiens, in cælum o-
culis pariter ac mente intendit. Et rectè quidem in cælum aspi-
ciebat, qui in terris vndique premebatur. Verùm quum domi-
nus Iesus (qui confessores fidelesque suos non deserit) diffidis-
set cælos, seque conspiciendum in gloria diuina exhibuisset Ste-
phano: nō tacuit ille, sed quod viderat, confessus est coram om-
nibus itatim, vt vel aliquos adhuc Christo lucrificaret.

*Mirū Christi
in suis marty-
res beneficium.*

Magnum sanè & singulare priuilegium, admirabile, & cæ-
leste solatium omnium Christi martyrum primicerio hic con-
stat esse concessum. Nam & si martyribus ceteris inter ipsos cru-
ciatus & tormenta, refrigeria multa constet diuinitus fuisse in-
dulta, nulli tamen eorum beatissimi protomartyris Stephani
tanti honoris priuilegiū celsit. Decebat enim, vt inuictissimus
iste Christi militum dux & præuius, qui sui regis triumphum
primus hostibus intulit, singulari adiutorio & consolatione
muniretur, non modò propter se, sed etiam propter aliorum
innumerabiliū Christi martyrum cateruam, quæ ducem
hunc fortissimum fortiter erat sequutura. Ad confortandam er-
go beati martyris patientiam, cælestis regni ianua panditur:
& ne innoxius homo lapidandus titubet in terra, Deus homo
crucifixus apparet coronatus in cælo. Hic consolationem ma-
ximam habemus, quæ animum nobis addere debet, tum sub
cruce quacunque, tum sub morte præsertim: quodd nimirum,
si pietati studeamus, sique omnem spem nostram in domino ha-
beamus repositam, & nobis ipse adfuturus sit, sui que nos con-
spectu spirituali roboraturus. Cum ipso sum, inquit, in tribu-
latione, eripiam eum & glorificabo eum. Longitudine dierum
adimplebo eum, & ostendam illi salutare meum.

*Consolatio ma-
xima in cruce,
& præsertim
in morte.**Psal. 90.*

Deinde quum immineret iam mors, domino Iesu commen-
dauit spiritum suum, quem hætenus strenuè confessus fuerat.
Mox præceptorem suum imitatus, remissionem à domino la-
pidatoribus suis orauit, sicque patientiam suam testatus est.
Tandem verò obdormiuit in domino. Ex quibus habemus &
optimum moriendi modum, quem imitemur: vt videlicet &
ipsi in domini Iesu manus, spiritum, adeoque corpus & ani-
mam commendemus: vtque omnibus qui nos læserunt vn-
quam, & remittamus ipsi ex animo, & à domino etiā veniam
oremus.

*Optimus mo-
ruiendi modus.**Luc. 23.*

Habe-

Habemus denique hîc consolationem quoque insignem in ipsa mortis hora: quodd nempe non morituri, sed obdormituri sumus in Domino, hoc est post placidam quietem ad immortalitatē reuicturi, & semper cum Domino futuri. Hæc iam omnia & alta nobis omnibus mente reposita sint, indeque & doctrinam & patientiam & consolationem petamus.

Boni non moriuntur, sed obdormiunt.

*1. Cor. 13.
1. Thess. 4.*

EPILOGVS.

- 1 Descriptio persone Stephani: vir plenus gratia & fortitudine, & multis praeclaris & sanctis dotibus præditus. Typus diaconorum Ecclesie, similes conditiones Episcopi & diaconi vide in Paulo: unde pudeat nos, qui ex diametro pugnamus.
- 2 Typus impiorum veritatem impugnantium, quod veritate non possunt, sycophantiis & calumniis tentant. Et hæc semper fortuna fuit Christianorum, ut gravarentur mendaciis. Hinc tot Apologetici, Tertulliani, Iustini, Quadrati, Miltiadi, &c. Hinc calumnia horum temporum, blasphemia in Deum, diuorum contemptus, sacramentorum consculcatio, bonorum operum proscriptio.
- 3 Fortior est quem Deus defendit, quam quem mundus persequitur. Mira consolatio oppetentium mortem pro veritate, videntium stantem & auxiliantem Christum. Visi enim oculis insipientium mori, illi verò Sapient. sunt in pace.

IN FERIIS EIVSDEM. PROTOMARTYRIS EVANGELIVM.

In illo tempore, dixit Iesus turbis Iudaorum & principibus Sacerdotum: Ecce ego mitto ad vos Prophetas & sapientes, & scribas, & ex eis occidetis & crucifigietis, & ex eis flagellabitur in Synagogâ vestrâ, & persequemini de ciuitate in ciuitatem, ut veniat super vos omnis sanguis iustus, qui effusus est super terram à sanguine Abel iusti, usque ad sanguinem Zachariæ filij Barachie, quem occidisti inter templum & altare. Amen dico vobis, venient hæc omnia super generationem istam. Ierusalem, Ierusalem, quæ occidis Prophetas, & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alâ, & noluisti? Ecce relinquitur vobis domus vestra deserta. Dico enim vobis, non me videbitis amodo, donec dicatu, Benedictus qui venit in nomine Domini.

Matth. 23.

Hoc Evangelium complectitur tria. Primò, beneficia Dei Iudæis præstita, cum ait Christus: Ecce ego mitto ad vos Prophetas, Sapientes & Scribas. Sunt autē Prophetæ, qui Spiritus sancti nomine afflati, vaticinati sunt, & futura prædixerunt: ut Moses, Prophetæ reliqui, & Apostoli: quos etiā Prophetas vocat, quodd spiritu diuino & docēdi munere sint, ac esse debeant instructi, viri graues & diuini. Sunt autem sapientes, qui per scripturas & homines edocti, verbum Dei prædicant: ut discipuli Apostolorum, & filij Prophetarū: quos etiā sapientes vocat, quodd sint & esse debeant rerum periti, varia rerum experientia

prudentes, & ad res feliciter gerendas appositi. Sunt autem scribæ, qui scriptis & libellis docent, ubi præsentibus voce alloqui non possunt: ut Evangelistæ, eorumque successores: quos denique etiam scribas vocat, quod sint ac esse debeant in scripturis exercitati, & diuinæ legis consultißimi. Tales legatos ad Iudeos misit Dominus etiam post resurrectionem suam: & misit quidem hos ob nihil aliud, nisi ut cõgregaret illos, sicut gallina pullos suos sub alas cõgregare solet, hoc est, ut eos à niluo infernali satana eriperet, atque in regnum suum caeleste æternum tutos collocaret.

Est autem amplissima Dei gratia, ubi Deus prædicatores mittit. Ibi enim necesse est sequi gratiam & salutem. Hoc constat ex illis locis, ubi Christi Euangelium secundum doctrinam veram & Catholicam, quam sola Romana tenet Ecclesia, prædicatur: ubi mandata Dei seruantur. Quanta gratia in primitiua illa Ecclesia erat inter Christianos, Romanos, Corinthios, Galatas & Ephesios. Quanta sit & modò in illis locis, ubi secundum diuina mandata viuunt: hoc melius norunt qui charitatis præcepta custodiunt, audientes cum obedientia verbum Dei, ita ut custodiant illud.

Luc. 11.

Plaga horrenda.

Est autem horrenda plaga & pœna, ubi Deus prædicatores non mittit: Nam ibi necesse est sequi famem corporalem, & spiritualem. Hoc constat ex locis illis, ubi Christi Euangelium non prædicatur. Quam horrenda & infanda audimus facinora ab Indis infidelibus patrati: qui seipsos occidunt diabolo sacrificandos, cum diabolo loquuntur, & ipsius voluntatem faciunt. Quid Mauri, quid Mahometani committant, quantas cædes, quantas rapinas, quot incendia, quam innumera sacrilegia exerceant: qui historias legerit, hoc certius iudicabit. Iure optimo nos dicemus: Nisi Dominus reliquisset nobis semen, quasi Sodomam & Gomorrhæ fuisset. Isa. 1. & Rom. 9. Illa est extrema calamitas, quam Ieremias populo Israëlítico prædicebat futuram: Omnis populus eius gemens, & querens panem. Thre. 1. Ibidem 4. ait: Paruuli petierunt panem, & non erat qui frangeret eis. Nos verò Catholici immensas gratias Deo agamus ob diuinum hoc semen verbi Dei in Ecclesia relictum: Nam alioqui reliquis omnibus deteriores essemus.

Extrema calamitas, ubi nullum Dei verbum semen.

Hoc sic factum esse. A Iudeis liber satum testatur, & in Sraphano etiam abunde videre est.

Secundò, complectitur ingratitude Iudeorum, cum ait Christus: Et ex illis occidetis, crucifigetis, flagellabitis in synagogis vestris, & persequimini de ciuitate in ciuitatem. Tanta enim fuit ingratitude, cæcitas, & malitia Iudeorum, ut ne vnum quidem ex omnibus prophetis, qui optima quæque docuisset, libenterque ad cælos vel humeris suis pertulisset eos, in fontem ac immunem à morte paterentur. Quoties enim Moysi obmurmurabant, & lapidibus obrutum volebant? Exod. 15. 16. Num. 14. 16. & 20.

Quo-

Quoties Prophetas crudeliter occidebant, etiam inter templū & altare? Matth. 23. Quoties etiam Deum ipsum blasphemabant? Exod. 32. & tamen ingentia beneficia Deus illis præstiterat. Nam Noë à diluuiο liberauit, Genes. 7. Abraham ab igne Chaldæorum eripuit, Gen. 11. Patres eorum ex Aegypto eduxit, Exod. 14. liberauit à moribus serpentum, Num. 21. Dedit illis aquam, legem, atque Prophetas, Exod. 15. 19. Misit filium suum dilectum, Heb. 1. Gala. 4. Dei enim sapientia quæ ineffabili consilio temperat omnia, priusquam puniret illorum pertinacem malitiam, omnibus modis reuocare studuit à crudelitate. Vnde legati nouissimè missi, ob nihil aliud, quàm ob salutē illorum venerant, nihilque aliud inter illos venabantur. Non enim cuiusquam exegerunt aurum aut argentum, sed solā omnium fecerunt salutē. Sed illorum malitia Dei vicit bonitatem, & in ipsos peruersissimī atque ingratisimī fuēre, qui omnibus modis optime illis consultum cupiebant.

*Apostol missi
ob Iud crum
salutem.*

Id quoque exprobat illis, dicens: *Ierusalem, Ierusalem, quæ occidis prophetas, & lapidas eos qui ad te missi sunt.* Missi sunt, emphasim habet, ac si dicat, Pater cælestis ex immensa sua in te bonitate salutis nuntios tibi mittit, quos tu miseris oculis conficies. Quægens vnquam tale aliquid in Feciales commisit? Hanum tyrannus Amon, seruorum suorum pessimo seductus consilio, legatos Davidis dimidia parte barbæ rasā, vestibusque vsque ad nates præcis confusos dimisit. Sed nihil hoc ad pœnas eas & contumelias quibus Iudæi affecerūt Christi Apostolos, quos etiā turpissima morte sustulerūt. Adde quodd longè minus fuit nuntium amicitiae Dauid ad Hanum, quàm nuntium Dei ad Israël, quippe quo Israël ad adoptionem filiorum Dei accersēbatur. Ierusalem tertæ promissæ metropolis erat, vrbs vocata sancta, quia ibi templum & præcipua Dei maiestatis monumēta. Hæc ergo tanta vrbs in latronum speluncam abiit, quod horrendū certè est dictū (*quæ lapidas eos*) facta meretrix, interfectrix, latro & homicida, Isai. 1.

*Ierusalem omnium malorum
lerna.*

*Mira Dei benignitas erga
Iudæos.*

Quoties volui congregare filios tuos, quemadmodum gallina congregat pullos suos sub alas, & noluisti? Mira Dei benignitas, quia non obstantibus occisionibus sanctorum, non tamen destitit reuocare eos à malitia, hinc ait: *Quoties, &c.* Sæpenumero non solūm, sed semper Dominum voluisse congregare præfractos Israëlitas, retrò (vt Beda ait) testantur scriptores. Quo verò & quanto affectu hoc facere voluerit Christus benedictus, præclare hic edisserit. Quis non videat quanto amore gallina pullos suos diligit? Ex hoc notissimo exemplo Deus cælestis pater suū erga Iudæos affectū declarare voluit, Vnde etiam, teste Chrysostomo, Imago & figura huius auis sub alis pullos suos congregantis, apud Prophetas non inuenitur infrequens. Exo. 19.

*Similitudo de
gallina pullos
suos congregan-
te, Christi affe-
ctus erga Iudæos
declarat
intimum.*

& 15. Psalm. 16. 35. 56. 62. Deut. 32. Seruator itaque, gallina more, imò maiori affectu Iudæos cōgregare quidem voluit, sed infœlices pulli maluerunt miluo Diabolo præda fieri, quàm sub alis Deipatris saluari. Hinc exprobrando dicit, *Et noluisti?* ac si dicat, A me nihil ommissum est quo seruareis: sed contrà nihil à te prætermisum est, quo tibi perniciem accerfies, & salutem excluderes. Et testificatus est Dominus in Israël & in Iuda per manum omnium prophetarum & videntium, dicēs: Reuertimini à vñis vestris pessimis, & custodite præcepta mea & cæremonias iuxta omnem legem quam præcepi patribus vestris, & sicut misi ad vos in manu seruorum meorum prophetarum. Qui non audierunt, sed indurauerunt ceruicem suam, iuxta ceruicem patrum suorum, qui noluerunt obedire Domino Deo suo. Misit Dominus. ad vos omnes seruos suos Prophetas, confurgens diluculo, mittensque, & non audistis, neque inclinastis aures vestras vt audiretis, cùm diceret: Reuertimini vnusquisque à via sua mala, & à pessimis cogitationibus vestris, & non audistis me, dicit Dominus, vt me ad iracundiam prouocaretis in operibus manuum vestrarum, in malum vestrum. Item Prouerb. i. Vocatus, & renuistis, &c. Et Act. 7. B. Stephanus idem ipsis impropert, dicens: Dura ceruice & incircuncisi cordibus & auribus, vos semper Spiritui sancto resististis, sicut patres vestri, ita & vos. Sed quia noluerunt congregari spiritualiter, dispersi sunt & corporaliter.

Vtinam hæc exprobratio non congruat & nobis catholicis, quibus Deus mittit prophetas, concionatores, qui non adulterant verbum Dei, sed in manifestatione veritatis nobis sacram annuntiant doctrinam, cuius instructione vitam eternam promereri & consequi possimus. Misit olim Deus ad Iudæos, Mo- sen, Isaiam, Ieremiam, ac reliquos prophetas, quos omnes penè occiderunt, atque adeò ipsum Christum. Misit ad maiores nostros, Apostolos ac discipulos: at tyranni ipsos occiderunt. Mit- tit ad nos modò cōcionatores, Episcopos, pastores, ac reliquos ministros: & sunt qui vel ipsos (proh dolor) occidat, vel eorum famam detractionibus lædant: adeò vt non iniuria Iudæorum aut tyrannorum filij videamur, qui patrum mensuram imple- re nitimur. Vtinam & nobis non dicat Christus, quod Iudæis ipsum dixisse asserit Euangelista, Quoties volui congregare filios tuos, &c. & noluisti? &c.

3. Tertio, complectitur hoc Euangelium pœnam huiusmo- di ingratitude, cùm ait Christus, Vt veniat super vos omnis san- guis iustus qui effusus est super terram, à sanguine Abel iusti vsque ad san- guinem Zacharia, &c. Amen dico vobis, Venient hæc omnia super genera- tionem istam. Item cùm ait: Ecce relinquetur vobis domus vestra deserta.

Dico

4. Reg. 17.

Ierem. 25.

*Harotici Iu-
dæorū instar,
concionatores
ac Episcopos
occidunt.*

Matth. 23.

Genes. 4.

Hebr. 11.

1. Par. 24.

Dico enim vobis: Non me videbitis quomodo, &c. Puniet enim Iudæos Deus spiritualiter & corporaliter.

Quia enim propheta occiderunt, Messiam suum in crucem egerunt, Stephanum lapidauerunt, Act. 7. Apostolos expulerunt, necnon verbo Dei sese indignos reddiderunt, coguntur ferre innoxium sanguinem ab exordio mundi effusum, & usque ad nouissimum effundendum. Non quod alieni peccati, cuius etiam non sit reus aut saltem imitator, quisquam luat supplicia: sed qui multos propter peccata sua vexatos & punitos non ignorat, neque illorum exemplo factus est melior, sed eadem committere non formidat, illorum quoque poenas iuste sustinebit. Vnde & hic ipsos filios dixit viperarum, malitiæ scilicet veneno patribus æquales. Tale quid olim dixit, Exod. 20. Ego sum Dominus Deus tuus, fortis zelotes, visitans iniquitatem patrum in filios, in tertiam & quartam generationem eorum qui me oderunt: & faciens misericordiam in millia his qui diligunt & custodiunt præcepta mea.

Deut. 24.
Ezech. 18.

Heretici viperarum filij.
Num. 14.

Sic fiet omnibus qui authores & capita sunt novæ doctrinæ, aut hæreseos, ut Lutherus, Melancthon, Brentius, Calvinius, Anabaptistarum pater. Hi non solum sua ferent peccata, verum & omnium hominum suo errore seductorum. Hæc doctrina non tantum instruit Iudæos, verum & nos Catholicos docet, ne vlla ratione committamus aliquod peccatum, quod reliquis Christianis peccandi occasione præbere possit. Aeternam damnationem imprecatus est Christus iis per quos scandala veniunt.

Hæresiarum sunt seductorum peccata.

Matth. 18.

In Abele & Zacharia, quos hic seruator commemorat, non solum Prophetas, sed & omnes innocenter neci datos completitur, quia de infirma re & minimo quocunque poenas sumet iudex conditor omnium. De Abele habes, Gen. 4. quod fide obtulerit per charitatem operante. Hebr. 11. Qui propter inuidiam occisus fuit à fratre, sicut dicitur, 1. Ioan. 3. De Zacharia filio Barachia sine Ioiadæ habes. 2. Par. 24. Ioiadas pontifex summus, puerum Ioas ab Athaliae manibus ereptum clausit, atque in religione Mosaica ritè instituit, deinde regem constituit. Huius item præsidio synagogam ab omnibus abusibus reformauit, regemque in Dei timore bene institutum, ne à via recta laberetur sedulo admonuit. Mortuo verò summo pontifice, delinitus rex aulicorum suorum obsequiis, à religione defecit, & (quod textus habet) non habuerunt aures audiendi. Mirabatur namque Deus eis prophetas, ut reuerterentur ad Dominum, quos protestantes illi audire nolebant. Sequitur, Spiritus autem Domini induit Zachariam filium Ioiadæ sacerdotem, & stetit in conspectu populi, & dixit eis: Hæc dicit Dominus: Quare transgredimini præceptum Domini, quod vobis non

Ioas rex à deo desertus.

*Zacharias
propheta occi-
ditur.*

proderit, & dereliquistis Dominum, vt dereliqueret vos? Qui congregati aduersus eum, miserunt lapides iuxta regis imperiū in atrio domus Domini. Et non est recordatus Ioas rex misericordię quam fecerat Ioiada pater illius, sed interfecit filiū eius. Qui cum moreretur, ait: Videat Dominus & requirat.

*Ioiadas ponti-
fex binominus.*

Obseruandum etiam hīc est Ioiadam fuisse binominū, quem admodum plures in nouo & veteri Testamento, cōueniuntque nomina tanti viri religioni. Pontifex erat, christus erat Domini, & huic quadrat nomen Barachias, quod sonat sanctū, siue consecratum Domini. Deinde erat religiosus, atque aded acceptus Domino, quod nomen Ioiadæ præ se fert.

*Alas contra-
bere.*

Coguntur Iudæi insuper ferre desertionem templi, ciuitatis, & regionis Iudææ. Nam bonus ille pastor pedum confregit, vt Zacharias ait, & oues errare sinīt, Zach. 11. Gallina alas contraxit, nec pullos amplius regere quærit. Deus verbum suū illis abstulit, omnemque gratiā & misericordiam subtraxit, neque amplius habent regem, prophetas, templum, cultum, &c. Osee 3. & impletum est in illis dictum Psalmi 67. Deus caput inimi corum suorū conquassabit, & verticem capilli abradet: & Psal. 108. Dilixerunt maledictionē, & eueniet eis: benedictionē repudiarunt, & elongabitur ab eis. Hinc ipsam ciuitatem, quam

*Christi nidus
ciuitas fuit Ie-
rusalem.*

nidum suū vocauerat, nūc domum Iudæorum appellat, quæ nō immeritō Domini auxilio nudata, suæ ditioni relinquitur: quia non solum auis, illius omnipotētis, quam Matthæus galilinam nuncupat, alis protegi despexit, sed & eandem auem se protegere volentem, vulpibus deuorandam, hoc est, Herodi & Pilato crucifigendam tradidit: Nec mora vulpium earundem, hoc est, regum terræ & ipsa rapinæ donatur. Occiso enim Domino venerunt Romani, & quasi nidum vacuum diripientes tulerunt eorum locum, gentem, & regnum, quod per spiritum propheticum olim prædixit Dan. 9. cap. Et ciuitatem & sanctuarium dissipabit populus cum duce vēturo, & finis eius vastitas. Non est miserabilior gens in terris, quā Iudæorū. Nihil habent proprii, ex vsura, furto, rapinis viuunt: veluti principes furum, & prouinciarum expilatores. Christum saluatorem nostrum semper benedictum, maleficum & latronem appellant, & propter flagitia sua crucifixum, cum nos Christianos obuios salutant, maledicunt nobis, & gehennam imprecantur: idēque quotidie faciunt, & liberos suos instituū, vt idem faciant. Deus nos ab eorum maledictionibus seruet. Amen.

Joan. II.

*Iudæi omnium
gentiū misera-
biles.*

Sicut enim diabolus in peccatis & etiā in sanguinis humani effusione potissimū lætatur, ita diuina maiestas per vtrunque præcipuē offenditur. Propterea, vt Chrysost. ait, & sanguinem sibi offerri voluit, vt ostenderet, quia si brutorū sanguis ita pretiosus est, quanto magis hominis? Psal. Pretiosa in conspectu Domini

Domini mors sanctorum eius. Quod ad Noë expressius dixit: Vindicabo omnem sanguinem effusum. nullęque alia inuenire possumus diuinitus à Deo Iudæis iniuncta, vt ab effundendo sanguine remorarentur. Videmus exempli causa Cain poenā suam statim ipsum presagiuisse, Gen. 4. Et Ioas statim interfecto Zacharia à Syriis male acceptus, semiuuius relinquitur, vt à propriis seruis occideretur, 2. Paral. 24. Sic Iudæi in poenam ingratitude relictī sunt à Christo in cecitate mentis suę, donec aliquando, vel tantis docti malis, relipsant. Dico enim vobis, inquit, non videbitis me, quousque venerit illud tempus, quo me videntes oculis fidei, dicatis: Benedictus qui venit in nomine Domini, quem nunc calumniāmini venisse in nomine Beelzebub. In quo notatur conuersio reliquiarum ante Domini aduentū ad iudicium, de qua dicitur. Vel mysticę innuit, vt Iudæi quem nunc contemnunt humilem, tunc in maiestate venientem confiteantur vel inuiti, quando videbunt in quem transfixerunt. Veruntamen dico vobis: amodo videbitis filium hominis sedentem à dextris virtutis Dei, & venientem in nubibus cęli.

Ioas ob scelus in Zachariam patratum occiditur.

*Rom. 11.
Apos. 1.
Matth. 24.*

Abstulit ergo Deus Iudæis synagogam, quia ipsi prius sponsum & Dominum synagogę reliquerunt. Auferetur à vobis regnum Dei, &c.

Matth. 23.

Abstulit quoque Deus orientalibus regnis Ecclesiam, quę innumerabilium martyrum sanguine & doctorum admiranda doctrina decorata & illustrata fuerunt: quia ipsi prius Christum clarissimum eiusdem Ecclesię sponsum dereliquerunt. Quamplurimis ciuitatibus in vicinis regionibus abstulit etiam Deus abhinc quadraginta annos Ecclesiam catholicam: quia ipsi Christum & eius vicarium Romanum Pontificem reliquerunt: neque sunt iam inferiores miseriis & calamitatibus, ipsis Iudæis: siquidem non minus quàm Iudæos Deus illos odio habet, atque ad nauseam vsque abominatur, à Turcis persequuntur, à Catholicis negliguntur.

Ecclesia catholica cur hodie auferatur à multis.

EPILOGVS.

1 Hic habes causam occisionis omnium prophetarum, & veri heredis Christi, & Apostolorum eius fuisse superbiam cordis: nihil ergo magis Christianus studeat vitare, quàm tumentem & erectam cernicem, Dei contra se odium prouocantem, inquit Hieronymus.

2 Apostolos hic vocat prophetas, sapientes, & scribas, quia dominus eos populo dedit doctores & rectores omni scientia & prophetandi gratia ornatos, Ephes. 4.

3 Dulcissima similitudo, qua se Christus gallina comparat, nos pullis, per quem solum à miluis, hoc est, diabolis liberi euadimus, fide in Christum, sicut incredulitate excidimus, & audimus horrendum iudicium cū Iudæis

42
IN FERIIS
incredulis : Relinquetur vobis domus vestra deserta . Hæc iam aliæ animus nostris insideant, discamusque aliorum periculo vitare nostrum. Poeta : Fœlix quem faciunt aliena pericula cantum ; dignè excipiamus legatos Christi, nosque congregari sinamus, ne relinquamur à Domino, sed ut potius aduentum læti excipiamus, cumque illo regnemus. Amen.

IN FERIIS IOANNIS APOSTOLI
ET EVANGELISTÆ,
EPISTOLA.

Eccle. 17.

Qui timet Deum, faciet bona: & qui continens est iustitia, apprehendet illam, & obuiabit illi quasi mater honorificata, & quasi mulier à virginitate suscipiet illum. Cibabit illum pane viæ, & intellectus, & aqua sapientia salutaris potabit illum. Et firmabitur in illo, & non flectetur, & coinebit illum, & non confundetur, & exaltabit illum apud proximos suos, in medio Ecclesiæ aperiet os eius, & adimplebit illum spiritu sapientia, & intellectus, & sola gloria vestiet illum. Incunditatem & exultationem thesaurizabit super illum, & nomino aeterno hereditabit illum Dominus Deus noster.

IN SIGNE encomium timentis Dei & iusti hodierna lectio nobis proponit, quæ eam ob causam in præsentibus D. Ioannis Apostoli & Euangelistæ feriis legitur ab Ecclesiâ, quod omnia illa quæ hîc de timente Dei & iusto commemorantur, eidem Ioanni optimè conueniant, ac in primis quidem quod inter alia legatur quemadmodum iustitia in medio Ecclesiæ aperuit os timentis Dei ac iusti, impleueritque eum spiritu sapientiæ & intellectus, nam si cuius os hoc pacto in medio Ecclesiæ vnquam apertum fuit, Ioannis certè os verè sic apertum est : & si quis vnquam impletus fuit spiritu sapientiæ ac intellectus, Ioannes profectò impletus est ad hûc modum . Id enim plus satis liber eius Euangelicus quem nobis reliquit, testatur: ut in quo sic præ aliis de ineffabili diuinitate, generationeque æterni verbi Dei differat, ut ipsum cælestis sapientiæ, intellectusque spiritu plenissimum fuisse fateri cogamur.

1 Dicit nimirum de illo duo præcipua. 1. Quidnam scilicet timens Dei faciat seu operetur . Sed priùs paucis considerandum, quisnam verè timens Dei, & iustus sit. Is in sacris literis timens Dei dicitur, qui veretur offendere Deum, eoque in omnibus suis bonis operibus timidus est : & sic cum timore tremoreque salutem suam operatur: hoc est, qui quidem facit quicquid Deo scit esse gratum, sed tamen nunquam se satis fecisse veretur, semper suam imperfectionem accusans . Iustus verò in sacra scriptura dicitur ille, qui modis omnibus iustitiæ & sanctitati incumbit, tam coram Deo quàm coram hominibus, verum non fidet iustitiæ suæ aut meritis, sed solum Iesum Christum & huius merita pro sua iustitia ac sanctitate agnoscit, habetque. talis fuisse describitur S. Simeon.

*Timens Dei
quis sit.*

Iustus quis sit.

Luce 1.

Si

Si facta operæ eius quærimus, merum bonum facit, hoc est, nihil committet quod Deo displiceat, nihil faciet, nisi quod Deo gratum esse sciat. Qui etiam sic iustus est, & iustitiæ continens, is haud dubiè apprehenderet iustitiam: hoc est, Christi meritis & iustitia donabitur, sicque coram Deo iustus apparebit, & in Dei iudicio poterit subsistere: imò tam verè certoque apprehenderet iustitiam, ut & ipsa iustitia (nimirum Iesus Christus Dominus noster) ei vltro occurrere sit, & amplexura illū, quemadmodum mater honorifica vnigenitum charissimumque filium, ac sponsa primum suum sponsum (quem longè dilectilissimū habet) amplectitur & osculatur. Sic enim clamat in Euangelio: Venite ad me omnes qui laboratis & onerati estis, & ego reficiam vos.

1. Cor. I.

Matth. I. II

Et quomodo timens Dei non faceret bona, cum in omnibus operibus suis semper sit pavidus, nunquam se satis pie agere arbitretur? Prouerb. 15. Per timorem Domini declinat omnis à malo. Et Eccl. 7. Qui timet Deum, nihil negligit. Quomodo item non apprehenderet semper iustitiam, cum iniustitiam ex animo oderit, sciatque ipsum Deum & iustum esse, & iustitiæ amatorem vnicum?

2. Dicit quid fructus seu præmij sequatur ipsum Dei timentem & iustum, tum hic, tum illic. Obuiat enim ei Iustitia matris charissimæ instar, ceuque sponsum suum sponsa suscipit illum, & omnia sua bona in ipsum effundit, cibans videlicet ipsum pane vitæ seu verbo Dei, potansque ipsum aqua sapientiæ & intellectus, hoc est, omnigena gratia, spiritu vberissimo. Cibabit illum (inquit Sapiens) pane vitæ & intellectus, & aqua sapientiæ salutaris potabit illum. Quia timens Dei & iustus, agnoscens se natura & ex se se mortuū ac prorsus stultum esse, elurit, sititque; ex animo Christi vitam & sapientiam, sic utraq; implebitur, ut neque in vita, neque in intellectu, neque in vera sapientia, ei vnquam quid defuturum sit, ut neque eluriturus neque sititurus sit in æternum.

Qui fructus
iustum sequan-
tur.

Secundus autem fructus est, quod firmat continetque timentem Dei & iustum iustitiā, ut in pietate non possit vacillare, non ab ea deflectere, non in peccata labi: quantumlibet satan, caro, mundus, ad impletatem, peccataque sollicitent, cum dicit: Et firmabitur in illo, & non flectetur: & continebit illum, & non confundetur. Quoniam timens Dei & iustus de propriis viribus desperat, solumque Dominum ponit firmamentum suum & vnicum robur, refugiumque: idcirco sic Dominus firmabit & continebit illum, ut neque flectendus, neque confundendus sit ab vlla creatura, imò ut ne ipse inferorum portæ præualituræ aduersus illum sint, Matth. 16. Psal. 72.

Fructus secundus.

Timentis Dei
& iusti, pro-
prium.

Tertius verò fructus est, quod iustitia (Iesus Christus) illū exaltat

Tertius fru-
ctus.

exaltat apud proximos seu vicinos: donans. *ſ. cum eloquentia, ſapientiaque & intellectu huiusmodi, vt omnibus aliis poſſit ſalutaria dare conſilia, vt alios poſſit erudire, vtq; proin ab omnibus & audiat & ſuſcipiatur, vnde ſequitur: Et exaltabit illum apud proximos ſuos, & in medio Eccleſiæ aperiet os eius, & implebit illum ſpiritu ſapientiæ & intellectu, & ſola gloria induet illum. Quem admodum timoratus & iuſtus coram Deo in honore magno habetur: ſic & Chriſtus illum apud homines faciet honorabile, idque ſapientia, intellectu & eloquentia: aded vt ab eius conſiliis & ore vniuerſi pendeant, vt ipsis etiam hoſtibus ſuis admirationi ſimul & ſtupori ſit futurus: quod nimirum in B. Stephano ſatis claruit.*

*Quartus iuſti
& timorũ Dei
fructus.*

Cæterum vltimus fructus eſt, quod iuſtitia veſtigia illum eſt ſtola gloria, iucunditatem & exultationem theſaurizatura ſuper eum, & nomine æterno ipſum hereditatura, ſicut textus habet: hoc eſt, paratura illi poſt mortem æternam glorioſamq; apud poſteros in terris memoriam, & perennia ineffabiliaq; in celis gaudia ac præmia. Audiuiſmus igitur hætenus quomodo timens Dei & iuſtus habiturus ſit coram Deo, quomodo coram hominibus, tam inimicis quàm amicis, atque aded in præſenti vita. At hic audimus quid poſt hanc vitam idem expectaturus ſit, nimirum ſempiternam iucunditatem, exultationem nunquam finiendâ, & nomen denique æternum; idque non ſolum apud Deum in cælo, verum etiam apud homines in terris. Vide: tot tantique fructus conſequuntur pium & iuſtum hominem, atque hos eoſdem in omnibus etiam piis videmus, in Stephano, in Ioanne, & reliquis Dei cultoribus. Hi igitur & nos ad timorem Dei & iuſtitiam extimulèt: vt nimirum itidem timeamus offendere Deum, ſalutem noſtram cum timore & tremore operemur, iuſtitix & ſanctitati per omnem vitam ſtudeamus, at interim nunquam nos ſatis iuſtos eſſe, aut ſatis timuiſſe Deum putemus, ideoque in Chriſtum figamus omnem ſpem & iuſtitiam noſtram, &c.

EPILOGVS.

- 1 Operibus bonis ſuper Chriſtum ædificare, eſt ſapientia & timens Dei. Sapiens iſte eſt, candelam ardentem ferre, hoc eſt, rationabili obſequio Deo miniſtrare, non hic agitur de timore ſeruili, de quo ait, Odium peccare malum formidine pœnæ: ſed de ſiali, qui peccare odit ſaltem virtutis amore.
- 2 Timens Dei qui ſit, nempe boni operis factor, verbiq; Dei cuſtos & obſeruator, Ioan. 14 Si quis diligit me, ſermonem meum ſeruabit, &c.
- 3 Fructus timoris Dei, & ſtudij ſapientiæ, eſt iucunditas & exultatio, nominiſque æterni hereditatio. Sapiens cortex amarus, ſed dulcis medulla. Breuiſſe hæc omnia quæ hic ſapiens enumerat, ſignificant iuſti mercedem eſſe ineffabilem, & gaudia regni calorũ illi promiſſa eſſe ineffabilia, Eſa. 64. 1. Cor. 2. 1. Pet. 1. Apoc. 2. & 3.

EVANGELISTAE,
EVANGELIVM.

IN illo tempore dixit Iesus Petro, *Sequere me: Conuersus Petrus, vidit illum discipulum, quem diligebat Iesus sequentem, qui & recubuit in cœna super pectus eius, & dixit: Domine, quis est qui tradet te? Hunc ergo cum vidisset Petrus, dixit Iesu: Domine, hic autem quid? Dicit ei Iesus: Sic eum volo manere donec veniam, quid ad te? Tu me sequere. Exiit ergo sermo iste inter fratres, quod discipulus ille non moritur. Et non dixit ei Iesus, non moritur, sed sic volo eum manere donec veniam, quid ad te? Hic est discipulus ille, qui testimonium perhibet de his, & scripsit hæc. Et scimus quia verum est testimonium eius.*

Ioan. 13.

Hoc Euangelio proponuntur nobis tria.
1. Ut Christo vocanti obedientes nos præstemus, & ipsum sequamur, cum ait Christus, *Sequere me.* Tengono Christianus Christum sequi in doctrina, ut nihil aliud doceamus, prædicemus, teneamus, audiamus aut admittamus, quam quod Christus per totos tres annos docuit, Apostoli prædicarunt, Ecclesia Romana ab ipsis Apostolis usque ad nos tradidit, & semper tenuit, Patres à suis maioribus audierunt, & Concilia statuerunt ac decretarunt. Nam iuxta regulam illam auream diui Vincentij Lyrinensis, illud est Catholicum, quod semper & vbique & omnes sunt professi.

Vincentij Lyrinensis canon. Ecclesia Romana pontificia, verè Christum sequitur.

Ecclesia Romana Pontificia verè Christum sequitur, quia id docet quod ille docuit, prædicat quod Apostoli prædicarunt, tenet quod ipsi & sui successores tenuerunt, gratiosè audit quod maiores eius audierunt, tenet quod sanctissima illa cœcilia tenendum statuerunt. Est catholica, quia nihil est in illa quod non semper & vbique & ab omnibus verè orthodoxis receptum fuerit.

Tenetur quoque Christianus Christum sequi in vita, ut exemplo Christi admoniti, simus pauperes spiritu, mites, misericordes, pacifici, puri corde, obseruatores mandatorum Dei. Hæc sequela versa est in tergiuersationem, & retrospectionem. Nam nec Christo dicenti, *Qui sequitur me, non ambulat in tenebris,* Ioan. 8. aurem præbemus: nec sanctos, ac in primis Paulum dicentē, *Imitatores mei estote, sicut & ego Christi.* 1. Cor. 11. sequi volumus, sed alij superbiam, alij avaritiā, alij luxuriam, alij peccata, alij Lutherum, alij Caluinum, alij Brentium, alij alios hæreticos sequimur. Tergiuersantur alij atque sectantur hæreticos nostri temporis, qui non sunt ex nobis, neque de ouili Christi. Qui autem sanctos, Augustinum, Ambrosium, Dominicum, & Benedictum imitantur, hi Christum sequuntur, non ambulant in tenebris, ideoque habebunt lumen vitæ. Imitantur hos patres, qui Christi vestigia sunt secuti:

Qui sancti sunt imitandi.

secuti; itaque sunt imitatores & sequaces Christi. Philippen. 3. 1. Corinth. 11. Licet imitari sanctos, fide, charitate, aliisque diuinis virtutibus claros. Nec idcirco quicquam detrahatur gloriæ Christi: imò multum accedit, siquidem ipsi Christi vestigia sunt secuti. Vnde Paulus Philippen. 3. Ephesior. 5. 1. Corinth. 4. & 11. Hebræor. 6. dicebat, Imitatores mei estote, sicut & ego Christi. Licet eorum regulas profreri, vitamque ad eorum sanctiones instituere, vt quæ suæ rectitudinis & iustitiæ Christum amussim habeant & fundamentum.

*Non sine cruce
sequendum Chris-
tum.*

Tenetur insuper Christianus Christum sequi in morte, vt crucem nobis diuinitus impositam patienter feramus, pro inimicis oremus, vt docet Christus Lucæ 9. Si quis vult venire post me, abneget semetipsum, & tollat crucem suam, & sequatur me. Qui Christum sequendum putant sine cruce, errant: nam Christus non est ingressus sine cruce in gloriam suam. Sacerdotes veteris legis non intrabant sanctuarium sine sanguine, Luc. 24. Christum oportuit pati. & Heb. 9.

*Dilectio fortis
vt mors.*

Præuatim verd hoc verbo, *Sequere me*, vrsit Petrum ad sui sequelam, quia cum Apostolorum principem voluit designare, vnde & alibi hac ratione non nihil priuatim cum ipso egit. Sensus ergo est, scis qua via ad gloriam meam ierim, noueris idem iter & tibi tendendum. Morte mea mortem debilitaui & vici. Fortis vt mors dilectio. Cant. 8. Tu itaque si diligis me, eodem vade mecum. Crucis illa via ad Patris omnipotentis gloriam tibi in salutem, Ecclesiæ vniuersali (in fide tuæ professionis fundatæ) in decus æternum est futura. Apostolatus Patris mei nulla alia est ratio, ne timeas post me & mecum ire, qui mecum cupis in regno patris mei discumbere. Reliqui tui collegæ & ipsi persecutionem sustinebunt. Tu verd qui summus meus vicarius à Patre es electus, mihi similem mortem patieris. Ego in metropoli Iudæorum cruci sum affixus, tu in metropoli Ethnicorum, Romæ scilicet, cruci es suspendendus. Pastorem me bonum morte mea declaraui, Ioannis. 10. Suppastor quoque vt patiando bonitatem suam declaret, oportet. Neque enim sufficet si in pascendo me sequatur, nisi & patiendū pro grege assecum se verum meum comprobet. Vicarius tu meus eris, idem & meus concrucifixus. Sub passionem meam dixi: Quid ego vado, non potes me modò sequi, sequeris autē postea, qui te mihi deuouisti. Matt. 26. In horto nolui Iudæos tibi manus inferre, nolui tibi tūc calicem meū dare necdum gloriosum; quia nondum viceram mundum. Nunc cum videas mortem mea morte triumphatam, ipsum calicem meum gloriosum tibi non negaui, qui te consortem regni mei esse volo.

Ioan. 13.

*Calix Christi
gloriosus.*

Non ergo sequela hæc accipienda est solum de passione, sed & de

de pastoralis officij commissione. Summum nanque Pontificem hic Petrum constituit, vnde tanta cum eo egit vehementia, quoniam & magna est eius conditionis siue dignitatis eminentia. De primatu Petri locuples testis est D. Chryso. qui hoc loco dicit Petro totius orbis terrarum curam commissam, ac si dicat Christus: Quia ego prius pro tua redemptione crucis supplicium subire non timui, ideo tu pro mei nominis honore & confessione illud formidare non debes, sed loco mei gregem procurare, cui te vicarium & imitorem & successorem meum relinquo. Et Augustin. in Ioannem, dicit Petrum Apostolatus primatum tenuisse, quando ait, Pasce agnos meos, & sequere me. Necesse quippe fuit ut is qui Ecclesie vniuersaliter praeferendus erat, & ceteris ardentius amaret, & 1. Tim. 3. & 4. perfectius imitaretur.

D. Petri primatus constituitur.

2 Proponitur nobis ne vocationes aliorum, aut Christi facta curiosè inquiramus: sitq; unusquisque sua vocatione contentus. Nam Petrus conuersus vidit illum discipulum quem diligebat Iesus, sequentem, qui & recubuit in caena super pectus eius, & dixit: Domine, quis est qui tradet te? Quibus verbis Ioannes commendatur. Primò, à discipulatus honore, quia vnus ex duodecim electis, Mar. 6. Maximum est Christi verum esse discipulum. Ioan. 12. Vbi ego sum, illic & minister meus erit.

Quotupliciter hic Ioannes commendatur.

Secundò à singulari dilectione: Non ad sui iactantiam toties commemorat se specialiter dilectum à Iesu, sed ut tanti Beneficij gratus existat, & quia suauissimum sibi fuit recolere, quàm affectuosè & familiariter se Iesus habuit ad ipsum. diligebat ergo eum Iesus, non exclusis ceteris, cum omnes diligeret, ipso testante Ioan. 15. sed prae ceteris, quem specialis prerogatiua castitatis ampliori dilectione fecerat dignum: quia virgo ab eo electus virgo in eum permansit. Tribus namque specialia quaedam dilectionis ostendit signa, Petro, Iacobo & Ioanni, tam ad laeta quàm aduersa secreta eos admittens, ut in suscitatione puellae, Marc. 5. in transfiguratione, Matth. 17. in passionis agone, Matth. 26. singularia tamen Ioanni exhibuit: vnde & famosum fuit inter discipulos ipsum dilectum aut charum Iesu nominari. Atque vtinam tam sincerus amor in sanctulis nostris lateat, qui nonnunquam charos aut charas, quos sic vocant, munusculis reciprocis sibi conciliare gaudent, cum, teste Hieronymo, sanctus amor munuscula non habeat.

Prerogatiua castitatis D. Ioannis.

Christi amoris specialia signa

Sunt enim quinque verae amicitiae indicia, quae & Christus suo charo Ioanni exhibuit. Primum, mutua coniunctio. Hinc in coena super pectus Iesu recubuit, Ioan. 13. Non paruum in isto praeclarissimo conuiuio vltimi vale, proximū esse Christo, quod cum selectis totius mundi fecit. Lucæ 22. vbi &

Amicitia vera indicia.

& sacrosanctū corporis & sanguinis sui sacramentū instituit.

*Iuda proditor
in indicatio.*

Secundum, secretorum reuelatio. Iohan. 15. Iam non dicam vos seruos, sed amicos: quia omnia quæ audiui à Patre, nota feci vobis. Omnibus turbatis soli Iohanni indicauit proditorem, Ioan. 13. Ipse quoque super pectus illud recubuit, in quo sunt omnes thesauri sapientiæ & scientiæ reconditi, Coloss. 2. Vnde & sapientiæ & intellectus vberius suxit, quare altissimè super omnes de diuinitatis & trinitatis scripsit mysterio, Ioan. 1. cui status ecclesiæ in finem vsque reuelatus fuit. Apoc. 1.

*Voluntatum
consensus.*

Tertium, voluntatum consensus. Iohan. 15. Vos amici mei estis, si feceritis quæ præcipio vobis. Ipse autem ad domini vocantis vocem, & patrem & nauim reliquit, Matth. 4. Sic & modò hic nihil de statu suo sollicitus, totum se domino commisit.

*Thesaurum mō
di totius.*

Quartum, thesauri commissio. Vnde dominus pretiosissimum & singularem thesaurum, de quo totius mundi sumpsit pretium, matrem scilicet in suo recessu tanquam fidelissimo amico commisit, Iohan. 19.

*Aduersorum
toleratio.
D. Ioannis
martyrium.*

Quintum, aduersorum toleratio. Eccl. 6. Si possides amicum in tentatione posside eum. Sic ipse astitit morienti, Ioan. 19. Exilium in Patmos insulam pro fide suscepit, Apoc. 1. Venum bibit, dolium feruentis olei superauit.

*D. Petri cu-
riositas.*

Hunc ergo discipulum quem vnice diligeret Petrus, & domino cæteris chariorem semper fuisse sciret, actum non iussus sequeretur Petro proximus, rogat dominum quid de illo futurum esset, iam ipse de sua vocatione certior factus: & ait: Domine hic autem quid? Cunctationem & curiositatem hæc quæstio importat. Sequebatur quidem, sed & conuertebatur. Qui mittit manum suam ad aratrum, ne retrospiciat. Sepeliant mortui suos mortuos: Christum incunctanter sequamur oportet. Petrus etiam hic voluit de fratre & condiscipulo suo cognoscere quanam ille morte ad gloriam regni cælorum esset transiturus. Et dicit ei Iesus, Si eum volo manere donec veniam, quid ad te in me sequere.

*Ratio humana
rerum diuina-
rum percipi-
trix.*

Ex his verbis elicitur quod humana ratio facta diuina semper inuestigare præsumat. Nam Petrus vocatus à Christo ut ipsum sequeretur, quid de Ioanne facturus sit, interrogat, quasi rationem postulans illius discretionis. Hinc vetat scriptura, ne ea quæ captum nostrum excedunt, inquiramus. Eccle. 3. Quid necesse est homini maiora se quærere? Isa. 40. Sapient. 9. Rom. 11. O altitudo diuitiarum sapientiæ & scientiæ Dei, quæ inscrutabilia sunt iudicia eius, & inuestigabiles viæ eius!

Elicitur proinde ex his verbis, quòd mortales interdum solliciti de aliena salute, propriæ obliuiscantur. Nam Petrus cum ad vitam à Christo vocaretur, non cuestigio sequitur, sed de

Ioan.

Ioannis statu sollicitus, quid de illo sit futurum sciscitatur cum sua nihil interesset hoc scire, sed Christum sequi, ei que obtemperare. Hinc ait Christus per Salomonem, Prouerb. 1. Vocavi & reuulsisti.

*Isa. 65. &
Ier. 7.*

Insuper ex his verbis elicitur, quod nemo sua sorte sit contentus, sed aliis vel inuideat, vel succenseat. Nam Petrus quasi iudicans conditionem Ioannis meliorem, rogat, Domine hic Ioannes quid faciet? quare & ego cum illo, sicuti ipse manserit, non manebo? Hinc aiunt poetæ: Optat ephippia bos piger, optat arare caballus, Horat. lib. Epist. 1. epist. 14. Fertior seges est alienis semper in agris, Vicinumque pecus grandius vber habet, Ouidius: vnde sæpe peccatur in hoc prouerbium, Ne sutor ultra crepidam.

Ex hac Christi doctrina docentur Christiani, Primò quod debeant iuxta Pauli sententiam intellectum in obsequium fidei captiuare, & diuina facta admirari, & reuereri: sunt enim quamplurima sacramenta atque diuina facta, quorum ratio idè nobis est occulta, vt inde humiliemur, atque ad orandum pro intelligentia excitemur, quemadmodum docet Paulus. 1. Corinth. 10. Captiuantes intellectum in obsequium fidei. Et Daniel interpretaturus mysteria statuæ Nabuchodonosor, humiliatur & orat, Daniel. 4. Dauid Psal. 118. Reuela oculos meos: & considerabo mirabilia de lege tua. Habacuc cap. 3. Domine consideraui opera tua, & expaui.

*Facta quædã
diuina cur nobis
oculta.*

2. Docentur, quando Christus nos vocat, continuò ipsum nos debere sequi, idque animò tam prompto, vt vel patre ac matre relictis ipsum sequamur. Est habenda ratio proximorum, ea tantùm quæ nos à Christo sequendo remorari non possit, quemadmodum Matthæus vocatus à Christo prætereunte, relicto telonio mox secutus est nihil interrogans, Matth. 9. idem Petrus & Andreas faciunt relictis retibus Matth. 4. Luc. 5.

3. Docentur varias esse Christianæ militiæ vocationes, debet igitur vnusquisque illam tenere, ad quam vocatus est. Nec putemus eos otiosos esse qui ad nostram vocationem non sunt vocati.

*1. Cor. 7.
Ephes. 4.*

4. Docentur Christiani, quod non omnes eodem modo Deus tractet, sed de singulis prout visum est, experimentum capit. Hinc alios dedit Apostolos, alios Euangelistas, alios doctores, alios pastores, alios martyres, alios confessores, &c. Ephes. 4. Apostolos atque martyres variis affecit suppliciis, alios sanctos summa pace ad vitam vocauit. Ita modò quosdam Christianos affligit, alios lificat: quosdam pauperes, alios diuites, quosdam languidos, alios integra valetudine ad se sequendum inuitat, Omnes eo modo quo nos vocat, ad ipsum curra-

*Sanctorum via
conduco.*

D d mus,

2. Cor. 6.

Deus vita &
mortis Domini.Petri cura su
peruacua corri
gitur.Providentia
Christi in vita
& morte.

Heb. 9.

Obdormire
quid.

mus, per infamiam & bonam famam, per gloriam & ignobilitatem.

5 Hoc Euangelio proponitur, Deum non tantum dominum esse mortis ac vitæ, verum etiam singulis mortalium mortem pro sua voluntate ordinare, cum ait: *Si eum volo manere donec veniam, quid ad te tu me sequere.* Non negat dominus Iohannem per passionem sequi, cum Matthæi vigesimo dicat: Calicem quidem meum biberis, & Act. quinto, Ioannes inter eos fuit, quibus cæcis Iudæi denuntiaverunt, ne in nomine Iesu loquerentur: sed superuacua Petri curam corrigit, quasi dicat: *Potero eum exemplo Enoch & Heliae in finem mundi viuum à morte præservare, quod si fecero, nihil hoc ad te. Tuum non est scire huiusmodi mysteria, tua interest tuæ satagere vocationis, & videre quæ illi ritè respondeas. Te ad crucem voco, ego de aliis videro. Exiit ergo sermo inter fratres, quod discipulus ille non moritur, &c.* Ex his verbis liquet 1. Christi potentia atque providentia in vita & morte mortalium ordinanda. Nam Christus sua inscrutabili sapientia vult Petrum ad mortem crucis, martyriumque vocare: vult etiam sua diuina providentia ad aliud mortis genus Ioannem reservare. Iuxta verbum Christi utrunque evenit: Ille Romæ crucifixus, hic Christum usque ad excidium Solymorum in Iudæa prædicavit. Post urbis deustationem in Asia crucis vexillum statuens, citra martyrium ibi in Christo obdormiuit, eius sepulchrum manna scaturire fertur. Opiniones varias de Ioanne omittimus, tenentes quod (iuxta Apostoli dictum, qui ait, constitutum esse omnibus semel mori, & Psal. Quis est homo qui non videbit mortem?) mortem gustaverit. Vide Eusebium libro. 3. cap. 1. & 31. qui dicit Ioannem in Epheso episcopalem mitram (quam Petalion vocat) gestasse, atque ibi in domino obdormiuisse, hoc est, iuxta Christianorum dialecton, à vita migrasse. Cæterum ex hac vita profectum affirmat temporibus Neruæ Cæsaris, qui illum ab exilio Patmos, ubi tyrannide Domitiani exulabat, liberum remisit. Vide eundem lib. 3. cap. 18 & 20. Hieronymus dicit eum in Epheso consensuisse, tandem senio grauatum, circa annum Domini 68. humanis excessisse. Et Tertullianus affirmat in feruens coniectum oleum, atque illesum exiisse. Colligimus ergo, *Manere*, hic non significare à mortis debito absolui, sed non mori ad exemplum Christi, uti Petrus prædixit. Vnde & Ioannes Apost. hoc loco eam opinionem abstulit, ac sensum non orthodoxum correxir: quod nisi præstitisset, error ille usque ad nos quoque esset propagatus.

Hæc doctrina instruit omnes Christianos, atque admonet, ne dicamus nos hoc vel illo mortis genere morituros: nec putemus mortem quantumvis ferocem atque enormem Deo osci-

tante mortalibus accidere: quasi nihil ipse curet; sed fato hoc relinquat. sicut enim vitæ est auctor, ita & mortis est ordinator. *Institutio Christiana de mor-*
 Discamus igitur omnes. 1. Non curare cuius qualitatis sit hominis mors: nec quonquam perturbet quod hic parietis ruina
 oppressus, ille gladio confossus, alius ignibus absumptus, alius securi percussus intereat. Siquidem scriptura clamat, Iustus si *Sap. 4.*
 morte præoccupatus fuerit, in refrigerio erit.

2. Ex his verbis liquet, discipulorum, omniumq; hominum natura, siquidem ex verbis Christi perperam intellectis, euulgant rumorem falsum. Nam Christus Petro interroganti de Ioanne, respondet: *Christi verba nō sunt pro cuiusq; sensu interpretanda.*
Si eum volo manere, donec veniam, quid ad se? me sequere. Inde interpretantes suo sensu verba Domini, inferunt Ioannem non moriturum, &c. Hæc doctrina instruit omnes Christianos atque admonet, non ita facile cuius licere verba Christi suo sensu interpretari. Nā si Apostoli ac discipuli, quibus nota fecerat omnia, quæ audierat à patre suo, in illo verbo interpretando ita allucinati sunt: quid nobis continget, qui nō sumus aded familiars? Si domestici mentem Domini non intelligunt, ciues quid facient? Discamus igitur omnes, non proprio spiritu verba Christi interpretari: nam sicut Paulus docet, *Hæreticis cur non datur verba Christi tractare.*
 nemo cognouit quæ sunt Dei, nisi qui spiritum eius habet. Docet idem Corinthios negotia ac verba spiritalia spiritalibus hominibus tractanda, intelligenda, atque determinanda proponere. 1. Cor. 2. Hinc etiam discamus, hæreticos verba Domini intelligere nec debere, nec posse: quia non spirituales, sed carnales sunt & animales: nec possunt intelligere mysteria Ecclesiæ, quia non habent Spiritum Dei, sed Satanæ, cuius sunt filij ac serui, à quo captiui tenentur ad ipsius voluntatem. Animalis enim homo non percipit ea quæ sunt Spiritus Dei. *1. Cor. 2.*

EPILOGVS.

1. Exemplum resipientium alienam vocationem & aliena opera fugitandum, cum intrepide oporteat sequi vocantem Christum. Melior est enim obedientia, quam victima.
2. De voluntate nostra frangenda in Dei voluntatem. Sape enim non voce de celo, non per prophetam, non per reuelationem vel somnium vel excessum mentis, sed rebus ipsis accidentibus, aut ad aliud quam statueramus vocantibus, cogimur agnoscere Dei voluntatem aliam quam erat nostra, Aug. Epist. 65. ad Paulinum & Therasiam.
3. Auctoritas Ioannis Euangelista, & testis dignitas, qui recubuit super pectus Iesu, qui scripsit hæc, cuius testimonium verum est, qui totus huc spectat, ut credamus in nomine unigeniti filij Dei, & ut credentes vitam habeamus per nomen eius.

IN FERIIS INNOCENTVM

EPISTOLA.

Apo. 14.

ET vidi, & ecce Agnus stabat supra montem Sion, & cum eo centum quadraginta quatuor millia habentes nomen eius, & nomen Patris eius scriptum in frontibus suis. Et audiui vocem de caelo tanquam vocem aquarum multarum, & tanquam vocem tonitruum magni: & vocem quam audiui, sicut citharadorum citharizantium in cithara sua. Et cantabant quasi canticum novum ante sedem, & ante quatuor animalia, & seniores, & nemo poterat discere canticum, nisi illa centum quadragintaquatuor millia, qui empti sunt de terra. Hi sunt qui cum mulieribus non sunt coniuncti, virgines enim sunt. Hi sequuntur agnum quocunque ierit. Hi empti sunt ex hominibus promissa Deo & Agno: & in ore eorum non est inuentum mendacium, sine macula enim sunt ante thronum Dei.

Ecclesia duplex.
Visibilis.

IN lectione hac, in qua de Ecclesia Christi peculiariter agitur, sciendum est eam esse duplicem: visibilem nimirum & invisibilem, mixtam & puram. Visibilis seu mixta, est collectio omnium illorum qui profitentur Christi nomen ac Euangelium, & Sacramentis participant. In hac promiscue sunt boni & mali, quemadmodum Dominus parabola de iacto in mari verriculo etiam docet Matth. 13. Vidimus enim multos in Christi nomen baptizatos, qui quidem Euangelicam doctrinam profitentur, & ad sacramentorum sumptionem accedunt, attamen vita diuersum de se testantur, vitam ad nihil minus quam Euangelium habent compositam. Hos tamen quantum veritatem seruant, & a transis criminibus temperant sibi, iuxta ferre oportet usque in illum diem quo Christus Angelos suos emittet ad auferenda omnia regni sui scandala. Videmus ite contra nonnullos (ac horum mira est paucitas) qui ut Christi nomen gerunt, sic huic etiam adherent vera fide: ut doctrinam Euangelicam profitentur, ita iuxta hanc etiam vitam componunt: ut sacramentis participant, sic horum quoque effectus in se declarant.

Matth. 12.

Invisibilis.

Christiani re
& nomine,
qui.

Ecclesia cur in
visibilis etiam
ducatur.

Ceterum invisibilis seu pura Ecclesia, est ea collectio credentium, de qua iam diximus: nimirum qui fidem Christianam & ore profitentur coram mundo, & corde constanti retinent coram Deo. Ro. 10. Christiani sunt & nomine & re ipsa, Euangelicam doctrinam & auidē audiunt, & sedulo exercent: sacramenta sumunt, eorumque fructibus redduntur participes. Huiusmodi autem credentium concio seu Ecclesia propterea invisibilis dicitur, non quod videri non possint qui in ea sunt, sed quod nemo mortalium eos tales esse norit. Nam tametsi quatenus homines sunt, videantur, tamen quatenus veri credentes sunt, non possunt videri, eo quod vera fides lateat intus in corde. Pura verò horum ecclesia ob id dicitur, quod nulla in munditia peccati malitia, nulla hypocrisis ibidem deprehendatur. Quicquid enim illi siue loquuntur, siue sentiunt, siue faciunt, id

id vera simplicitate & veritate nititur. De hac sola Ecclesia præfens lectio agit: Quæ dicitur mons, quoddam teste Daniele, totam terram impleuerit, seu per vniuersum orbem terrarum diffusa & conspicua sit. Dicitur item Sion, quoddam specula sit, in qua videatur Deus.

*Ecclesia varia
appellationes.*

Agnus, Dominus noster Iesus Christus est: de quo sic Ioan. Baptista inquit, Ioan. 1. Ecce agnus Dei, ecce qui tollit peccata mundi. Dicitur autem agnus, quoddam innocens seu purus sit, quoddam sit item mansuetus, quod ad hæc lana meritorum suorum nos vestiatur, & cibo carnis suæ enutriatur, Ioan. 6. quoddam denique verum sit expiatorum sacrificium, Heb. 9. De hoc agno vide Isa. 53. Hier. 11. Dicitur verò agnus Christus stare super Ecclesiā, veluti supra editum montē Sion, quoddam caput eius sit, quoddamq; eam defendat contra omnes portas inferi.

*Agnus dicitur
Christus.*

*Matth. 16.
Coloss. 1.*

Cæterum per centum & 44000. qui stabant cum agno, vniuersam electorum multitudinem intelligere debemus: sumpto videlicet numero finito pro infinito. Hi habent nomen patris & Agni scriptū in frontibus suis: hoc est, Spiritu sancto consignati sunt, confitenturque palam & intrepidè Deum, ac Iesum Christum, Deum nimirum esse verè patrem Iesu Christi, & Christum verè esse agnum seu unicam pro peccatis oblationem. Ore suo palam confitentur Iesum esse seruatorem, & corde credunt ipsum resuscitatū à patre, & resurrexisse à mortuis. Apparet Ioannes peculiari affectu Christum agnum Dei appellasse, respiciens in typum agni Paschalis. Exod. 12. Huc etiam Euangelistam respexisse, dubium non est. Illius sanguis seruauit primogenita populi Israël, seruat nos sanguis Christi filij Dei viui. Illic nomina inscripta signo Thau liminaribus superioribus: hæc nostra nomina per sacrosancta stigmata signata sunt in æterna cælestis patris aula, Lucæ 10. Vide quid nobis contulerit agnellus Dei niueus, innocens, purus. Scripti sumus in cælo in libro vitæ, inscripti sumus cordi, manibus & pedibus I E S U C H R I S T I, vnde & inscripti sumus penetrabilibus sacris pectoris patris cælestis, dilecti sumus in dilecto, quia ipse nos sibi sanctificauit peculiarem populum. Dicit ergo Apostolus, nos nomen patris & nomen agni in frontibus nostris habere. De consignatis huiusmodi plura vides in eodem lib. supra cap. 7. & 9. De signo quo ab aliis discernimur, vide Cyprianū contra Demetrianū, Ambrosiū in sermone inuentionis crucis sanctæ. Similia ferè vides apud Ezech. cap. 9. De signo Thau, quod apud Hebræos signū per se denotat. Signi huius meminit Tertullianus lib. 3. contra Marcionem. verba eius inter alia sunt hæc: Ipsa enim est litera Græcorum Tau, nostra autem T. species crucis, quam portendebat futuram in frontibus nostris apud veram & catholicam Ierusalem.

*Christus typus
agni paschalis.*

T. Signum.

*Vox aquarum
multarum, quod.*

*Vox citharæ,
quid.*

*Fidelium car-
mina.*

1. Pet. 1.

*Castitati stu-
dio.*

*Hu notis veri-
tatis Dei de-
prehendatur.*

Vox aquarum multarum vniuersos Ecclesiæ filios signifi-
cat, qui laudant quoddam per Christum sint facti primogeniti crea-
turæ eius, quoddam in Christo sint facti regale genus & sacerdotiū
sanctum, quoddam per Christum illis aditus regni cælorum sit pa-
tesfactus. Vox citharæ animam significat humanam. Cithara
edit sonum, tactu chordarum intus conceptum. Animæ autem
infunduntur corporibus, haud secus atque sonitus citharæ. Lau-
dant piæ animæ Deum per Christum suum redemptorem, gra-
tiasque agunt pro sacramento redemptionis. Aliæ est vox & can-
tus mulicorum Babylonicorum & Sardanapalitarum, de
quibus dicitur Apoc. 18. & Isa. 5.

Hi cantant ad sedem Dei canticum nouum, hoc est, puram
tranquillamque conscientiam per fidem habent, Deumque iu-
giter laudibus, gratiarum actionibus prosequuntur. In Ecclesia
quoque hac verè cantatur canticum illud nouum Euangelij.
Euangelium promulgatur ore, corde, vita. De hoc concentu ha-
betur Apoc. 5. Dignus est agnus qui occisus est, accipere virtu-
tem & diuitias, & sapientiam & fortitudinem, & honorem &
gloriam & benedictionem. Et hoc cap. 7. Benedictio & clari-
tas, & sapientia, &c. Et hoc cap. 15. Quis non timebit te Dñe, &
magnificabit nomen tuum? &c. & cap. 11. Gratias agimus tibi
Dñe Deus omnipotēs, qui es & qui eras, & qui vêturus es, &c.
Item cap. 19. Alleluia, &c. Hæc omnia fidelium sunt carmina:
fidelium, inquam, tam ex Israëlitarum quàm ethnicorum
ad Christum conuersorum numero, omnium, inquam, qui tam
explicite quàm implicite Christum vnquam à condito mun-
do timuerunt & crediderunt.

Hi empti sunt de terra, hoc est, cum in peccatis concepti na-
tiq; essent, ab eisdem sunt liberati, atque à perditione erepti &
iustificati sunt, idque non corruptibilibus auro & argento, sed
pretiosissimo sanguine immaculati agni Iesu Christi.

Hi cum mulieribus non sunt coinquinati, sed virgines sunt,
hoc est, non sequuntur carnis desyderia & opera, sed summa cu-
ra ab his abstinent, non addicunt sese mundanis voluptatibus,
non habent ventrem ac Mammon pro Deo, non Satanæ mili-
tant: sed contra castitati student, corpus suum castigant, sobrie-
tatem colunt, liberalitate erga pauperes & afflictos exercent,
cælestes thesauros corradunt.

Hi sequuntur agnum quocunque ierit, hoc est, conformes
sese reddunt imagini filij Dei, sanctamque ac piam agunt
vitam.

Hi empti sunt ex hominibus primitiæ Deo & agno, hoc est,
redemit eos Christus ab omni iniquitate, purificauitque sibi
populum peculiarem.

Horum in ore nullum inuentum est mendacium, seu nullus
dolos

dolus, hoc est, veraces sunt & simplices, nec vel in minimo proximum suum decipiunt: imò ne cogitant quidem ulli malum.

Hi denique sine macula sunt ante thronum Dei, hoc est, vt puritati per omnia student, sic & Deus pro sua misericordia illos pro puris reputat, etsi alioqui nemo in conspectu eius iustificari possit, si ille iure suo velit agere.

Psalm. 142.

Vide, ex his notis deprehenduntur veri electi, viua Ecclesiæ membra, ex constanti, inquam, veræ fidei confessione, ex puritate conscientiæ, ex carnis mortificatione, ex sancta & pia vita, ex veritate & simplicitate erga proximum. Talem credentium congregatio vera est & inuisibilis Ecclesia, sponsa Christi sancta & immaculata, vxor agni non habens ullam maculam aut rugam. Ephes. 5. columna & firmamentum veritatis. 1. Tim. 3. habitaculum Dei, templum Spiritus sancti. Eisdem ergo & nos insigniti notis simus oportet, si de capite Christo & de Ecclesia gloriari verè velimus, si huius cælestis ciuitatis incolæ esse velimus: alioqui non proderit nos vocari Christianos, profiteri Euangelium, accedere ad sacramenta. imò actum erit de salute nostra, idem nobis obtinget, quod fatuis virginibus. Quare si cordi nobis est salus, huc omnibus modis enitatur, quò huius Ecclesiæ simus filij, huius corporis viua membra, vt nimirum castam virginem nos exhibeamus Christo, huic vota quæ vouimus in baptismo, fideliter persoluamus, vt per veram vitæ innocentiam conformemur imagini eius, vt sine dolo immaculati inueniamur vsque in finem. Amen.

*Ecclesia vera
& inuisibilis.
Quibus notis
Christiani veri
insigniri de-
beant.*

Præsens hæc lectio non eo nomine in hisce Innocentium feriis nobis præfigitur, quasi de illis agatur in ea propriè: sed ob id quodd commemorantur hic quædam quæ non ineptè in illos competant. Dicit enim Ioannes fuisse cum agno super monte Sion turbam admodum numerosam, sic nimirum & illorum maxima cieta omne dubium multitudo fuit propter Agnum Christum occisorum, dicit item Ioannes, eos qui fuerunt cum Agno primitias Deo & Agno fuisse, virgines fuisse, neque dolum habuisse in ore suo: ita videlicet & innocentes verè primitiæ seu primi martyres Christi fuerunt, fuerunt & virgines, ac sine dolo, quippe infantes. Ad quorum exemplum oportet omnes, qui in regnum cælorum aditum sibi patere cupiunt, puerafcere rursus, Matth. 18. Luc. 9. Hoc est quod ait Apost. 1. Cor. 4. quantum ad malitiam nos pueros esse oportere, perfectos verò esse quantum ad sensum. Vocabulum innocentie, satis qui pueri euangelici sint, explicat. Ad perfectionem ætatis virilis euangelicam, sine pueritia ea nunquam pertingemus. Qui se humiliat exaltabitur. Ob hanc similitudinem seu vicinitatem legitur nunc dicta lectio, alioqui generalis descriptio est totius cœtus

credentium, seu totius Ecclesiæ spiritualis, vel omnium verè sanctorum & viuorum Christi membrorum.

EPILOGVS.

- 1 Christus Agnus est qui tollit peccata mundi, Ecclesiam suam, hoc est, numerum populi Dei contra bestiam protegens.
- 2 Ecclesia Agno stanti psallit canonicum nouum, hoc est, laude & imitatione, confessione fidei, & recta vita Deum concelebrat.
- 3 Innocentia verorum Christianorum, virgines sunt casti & pudici, sine macula, & immaculati in via, Psal. 118.

IN FERIIS EORVNDEN INNOCENTIVM, EVANGELIVM.

Matth. 2.

IN illo tempore, Ecce Angelus Domini apparuit in somnis Ioseph, dicens, Surge & accipe puerum & matrem eius & fuge in Aegyptum: & esto ibi usque dum dicam tibi. Futurum est enim ut Herodes querat puerum ad perdendum eum. Qui consurgens, accepit puerum & matrem eius nocte: & secessit in Aegyptum. Et erat ibi usque ad obitum Herodis: ut adimpleretur quod dictum est à Domino per prophetam dicentem, Ex Aegypto vocaui filium meum. Tunc Herodes videns quoniam illusus esset à Magis, iratus est valde: & mitemens occidit omnes pueros qui erant in Beth-lehem & in omnibus finibus eius, à bima-tu & infra, secundum tempus quod exquisierat à Magis. Tunc adimpletum est quod dictum est per Ieremiam prophetam dicentem, Vox in Rama audita est, ploratus & ululatus multus, Rachel plorans filios suos, & noluit consolari, quia non sunt.

Hoc Euangelium complectitur tria. Primò, solitudinem plusquam paternam, quam erga suos habet pater æternus, cum ait: Angelus Domini apparuit in somnis Ioseph, dicens, Surge, & accipe puerum & matrem eius, & fuge in Aegyptum. Deus enim agit curam suorum: ita custodiuit & liberauit Moysen ab aquarum submersione, Exod. 2. Abraham de Vr Chaldæorum, Gen. 17. Isaac de sacrificio, Ibid. 22. Iacob ab indignatione Esau, Ibid. 27. Ioseph à puteo, & à vinculis Pharaonis liberauit, Ibid. 39. Hos non tantum ad vitam prædestinauerat: verum etiam ad amplissima munera in suo populo administranda ipsos ab æterno præordinauerat. Et ne irritum esset æternum suum propositum, utq; ostenderet sese potentem ad saluandum, si velit, vel in maximis periculis: ided Patriarchas illos ex tantis discriminibus eripuit, ut inde discamus duo. 1. Verum esse illum scripturæ locum, non est sapientia, non est prudentia, non est consilium cōtra Dominum. 2. Quicquid Deus ab æterno futurum præordinauerit, aded stabile, immobileq; futurum, ut nulla sit virtus humana, nec diuina, quæ hoc impedire possit.

Decreuerat Deus ut filius suus post 33. annos mortē pateretur in cruce, non gladio. Voluit Herodes hoc impedire, sed nihil minus potuit. Nam Deus misit Angelum, qui Ioseph admoneret ut se in Aegyptum cum matre & infante conferret.

Doce-

Deus saluat in
maximu peri-
culis.

Proverb. 21.

Docemur hac doctrina, quòd quemadmodum tunc temporis Lucifer non potuit per seruū suum Herodem è medio tollere virginem sacratissimam, nec benedictū eius semen Iesum, caput & fundamentum Ecclesiæ catholicæ: ita nec modò poterit, quantumuis insaniat ac furiat, per seruos suos Lutherum, Brentium, Caluinum, tollere Ecclesiam Romanā matrem Catholicorum, veram sponsam Christi: nec eius pontificem, qui verum est caput & fundamentum Ecclesiæ: quia verum est, & immobile stabit illud Christi decretum: Petre, ego pro te orauī, &c. Luc. 22. Et illud: Ego enim vobiscū sum omnibus diebus vsque ad consummationem seculi.

Herodes et Heretici seruī sunt Satanae.

Decretū Christi immobile.

Matth. ult.

Deus item interdum finit suos varia & graui pericula experiri, & se videre dissimulat: attamen malo ingrauescente ac inualecente adest, & liberat. Sic liberauit Noë à diluuiō, Gen. 7. & 8. Lot ab excidio Sodomorū, ibid. 19. Filios Israël ex Aegypto, Exod. 14. & 15. Dauid à Saule & Goliath, 1. Reg. 17. & 19. Eliam à Iezabele. 3. Reg. 19. Magos ab Herode, Mat. 2. Sufannam à senibus, Dan. 13. Daniele à leonibus, eiusdem 14. Tres pueros de fornace ignis ardentis, eiusdem 3. In nouo quoque Testamento liberauit Petrum è carcere Herodis, Act. 12. Paulum ab insidijs Iudæorum, de profundo pelagi, de Damasco, Ibidem 23. 24. 28. & 9. Ioannem Euangelistam ab exilio, Athanasium ab Arrio hæretico, Discipulos à tempestate maris, Mat. 4. & 14. Nam nouit Dominus qui sint sui, 2. Tim. 2. Custodit Dominus animas seruorum suorum, Psal. 96. Pater sollicitus est pro filio suo dilecto, Ioan. 8. Pater reducem facit filium suum ex Aegypto in Iudæam & Galilæam in ciuitatem Nazareth, vt veros faciat prophetas, Osë, qui cap. 11. dicit, Ex Aegypto vocaui filium meū. & alios, quos Matth. 2. ait dixisse de Christo, Quoniam Nazareus vocabitur.

Deus in periculo ingrauescente suu adest.

Quid nos faciemus, vt nos Deus velit custodire? Dauid hoc consulit, vt qui Psal. 144. ait: Custodit Dominus omnes diligentes se, non credentes tantum, sed diligentes se: & omnes peccatores disperdet, etsi maximè credant. Qui ergo vult à Deo custodiri; diligat Deum: nam de diligentibus Deum, inquit Dauid, Custodit Dominus omnia ossa eorū, vnum ex his non conteretur.

Psal. 133.

Concionatorum munus.

Deceat hic concionator populum, Deum supra omnia diligere, ipsiusque mandata seruare: & Dominus ipsum custodiet. Et si Herodes ferociat, inuidusque in nos sauiat, nobis dormientibus Deus nos custodiet. Hodiernū euangelium hoc testatur. Custodiuit Deus oliu Israëliticū populū, quasi pupillā oculi sui, Deut. 32. Zacha. 2. & non custodiet modò Christianos, quos sanguine suo redemit? Roma. 8. Si Deus pro nobis, quis contra nos? 1. Petr. 3. Et quis est qui vobis noceat, si boni

*Talis nūc erga
nos Deus est,
qualis olim in
beatos.*

emulatores fueritis ? Nam certē qualis fuit erga filium suum vnice dilectum Iesum, qualis erga Mariam matrem, erga Ioseph, erga Magos fuit, talis & erga omnes electos tum fuit semper, tum hodie est, tum est futurus. Per filium enim suum ipsos quoque in filios sibi adoptauit: non ergo minūs pro ipsis habebit curam, quā pro illo. Ne autem hīc quis dubitare possit, audiamus ipsum filium: Nolite (iniciens) timere eos qui occidunt corpus, animam autem non possunt occidere: sed potius timete eum, qui potest & animam & corpus in gehennam præcipitare. Nōne duo passeruli assē veneunt, & vnus ex illis non cadet super terram sine patre vestro? Vestri autem & capilli capitis omnes numerati sunt. Nolite ergo timere, multis passeribus præstatis vos, Matth. 10. Confirmabitur hīc igitur merited fides nostra, ac certificabimur, si quidem in Dei timore agamus, & in ipsum omnem nostram collocemus fiduciam, quodd & ipse pro nobis sollicitus tum sit, tum esse velit, quodque proinde nihil possit nobis vnquam obesse. Dicamus ergo cum Dauide, Dominus illuminatio mea & salus mea, quem timebo? Dominus protector vitæ meæ, a quo trepidabo? Qui tribulant me inimici mei, ipsi infirmati sunt & ceciderunt. Si consistant aduersum me castra, non timebit cor meum. Si exurgat aduersus me prælium, in hoc ego sperabo.

Psal. 26.

*Christi fuga in
Egyptum.*

2 Complectitur fugam Christi in Aegyptum, cum ait: *Cou-surgens Ioseph accepit puerum & matrem eius nocte, & secessit in Aegyptum, &c.* Christus enim ab ipsis teneris annis incepit ferre crucem, quod significaret regnum suum non esse de hoc mundo, Ioan. 18. in quo veluti Nabuchodonosor aliquis Babylonius, aut Persa Cyrus, aut Macedo Alexander, Cæsarve Romanorū Augustus, hostes suos protereret, & victor armis totum orbē occuparet, sed adumbraret regnū suū in hoc mūdo futurū laboriosum, durū & calamitosum. Incepit ferre persecutionem: quod significaret in vita Euāgelica esse crucē & afflictiones, Mat. 16. Si quis vult venire post me, &c. Nā mūdos electos Dei odio lethali persequitur, huc omnes suos conatus, omniaque studia intendit, quod eos ē medio tollat, occidat, extinguat. Quid causæ autē huc moueat illū, ex Herode facillimē disci potest. Is enim ob id tanto odio flagrabat in recens puerum Iesum, quodd timeret se ab hoc expellendum tandem. Audierat nanque ipsum esse natum regem Iudæorum. Sic, inquam, & mundus ob eam solū causam tam immaniter in electos debacchatur, quodd arbitretur per hos suæ quippiam decessurum authoritati, dignitati ac potentia: quodque hinc eos habeat suspectos, reputat seditiosos, perturbatores, seductores, maleficos, &c. Incepit etiam Christus a teneris annis ferre exiliū, quo significaret oportere nos prius cum Christo pati, quā glorificari.

*Odij Herodis
in Christum
caussa ambitio.*

Potuis-

Potuisset Deus Herodem vel vnico verbo coercuisse, atque in abyssum inferni cum toto regno deturbasse: sed noluit. Non enim omnia quæ potest Deus, eadem & facit. Oportebat enim & Christum pati pro mundi salute, & Herodis iniquitatem reuelari. Quodd ergo Deus non facit semper quod potest, non per impotentiam quandam aut malignitatem intermittit, sed quodd sic egisse neque conducatur expediatve nobis, neque ipsum sic deceat agere. Profugit autem in Aegyptum, propter duas causas. 1. Vt scriptura impleteretur, Osee. 11. Ex Aegypto vocavi filium meum. 2. Vt re ipsa ostendat se Iudæos propter ipsorum incredulitatem & ingratitude[m] deserturum, & gentes accepturum. Hinc Iudæi regem caelestem Christum amittebant, qui venit eos seruare: terrenum verò Herodem tyrannum retinebant, qui ne liberis quidem suis pepercit, sed miserabiliter trucidauit, vt Augustus testatur, qui dicebat se malle esse porcum Herodis, quàm filium.

Nō omniaque potest Deus eadem statim facit.

Fuga Christi in Aegyptum due causa.

Macrobius, lib. 2. Satur.

Videtur hæc fuga respicere ad dictum Isa. 19. Ingredietur dominus Aegyptum, & commouebuntur simulachra Aegypti à facie eius. Recordatus nanque Dominus plagarum, quia non in finem irascitur, ingreditur Aegyptum, non vt plagis eam vexaret amplius, sed vt daret illi magnæ reconciliationis signum, & perpetuæ amicitia pignus, vt populus ille qui antefuerat persecutor populi primogeniti Israël, fieret custos filij vnigeniti: ac qui illi populo dominati sunt violenter, filio cum deuotione seruirent reuerenter: ac sic iam non irent ad mare rubrum demergendi, sed vocarentur ad aquam baptismatis viuificandi. Quia ergo à suis non est receptus (Ioan. 1.) sed persecutus, transiit ad gentes. O infœlix Iudæa: fugit à te lumen tuum, & ad gentes pergit Aegyptias, vt qui in tenebris sedebant, lumen Dei patris acciperent. Isaï. 9. Quia peregrè in cunis iacere debuit, nec ei locus erat in diuersorio, locum refugij quæsiuit in Aegypto.

Deus non irascitur in finem

Hæc fuga parentibus Christi non leuis & exigua crux erat, Vix enim è Beth-lehem aut Ierosolymis domum venerant, suamque rem domesticā in Nazareth disposuerant, quin mox adesset Angelus Domini, & iuberet rursus peregrinari in Aegyptum. Nullaque mora facta, mandato diuino obsequentes, itineri se accingunt, nihil prorsus timentes, nec dubitantes de vario successu. Nihil hic recusarunt parentes domini: non accusarunt iniquam sortem suam: non causati sunt imparatos se esse tantæ profectioni: non obiecerunt, Si is est filius ille Dei, & se vindicet de hoste prophano, & tueatur etiam nos. Nihil, inquam, huius vel in mentem admiserunt, sed vbique Deo crediderunt & obedierunt, atque eius se curæ commiserunt, imo illa ipsa nocte statim exurrexerunt, & monitis Dei absque vlla parue-

Fuga in Aegyptum parentibus Christi admodum subardua crux fuit.

Spiritus Domini ubi adest, ibi libera & prompta obedientia, & ad omnia voluntas. Nihil sit oportet, nec in terru, nec in celo, quod nos à Dei obedientia remoretur.

paruerunt mora. Quia ubi spiritus Domini, ibi libera & prompta obedientia, & ad omnia voluntas. Nam qui verbo Dei credunt, verbo Dei non obedire non possunt. Hæc planè fuit Abrahamica fides absoluta, verè iustificans.

Docentur ex hac historia Christiani, patriam, natale solum, parentes, facultates, amicos, quietem, omnia penitus debere relinquere, ut Deo obedientes nos præstemus. Nil prorsus sit oportet, nec in terris, nec in celo, quod ab ipsius obedientia remorari nos possit. Maria sanctissima non patriam dulcem, non suos amicos, non affines, nec ullos cognatos moratur, dummodo Deo patri obsequatur. O felices qui illam imitantur, ita Abraham, ita Iacob, ita Moses, ita Aaron Deo iubenti, omnibus neglectis, superatisque periculis, animo infracto obsequuntur. Hos igitur, & Ioseph, virginemque Mariam imitemur.

3 Complectitur hoc Euangelium Herodis regis tyrannidem, cum ait: Tunc Herodes videns quoniam illusus esset à Magis, iratus est valde: & mittens occidit omnes pueros qui erant in Beth-lehem. Fuit Herodes iste sanguinarius & tyrannus sceleratissimus. Nam Hyrcanum, & eius filium, omneque regium semen perdidit. Iosephus antiquitatum Iudaicarum lib. 15. cap. 7. Genealogias cremandas dedit. sororem Salome, unam cum marito Iudæo, & proprium filium interfici curavit. Multum innocentis sanguinis effudit: imò hoc impio consilio occidit ille omnes bimulos, aut hac ætate minores, quotquot erant in ipsa Beth-lehem, & in eius oppidi finibus, ut in tanto numero & ipsum puerum Iesum (quem unice cupiebat extinctum) simul occideret, quod videlicet sic tutum suum obtineret regnum. In hoc rectè lupum imitatus, qui famis impatiens, & ovem diligenter quærens, si ovile interrumpere valeat, non solum unam, sed omnes oviculas iugulat, ut sic pinguiore atque delicatiore nacta famem extinguat.

Herodes tyrannus sceleratissimus & sanguinarius.

Herodes lupus similis.

Tyranni quos terrent, ipsi plus metuunt.

Vnde hic Herodes tantum odium sibi conciliauit, ut nec ad horam tutus esset, semper metuens aliquando proditurum, qui ipsum tanquam alienum & vi obtrusum regem atque tyrannum, à solio in malam rem esset præcipitatus.

In tali dum versatur metu, nec sibi bene consultum existimat, quin aliquid mali sibi ominatur: nascitur Christus, Luc. 2. Angelicantur, Pastores adoratum veniunt, Magi ab oriente cum muneribus accedunt, quærentes ubi sit natus rex Iudæorum, Matth. 2. Hinc Herodes turbatur, conuocat Pontifices & Scribas populi, perquirat curiosè tempus stellæ à Magis, mittitque eos in Bethlehem inquisitum de puero: ut ipsi nuntient. At illi profecti repperunt puerum cum Maria matre eius, prostrati adorauerunt, & obtulerunt puero aurum, thus, & myrrham, Matth.

Matth. 2. Admoniti in somnis ne redirent ad Herodem, per aliam viam reuerſi ſunt in regionem ſuam. Quare ſentiens ſe illuſum, iratus occidit omnes pueros, &c. non abſimilis Pharaoni. Idem enim in utroque diabolus ſæuiens, per Pharaonem electæ gentis ſtirpem excindere voluit, ne ex illa humani generis redemptor ſecundum promiſſionem Abrahamæ factam aliquando naſceretur. Per Herodem verò, iam natum perſequebatur. Præcepit Pharaoni obſetricibus Aegypti, dicens, Quando obſetricabitis Hebræas, & tempus partus aduenerit, ſi maſculus fuerit, interficite illū, ſi ſcæmina, reſeruate, Exod. 1. Item quæ omni populo præcepit, dicens, Quicquid maſculini ſexus natū fuerit, in flumen proiicite. Vtrobique pro vnius ſuſpecta perſona trucidatur multitudo numerofa paruulorum, utrobique qui quærebatur, euadit. Moſen quippe filia Pharaonis, Chriſtum Aegyptus ſeruauit.

*Herodes non
abſimilis Pha-
raoni.*

Porro ne quis addubitet hoc diſpenſatione diuini conſilij ſic eueniſſe, prophætæ Hieremiæ vaticinium adducit, hoc præſagio mentis afflatæ iam factum cernentis, quod multis poſt ſeculis eſſet futurum. Vox, inquit, in Rama eſt audita, vox vehementer plorabunda, lugubris ac lamentabilis. Nimirum Rachel ea erat deplorans filios ſuos: nec admittit cōſolationem, propterea quòd eſſent omnes è medio ſublati. Rachel quæ enixa Benjamin, hoc eſt, doloſi filium, mox à partu perit: ſepulta eſt non procul à Bethlehẽm, vnde propheta ſub huius perſona, matrum luctum, ſuos filios ab Herode trucidatos deplorantium, expreſſit.

*Ierem. 31.
Rachel, plorās,
typus matrum
proles ſuas de-
plangentium.*

Rogas quare Deus pueros occidi permiſerit? Reſpondet Theophylact. Vt in illis Herodes ſuam oſtendat maliitiā, iterum ait: Nunquid vt oſtendatur illius malitia, idèd debuit pueris fieri iniuria? Audi igitur. Quantum ad Herodem attinet, iniuria eſt, & puericidium hōrrendum, ſed quantum ad pueros non eſt violentum homicidium, ſed benignū martyriū puerulis à Deo ad aureolam & gloriam conceſſum. Nam multò contulit iſtis meliora, quàm iſtis abſtulerint impij furoris ſatellites, ereptos enim ex hoc ſeculo prauo & ærumnoſo, ineffabili & æterna donauit gloria. Florem igitur hunc puer Ieſus ſuauiſſimum præcocemque fructum decerpſit, ſciens in quos tribulos & ſentes abituri erant, ſi ſuperuixiſſent. Rapti ergo ſunt, ne malitia mutaret intellectum eorum, aut ne fictio deciperet animas illorum, Sap. 4. Coronam infantes electi & Deo dilecti, non quidem faciendo, ſed certè patièdo meruerunt. Nec illis credenda eſt deſuiſſe ratio, vbi tanta Dei fuit gratia. Sunt itaque & martyres & conſeſſores, Innocentes infantes, ſunt & doctores, quippe qui ſanguine ſcripſerunt proprio, non atrimento alieno. Scripſerunt per paſſionem iter eſſe ad conſolationem

*Deus cur pueros
innocentes
occidit permiſi-
ſit.*

*Innocentes ſunt
& martyres,
& conſeſſores,
& doctores.*

tionem vitæ æternæ, quod sic quoque legimus, Ioan. 15. 16. Item in Epistolis ad Rom. & ad Timoth.

*Cupiditas dom-
nandi mul-
tū mali dam-
nique adfert
mortalibus.*

Discamus ex hoc Euangelio, quantam duritiem & sæuitiā mortalium cordibus dominandi cupiditas adferat: siquidem Herodes vel ipsum Christum, Deum viuum, omnipotentem tam crudeliter insectari præsumpserit. Si cogit cupiditas manus inferre Domino, creatori, ac redemptori, quid faciet inferioribus? Caueant igitur mortales à malo tam truculento atque atroci. Hæc cupiditas turbat regna, ciues confundit, fratres cōmouet, pauperes opprimit, pares decipit, maiores perdit, proximos dilaniat, atque omnes affectus vehemēter accendit. Hæc dominandi cupiditas tot imperatores Romanos, tot reges proditoriè sustulit è medio. Hæc charitatem eneruat atque extinguit, fidem mortificat, spem euertit, ac reliquas virtutes animabus eripit, hæc Absalonem contra parentē suum Dauidem armauit, 2. Reg. 15. & 17. Hæc commouit Aman, vt pararet Machabæo patibulum, omnibusque Iudæis moliretur exitium, Esther 5. Hæc Christo intulit mortem, Ioan. 11. & 19. Hanc cupiditatem curat ac frænāt charitas. Hanc amemus, vt ipse qui charitas est, nos à tam pestifera dominandi libidine impollutos conseruet, vtque sic nos, in quibus per fidem viuā Christus natus est, qui stellam eius vidimus, qui Euangelij dulcedinem gustauimus, & Christum nouimus; relictis viis peccatorū aliud iter ingrediamur, quod perducatur nos in veram illam patriam cælestem, in vitam æternam. Amen.

EPILOGVS.

- 1 Sollicitudo Dei pro suis, iuxta illud, De ventre matris meæ recordatū est nominis mei, Isa. 49. Apparet angelus, iubet vt fugiant in Aegyptum, remoueat ex Aegypto in terram Israhel.
- 2 Ab ipsis vitæ initiis exemplo Christi ad tentationes & insidias præparemur oportet. Fili accedens ad seruitutem Dei, sta in timore, & præpara animam tuam, &c. Eccl. 2.
- 3 Impietatis exemplū in Herode, quod durat in consummationem seculi vsque, Ecclesia persecutionem sustinente.

IN FERIIS CONVERSIONIS

PAULI, EPISTOLA.

IN diebus illis, Saulus adhuc spirans minarum & cadū in discipulos Domini, accessit ad principem sacerdotum, & petiit ab ea epistolas in Damascum ad synagogas, vt si quos inuenisset huius via viros ac mulieres, viuentē perduceret in Ierusalem. Et cum iter faceret, cōtigit vt appropinquaret Damasco. Et subito circumfulsit eum lux de calo, & cadens in terram audiuit vocem, dicentem sibi: Saule, Saule, quid me persequeris? Qui dixit: Qui es Domine? Et ille: ego sum Iesus Nazarenus, quem tu persequeris. Durum est tibi contra stimulum calcitrare. Et tremens ac stupens dixit: Domine quid vni me facere? Et Dominus ait ad eum: Surge, & ingredere ciuitatem, & ibi dicetur tibi quid te oporteat facere.

Vni

Viri autem illi qui cecidantur cum eo, stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trahentes introduxerunt Damascum: Et erat ibi tribus diebus non vident, & non manducauit, neque bibit. Erat autem quidam discipulus Damasci nomine Ananias, & dixit ad illum in visio Dominus: Ananias. At ille ait: Ecce ego Domine. Et Dominus ad eum: Surge, & vade in vicum qui vocatur Rectus, & quare in domo Iude Saulum nomine Tarsensem. Ecce enim oras. Et vidit virum Ananiam nemine introeuntem, & imponentem sibi manus, ut visum recipiat. Respondit autem Ananias, Domine audiui à multis de viro hoc, quanta mala sancti tui fecerit in Ierusalem. Et hic habet potestatem à principibus sacerdotum alligandi omnes qui inuocant nomen tuum. Dixit autem ad eum Dominus: Vade, quoniam vas electionis mihi est iste, ut portet nomen meum coram gentibus, & regibus, & filiis Israel. Ego enim estendam illi, quanta cum oporteat pro nomine meo pati. Et abiit Ananias, & introiit in domum, & imponens ei manum, dixit: Saule frater, Dominus Iesus misit me, qui apparuit tibi in via qua veniebas, ut videres & implearis Spiritu sancto. Et confectim ceciderunt ab oculis eius tanquam squama, & visum recepit. Et surgens baptizatus est. Et cum accepisset cibum, confortatus est. Fuit autem cum discipulis qui erant Damasci per dies aliquot. Et continuo ingressus in synagogas, predicauit Iesum, quoniam hic est filius Dei. Stupebant autem omnes qui audiebant eum, & dicebant: Nōne hic est qui expugnabat in Ierusalem eos qui inuocabant nomen istud? Et huc ad hec venit ut victos illos duceret ad principes Sacerdotum? Saulus autem multo magis conualefcebat, & confundebat Iudeos, qui habitabant Damasci, affirmans quoniam hic est Christus.

IN H A C historia duo obseruanda. Primò, Status & conditio eius ante cōuersionem, id est, qualis prius fuerit, summus scilicet hostis Ecclesiæ Christi: id quod omnes probant circumstantiæ, quæ & omnes facti indignitatem arguunt, ut 1. Aetas, quia iuuenis indentauit, quem vel pudor vel facilitas iuuenilis cohibere debuisset.

Paulus quāto fuit ante cōuersionem.

2. Conditio, quia priuatus id suscepit, qui omnino nullo magistratu fungeretur. 3. Disciplina, quia discipulus cunctantissimi viri Gamalielis fuit, qui diuersum absque dubio, si nō semper, at exemplo tandem eius, Act. 5. doctus fuerat. 4. Libertas, quia non iussus, nec coactus, sed spontaneo impetu excitatus fecit. 5. Locus quia non domi mansit, vbi multis tamen sese opponere potuisset. 6. Modus, id est, institutæ persecutionis genera: quia non disputatione rem aggreditur, id quod maximè tamen sanctū, doctū & facundū, ac præsertim iis annis decuisset. Media, quia nō de mandāda Damascenis vi, sed per seipsum exercenda cogitat. & Obiecta, quia non in præcipuos, sed promiscuè in omnes, quotquot viderentur eius sectæ, grassaturus, neque in viros tantū, sed & foeminas sæuiturus fuerat.

Porro hic iam causæ & adiumenta tam funesti odij obseruanda. Causæ tres fuerunt, duæ propinquæ. Interna, inscius pro diuina lege & auita disciplina zelus, sicut ipse sæpenuúmero fatetur,

Paulina persecutionis tres causas.

fatetur, vt Philip. 3. Gal. 1. Similem verò Iudæis suis tribuit, Rom. 11. Vnde patet quàm exitialis sit cùm operum, tum traditionum humanarum arrogans & obstinata admiratio, & externa: fusus sanguis Stephani, nam & ipse iuuerat. Nequit autem fieri, quin qui semel biberit, plus subinde sitiatur, fascinantur enim vt quo plures necant, hoc se plus cum Deo triumphare putent. Tertia verò altior, vt permissio Dei, qui hoc ipso pacto voluit hæc conficere, vt Paulus quo ad Deum esset documento insignis eius cùm misericordiæ, quoddam noxium suscepisset: tum potentiæ, quoddam durum conuerteret. Quo ad Euangelium, esset documento summæ veritatis, vt quæ ipsum quoque Paulum tandem attraxisset. Quo ad apostolatam, imperū impetu, zelum zelo compensaret: nam quo grauius prius persecutus fuit Euangelium, hoc ardētius id postea professus & tutatus fuit. Tandem vt Paulus quo ad auditores tanto melius & Iudæos intractabiles ferret, & Gentes inscias erudiret. Maximè verò vt de iustificatione tantò plenius atque confidentius diceret, idque suo exemplo, quoddam scæuum perditumque tamen Deus tam clementer receperat. 1. Timoth. 1.

Adiumenta ipse sibi hæc delegit, nempe literas summi sacerdotis: ita Pharisaicus zelus semper captat speciem partim ordinis, cùm se ordinariæ potestati sed corruptæ sociat; partim sanctitatis, cùm se scriptis & decretis, sed humanis tantum munit. At vigilsim perditorum sacerdotum ordo, nullis æquè gaudeat nisi sanguinariis, & eorum calamus nihil æquè scribit nisi sanguinem.

Pauli conuersio 2. Secundò, in hac historia obseruanda est ipsa conuersio, in qua conuersione item obseruandum, 1. Vbi sit conuersus, in ipso itinere, sed cùm iam Damascum prope attigisset. Hinc perspicimus. 1. Dei sapientiam, quoddam articulos temporum quàm notissimos habet, ac tametsi & impios ad manifestandam eorum impietatem aliquousque progredi sinat, vt iam imperare sibi videantur, & pios ad manifestandam eorum fidem aliquousque premi sinat, vt iam expirare sibi videantur; tamen nouit terminos quando sint & cohibendi impij & liberandi pij. 2. Dei potentiam erga Paulum perspicimus, quoddam iam ipsi vrbi imminenti, atque idèd tantò plus ferocientem, de improviso sternit. 3. Perspicimus hinc Dei bonitatem erga Paulum quidem, quod iam iam extremum peccatum retrahit: erga Damascenos verò, quod iam iam extrema perpeffuros seruat.

Sapientia Dei circa Pauli conuersionem.

Terminos nouis Deus quando sint & cohibendi impij, et liberandi pij.

Potentia Dei erga Paulum.

Bonitas Dei cùm erga Paulum, tum erga Damascenos.

Deinde hic obseruandum quomodo sit conuersus. In quo iterum duo perpendenda. 1. Quomodo ad subiectionem sit compulsus, quod factum est per Christum, vt per ipsum Christum vocaretur is qui agnoscendus erat pro Apostolo: nam ad Apostolicam functionem pertinebat talis ordinatio, quam & ipse

ipſe ſæpe vrget , ne inferior aut ſeiunctus eſſe videretur, Gal. 1. Factum eſt hoc duplici iſto modo. 1. Fulgure , idque partim vt maiestas præſentis Dei probaretur, qui vt lux eſt, & in luce in-
*Modus cōuer-
 ſionis Pauli du-
 plex.*
 acceſſa habitat. 1. Timo. 6. ſic præſentiam ſuam crebrò luce ma-
 niſeſtat: partim vt docilitas locuturo deo paratetur, demonſtra-
 ta nimirum Paulo & cæcitate & labilitate ſua, qua ſe fruſtra
 ſapientiæ ac potentiæ Dei opponeret. 2. Voce, & hic colloqui-
 um obſeruandum. Chriſtus ter alloquitur. 1. Iaceti exprobrat
*Chriſtus ter
 Paulum allo-
 cutus eſt.*
 perſecutionem, atque ibi mira eſt collatio inter oppugnantem,
 cùm in terra iaceat, & oppugnatum cùm è cælo clamitet. Par
 abſurditas manet in quos ſanguinarios. 2. Interroganti (præ
 ſtupore) quis nam ſit, quo plus pungatur, indicat & ſe Ieſum
 eſſe, & eius perſecutione peti, vbi diſce, quanti Euangelium fa-
 ciendum, cùm Chriſtus ſuam cauſam eſſe pronuntiet, à qua
 nihil vult habere ſeparatum; deinde quàm libenter ſit pro Euan-
 gelij teſtimonio laborandum, cum & ſocium eius crucis Chri-
 ſtum habeamus, vindicemque habituri ſimus. Tandem quàm
 horribile iudicium eos maneat, qui vel Euangelium perſequun-
 tur, vel iniuriam membri Chriſti inferunt. Et indicat Paulum
 ſuo damno iſtud facere, vbi nota, hoſtes Euangelij non tam
*Hoſtes Euan-
 gelij non tam
 alios quàm ſe-
 ipſos lædunt.*
 alios quàm ſeipſos lædere, præterea iſtud vulnus eſſe longè le-
 thaliſſimum. 3. Denud interroganti (ex agnitione domini) quid
 nam faciendum ſit, iniungit vt Damalcum eat, id quod ſit, vt
 Eccleſiæ miniſterium commendetur, nam vt docilem quidem
 Chriſtus reddidit, ſic docendum tamen Ananiæ tradidit: &
 humilitas & confeſſio Pauli plus probetur: nam quos vincit
 iuerat, his iam ſe offerre dedereque, atque deprecari culpam cogi-
 tur. Iniungit etiam vt exſpectet, quod & metus eius tanto diu-
 turnior ſit, quem etiam aſſurgentiſ tremor, triduique cæcitas
 multum iuuat: quanquam & prioris ſuæ cæcæ vitæ caracte-
 rem ſecum ferre debuit, & obedientia eius tantò exploratio-
 fiat, quam & pulchrè declarauit triduana abſtinentia, & aſſi-
 dua inuocatio.

Porro eadem facit lex in noſtri emendatione, nam & nobis
 duris, ferreis, opus eſt diuinæ legis fulgure, & voce compellan-
 te & accuſante, exaggerante & minitante, cum tremore, & ca-
 ligante quaſi conſcientia, ad Euangelium ablegante:

2 Perpendendum quomodo in Eccleſiam coopertus ſit. Cæ-
 leſtem ſiquidem Pauli conuerſionem ſequitur miniſterialis cō-
 uerſio: nam per Ananiam docetur, baptizatur, ornatur manu-
 um impoſitione donis ſpiritus, & reſtituitur oculis. Vnde que-
 dam diſcimus.

1 De ipſo miniſterio in genere, vt quanta ſit eius dignitas, vt
 cui Dominus ipſe multa tranſigenda hic relinquat. Idem habes
 in conuerſione Aethiopis, Act. 8. & Cornelij, Act. 10. Deinde

*Cæleſtem Pau-
 li conuerſionē
 ſecuta eſt mini-
 ſterialiſ con-
 uerſio.*

60 IN PERITI
quomodo sit ab aliis acceptandum. Præeunte nimirum sedula inuocatione, vt Dominus corda nostra præparet, nam & Paulus sedulo id precatus est, & accedente summa humilitate, vt ne à minimis quidem doceri dedignemur, nam & Ananias fuit de vulgari numero.

A minimis doceri nemo dedignatus debet.

Et quomodo sit nobis obeundum, Puta legitimè, vt vocantem Deum expectes, & si non vbique visis agit, vt cum Anania, vt vocanti pareas, nec vel pertinacia, vel malitia relucteris, neutrum enim Ananias fecit, & si primò sibi metuit: id quod aliis etiam sanctis sæpe vsu venit: Moli erga Pharaonem, Ionæ erga Niniuem, & vt ores, vt electum has organum, quemadmodum hic de Paulo Deus pronuntiat. Circumspectè, vt cruce in certò secururam putes, & tantam quidem, quàm munus ipsum & facultas fuerit: vt animum tempestiuè ad tolerandum præpares, vt Deum ores, vt te etiam velut Paulum ferre doceat. Ista enim ex prædicatione Dei quam de Paulo Anania fecit, manifestè fluunt atque colliguntur. Auidè, vt omnium institutionem & salutem quæras, neque quenquam aut superiorem, aut humiliorem, siue desperatiorem putes. Id partim Pauli munus, quod amplissimum ei assignatur, partim Ananiæ exemplum, qui durissimum cogitur erudire, docet, vt Dei verbum in sublimi quasi portas, vt semper luceat, sonet, vincat: & moderatè, vt nisi in summa necessitate ab antea actæ vitæ exprobratione caueas, sic Ananias hic cum Paulo agit.

Metus viros constantes aliquid quando inuasit.

2. Discimus de Pauli ministerio singulariter. 1. Vt vox celestis, sic & gemina visio ac miraculū Apostolicam functionem arguunt. 2. Vt cæterorum, sic cum primis Pauli fuit prædicare gentibus Euangelium. 3. Quoad id confecit, hoc diuino verbo, Volo vt portet meum nomen, vbique persequitur. 4. Vt cæteris Apostolis, sic cum primis Paulo tanquam selectissimo organo assentiendum est. Attendant igitur, qui vel ipsi ministeriū temerè captant, aut ad gratiam flectunt, aut ignauiter obeunt, aut furiosè exasperant, vel aliis creditum contumeliosè negligunt: nostrum fuerit, agnita cecitate cupidè aspirare ad operum ministerij. Nam extra id frustranea illustrationis spes: in ipso autem adest vox manusque operantis, & ad cælestia subleuantis Christi, cui sit honos in perpetuum.

Paulus præsertim gentium Apostolus.

EPILOGVS.

1. Vocatio ad munus Apostolicum, non est virium nostrarū, aut liberi arbitrij, sed solius Dei misericordia. Hinc scriptura S. Pauli vocationem (vt alias magnorum virorū vocationes, Moysis, Samuelis, Isaie, Hieremia) iam diligenter describit, vt & Domini misericordiam intelligamus, & fortitudinem, lupum, vententis in ouem: sic percutientis vt sanet, sic deiicientis vt erigat, sic exoculantis vt illuminet.

2. Magna consolatio, quoniam persecutiones quas credentes sustinet, Christus

suas facit, vivit enim Christus in eis, & quemadmodum Christi omnia nostra sunt, ita vicissim nostra illius sunt. Quare dicit: Cur me persequeris? non meos. Et tenet numinis potentia.

3 Exempla verè obedientium in Anania, qui dicit, Domine, ecce ego, & in Paulo qui ait, Domine quid me vis facere? Item constantem predicationem habes Christum esse filium Dei.

IN FERIIS IISDEM,

EVANGELIUM.

IN illo tempore, dixit Simon Petrus ad Iesum: Ecce nos reliquimus omnia, & *Matth. 19.*
secuti sumus te. Quid ergo eris nobis? Iesus autem dixit illi: Amen, dico vobis, quod vos qui reliquistis omnia, & secuti estis me, in regeneratione, cum sederit filius hominis in sede maiestatis sue, sedebitis & vos super sedes duodecim, iudicantes duodecim tribus Israel. Et omnis qui reliquerit domum vel fratres, aut sorores, aut patrem, aut matrem, aut uxorem, aut filios, aut agros, propter nomen meum: centuplum accipiet, & vitam aeternam possidebit. Multi autem primi erunt novissimi: & novissimi primi.

Hoc Evangelium complectitur tria. Primum duas conditiones quibus Christiani ad Ecclesiam accessuri sunt. Priori debent relinquere temporalia, scilicet parentes, filios, uxorem, sorores, fratres, amicos, domos, & agros, idque propter nomen Christi. Hoc autem ideo dicit, quia quamplurimi Philosophorum, velut Socrates, Diogenes & alij divitias contempserunt, idem fecit Diocletianus, qui omnibus suis regnis abdicavit: non propter Christum, sed illi quidem propter suas opiniones, hic verò propter suam quietem: neutri secuti sunt Christum. Christiano futuro non est satis sua bona derelinquere, ac divitias contemnere: nisi id faciat propter Christum, & postea ipsum Christum sequatur. De his qui alia ratione bonum operantur, ait Christus: Omnia opera sua faciunt ut videantur ab hominibus: idem receperunt mercedem suam, Matth. 6. & 23. Doceat concionator populum, bona quæ quis facit, propter Christum esse facienda, regulamque Pauli sedulo esse observandam: Siue comeditis, siue bibitis, vel aliud quid agitis: omnia in gloriam Dei facite. 1. Cor. 10.

Posterior debent Christum sequi in obedientia suæ vocationis. Nam bona relinquere non sufficit, nisi Christum sequamur. Philosophi complures sua bona reliquerunt, quidam suas divitias in mare proiecerunt, è quibus unus aiebat: Submergam te, ne demergar à te, sed quia Christum non sunt secuti, nihil ipsis profuit.

Est autem omnia relinquere, nihil aliud, quam animo & affectu ita omnia propter Christum abnegare: ut si ipse ad se suamque Ecclesiam quempiam vocet, nihil sit in mundo, quod ab ipso sequendo illam remorari possit: nec pater, nec mater, nec

Christiano futuro non satis est sua derelinquere ac divitias contemnere, nisi id faciat amore Christi, ipsumque sequatur.

Quid sit omnia pro derelictio habere.

vxor, nec aliud ipsi charius esse possit aut pretiosius. Sic Abraham egressus est de terra sua & cognatione sua, & de domo patris sui, Genes. 12.

*Christū sequi
quid sit.*

Est autem Christum sequi, nihil aliud, quam in ipsum credere, ipsum super omnia diligere: in ipso spei anchoram figere, ipsum imitari tam in doctrina, quam vite moribus. Ad hanc sequelam hortatur Apo. 1. Ioan. 2. Qui dicit se in Christo manere, debet sicut ille ambulauit, & ipse ambulare. Item Ecclesiastici 23. Gloria magna est sequi Dominum. Longitudo enim dierum assumetur ab eo. Ita Petrus, Andreas, Iacobus, Ioānes, dereliquerunt nauem & retia, de quibus Matt. 4. dicit: Vocati à Christo, relictis retibus & navi secuti sunt eum. Matthæus de-

*Multi sancto-
rū omnia illa
dereliquerunt,
quæ illi obsta-
culo erant ne
Christū seque-
rentur.*

reliquit telonium, de quo idem dicit 9. cap. Cum transisset Iesus, vidit hominem sedentem in telonio, &c. Et surgens secutus est eum. Magdalena dereliquit mundum, diuitias, voluptates carnis, de qua Luc. 7. dicit, Mulier quæ erat in ciuitate peccatrix, vt cognouit quoddam Iesus accubisset in domo Pharisæi, attulit alabastrum vnguenti, &c. tanquam stercora omnia arbitrata est, vt Christum lucrificaret. Paulus Act. 9. dereliquit omnia. Beatissima virgo Maria, atque tres reges Magi dereliquerunt omnia bona parentum, regna, ditiones, & imperia, de quibus dicit Matt. 2. Ecce magi ab Oriente venerunt, dicentes: Vbi est qui natus est rex Iudæorum? Quamplurimi martyres, virgines, & alij sancti vniuersi dereliquerunt omnia illa quæ illis erant impedimento ne Christum sequerentur, de quibus dicit Lucas: Quotquot enim possessores agrorum aut domorum erant, vendentes offerebant pretia eorum quæ vendebāt, & ponebant ante pedes Apostolorum, Act. 4.

*Christiani mul-
tis rationibus à Deo
per Christum
vocantur.*

Docentur Christiani quoddam multifarium à Deo per Christum vocentur. Stat ad ostium & pulsāt, inquit Ioan. Apoca. 3. sperans quoddam quis ipsi aperiet. Clamat, inquit Matth. 11. Venite ad me omnes qui laboratis & onerati estis, &c. Item 16. Si quis vult venire post me, &c. & 22. Omnia sunt parata, venite ad nuptias. Vocati ipsum sequamur, omnia relinquamus, patrem ac matrem, vxorem & filios, agros, domum: nos ipsos abnegemus, vt ipsum sequamur. Huius nimirum insigne habemus exemplum in Paulo, Philip. 3. vbi sic dicit: Si quisquam alius videtur fiduciam habere in carne, ego magis habeo, circumcissus octauo die, ex genere Israël, tribus Benjamin, Hebræus ex Hebræis, iuxta legem Pharisæus, iuxta studium persequens Ecclesiam, iuxta iusticiam quæ in lege est, factus irreprehensibilis. Sed quæ mihi erant lucra, ea arbitratus sum propter Christum damnum esse. Quinetiam arbitror omnia damnum esse propter excellentiam cognitionis Christi Iesu Domini mei, propter quem omnia pro damnis duxi, habeoque pro reiectamentis, vt Chri-

*Sequela Chri-
sti insigne ex-
plū in Paulo.*

stum

stum lucrifaciam, utque reperiar in illo non habens meam iustitiam ex lege, sed quæ est per fidem Christi. En: sic & nos relinquere nosmetipsos debemus, reicere dignitatem nostræ iustitiæ, & solo Christo niti, huncque thesaurum nobilem lucrifacere.

2 Complectitur hoc Euangelium præmia proposita his qui ita Christum sequuntur: quæ sunt duplicia. 1. Aeterna, de illis ait: Amen dico vobis, quod vos qui secuti estis me, in regeneratione cum sederit filius hominis in sede maiestatis suæ, sedebitis & vos super sedes duodecim iudicantes duodecim tribus Israël. Futuram resurrectionem, regenerationem vocat, quia qui semel nati sumus ex carnali matre carnales, ita regenerabimur ex omnium matre terra, in cuius utrum nos omnes descendere oportet. Sensus ergo est, In futuro iudicio, cum reuixerint mortui, dabiturque cuique pro meritis suis præmiū, iamque filius hominis deposita quam nunc videtis, humilitate, consederit in sede maiestatis, manifeste & vniuersaliter exercens iudiciariam potestatem, de qua Ioël 3. & Daniel. 7. agitur, Sedebitis & vos piscatores, modò toti mundo exosi, abiecti, ac penitus deplorati, tunc consortes honoris, qui nunc consortes estis afflictionis: iudicantes duodecim tribus Israël: quia vobis credentibus, illi credere noluerunt, quod ex eadem stirpe progeniti, iisdem miraculis ac beneficiis prouocati, tamen nulla ratione perducì potuerunt ut crederent, cum vos humiles & idiotæ, statim ad simplicem vocis iussione, etiam illa reliqueritis, quibus vitam sustentabatis.

2 Temporaria, de illis ait: Omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum: centuplum accipiet, & vitam æternam possidebit. Pro singulis relictis centuplum accipiet in hac vita, quantumvis sætiant persecutionum procelles. Siquidem longè plus accrescit ex charitate Euangelica, quàm decelsit ex immanitate persecutorum, vehemèntiores atque dulciores sunt affectus spiritus, quàm naturæ. Psal. Particeps ego sum omniū timentium te, &c. Nulla enim comparatio fluxarum rerum, & mox etiam si nullus eripiat, periturarum, ad opes animi quas nemo potest elargiri nisi solus Deus. Nemo potest eripere, nisi qui largitur. Hinc ait, Marci 10. Amen dico vobis, nemo est qui reliquerit domū, &c. propter me & Euangelium. Luc. 18. Propter regnū Dei, qui non accipiat centies tantum, nunc in hoc tempore, hoc est, domos & fratres & sorores, & matres & filios, & agros cum persecutionibus. Nempe pro dominiis terrenis caelestem paradysum, pro cognatis ciues sanctorum & angelos, pro coniuge vniuersam Ecclesiam, pro agris & opibus sempiternas delicias. Et si hoc parum videtur, addetur & ad cumulum pro

*Premia Christi
vera sequentium
duplicia.
Aeterna præmia.*

*1. Cor. 15.
Philip. 3.
Resurrectione
futuræ cur regeneratione
volet Christus.*

Premia temporaria.

*Affectus spiritus
vehemèntiores
atque dulciores
sunt,
quàm natura.*

vita temporali æternæ vitæ possessio in seculo futuro.

Doctrina de iudicantibus, non tantum concernit Apostolos, verum et omnes illos qui Christum sunt secuti eiusque amore omnia contempserunt.

Doctrina hæc non tantum concernit Apostolos, verum etiā nos. Nam quod hic dicit, Vos qui reliquistis omnia, & secuti estis me, sedebitis super sedes duodecim, iudicantes &c. non tantum Apostolis, verum & omnibus illis qui Christum sunt secuti, & propter ipsum omnia contempserunt, dictum sciamus. In die iudicii omnes pauperes spiritu iudicabunt, id est cōvincent omnes auaros: humiles, superbos: mites, crudeles: pacifici, seditiosos: Catholici, hæreticos: iusti impios & impoenitentes: simplices corde, malignos ac maleuolos. Quod ita futurum testatur ipse Christus Lucæ. 11. vbi ait: Idem ipsi iudices vestri erunt. Item Regina Austri surget in iudicio cum generatione ista, & condemnabit illos, &c. Viri Niniuitæ surgent in iudicio cum generatione hac, & condemnabunt illam.

Sedes duodecim significant vniuersitatem iudicantium.

Hinc est quodd per duodecim sedes intelligamus vniuersitatem iudicantium: alioquin cum in locum Iudæ traditoris Matthiam legamus subrogatum, & Paulum etiam ad Apostolatū vocatum: non haberent locum in sedibus, nec in iudicio, quod est falsum, dicente Paulo; Nescitis quoniam angelos iudicabimus? 1. Cor. 6. Hinc etiam est quodd per duodecim tribus intelligamus vniuersitatem iudicandorum: alioquin tribus Leui quidem decimatertia non veniret iudicanda, sitantum duodecim essent iudicandæ: quodd etiam est falsum, dicente Matthæo, quodd in die iudicii plangent omnes tribus terre: quia sunt iudicandæ, cap. 24.

Trinitas tota auctoritatuē, Christus secundū quod homo executuē iudicabit.

Apostoli per assessoria dignitatem, ceteri electi per approbationē, & minus mali per comparationē, iudices futuri dicuntur.

Consolatio dulci & sublimi pro pauperibus Christianis. Iudiciū horrendum malū extimescendum.

Obseruandum quodd Christus secundum naturam diuinam, imò tota trinitas iudicabit auctoritatiuè: secundum quodd homo, executiuè. Ioā. 5. Pater omne iudiciū dedit filio. Apostoli per assessoria dignitatem, tanquam amici. Ceteri electi per approbationem, sententiam iudicantis iustissimam approbantes: minus mali, per comparationem, sicut de Niniuitis dictum est, Matth. 12. Luc. 11. Qui ergo sua relinquentes, Dominum secuti sunt, hi iudices cum domino erunt, qui licita habentes, rectè vsi sunt, iudicabuntur etiam, sed ad viram, quibus dicitur: Venite benedicti patris mei, &c. Esuriui enim &c. Matt. 25. Qui verò donis Dei abusi sunt, cum illo epulone iudicabuntur ad damnationem æternam. Iudicium enim sine misericordia fiet in illos, qui non fecerunt misericordiam, Iaco. 2.

Hinc elicitur magna consolatio pro iustis confirmandis. Nam quid dulcius, quid sublimius pauperibus Christianis vnuquam accidere poterit, quàm in solio maiestatis stipatum angelis, diuina auctoritate prædictum sedere? Iudicabit illic pauper Lazarus dinitem epulonem: Christus suos crucifixores, & martyres suos tortores.

Elicitur hinc quoque iudiciū horrendū malis extimescendum.

dum. Nā quid tristius aut horribilius, quā infernalibus flammis absumi? ab illis iudicari, quos hīc iudicabas, spernebas, nihili faciebas? Sap. 5. Christum ergo sequamur, ut hæc omnia eitemus.

3 Complectitur Euangelium hoc vocationem & electionem Dei gratuitam, cū ait, *Primi erunt nouissimi, & nouissimi erunt primi*. Et alibi: Multi vocati, pauci verō electi, Mat. 20. & 22. Quibus verbis declarat Christus vocationem nostram ex sola gratuita Dei electione pendere, nullumque locum merita nostra ante iustificationem habere. Siue enim quis ad vineam Domini, quæ est Ecclesia Dei, vocetur, siue in ipsa dignè ac meritorie operetur, siue merita ad promerendam gratiam, ac postea vitam æternam habeat omnia ex gratuita Dei electione pendet. Ideo inquit Augustinus: Cū Deus nostra merita præmiat, sua dona coronat, in Psal. 102. Et lib. de gratia & libero arbit. cap. 9. & Paulus: Stipendium, inquit, peccati mors, gratia autem Dei vita æternā. Roman. 6. Idem: Ego faciam ut vos faciatis. Plus omnibus laboraui: non ego autem, sed gratia Dei mecum. 1. Corinth. 15.

Vocatio nostra ex sola gratuita Dei electione dependet.

Deus cū nostra merita præmiat, sua dona coronat.

Quamuis omnia proueniant ex gratia, habet tamen sua merita, actiones & officia ex charitate facta: quia ex libero etiam arbitrio fiunt. Merito tamen illud non ex nobis, sed ex Deo est, quod ante iustificationem nullum fuit nisi malum. Hæc est doctrina Augustini, libro primo contra duas epistolas Pelagianorum cap. decimonono, qui volebāt gratiam secundū merita nostra dari. Dic mihi, obsecro, inquit, quid boni Paulus adhuc Saulus volebat, ac non potius magna mala, quando spirās eadem, pergebat ad vastandos horrenda mentis cæcitate ac furore Christianos? Quibus meritis bonæ voluntatis, Deus illum ab his malis ad bona, mirabili & repentina vocatione cōuertit? Quid ego dicam, quibus meritis, cū ipse clamet, Non ex operibus iustitiæ quæ nos fecimus, sed secundum suam misericordiam saluos nos fecit? Tit. 3.

Meritum non ex nobis, sed ex Deo est.

Elicitur hinc doctrina cōtra omnes qui docent primam nos posse mereri gratiā. Philip. 2. Deus operatur in nobis velle & perficere. Deinde cōtra omnes Christianos qui nullū beneficiū se à Deo accepisse existimāt, eo quod ipsos ad Ecclesiā vocauerit, nec vllas ipsi gratias agūt, cū maximas agere debeāt. Item contra eos, qui etsi cognoscant, in hoc gloriantur tamen, quod ipsi prius vocati sint ad fidem, quod familia sua in religione Catholica profitenda sit antiquior: nec considerant verba Christi: Erunt nouissimi primi, & primi nouissimi. Iudas primū fuit vocatus, & nouissimè latro: attamen hic vitam consecutus est, ille verō æternam damnationem. Utinam nobis Catholicis non idem contingat, postremō vocatis iam nuper ad fidem Indis.

Gratiā primā nemo mereri potest.

Deus cur diuersis medijs ad se sequendū vocat, nobis nō est inuestigandum.

Dignum est consideratione, quodd Christus Petrum, Andre-
am, Matthæum, Philippum, ac reliquos Apostolos solo verbo
ad se sequendum vocet: Paulū verò prostratione, cæcitate, tem-
pestate, ac voce querula. Ratio huius diuersitatis occulta ma-
net in pelago illo diuinitatis, in quo (vt Paulus & Isaias do-
cent) est altitudo diuinitarum sapientiæ & scientiæ eius, cuius
iudicia sunt inscrutabilia, & viæ inuestigabiles, Romanorum
vndecimo.

PROLOGVS.

1 Apostolorum est atque omnium Christianorū, relinquere omnia, hoc est,
voluntatem habendi deserere, & omnia contemptim amare, vt fructuarij
probi solent vti rebus, non vt planè Domini & possessores. 1. Corinth. 7.
Præterit habitus mundi huius. Qui vtuntur mundo hoc, sint sicut
non vtantur.

2 Hic discimus quod cum suis discipulis vnà Iesus iudicaturus est. 1. Cor.
6. Sancti mundum iudicabunt.

3 Magna consolatio & promissio. Qui propter Euangelium Christi car-
nalia reliquerit, spiritualia bona recipiet, quæ sunt, vt centenarius numerus
exiguo numero collatus. Oculis non vidit, nec auris audiuit quæ præparauit
Deus diligentibus se. 1. Cor. 2. Isal. 64. Et momentanea leuitas afflictionis
nostre, supra modum pondus gloriæ patit. 2. Cor. 4.

IN FERIIIS PURIFICATIONIS

B. MARIE, EPISTOLA.

Malach. 3.

Hæc dicit Dominus Deus, Ecce ego misto Angelum meum, & præpara-
bit viam tuam ante faciem meam. Et statim veniet ad templum sanctum
suum dominator quem vos quæritis, & Angelus testamenti quem vos
vultis. Ecce venit, dicit Dominus exercituum: & qui poterit cogitare diem ad-
uentus eius? & qui stabit ad videndum eum? ipse enim quasi ignis constans, &
quasi herba sillonum: & sedebit constans & emundans argentum, & purgabit
filios Leui, & colabit eos quasi aurum & quasi argenti: & erunt Domino of-
ferentes sacrificia in iustitia. Et placebit Domino sacrificiū Iuda, & Ierusalem
sicut dies saculi, & sicut anni antiqui, dicit Dominus omnipotens.

IN hoc vaticinio Propheta Malachias præsertim quatuor
facit, quæ plurimū faciunt ad fidei nostræ certitudinē. Primò,
quando & quod venturus esset Messias, cum dicit, *Hæc dicit Do-*
minus: Ecce ego mitto angelū meū, & præparabit viam meam ante, &c.
E quibus verbis innuitur, tum statim venturū Messiam, quando
venisset angelus Domini Messiae præcursor. At Ioānes Baptista
is angelus & præcursor (vt obganniant Iudæi) verè fuit, &
nemo alius præter eum, vt satis constat ex verbis angeli ad Za-
chariam, Luc. 1. & proprio etiam ipsius Ioannis testimonio,
Ioan. 1. Nam hic missus erat à Deo, vt præpararet viam Domi-
ni, pararetque Domino plebem perfectā. Item Matt. 11. Mar.
9. dicitur Ioannes angelus seu nuntius Dei, ob angelicam & do-
ctrinam, & conuersationem.

*Tempus vtu-
ri Messia pōt
aduērum præ-
cursorū.*

*Marc. 1.
Luc. 3.
Ioannes cur an-
gelus Dei di-
ctus.*

Verum

Verum dominus noster Iesus statim Ioannem secutus est, id quæ & in conceptione, & in natiuitate, et in præsentatione: nam conceptus natus ac præsentatus sexto mense fuit post illius conceptionem, natiuitatem & præsentationem, & in prædicatione secutus est & in morte: quod & ipse Ioannes apertissimè testatur est, dum sic de Iesu dixit, Hic est de quo dicebam: Post me venit vir qui me antecessit, quia prior me erat, Ioan. 1. Consequitur itaque hinc, Iesum illum nostrum verè & fuisse & esse dominatorem dominum seu Mesiã, quemadmodum sanè & à Ioanne pro Mesiã & agnitus est, & deprædicatus.

Sed quonã statim venire debebat Mesiã? Ad templum sanctum suum, inquit. Hoc vero & in domino Iesu completum verè est, vti hodiernum Euangelium testabitur. Nam. 40. die à natiuitate sua ad templum domini in Ierusalem à parentibus delatus est: ibique Domino præsentatus, ne dicam interim de aliis temporibus, quibus ipsemet templum adiit, ibique docuit quotidie ferè. Consequitur igitur etiam hinc Iesum nostrum verè Mesiã esse.

2. Secundò vaticinatur qualis Mesiã esset futurus: & ait illum fore dominatorem, & angelum testamenti. Vnde nimirum clarè colligitur, Mesiã & Deum & hominem fore. Nam dominatorem esse, diuinitatis est: angelum verò testamenti, humanitatis. At talis dominus Iesus verè fuit, verus nimirum Deus, & verus homo: vti scriptura passim testatur, & ex Simeonis etiam elogio apertissimè constabit. Dominator quidem est, quia Dominus est omnium, habens potestatem omnem & in cælo & in terra: iudex viuorum & mortuorum: splendor paternæ gloriæ: expressa imago substantiæ Dei, moderans omnia verbo potentiæ suæ, Act. 10. Matth. 11. & 28. Ioan. 5. Hebr. 1. Angelus verò testamenti est, quia è cælo à patre in terras per assumptam humanitatem est missus: reconciliatorque & mediator factus est Dei & hominum, pacificans per suum sanguinem & quæ in cælis & quæ in terris sunt, Ioan. 5. 1. Timoth. 2. Ephe. 2. Iam itaq; certissimi sumus, nostrum Christum verum Mesiã esse, vereque esse Deum & hominem, nouiq; testamenti in sanguine suo reconciliatorem, Hebr. 9. frustra-que Iudeos alium expectare.

3. Cæterum quodd ad tertium pertinet, à quibus videlicet agnoscendus esset Mesiã. aperitur, cum ad hunc modum dominus inquit: Ecce venit, dicit dominus exercituum, & quis poterit cogitare diem aduentus eius? Ex quibus verbis clarè colligitur Mesiã à paucissimis cognoscendum fore, & per paucissimos temporis aduentus eius habituros rationem. Hoc ipsum certè & in nostro Christo quàm euidentissimè euenit. Priusquam enim is venisset & apparuisset, optabant omnes accelerari Mesiæ

Mesiã quòd nire debeat ostenditur.

Mesiã qualis futurus sit vaticinatur.

Mesiã Deum & hominem fore colligitur Mesiã dominator est.

Mesiã angelus testamenti est.

Per paucissimos temporis aduentus Mesiã habere rationem.

aduentum : at ubi apparuisset iam & doctrina & miraculis & conuersatione, tum cœpit ilico contemni, haberi odio, proscindi : nec quietum est, donec actus esset in crucem, adeo vt verè dixerit Simeon, positum eum esse & in ruinam & in resurrectionem multorum in Israël. Luc. 2. Idem testatur hodiernum Euangelium. Nam infans inductus in templum Ierosolymis, à nemine fere ibi agnitus est, nisi à Simeone sene, & Anna vidua, imò clarus etiam iam doctrina & miraculis, vt dictum est, à paucissimis tamen pro Messia est habitus. Vnde & Ioan. ait cap. primo: In mundo erat, & mundus per ipsum factus est, & mundus eum non cognouit. In propria venit, & sui eum non receperunt. Relucet ergo & hic verè Messiam esse Iesum nostrum.

4 Quartò ostenditur quid factururus esset Messias. Nam Dominus inquit: *Et quis stabit ad videndum eum? Ipse enim quasi ignis conflagrans, & quasi herba herba fullonum, & sedebit conflagrans ac emundans argentum, & purgabit filios Leui, & colabit eos quasi aurum, argenteumque, & sacrificabunt Domino in iustitia, & placebit Domino sacrificium Iuda & Ierusalem sicut in diebus antiquis.* His verbis describit

Officiū Messie.

Messie opus seu officium, quod nimirum omnes immundos ac peccatores purgaturus iustificaturusque esset, atque factururus eos filios Leui seu Sacerdotes, quò possent offerre spirituales hostias, puta sacrificia iustitiæ, laudis, gratiarum actionis. Psal. 49. totius corporis, Rom. 12. & misericordiæ. Philip. 4. Cordis contriti & spiritus contribulati, &c. Psal. 50. Quàm efficaciter dominus Iesus huiusmodi officium executus sit, satis copiosè testantur libri noui testamenti: sed breuissimè simul ac luculentissimè Ioannes Euangelista id testatur, sic inquit: Iesus Christus est testis fidelis, primogenitus mortuorum, & princeps regum terræ: qui dilexit & lauit nos à peccatis nostris per sanguinem suum, fecitque nos reges & sacerdotes Deo ac patri suo, Apocalypsis primo.

Messias repurgaturus restitutusque doctrinā, sacrificia, legem, vitæque innocentiam prædicatur.

Ex præmissis verbis etiam datur intelligi, Messiam cultum Dei, hoc est, doctrinam, sacrificia, & vitæ innocentiam repurgaturum, restitutumque. Is nanque cū venisset in mundum, sanctum legem Dei, à traditionum humanarum fece utique verè purgauit. Is quoque verum sacrificandi modum, ab omni repurgatum hypocrisis, ac spiritu & veritate constantem, nobis tradidit: is denique veræ innocentie semetipsum nobis proposuit exemplum, adeoque & impios per sanguinis sui purgationem vera innocentia ac iustitia donauit. Et sanè per hunc vnum placent sacrificia nostra, cultusque Deo, alioqui per se immunda & imperfecta. Non enim est in alio quopiam salus, Act. 4. & in hoc filio sibi complacet pater celestis.

Quum igitur & nos à Iesu Christo in baptismo purgati simus

mus per ipsius sanguinem, sicque consecrati omnes in spiritua-
 les sacerdotes offeramus ipsi etiam huiusmodi sacrificia Chri-
 sto nostro, simulque grati pro accepta redemptione: ipsi tan-
 quam dominatori obediamus, seruiamusque: ipsi tanquam an-
 gelo testamenti fidamus, amoreque adhærecamus: ac iuxta ip-
 sius præscriptum & doctrinam, vitam nostram in statuamus:
 sicque sacrificia nostra verè fient Deo grata, consequemurque
 pro iis præmia & temporalia & æterna.

*Nostram par-
 tium est Chri-
 sto nostro offer-
 re spirituales
 hostias, nec non
 cum iustitia
 ium gratitudi-
 nis sacrificia.*

EPILOGVS.

1 Ecclesia hic colligit tam Helie spiritualis quàm Messie aduentum: quo-
 rum alter est saluator, alter testis, Ioannes angelus, Christus Iesus domina-
 tor, angelus testamenti, & Dominus templi, contra Iudeos qui solum homi-
 nem expectant. Nemo eum hominum, ne ipse quidem Salomon poterat tem-
 plum Hierosolymitanum vocare suum templum, sed hoc solius Dei erat,
 Hierem. 7. & Isaia 44. Vnde futurus erat Messias verè Deus, non solùm
 homo.

2 Malitia mundi & peruersitas, suapte culpa Messiam non recepit, quia
 ignem conflatorium & herbam fullonariam mundo se exhibuit. Scabiosi e-
 nim luxuriam auersantur, sic mundus in maligno positus, expurgatorium ig-
 nem eum & herbam fullonariam non expauescere non potest. Mundus enim
 non amat nisi commode scalpentem.

3 Officium Messia, purgare, iustificare, peccatores immundos, atque eos fi-
 lios Leui seu sacerdotes mysticos consecrare. Isa. 1. Excoquam ad purum sco-
 riam tuam, & auferam omne stannum tuum, & restituiam iudices tuos sicut
 fuerunt prius, & consiliarios tuos sicut fuerunt antiquitus: post hæc vocaberis
 ciuitas iusti, urbs fidelis. Et officium mundatorum Christianorum, sacrificare
 redemptori sanctas & immaculatas hostias. Sanctus est: idco sanctos vult
 suos esse ministros. Sanctificatio nostra, eius est voluntas. 1. Thess. 4.

IN FERIIS EIVSDEM FESTI

EVANGELIUM.

IN illo tempore. Postquàm impleri sunt dies purgationis Maria secundum legem Luc. 1.
 Moyse, iulerunt Iesum in Ierusalem, ut sisterent eum domino. (Sicut scriptum
 est in lege Domini, Quia omne masculinum adaperiens vuluam, Sanctum Do-
 mino vocabitur.) Et ut darent hostiam secundum quod dictum est in lege Do-
 mini, par turturum, aut duos pullos columbarum. Et ecce: homo erat in Ierusa-
 lem, cui nomen Simeon, & homo iste iustus & timoratus, expectans consolatio-
 nem Israel: & Spiritus sanctus erat in eo. Et responsum acceperat à Spiritu
 sancto, non visurum se mortem, nisi prius videret Christum Domini. Et venit
 in Spiritu in templum. Et cum inducerent puerum Iesum parentes eius, ut facer-
 ent secundum consuetudinem legis pro eo: Et ipse accept eum in vlnas suas, &
 benedixit Deum, & dixit: Nunc dimittis seruum tuum Domine, secundum ver-
 bum tuum in pace: Quia viderunt oculi mei salutare tuum. Quod parasti ante
 faciem omnium populorum. Lumen ad reuelationem gentium, & gloriam plebis
 tue Israel.

Hoc

Lex purgationis mulieris.

Legi purgationis Mariae obnoxia non erat

Fœtus Mariae celestis non violauit eam, sed consecrauit & consignauit.

Humilitas & charitas Mariae declaratur in obedientia purificationis.

Proximi oportet nos ita esse affectos, quemadmodum Christus nobis.

Lex oblationis & redemptionis primogenitorum.

Hoc Euangelium complectitur tria. Primum, legem de purificatione. Sic enim scribitur Leuit. 12. Mulier si suscepto semine pepererit masculum, immunda erit septem diebus: & die octauo circumcidetur infantulus: ipsa verò triginta tribus diebus manebit in sanguine purificationis suæ. Omne sanctum non tanget, nec ingredietur in sanctuarium, donec impleantur dies purificationis suæ. Ad hanc legem Maria non tenebatur: nam Christum concepit de Spiritu sancto, peperit virgo, & permansit virgo. Ad hæc nulla in conceptione & partu fuit inquinatio: unde & nulla indiguit purificatione, quemadmodum alie mulieres, quæ læsa virginitate ex virili semine concipiunt fœtum. Fœtus namque Mariæ celestis, nec ingrediens nec egrediens virginalis vteri claustra violauit, sed consecrauit potius & consignauit, ne in posterum etiam vel corpus illius veluti templum semel Deo dicatum, vel animus Deo myrotheciū sancti Spiritus, vllis humanis inquinamentis pateret. Ipsa quippe designata fuit per portam illam, de qua mentionem facit Ezech. 34. cap. d. Porta hæc clausa erit, & non aperietur, quoniam Dominus Deus ingressus est per eam: eritque clausa principi. Hac tamē obedientia & purificatione suā humilitatē & charitatē declarauit. Sequitur aliarum fœminarum consuetudinem, ingreditur templum Domini post statos purificationis dies, offert munera & sacrificia in lege Moysi præcepta. Quo exemplo docet ut charitatis rationem habeamus, ut in gratiam aliorum aliquid faciamus, etsi ex officio non debeamus: modò citra conscientie labem aut periculum fieri possit: quemadmodum Apostolus cum liber esset, omnium se seruum fecit, ut plures lucrificeret, &c. 1. Cor. 9. & ut corruptæ mulierculæ non grauentur templo Domini se præsentare, suasque proles Deo offerre. Sic Anna filium suum Samuelem obtulit Domino. 1. Reg. 1. Ad hoc maximè nos prouocant exempla Christi, ac virginis Mariæ. Nam Paulus ad Philip. 2. ait: Hoc enim sentite in vobis, quod & in Christo Iesu, id est, (secundum Augustinum) sitis affecti vestris proximis eodem affectu, quo Christus fuit erga vos. Sicut Christus vos amauit, ita & amate proximos vestros. Et Maria ne scândalo esset, ne peccâdi ansam vicinis præberet matronis, templū, quamuis non teneatur, accedit, offertque filium suum Deo Patri. Sic filius, Matth. 17. ne scandalizaret veltigal, colligentes didrachma soluit. Sic Paulus potius quàm per escam scandalizaret fratrem, maualt non manducare carnes in æternum. 1. Cor. 8.

2. Complectitur legem de oblatione primogenitorum in templo Dei. Sic enim scribitur Leuit. 12. Cum expleti fuerint dies purificationis suæ pro filio siue pro filia, deferet agnum anniculum in holocaustum, & pullum columbæ, siue turturem pro pec-

peccato. Quodd si non inuenerit manus eius, nec potuerit offerre agnum, tumet duos turtures, vel duos pullos columbarum, vnum in holocaustum, alterum pro peccato: orabitque pro ea sacerdos, & sic mundabitur. In hac lege duo sunt obseruanda: Alterum, pro qua re fit hostia offerenda: nempe, pro primogenito: sic enim scriptum est, Exod. 13. Omne masculinum adaperiens vuluam, sanctum Domino vocabitur. Alterum, qualis sit hostia offerenda: nempe, agnus, turtur, aut pullus columbae: aut si hæc haberi non poterunt, duo turtures, aut duo pulli columbarum, Leuit. 12.

Duplex oblatio purganda mulieris, & redemptionis primogeniti: vna diuinitum, altera pauperum.

Hanc legem Deus Iudæis dedit ob tres causas. 1. Vt in memoria haberent quomodo Deus in eorum ex Aegypto migratione, omne masculinum percussit inter homines & pecora. Exod. 13. Sanctifica mihi omne primogenitum quod aperit vuluam in filiis Israël, tam de hominibus quam de iumentis. Mea enim sunt omnia, &c. Et in monte Sinai sic ait, Num. 8. Mea sunt omnia primogenita filiorum Israël, tam ex hominibus quam ex iumentis, &c. 2. Vt sacerdotes & Leuitæ victum inde haberent, qui alioqui nullam in terra ista fuerant sortiti hæreditatē, Num. 18. Item cap. 8. Vide ibi ad longum. 3. Vt nos admoneret de hostia veri primogeniti Domini nostri Iesu Christi, qui est primogenitus inter omnes fratres, Rom. 8. quæ sacrificia legis veteris figurabant. Vnde nec sine magno mysterio agnum typicum non obtulit, cum agnum ipsum exhiberet Dominò, qui tollit peccata mundi, Ioan. 1. Sed par turturum pro se offerri voluit, vt ostenderet quodd ex castissimo coniugio procreatus sit, aut duos pullos columbarum, vt multiplicatio prolis huius signetur.

Lex redemptionis primogenitorum Iudæis ob tres causas data.

Christus verus primogenitus, verus agnus, & vera noua legis oblatio.

Quantum nunc attinet ad cæremonias illas veteris legis, hæc lex est abrogata. Hinc ait Paulus, Non estis sub lege, sed sub gratia. Lex fuit pædagogus ad Christum. Rom. 6. Galat. 3. Lex illa purificationis admonebat Iudæos ipsos esse conceptos in peccatis ac turpi concupiscentia. Psalm. 50. Ecce enim in iniquitatibus conceptus sum, & in peccatis concepit me mater mea.

Lex purificationis quæ admonebat.

Quantum verò nunc attinet ad iustificationem & obedientiam legis implendam, hæc lex non est abrogata, sed tenemur ipsam legem implere, vt quæ suos obseruatores magis ac magis iustificet. Lex illa quamuis non obliget propter auctoritatem Moysi, tamen quia gloriæ Dei non aduersatur, est utilis & honesta. Non video cur & nunc inter Christianos non debeat obseruari, Phil. 4. Quæcunque sunt vera, quæcunque pudica, &c. hæc cogitate.

Lex purificationis quamuis non obliget propter Moysen, est tamen in noua lege utilis & honesta.

Mythicè designatur fidelium gratissima Deo per has aues oblatio. Columba simplicitatem, turtur castitatem designat quia

Mythica filium oblatio adumbratur.

quia & simplicitatis columba, & castitatis amatrix est turtur. Vnde in laudibus Ecclesiæ loquitur Dominus, Cantic. 1. Pulchræ sunt genæ tuæ vt turturis. Ecce tu pulchra es amica mea, ecce tu pulchra: oculi tui columbarum. Genas quippe turturis habet, qui ab omni impuditiæ peste castum se custodit & mundum. Oculos columbarum habet, qui nullinocere desiderans, etiam inimicos simplici amore intuetur. Simplex ergo & pudica fidelium conuersatio, gratum est Deo sacrificium iustitiæ. Item vtraque auis gemitum pro cantu edit. Sic qui laborat in gemitu suo, qui lachrymis stratum suum per singulas noctes abluit, acceptissimam prorsus Deo victimam maectat. Sacrificium Deo spiritus contribulatus, Psal. 50.

*Simeonis laus
ex Evangelio.*

3 Evangelium hoc complectitur Simeonis vitam, & canticum, cum ait: *Homo erat in Ierusalem, cui nomen Simeon: Bonæ famæ boniq; nominis claritate notus & famosus in ciuitate sancta, religione & studio legis famosa. Act. 2. Et homo iste iustus. Nam veram iustitiam, quæ ex fide viuâ in Christum paratur, habebat. 1. Ioan. 3. Qui facit iustitiam, iustus est, eratq; in religione Christi optimè institutus.*

Timor filialis.

Timoratus erat. timore casto, sancto & filiali, sine quo iustitia difficilè custoditur, quia iustus quantò plus diligit Deum, tantò solertiùs offendere cauet. Nam vt scriptura docet, & prima rudimenta nostræ religionis catholicæ nobis tradunt, initium sapientiæ est timor Domini, Ecclesiast. 1. Hic timor senem Simeonem timoratur fecerat & iustum, Prouerb. 1. 5. Per timorem Domini declinat omnis à malo. Et Ecclesiast. 7. *Qui timet Deum, nihil negligit. Qui verò sine timore est, non poterit iustificari.*

Simeonis charitas.

Erat expectans consolationem Israel. Nec tantùm benè ordinatus erat erga Deum, sed etiam ad proximum. Nam non suam tantùm, sed populi expectabat consolationem, peccatorum remissionem, à diabolo & inferno redemptionem, & æternæ vitæ adoptionem. Senecta iam frigidus, sed spiritu feruens: efforto corpore, sed animo vegeto: ætate marcidus, sed vitæ innocentia iam floridus: nimirum verè iustus, vereq; pius ac religiosus, nō venans exemplo Phariseorum gloriam ac quæstum ab hominibus, commodumq; proprium, sed publicæ salutis avidus, quem nulla voluptas in hac vita remorabatur, nisi vt videret oculis suis eum quem in hoc prophetarum oracula promiserat venturum, vt consolaretur Israëliticum populum. Isa. 40. *Vera pietas ex fide, charitate, & timore constat.*

Et Spiritus sanctus erat in eo. Nam iustus esse quis non potest, quin Spiritum sanctum in se habeat: fides enim, timor atque charitas ita animam impij emundant, vt peccata ac timorem ferulem foras expellant, ipsamq; exornent. 1. Ioan. 4.

Doce-

Docemur igitur eos tantum dignos esse diuina reuelatione & Spiritu sancto, qui iusti sunt ac timorati, ac charitate exornati. Isa. 66. Ad quem respiciam, &c. Sap. 1. In maleuolam animam non introibit sapientia, &c. Iac. 4. Deus superbis refilit, humilibus autem dat gratiam.

Spiritus S. reuelatione & inhabitatione qui digni sunt.

Hic Simeon ingenti desiderio ardebat videndi Christum. Quotidie orabat dicens, Quando veniet? quando nascetur? quando videbo? O si viuam: o si non moriar antequam ipse veniat! Mitte Domine quem missurus es, Exo. 3. 4. Quia ergo spiritua-lem, non carnalem Iudaeorum consolationem votis omnibus expectabat & precabatur, Responsum accepit a Spiritu sancto, non visurum se mortem, nisi prius videt Christum Dominum: Hoc est, cum quem Deus vnixerat supra omnes mortales, vt aeterno regno, nec vnquam finiendi sacerdotio potiretur. Hinc docemur,

Simeoni feruens desiderium & oratio.

1 Quod Deus iustas & sanctas petitiones libenter exaudiat, quando ea quae ab ipso petimus, ad gloriam Dei proximique vtilitatem dirigimus, Prouer. 10. Desiderium suum iustis dabitur.

Petitiones iustas & sanctas Deus libenter exaudit.

2 Docemur viros iustos ac timoratos qui in charitate sunt fundati, non tantum esse sollicitos de sua salute, verum etiam de salute aliorum. Ita Moses orat pro populo, Exo. 32. Ita Dauid, ita Paulus, ita hodiernus senex Simeon sollicitus erat pro salute totius populi Israelitici: ita & nos esse debemus.

Charitas non tantum de sua sed & aliorum salute sollicita est.

Hic Simeon responso tam lato accepto a spiritu sancto, venit in eodem spiritu in templum. Quo docemur Spiritum sanctum neminem debortari a publicis & Ecclesiasticis conuentibus, sed maxime delectari si quando filij Dei conuenientes in vnum sic solent vno ore glorificare Deum & patrem Domini nostri Iesu Christi. In cuius rei signum, Apostolis, quibus erat cor vnum & anima vna in Domino, apparuit & venit Spiritus sanctus. Satanæ igitur inuentum est, quod Anabaptistæ publicos Ecclesiae conuentus contemnentes, aut in siluas, aut in priuatas domos se recipiunt, sic declarantes opera sua indigna esse quæ proferantur in lucem Ioan. 3.

Spiritus S. neminem debortatur a publicis conuentibus ecclesiasticis, sed delectatur maxime.

Et cum inducerent puerum Iesum parentes eius vt scirent secundum consuetudinem legis pro eo: & ipse accepit eum in vlnas suas, & benedixit Deum. Sic solet fieri iis qui ductum Spiritus sancti sequuntur. Neque enim potest mentiri qui dixit se inueniri ab illis qui ipsum ex animo quaerunt, Ierem. 29. Ingressus templum, plura accipit quam petere ausus fuit: petebat eum oculis cernere, & ecce præter omnem opinionem datur vt in vlnas recipiat & foueat. Non potuit maior gloria in hoc mundo Simeoni contingere, quam saluatorem non tantum videre, verum etiam gestare, contingere, amplecti, & osculari. Gestabat in manibus pretium mundi, redemptionem Israelis. O quam

Satana inuentum est quod Anabaptistæ publicos Ecclesiae conuentus contemnunt. Deus vult inueniri ab iis qui ipsum ex animo quaerunt.

felix

Gaudium Simeonis ineffabile.

foelix & ineffabile gaudium, pium illud sensit pectusculum, cum puerum illum tot millibus annorum expectatum, tam libera licentia pro voluntatis beneplacito amplexatur, deosculatur! Verisimile est dixisse hoc Canticum 3. Inueni quem diligit anima mea, tenebo eum, nec dimittam. Quis enim ignem consumentem in sinu portet sine combustione? fonti se immergat sine madefactione? Nouit se contactu sancti sanctorum indignum, sed vicit amor vehemens rationem, & ad vnionem & amplexum impulit senem. Hinc erupit mox defectura vox in laudem Dei, veluti cygneam quandam cantionem promens. Nam suscepto Simeon Christo in vlnas cecinit, dicens:

Simeonis canticum continet tria.

Nunc dimittis seruum tuum Domine secundum verbum tuum in pace: Quia viderunt oculi mei salutare tuum, Quod paraſti ante faciem omnium populorum: Lumen ad reuelationem gentium, & gloriam plebis tue Israel. In hoc cantico facit tria.

Qui honorum operum viaticum hic sibi comparauerunt, libenter ex hoc seculo proficiſcuntur.

Sancti pro carere hunc mundum habent.

1 Committit sese voluntati Dei, dicens: Nunc dimittis, &c. quali dicat, Nunc lubens moriar, nunc mihi mors desiderata atque expectata aderit: nunc quod diu optavi, adeptus sum. Idem dicebat Dauid Psalm. 4. In pace in idipsum dormiam & requiescam. Qui enim viaticum bonorum operum hic sibi comparauerunt, libenter ex hoc seculo proficiſcuntur, scientes quod Beati mortui qui in Domino moriuntur, Apoc. 14. & illud Sapient. 4. Iustus si morte preoccupatus fuerit, in refrigerio erit. Vnde & sancti pro carcere hunc mundum habent. Heu me, inquit Dauid, quia incolatus meus prolongatus est. Et Apostolus Rom. 7. Infelix ego homo, quis me liberabit, &c.

Christus salutare Dei.

2 Subdit rationem cur paratus sit mori. Quia, inquit, viderunt oculi mei salutare tuum. Hoc est, saluatorem mundi, qui salutem deiecit, mortem aboleuit, tartara confregit, peccata tulit, & toti humano generi opem vitamque praestitit, de quo Isa. 52. Videbunt omnes fines terrae salutare Dei nostri, vnde postmodum Lucae. 9. ait, Filius hominis non venit animas perdere, sed seruare.

Primus Christi aduentus omnibus placidus ei paratus, Iudaeis ex promissione gentibus ex gratia.

3 Ostendit quis sit saluator ille. Quem tu Deus, inquit, paraſti ante faciem omnium populorum: Lumen ad reuelationem gentium, & gloriam plebis tue Israel. In primo aduentu omnibus paratus est, vt credant, diligant, & sanentur: & omnibus pateat accessus. Non est acceptio personarum apud Deum, sed in omni gente qui timet Deum, & operatur iustitiam, acceptus est illi, Act. 10. Differenter tamen, Rom. 15. Dico Iesum Christum ministrum fuisse circumcisionis propter veritatem Dei, ad confirmandas promissiones patrum: gentes autem super misericordia honorare Deum, sicut scriptum est, &c.

Ex hoc vero lumine Christo instituit Catholica Ecclesia

vt festo hoc Christiani omnes celebrantes processionem Marię, Ioseph, Christi, Simeonis, ferrent cereos consecratos: quos aduersus magorum pręligias & machinationes diabolicas, plurimum experimur habere virtutis.

Originem institutionis luminarii ex Christo vero lumine illustrat Ecclesia.

EPILOGVS.

- 1 Siftitur puer Iesus Domino & Deo Patri, vt doceat presentare in lege gratia nos ipsos Deo. Roma. 12. Obsecro vos fratres, vt exhibeatis corpora vestra, &c.
- 2 Exemplum Christiani hominis in Simeone, qui pius ac iustus, & in quo Spiritus sanctus erat..
- 3 Cum pace recedit ex hoc mundo, qui intelligit quod Deus erat in Christo mundum sibi reconcilians. 2. Cor. 5.

DE BAPTISMO CHRISTI

EVANGELIUM.

In illo tempore: Venit Iesus a Galilea in Iordanem, ad Ioannem, vt baptizaretur ab eo. Ioannes autem prohibebat eum, dicens, Ego a te debeo baptizari, & tu veni ad me? Respondens autem Iesus, dixit ei, Sine modo. Sic enim decet nos implere omnem iustitiam. Tunc dimisit eum. Baptizatus autem Iesus, confestim ascendit de aqua, & ei aperti sunt caeli: & vidit Spiritum Dei descendentem sicut columbam, & venientem super se. Et ecce vox de calu, dicens, Hic est filius meus dilectus in quo mihi complacui. *Mat. 3.*

De baptismo Christi nobis tria veniunt obseruanda, 1. Primò, circumstantiæ. 1. Quando Christus fit baptizatus: nempe, tricesimo suę ætatis anno, decimoquinto anno Tyberij, sub Pilato & Herode. Tum enim cœpit Ioannes prædicare baptismum pœnitentię in remissionem peccatorum, Isa. 40. Baptizabat autem Phariseos & Sadduceos, quibus dixit, Genimina viperarum, quis vos docuit fugere iram Dei? &c. Turbas populi, quibus dixit: Qui habet duas tunicas, det non habenti: & qui habet escas, similiter faciat. Publicanos, quibus dixit, Nihil amplius quàm constitutum est vobis faciatis. Baptizabat & milites, quibus dixit, Neminem concutiatis, neque calumniam faciatis, & contenti estote stipendiis vestris.

Anno ætatis suę tricesimo Christus baptizatus est.

Luc. 1. Ioannes quos baptizauit. Luc. 3.

2 Vbi Christus fit baptizatus: nempe, in Iordane flumine: vt responderet factò Naaman Syri, qui ex præcepto Elisęi in illo flumine lotus, sanitatem plenissimam recuperauit. 4. Reg. 5. Ita si nos ex præcepto Christi lauerimus nos aquis baptismi, liberabuntur animæ & corpora à turpissima lepra peccati, qua commaculati nascimur.

Baptismus Christi in Iordane factus est spondet factò Naaman Syri.

3 A quo Christus fit baptizatus: nempe, à Ioanne qui primus mandatum habuit baptizandi homines ad pœnitentiam, sicut scriptum est Lucæ 3. Factum est verbum Domini super Ioannem, &c. & Ioan. 1. Qui misit me baptizare in aqua, &c.

Doctrina est, sacramentum baptismi suscipiendum esse omnibus Christianis: quia legitima Christi auctoritate est institutum: qui potuit & voluit sub illis elementis tantam virtutem collocare.

4. Quomodo Christus sit baptizatus: Nempe, ut Euangelista ait, cum definitum tempus à Patre iam adesset, & Ioannis testimonio satis esset annuntiatus, Venit Iesus à Nazareth ad Iordanem ut baptizaretur. Ioannes autem prohibebat eum, dicens: Ego à te debeo baptizari: & tu venis ad me? Admiranda utriusque humilitas, ubi alter alterum in honore præuenit. Honore inuicem sitis præuenientes, ait Apostolus Rom. 12. 1. Pet. 9. Iesus respondit: Sine modo: sic enim decet nos implere omnem iustitiam. Implet omnem iustitiam, qui se peccatorem verè agnoscit, sacramentum suscipit, & mandata Dei prorsus seruat. Implet verò omnem malitiam qui cum sit impius & peccator, hoc non cognoscit, quin iustum se reputat, & ut talis in se gloriatur: & qui negat per mandata Dei nos iustificari.

Christus dicit, Sic nos decet implere omnem iustitiam,

Christus quomodo impleverit omnem iustitiam. 1 Per humilitatem. Ita Christus humiliavit se. Nam formam servi accepit: & cum in forma Dei esset, semetipsum exinaniuit, Philip. 2.

2 Per cognitionem peccati, seu poenitentiam. Ita Christus accessit ad baptismum cum cognitione peccati, non ab ipso quod peccatum non fecit, neque inuentus est dolus in ore eius, commissi, sed ob nostrum peccatum: cuius causa venit in similitudine carnis peccati, Rom. 8.

1. Pet. 1.

Per Baptismi Sacramentum cur iustitiam Christus adimplere elegerit. 3 Per susceptionem sacramenti. Ita Christus suscepit sacramentum, non ut peccata sua tolleretur, sed ut sacramento virtutem & efficaciam auferendi peccata conferret.

4 Per obedientiam. Ita Christus per omnia obsequentem se prestitit Patri æterno, aded ut ipse dicat de se, quod non venerit soluere legem sed adimplere, Matth. 5. Descendi de cælo, non ut faciam voluntatem meam, sed eius qui misit me patris, Iohan. 6.

Adimpleamus ergo & nos omnem iustitiam. Nisi, inquit, Christus Mat. 5. iustitia vestra abundauerit plusquam scribarum & Phariseorum, non intrabitis in regnum cælorum.

5 Obseruandum quare Christus sit baptizatus: nempe, ob duas causas: ut sese omnes in Christo baptizatos recepturum ostendat in filios adoptionis, usque peccata remissurum, & in fratres admissurum, spiritum sanctum collaturum, & vitæ æternæ hæredes effecturum: & ut suo exemplo ad baptismum nos incitet, ne sacramenta contemnamos. Postquam enim sacramenta diuinitus sunt instituta, debemus illis libenter & reuerenter uti. Idcirco enim pater cælestis voce delapsa dixit,

Hic

Matth. 3.

Admiranda Christi & Ioannis humilitas.

Iustitiam omnem qui impleat.

Malitiam omnem qui impleat.

Per Baptismi Sacramentum cur iustitiam Christus adimplere elegerit.

Quas ob causas Christus baptizatus est.

Hic est filius meus dilectus. Primò, vt Christum filium suum mundo Deum esse, quamuis verus esset homo, declaret. Secundò vox illa omnibus Christianis acclamat, & affirmat quòd per baptismum sint facti filij Dei. Aperiuntur celi, vt intelligamus quòd per sacramentum baptismi celi referentur iis quibus antea ob peccatum claudebantur. Venit Spiritus sanctus in specie columbæ super Christum, non quasi prius non haberet, sed vt mundo testaretur Christum esse filium Dei: & etiam nobis persuadeat, Spiritum sanctum per illud sacramentum iis qui in Ecclesia baptizantur, conferri.

Est hic obseruandum, quòd Christus voluit anno suæ ætatis tricesimo baptizari propter quinque causas. 1. Quia tunc, & non antè solidum fundamentum baptismi sua morte, passionis, ac prædicatione iacere institubat.

2 Vt baptismum Ioannis, qui virtutem remittendi peccata & efficaciam non habebat, perficeret: eiusdemque Ioannis fundamentum & doctrinam confirmaret.

3 Quia sua doctrina hoc sacramentum decreuerat stabilire, sine quo nulli salus contingeret: vt maiorem auctoritatem illi conciliaret: & vt eius institutionem magnificè commendaret, suo ipsius corpore ipsum voluit sanctificare, & vt tactu sui corporis aquas mundaret ac sanctificaret.

4 Vt illo actu nos instrueret, ne vnquam pudeat nos ab inferioribus baptizari, vel in còspectu populi in susceptione huius tam sancti sacramenti nos vestibus expoliare, Antel. in Matth.

5 Vt operationem Trinitatis per descendentem columbam per Patrem clamantem, per filium ipsum susipientem, in hoc sacramento esse conuinceret: vt planè Christiani intelligant sanctam atque diuinam illam actionem à tota Trinitate & Christi passione virtutem auctoritatemque habere, non ab homine administrante. 1. Cor. 3.

Est autem considerandum ex hac doctrina, sacramenta que Christus instituit, non casu, aut fortuito successu esse instituta: sed eo tempore, hora atque momento, quo ab æterno tota Trinitas hoc statuerat. Item errare turpiter Caluinum, qui nulum discriminè agnoscat inter baptismum Ioannis, & Christi: cum ille baptizauerit tantum in aqua, Christus verò simul etiam in spiritu. Baptismus efficaciam suam non nisi à Christo habere potuit, atque is tunc temporis nondum erat institutus in sacramentum. Act. 18. 19. apertè constat discrimen baptismi Ioannis & Christi. Deinde considerandum virtutem Christi non esse alligatam sacramentis. Nam sine baptismo remisit Christus quāplurimis peccata, ipsiſque spiritum sanctum dedit: quod & modò facere potest. Verum hoc fit ex singulari Christi dispensatione, & gratia. Et quamuis ita contingat mirabili aliqua ratione

*Anno ætatis
sua tricesimo
varias ob causas
baptizari
voluit.
Baptismus Io-
annis inefficax*

*Neminem de-
bet pudere ab
inferioribus ba-
ptizari.
Baptismus suū
virtutē & au-
thoritatem non
ab homine, sed
à tota trinitate
habet.*

*Caluini turpis
error.*

*Virtus Christi
non est alligata
sacramen-
tis.*

peccatorum remissionem obtinere, & spiritus sancti gratiam tribui, nihilominus baptisma minimè negligendum, dicente Petro, Act. 10. Nunquid aquam quis prohibere potest, ut non baptizentur hi qui spiritum sanctum acceperunt, sicut & nos? Et iussit eos baptizari in nomine domini Iesu Christi. Infantes autem in baptismo possunt iustificari & sanctificari sine rationis auxilio: quod testimonium Ioannes probat, qui nondum natus sensit præsentiam Christi, idque non motu rationis, sed virtute spiritus sancti. Luc. 1.

Infantes iustificari & sanctificari in baptismo possunt sine rationis auxilio.

Miracula in baptismo Christi facta.

Baptizatus Christus quid orabat.

Oratio Christi quid nos doceat.

Celi apertio quid significet.

Baptismus magnificandus à nobis, què Christus suo corpore instituit ei sanctificauit.

Baptismus unica & maxima consolatio nostra.

Materia baptismi aqua naturalis, non artificialis.

2 Obseruanda sunt miracula quæ in baptismo Christi contigerunt. Christus baptizatus orabat, ut Deus suo spiritu sancto perfunderet animas & corpora eorum qui baptizantur, satanam inde exturbet: peccata baptizatis indulgeat: gratiam qua præcepta seruent, carnem mortificent, interiori hominem renouent, ac vitam æternam promereri possint, conferat. Nam tempus aderat quo Christus debebat inchoare suum officium ad redimendum genus humanum, à diabolo tentari in deserto, & assumere sibi Apostolos atque Discipulos, quos doceret ea quæ à Patre in mandatis acceperat: per quos etiam vniuerso mundo remissio peccatorum, & redemptio generis humani annuntiaretur per Christum facta. Ut hæc tam grandia sacramenta foeliciter cedant, Christus Patrem orat: docens nobis semper, priusquam aliquid incipiamus, esse orandum. *Celi apertio sunt.* Hæc cælorum apertio significat, propter Christum, cælum quod hactenus propter peccata fuerat clausum, iam rursus esse apertum omnibus baptizatis, qui bonis operibus studuerunt ipsum promereri.

Apparent tres distinctæ personæ indiuisæ Deitatis: nempe, Pater, qui de cælo clamat: *Hic est filius meus dilectus. &c.* Filius, qui in Iordane baptizatur. Et spiritus sanctus, qui in specie columbæ apparet. Hæc omnia nostrum in vsum contigerunt, ut baptismi sacramentum magnificamus, quod Christus suo sancto corpore instituit & sanctificauit. Nec dubitemus totam Trinitatem tum adesse, quotiescunque infans aliquis apud nos baptizatur. Et sit vnica & maxima hæc consolatio nostra, quod propter dilectum filium Dei & nos omnes in baptismo iustificamur, consequimur remissionem peccatorum, recuperamus iustitiam & innocentiam perditam, donamur spiritu sancto, reconciliamur Deo, adoptamur in filios Dei, & datur actio ad vitam æternam, tanquam hæreditatem filiis assignatam, piis studiis sanctisque actionibus promerendam.

3 Obseruandum, quæ materia constet baptismus: scilicet, aqua naturali, siue calida sit aut frigida, vel aliis qualitatibus affecta, non aqua artificio aliquo expressa, ut rosacea, vel alia similis. Est enim baptismus, non aqua vulgaris tantum, sed aqua

vita

vitz diuino verbo sanctificata & præceptis Dei diuinaque virtute communita: vt sit aqua salutaris animæ & corporis fidelium, quæ occidat peccatum, & viuificet animam. Et vt intelligas baptismum esse aquam vinam: considerabis illius originem, non enim ab homine, sed à Deo est institutus. Considerabis illius per Christi corpus sanctificationem, quo facto indicat sibi placere baptismum. Considerabis Dei mandatum: *Baptismus aqua vita.* **Ite & baptizate omnes gentes, &c. Mat. 28. & Dei promissionem: Qui crediderit & baptizatus fuerit, saluus erit, Marc. 16.**

Baptismus igitur est summus thesaurus noster cælestis. Si vis ingredi regnum cælorum, duo sunt ubi faciendæ: 1. Credas Christum pro te passum, mortuum, &c. vt eius morte tu viues, & Patri reconciliareris. 2. Suscipe baptismum, sinas aqua hac sanctissima ablui tua peccata, & serua mandata. Qui hæc duo contemnit, proculdubio peribit: *Baptismus summus noster thesaurus cælestis.* **Qui autem crediderit & baptizatus fuerit, saluus erit, modò mandata seruet: eritque heres vitæ æternæ, Amen. Marc. 16.**

Quamuis Christus tricesimo anno sit baptizatus, religio tamen Catholica & traditio Apostolica docent pueros omni ætate baptizandos, 1. Mandato Christi dicentis, Ioan. 3. Nisi quis renatus fuerit ex aqua & spiritu sancto, &c. 2. Promissione vniuersali, qua omnibus hominibus Dei gratia promittitur, huius gratiæ sacramentum est baptisma: ergo ad omnes homines pertinet. Paruulos autem homines esse nemo sanus negabit. *Religio Catholica, & Apostolica traditio docent pueros omni ætate baptizandos.*

3. Natura regni Dei. Nam regnum siue gratia Dei non venit cum obseruatione ætatis, neque ad hanc circumstantiam temporis ligari debet: cum baptismus sit gratiæ Dei sacramentum.

4. Clementia Christi, qui nemini suam gratiam negat, quare nec baptismum paruulis.

5. Exemplo circumcisionis. Infantes enim Iudæorum portabantur ad circumcisionem, nescientes verbum Dei, neque valentes audire de fœdere gratiæ, quare & nostri paruuli etsi non audiant aut intelligant verbum; deferri tamen ad baptismum debent. Nam nos vniuersale mandatum habemus de baptizandis omnibus gentibus, sicut Iudæi de circumcidendis paruulis: & sicut infans non obfuit eorum paruulis, ita neque nostris.

6. Exemplo Apostolorum, præsertim Pauli, qui scribit se baptizasse totam domum Stephanæ, id est, adultos & paruulos, 1. Cor. 1.

7. Testimonio patrum, qui testantur in Ecclesia semper paruulos fuisse baptizatos. Origenes cap. 6. ad Roman. Ecclesia ab Apostolis traditionem accepit, etiam paruulis baptismum dare. Cyprianus scribit, in concilio quodam damnatam opinionem cuiusdam, qui ante octauum diem volebat baptizari infan-

Patres testantur in Ecclesia semper paruulos fuisse baptizatos. Anno Christi.

Anno Christi. 252. *tes, lib. 3. epist. 8. Augustinus contra Donatistas, lib. 4. item in Gen. &c. Hieronymus contra Pelagianos, fatis arduis causas recenset, cur paruuli sint baptizandi.*

Anno Christi. 387.

EPILOGVS.

1. Quomodo Christus occidi voluit, ut nos à morte redimeret: sic & baptizari elegit, ut suo baptismo animas nostras purgaret, sanguine sui sanctissimi corporis aquis vim regenerationis præstaret.
2. Exemplum salutare hic in Christo modestia, in Ioanne autem obedientia.
3. Baptismi Christiani effectus pulchre declaratur, Aperti sunt celi, visus est spiritus Dei descendere, vox audita est, Hic est filius meus dilectus, in quo mihi complacui.

IN FERIIS CATHEDRAE B. PETRI,

EPISTOLA.

I. Pet. 1.

Petrus Apostolus Iesu Christi electis aduenis dispersionis Ponti, Galatie, Cappadociae, Asiae, & Bythiniae, secundum praesentiam Dei Patris, in sanctificationem Spiritus, in obedientiam & asperionem sanguinis Iesu Christi. Gratia vobis & pax multiplicetur. Benedixit Deus & Pater Domini nostri Iesu Christi, qui secundum misericordiam suam magnam regenerauit nos in spem viuam, per resurrectionem Iesu Christi ex mortuis, in hereditatem incorruptibilem, & incontaminatam, & immarcescibilem, conseruatam in caelis in vobis; Qui in virtute Dei custodimini per fidem in salutem, paratam reuelari in tempore nouissimo. In quo exultabit, modicum nunc, si oportet, contristari in variis tentationibus: Ut probatio vestra fidei multo pretiosior auro (quod per ignem probatur) inueniatur in laudem & gloriam & honorem in reuelatione Iesu Christi Domini nostri.

BEATVS Petrus sicut & Iacobus Iudaeis scribit, sparsim incolentibus gentium regiones, Epistolam profecto dignam Apostolorum principe, plenam auctoritatis ac maiestatis Apostolicæ, verbis parcam, sententiis refertam: hortaturque principio ad tolerantiam malorum; quæ ob Euangelij inuidiam perpetiebantur spe premiorum. Quod & B. Iacobus facit cap. 1. Pro summo gaudio ducite fratres, inquit, quoties in tentationibus variis incideritis, illud scientes, quod exploratio fidei vestrae parit patientiam. Caterum patientia opus perfectum habet, ut sitis perfecti & integri, nullaque in parte diminuti. Unde D. Petrus ad maiorem eorum consolationem nomen suum proprium exprimit, quod à Christo sibi apratum accepit; siquidem antè Simon appellabatur, adiecto etiam nomine sui muneris seu ministerij, cum dicit, Apostolus, id est legatus & nuntius à Christo Deo & homine Dei filio missus, olim eidem conuictor, nunc autem destinatus Apostolus. Non enim veretur nomen suum proprium & officij præfigere: quia nihil præter cale-

caelestia, deifica & sancta omnia edificatoria tractat. Econtrā autem, illi qui libellos famosos epistolafq; blasphemias & contumeliis plenas inter vulgus Christianū spargunt, nomen proprium, conscientia urgente subticent, Ioan. 3. Qui facit veritatem, venit ad lucem. Qui verò malè agit, odit lucem, &c.

Scriptores catholici nomina sua propria non subticent, more pseudographorum.

In hac utique lectione breuiter & dilucidè D. Petrus totam salutis nostrę rationem utpote principium, medium, & finem, nobis proponit: & facit potissimū in septem. Primò, laudat Deum, nosq; peculiariter ad collaudandum Deum suo exemplo hortatur & excitat. Et quò laudatio huiusmodi & perfectior sit & promptior, in mediū adfert, quis sit ille Deus quē laudare debeamus, cū dicit: *Benedictus Deus & Pater Domini nostri Iesu Christi, &c.* Confitentur & Iudæi ac Turcæ vnum Deū, Deumque laudant: verum imaginarium incertumq; & confitentur & laudant Deum. Quem enim confitentur & laudant illi hunc Patrem esse, hoc est, naturalem habere filium negant. At Petrus hic eum Deum à nobis agnosci & laudari vult, qui est pater Domini nostri Iesu Christi, hoc est, qui naturalem habet filium. Imò vniuersa etiam sacra scriptura hunc solum Deum nobis vnicè commendat. Ergo pater Domini nostri Iesu Christi verus Deus est, quem nos & confiteri & laudare debemus. Qui verò negat Deum esse Domini nostri Iesu Christi patrem, is Deum non nouit, etiā si omnia alia pertinacissimè credat, quæ ipsi sacra tribuit scriptura. Sumus igitur hic certi, quis verus Deus sit. Hunc itaque vnum & verum Deum semper agnoscamus, & ut verum Deum dignè laudemus. Credamus, inquam, verum Deum esse patrem naturalem Domini nostri Iesu Christi, & Iesum Christum naturalem esse veri Dei filium, Matth. 16. & Ioan. 6. Ita verum Deum rectè nouerimus, ut salui simus.

Exhortatio ad laudem Dei.

Iudæi ac Turcæ verè vnum Dei notitiam non habent.

Scriptura hūc solum Deum nobis commendat, qui habet naturalem filium.

Qui Deum negat esse Domini nostri Iesu Christi patrē, is Deum non nouit.

2. Secundò, declarat à quo salus æterna detur: & dicit eā contingere à Deo & Patre Domini nostri Iesu Christi. Quodd autem eam Deo tribuit, per hoc excludit omnes creaturas in vniuersum, docetq; à nullo eam expectandam, nisi à solo Deo: quemadmodum & Deus ipse apud Isaiam. 43. cap. inquit, Ante me nō est factus aliquis Deus, & post me non erit. Ego sum, ego sum Dominus, & non est absq; me saluator. Et cap. 45. Deus iustus & saluator non est præter me. Porro quod addit Apostolus, patrem Domini nostri Iesu Christi, per hoc omnes alios deos excludit, docetq; hunc solum esse verum illum Deum saluantē, quemadmodum & D. Paulus 1. Cor. 8. eleganter testatur: Et si (inquiens) sint qui dicantur dii, siue in cælo, siue in terra (siquidem sunt dii multi & Domini multi) nobis tamen vnus Deus pater, ex quo omnia & nos in illum.

Salus à nullo alio expectanda, nisi à solo Deo patre Iesu Christi.

3. Tertiò declarat qua causā mouente salus detur, cū dicit

Salus datur à Deo patre non propter opera aut merita præcedētia sed ex eius benignitate.

Salus à Deo datur per Christi resurrectionem.

*Incarnatio Christi salus parata indicium.
Passio Christi peccati mortis que expiatio, &c.
Resurrectio certum argumentum ablati peccati, mortis destructæ, &c.
Ascensio est præparatio donata celesti hereditati, &c.
Resurrectio est præparatio donata celesti hereditati, &c.
Ascensio est præparatio donata celesti hereditati, &c.*

Deus bis pater noster factus.

Petrus eam dari secundum misericordiam Dei . Quo sanè elogio omnia merita humana excludit , ac docet , salutem contingere à Deo , non propter præcedentia opera aut merita , sed gratis , ex sua benignitate , quemadmodum & Deus ipse apud Isaiam cap. 48. inquit , Propter me , propter me faciam , vt non blasphemem : & gloriam meam alteri non dabo . Et B. Paulus . 2. Tim. 1. Deus , inquit , liberauit nos , & vocauit vocatione sancta , nō secundū opera nostra , sed secundū propositum suū , & gratiam . Et ad Tit. 3. Non ex operibus iustitiæ , quæ fecimus nos , sed secundum misericordiam suam saluos nos fecit Deus .

4. Quartò declarat per quem salus à Deo datur , cū d. Petrus subdit , eam dari per resurrectionem Iesu Christi . Per resurrectionem verò , & incarnationem & passionem , adeoque ascensionem intelligi vult . Nam per hæc singulas salus impetrata est , hoc nimirum confirmante Paulo , Roman. 4. Traditus est , inquit , propter delicta nostra , & resurrexit propter iustificationem nostram : incarnatio enim Christi , indicium fuit , quodd salus ipsa esset propè ac parata . Passio autem ipsius peccata totius mundi expiauit , mortisq; per mortē aboleuit sententiam , Ose. 13. 1. Cor. 15. adeoq; mortis auctorem enervauit . Resurrectio verò , certum argumentum dedit , ablatum esse peccatū , deglutitā mortem , deuictum satanā , profligatā damnationē , & contrā æternam redditā iustitiam , donatam vitam , recuperatā æternam felicitatē . Ascensio denique præparatio fuit donatæ celestis hereditatis , & certum signum eō venturos saluatos , quo Christus præcesserit , Ioan. 14. Summa igitur est , per vnū Iesum Christum dari salutem à Deo : & hac præcipuè de causā nobis laudandus est Deus . Audiamus Petrum , quid nobis fecerit laude dignum , quidq; præstiterit . Iuxta copiosam suam misericordiam , inquit , regenuit nos in spem viuam , per resurrectionē Iesu Christi ex mortuis in hereditatem immortalem & incontaminabilem atque immarcescibilem , conseruatam in calis erga vos , qui virtute Dei custodimini per fidem ad salutem quæ in hoc parata est , vt pateat in tempore supremo . Ac si dicat , laudandus ob id à nobis est Deus Pater , non tantū quodd noster pater sit sola creatione , sed quodd in regeneratione omnium maximè pater noster factus est . Quod ille in nobis creauerat rectè & absolute , id protoparens noster Adā suā transgressionē in nobis corruerat rursum : nam peccato & morti nos infelicitè genuit . Misertus igitur nostri Deus , bis pater noster factus est . Nam regennit nos iustitiæ & vitæ , quos semel iustitiæ & vitæ creauerat : regenuit autē per mortē & resurrectionem filij sui Iesu Christi . Hunc enim finit mori , vt peccata nostra tollerentur : hunc & resurgere fecit , vt æternū iustificaremur & viuificaremur . Et regenuit nos sic , vt & in filios adoptauerit , & hæredes vitæ æternæ instituerit : ac quando in

in terris adhuc agimus, custodit nos virtute sua per fidem ad salutem. Et si cælestem hereditatem nondum realiter possidemus, certissimè tamen erga nos in cælis conseruata est, vt etià Apostolus 2. Timot. 1. confidenter dicat, Scio cui credidi, & certus sum quia potens est depositum meum seruare in illum diem.

5 Quintò, ostendit Petrus quid ipsa salus sit, cum dicit esse *Salus quid sit.* illam hereditatem incorruptibilem, & incontaminabilem & immarcescibilem, conseruatam in cælis, paratam reuelari in tempore nouissimo. Quibus utique verbis declarat, salutem non esse rem leuiculam, sed talem, quæ æternas diuitias, æternas voluptates, æterna gaudia, æternam vitam complectatur. Si iam cui placet opes, voluptates, gaudia, & licitas, vita: ei sanè multò magis ardebit salus, vt quæ (modò diximus) has omnes, non ad tempus, non mixtim, sed perpetim, sed sincerissimè adferat, vt non immeritò ex Isa. cap. 64. Paulus 1. Cor. 2. dicat, Quod oculus non vidit, nec auris audiuit, nec in cor hominis ascenderit, quæ præparauit Deus iis qui diligunt illum.

6 Sextò, ostendit quibus contingat salus, cum dicit dari eam illis, *Soli electi ab æterno, salute donantur.* qui in virtute Dei custodiantur per fidem. Quibus nimirum verbis innuit, non quoslibet salute donari, sed eos duntaxat, qui ab æterno ad eam prædestinati sint, quiq; iam vocati prædicatione verbi & per Spiritum sanctum solidam in Deum patrem & Iesum Christum fidem habeant: quemadmodum & D. Paulus pulchrè Roma. 8. inquit, Quos præscierat Deus, hos prædestinavit conformes fieri imagini filij Dei, vt sit ipse primogenitus in multis fratribus: quos autem prædestinavit, hos & vocauit: quos autem vocauit, eos & iustificauit, eos & glorificauit, hoc est, æterna salute donauit. Summa itaque est, solos electos ab æterno saluari.

7 Septimò, ostendit B. Petrus, quæ fors, qualisque vita saluandorum in hoc mundo sit, cum dicit eos nunc contristari oportere *Sors & vita saluandorum in hoc mundo.* variis temptationibus, & vitæ agere cedentem in laudem & gloriâ & honorem Dei. His autem verbis certa dat signa, quibus electi dinosci possint. Nam tamen prædestinatio & salutis donatio inuisibiles sint, tamè his notis deprehendi clarè queunt saluandi, nempe, ex afflictione & vitæ innocentia: Iuxta illud, In mundo pressuram habebitis, &c. Quicunque igitur hæc affliguntur ob iustitiam, & piam interim vitam agunt, ij certissimi sunt electi, Heb. 12. Quem enim diligit Dominus, castigat: flagellat autem omnem filium quem recipit, Prou. 3. Apoc. 3.

Quare si & nos huius salutis verè participes & haberi & esse volumus, patienter afflictiones toleremus, & piam agamus vitam. Sic futurum est, vt nos quoque hereditas illa immarcescibilis maneat, finis, inquã, fidei nostræ, salus animarum nostrarum. *Finis fidei salutis animarum.*

Hinc enim beatus vir esse asseritur qui fuffert temptationem,

quoniam cūm probatus fuerit, accipiet coronam vitæ, Iaco. 1. In hoc (inquit Petrus) exultate, nunc ad breue tempus afflicti in variis experimentis, si opus sit, quò exploratio fidei vestra multò pretiosior auro, quod perit, & tamen per ignem probatur, reperiatur in laudem & gloriam & honorem; in reuelatione Iesu Christi. Quibus etiam verbis innuit quo

*Laudatio Dei
in exultatione
& in afflictio-
nibus consistere
debet.*

*Iure optimo
electi exultan-
dum.*

pacto laudari Deus à nobis debeat, & ostendit laudationē Dei & in exultatione & in afflictionibus consistere debere: sic ergo laudare debemus Deū, ut exulemus in conscientia pura & fide non ficta, utque afflictiones in Dei gratiam patiamur. Exultare iure optimo debemus, quòd sciamus hæreditatem immarcescibilem in nos in cælis esse conferuatam. Gaudere & exultate, ait Saluator, quoniā merces vestra copiosa est in cælis, Matt. 5. Affligi verò patienter feremus, & quòd non diu affigemur, & quòd fides per afflictiones tum probetur, tum reddatur illustrior, & quòd æternam laudem, gloriam & honorem inde sumus habituri in reuelatione Iesu Christi. Hinc & Apostolus ait, Rom. 5. Sed & gloriamur in tribulationibus, scientes quoniam tribulatio patientiam operatur, patientia probationem, probatio verò spem, spes autem non confundit. Et 2. Cor. 4. Id quod in præsentī est momentaneum & leue tribulationis nostræ, supra modum in sublimitate æterni gloriæ pondus operatur in nobis, &c.

EPILOGVS.

1 Spes vna Christianis est, per hoc quòd resurrexit Iesus Christus ex mortuis, in hæreditatem immortalem, incontaminabilem & immarcescibilem conseruatam in cælis.

2 Per multas tribulationes oportet nos intrare in regnum Dei, Act. 14. Si compatimur & conregnabimus, si commotimur & conuiuemus, Roman. 8. 2. Timoth. 2.

3 Christus nobis datus est in donum, ut sit sapientia, iustitia, sanctificatio & redemptio nostra. 1. Corin. 1. & in exemplum, ut passo in carne Christo, nos eadem cogitatione amemur, 1. Pet. 4.

RATIO Institutionis solennitatis hodiernæ quæatur ex sermone S. Augustini Episcopi, qui sic incipit: Institutio solennitatis hodiernæ à senioribus nostris Cathedra nomen accepit, &c.

Euangelium huius diei inuenietur in feriis Apostolorum Petri & Pauli.

IN FERIIS MATHIAE APOSTOLI, EPISTOLA.

Act. 1.

IN diebus illis exurgens Petrus in medio fratrum dixit, (erat autem hominum turba simul ferè centum viginti.) Viri fratres, oportet impleri scripturam quam prædixit Spiritus sanctus per os David de Iuda, qui fuit dux eorum qui comprehenderunt Iesum, qui connumeratus erat in nobis & sortitus est sortem

mini-

ministrum huius. Et hic quidem possedit agrum de mercede iniquitatis, & suffensus crepuit medius, & diffusa sunt omnia viscera eius. Et notum factum est omnibus habitantibus in Ierusalem, ita ut appellaretur ager ille lingua eorum *Aceldemah*, hoc est, ager sanguinis: Scriptum est enim in libro Psalmorum, *Fiat habitatio earum deserta, & non sit qui habitet in ea; & episcopatum eius accipiat alter*. Oportet ergo ex his viris qui nobiscum sunt congregati in omni tempore, quo intrauit & exiuit inter nos Dominus Iesus, incipiens à Baptismo Ioanni usque in diem quâ assumptus est à nobis, testem resurrectioni eius nobiscum fieri unum ex istis. Et statuerunt duos, Ioseph, qui vocatur Barsabas, qui cognominatus est iustus, & Mathiam. Et orantes dixerunt, Tu Domine qui corda nostri omnium, ostende quem elegeris ex his duobus unum accipere locum ministerij huius, & apostolatus de quo prauaricatus est Iudas, ut abires in locum suum. Et dederunt sortes eius, & cecidit sortis super Mathiam, & annu-
meratus est cum undecim Apostolu.

H A U C hic de noui Apostoli electione. Primò, quo hor- tante instituta sit, videlicet Petro, qui orationem habuit, idque non tam singularis potestatis, quàm & ordinis, & diuini instinctus causa. Loquitur autem. 1. de Iudæ defectione, cuius sceleris grauitatem notat tum ab ipso facto, quod fuerit dux comprehendentium Iesum: tum ab antegresso munere, quod à Iesu in numerum Apostolicum coopertus fuerit, facit autem D. Petrus, id non tam ob Iudæ infectationem (nam proculdubio tristis acerbique fuit inter discipulos eius rei commemoratio) quàm ob ceterorum exhortationem, ut tantò cautiore sint, cum in perseuerando, tum in collega eligendo. Deinde causam eius sceleris refert, non ad Iudæ malitiam, quæ verissima tamen proximaq; causa fuit, sed ad scripturæ impletionem, licet ea causa sit remota, & quæ præuisionem, non impulsione arguat. Placuit autem Petro hanc omittere, ut quæ nihil ad edificationem faceret: & hanc proponere, ne quem grauius perturbaret tam horribilis Iudæ casus. Atque idem nobis quoque faciendum ut ab hominum cogitatione nos ad scripturam & consilium Dei conuertamus. Porro quod Spiritum sanctum ait prædixisse quæ scriptura memorat: discis quantum deferendum sit scripturæ.

2. Loquitur de alterius subrogatione. 1. Quod alius sit eligendus, Nam erat planè necessarium, ne vel Apostolorum functio, si in primo suo numero claudicasset, minus ponderis obtineret: vel Israëlitarum tribubus, quibus colligendis & Christus venerat, & discipulos emissurus erat, minus responderet Apostolicus numerus: vel ne Iudæ vanitas & defectio, Christi veritatem & decretum superasse videretur. Nam ut plurimi sanè nolint, aut deficiant, tamen nouit Deus vnde suum agmen compleat. 2. Quod confestim eligendus: id quod Petrus colligit ex priori. Nam si constet eligendum, quidni protinus exequatur. Nos similiter cogitemus, cum de Dei voluntate, deque munere nostro facti sumus certiores, nullas faciendas esse moras.

*Petri hortatu
noui Apostoli
electio instituta.*

*Psal. 40.
Ioan. 18.*

*Sceleris Iudæ
grauitas.*

*Defectionis Iudæ
cur commemorauit Petrus.*

Matth. 27.

*Causa sceleris
Iudæ proxima
eius malitia,
remota verò
scriptura im-
pletio.*

Psal. 108.

*Scriptura sacra
deferendus
quam eloquitur
Spiritus sanctus.*

*Alterius Apostoli
subrogatio per quam
necessaria.*

*Quo è numero
feligendū nouus
Apostolus.*

Al. 4.

*Opus Aposto-
licum est præ-
dicare.
Prædicationis
scopus resurre-
ctio Christi.*

*Electiois mo-
dus.*

*Functio Apo-
stolica pēdet à
solius Dei cal-
culo.*

*Documentum
egregiū, in quo
casu Dei indi-
catus ē auxi-
lium imploran-
dum.*

*Deus plerun-
que humiliora
magis probat.*

*Apostolorum
studium Dei iu-
diciū, & Ma-
thia obsequiū
hic nobis obser-
uabile.*

3. Quo è numero feligendus sit, ex eo nempe, qui cum Christo vixerint à baptismo vsque ad Ascensionē: idque idē, quod Apostolum decuit oculatum ac solidum esse operum & verborum Christi testem. Cœperat autem Christus publicē operari ac docere, cū inauguratus esset in Baptismo. 4. Quod ad opus feligendus, videlicet ad testandum, id est, passim publiceque prædicandum, & testandam maximē resurrectionem.

Discimus ergo Apostolicum esse prædicare. Viderint ergo successores num vocationi suæ rectē respōderint, discimus præterea prædicandum solum Christum, cuius summum ad salutem opus resurrectio: cætera enim Christi opera vel ad eā tendunt, vel ex ea suam vim accipiunt. Viderint ergo nugatores, de quibus Psal. 118. ait: Narrauerūt mihi iniqui fabulationes, sed non vt lex tua.

2. Habes hic quomodo peracta sit hæc electio, nimirum isto modo. 1. duorum segregatione, vbi obseruandum, in Iudæ locum fuit vnus tantū subrogāndus, duos tamen sistunt. Quod non vnum sistunt, id fit propter Dei electionem, vt penes ipsum esset. Nam apostolica functio pendet à solius Dei calculo: & quod non plures sistunt, id fit propter apostolorum inquisitionem, quæ omnino debuit esse exactissima. Descenderunt ergo feligendo vsque ad binarium. 2. Inuocatione: egregio scilicet documento, vt in aliis, sic in electionibus, & cum primis ministrorum, Dei simul indicationem & auxilium implorandum. 3. Sorte, vt qua neque miraculum peteretur, nec humanum tamen quicquam vltra primam inquisitionem, & duorum segregationem ab Apostolis interponeretur.

Hic habes in quem fors inciderit, in Mathiam nempe, licet alter videretur fermē potior, è quo vides quā plerunque Deus humiliora magis probet. Item hic locum habet dictum Salomonis Prouerb. 16. Sortes mittuntur in sinum, sed à Domino temperantur.

Obseruabile igitur cū Apostolorum studium, qui pro teste & præcone Christi aded sunt solliciti (dormitantibus interim aut persequētibus nostris prælatis & episcopis) tum & Dei iudicium, qui vt plurimum viliora respicit: & Mathiæ obsequiū, qui vocanti Domino obtemperat: Ferueamus quæso nos similiter, & humiliemus nos, & talem segregationem, si & nos vocemur, celeberrimam beatissimamque iudicemus, strenuē laboremus Domino, cui sit omnis honos.

EPILOGVS.

*Numerus Apo-
stolicus, variè
in vet. lege præ-
figuratus.*

1. Petrus institutus vult numerum Apostolorum, compertū habens eundem variè præfiguratum: verbi gratia. In 12. filiis Iacob patriarchæ. Genes. 42. Rursum in 12. fontibus, è quibus Dei populus ab Aegypia serminte liberatus, ad promissam per desertum tendens hereditatem, bibens refocillatus est,

Numer.

Num. 33. Item in 12. lapidibus pretiosis in vestimento summi sacerdotis. Exod. 28. In 12. quoque exploratoribus terram promissa hereditatis à Mose ad explorandum destinatis, Num. 13. Nimirum hoc etiam satagens, ne numerus Apostolicus maneret imminutus, quem Dominus instituit, ut scilicet & factorum & dictorum testes essent per orbem terrarum, qui fuerant ei assidui, domestici & conuictores. Siquidem hoc ipsis prädixerat de resurrectione sua loquens, Act. 1. Vos eritis mihi testes in Ierusalem, &c.

2 Iudas non electione aeterna, sed nomine solo Apostolus, unde impius in magistrum & apostata extra collegium Apostolicum fuisse narratur.

3 Laudabilis hic electionis modus in Ecclesia obseruandus: qui est supplicare Domino, precari, ut ipse quem elegerit, ostendere dignetur, ut nihil tribuere affectibus humanis in similibus electionibus.

IN FERIIS EIVSDEM APOSTOLI

EVANGELIUM.

IN illo tempore: Respondens Iesus dixit, Confiteor tibi Pater Domine calis & *Math. 21*
 Terra, quia abscondisti haec à sapientibus & prudentibus, & reuelasti ea paru-
 lulo, Ita Pater: quoniam sic fuit placitum ante te. Omnia mihi tradita sunt à
 Patre meo. Et nemo nouit Filium, nisi Pater: neque Patrem qui nouit, nisi Fi-
 lius, & cui uoluerit Filius reuelare. Venite ad me omnes qui laboratis, & one-
 rati estis: & ego reficiam vos. Tollite iugum meum super vos, & discite à me,
 quia mitis sum & humilis corde: & inuenietis requiem animabus uestris. Iu-
 gum enim meum suauis est, & onus meum leue.

IN hoc Euangelio Christus facit quatuor. Primò exultat *Luc. 20.*

In Spiritu sancto: ut doceat præter lætitiā carnis aliam esse
 multò excellentiorem, scilicet, lætitiā spiritus: de illa ait Chri-
 stus, Luc. 6. Væ vobis qui nunc ridetis. Et Ioā. 16. Mūdus gau-
 debit, vos autem contristabimini, sed tristitia uestra uertetur in
 gaudium. Hæc lætitia est vana, & plerunq̃ue Deo inuisa, quam
 omnes Christiani, quantum possint, debent vitare. Est lætitia
 spiritus, qua Christiani exultant in Domino, hac Christus
 exultauit, hac exultauit Maria, Luc. 1. cū diceret, Exultauit
 spiritus meus in Deo salutari meo, non in mundo, non in carne,
 sed in Deo. Ita sunt gauisi magi inuento puero, Math. 2. & di-
 scipuli viso Domino, Ioan. 20. Hac & nos exulemus, Phil. 4.
 Hoc exemplo etiam nos instruit, si quid foeliciter cesserit no-
 bis conantibus, exulemus non humano affectu, sed gaudio spi-
 rituali: non nobis arrogantes vllam gloriam, sed gaudentes
 illustrari gloriam Dei, gaudentes de profectu proximi. Fructus
 enim spiritus, gaudium, pax, charitas. 3. Ioan. 1. Maiorem ho-
 rum non habeo gratiam, quā ut audiam filios meos in veri-
 tate ambulare, & Apost. 2. Corinth. 9. Gratias ago Deo super
 inenarrabili dono eius. Charitas siquidem cōgaudet veritati.
 1. Corinth. 13.

*Lætitiā carnis
vana.*

*Lætitiā spiri-
tus Christianus
deceat.*

*Gaudendū de
illustratione
glorie Dei, &
de profectu
proximi.*

2 Gratias agit Patri, quod sacramēta sua absconderit à mundi
 sapienti-

*Sapientia &
prudentia Pha-
risæorum & scri-
barum arrogas
& uana.*

*Prudentia no-
strorum hominum
seculi huius
tumida.*

*Paruuli qui
fuere, & sunt.*

sapientibus & prudentibus, & reuelaret ea paruulis. Sapientes & prudentes tum erant Pharisei, Scribæ, Sacerdotes, Leuitæ, Seniores populi & principes. Hi adedumebant, ut sola cognitione legis omnia sacramenta tam diuina quam humana comprehendere se posse arbitrentur. Hi quoque viribus suis freti censebant hanc legis cognitionem sibi abunde sufficere ad implenda præcepta Dei, & ad salutem consequendam, etiam sine auxilio gratiæ Christi, quod eis cum superioribus illis commune erat. Sunt & hoc nostro seculo tales, qui sapientia sua adedum nituntur & fidunt, ut non vereantur reliquos omnes tanquam pecudes impudenter præ se contemnere, & somnia sua velut cælestia oracula pro Dei verbo adoranda proponere: qui inquam, solenne habent inter pocula, ubi mero incaluerint, disputare de verbo Dei, de Euangelio, de Ecclesia, de quæ sacramentis Christi. Iis tantum acquiescunt quæ ipsorum iudicio recipienda sunt: at sancti spiritus per Ecclesiam suam dictantis sententiam petulanter contemnunt, quibus dicitur, Isa. 5. Vae qui sapientes estis in oculis vestris, & coram vobismet ipsis prudentes, de quibus Iob 5. Qui apprehendit sapientes in astutia eorum, & consilium prauorum dissipat. Quos pater reiicit. Nam hi sunt prudentes, sapientes quæ apud semetipsos, sicut ostensum est ex Isaia, de quibus. 1. Corinth. 1. Perdam sapientiam sapientium, & prudentiam prudentium reprobo.

Paruuli tum erant, beata virgo, Apostoli, ac reliqui discipuli: Hi nihil se scire, nihil præstare posse agnoscebant, nisi quæ Deus per Christum ipsis daret, ut scirent ac possent. Sunt & hoc nostro seculo tales, qui de se non ita sublimiter sentiunt, sed humiliter: suam quæ prudentiam & sapientiam non magni faciunt. Nec nouam cōfingunt doctrinam, sed eam quam Spiritus sanctus Ecclesiæ suæ humili reuelauit, retinent & sequuntur. Solum Deum plenè perfecte quæ iudicant sapientem atque prudentem, qui sapientiam præstat paruulis. Psalm. 18. Quos pater acceptat. Nam hi sunt paruuli, pauperes, simplices, qui nihil sciunt, nec sapere præsumunt, nisi ea quæ pater reuelauit suæ Ecclesiæ. Isa. 66. Ad quem respiciam &c. Item Iaco. 4. & 1. Pet. 5. Deus superbis resistit, humilibus autem dat gratiam.

Sicut Christus tunc exultauit in spiritu, & gratias egit patri, quod mysteria suæ incarnationis reuelasset paruulis, scilicet Mariæ virgini sanctissimæ, Iosèph, Simeoni, Annæ, Apostolis, discipulis qui erant pauperes spiritu, & abscondisset à sapientibus ac prudentibus Ierosolymitanis, ac Philosophis Atheniensibus: ita & modò multò perfectius lætatur, quòd eadē ratione sacramenta suæ religionis quibusdam pauperibus, neglectis superbis, reuelat. Quod sic accipi nō debet, quod gaudeat Chri-

Christus & gratias agat de sapientium excæcatione, de qua contristabatur. Marc. 3. sed de paruulorum illuminatione. Sic Apostolus Rom. 6. Gratias Deo, quia fuistis serui peccati, obediistis autem ex corde in eam formam doctrinæ in quam traditi estis.

Gratias non agat, nec gaudet Christus de sapientium excæcatione, sed de paruulorum illuminatione.

Si igitur volumus Deum in dies magis ac magis sua mysteria nobis reuelare, ponamus supercilium: & nos nihil scire nisi Iesum Christum, & hunc crucifixum, nobis habeamus persuasum. 1. Corint. 2.

Facti huius æquitatem Dominus paternæ voluntatis iudicio confirmat, ut qui dedignantur paruuli in Deo fieri, stulti deinceps in sua sapientia fiant. Sic enim diuino placuit consilio, humanam damnare sapientiam, & per humilitatem Euangelicæ doctrinæ bonos ad se trahere. Ita pater, inquit, quoniam sic placitum fuit ante te. Quibus etiam verbis Christi exemplum humilitatis accipimus, ne temerè discutere superna consilia de aliorum vocatione, aliorumve repulsione præsumamus. Inuisum esse non potest, quod placuit iusto. In cunctis ergo quæ exterius disponuntur, aperta causa rationis est occultæ iustitiæ voluntatis. Hinc Augustinus: Quem trahat, quem non trahat, cur istum trahat, & illum non, noli diiudicare, si non vis errare. Nunquā ab hominibus discutienda consilia Dei in operibus eius, quid fecit, qua ratione sic fecit: sed quomodocunque rem suam voluit ordinare, gratias agens, sufficiat tibi ad testimonium ipsa Dei natura: quia Deus sine ratione, sine iustitia nihil facit. Non enim iudicem te esse voluit actuum suorum, sed seruum præceptorum suorum. Boni enim domini est, omnia providere quæ ad vtilitatem pertinet serui: boni autem serui est, fideliter operari, & nō discutere Domini sui actus. Ecclesiastici 3. Altiora te ne quæsieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus eius ne fueris curiosus. Nam Prouer. 25. dicitur: Sicut qui mellis multum comedit, non est ei bonum: sic qui scrutator est maiestatis, opprimetur à gloria.

Beneplacitum diuini consilij.

Consilia Dei in operibus eius nunquam ab hominibus discutienda. Deus sine ratione & sine iustitia nihil facit.

3 Loquitur de seipso, & ostendit quis sit, & quid de ipso sit nobis sentiendum, cum ait: Omnia mihi tradita sunt à patre meo. Nemo nouit filium, nisi pater: neque patrem quis nouit nisi filius, & cui voluerit filius reuelare. Ex his verbis Christi habemus duplicem consolationem. Alteram, quod agnoscamus Dominum nostrum Iesum Christum esse verè omnipotentem, qui omnia habeat in sua potestate, tam cælestia quam mundana: De quo dicebant duo illi discipuli qui ibant in Emmaus, quod esset vir potens in opere & sermone, Luc. 24. Hic poterit nos ab omnibus inimicis nostris liberare. Sic enim ait Dominus, Mat. 28. Data est mihi omnis potestas in cælo & in terra, sic etiam dicebant homines,

Consolatio duplex. Christus est verè omnipotens, omnia habens in sua potestate tam cælestia quam mundana.

Qua-

*Iesus Christus
summus do-
ctor qui nihil
ignorat, quod po-
test nos omnia
ad salutē neces-
saria docere.*

Qualis est hic, quia venti & mare obediunt ei? Matth. 8. Alteram quod agnoscamus Dominum nostrum Iesum Christum summum doctorem, qui nihil ignorat, qui poterit nos omnia quæ ad salutē sunt necessaria, docere: atque patrem, qui est principium, fons, & scaturigo nostræ salutis, nobis monstrare. Qui non foris tantum docet ut reliqui magistri: sed intus corda instruit, tanquam verus author vtriusque hominis. Qui solus in notitiam patris nos perducere potest. Sic enim Pharisei loquebantur de eo: Quis est hic qui peccata dimittit? Luc. 7. Et Christus ipse sic ait, Ioan. 17. Hæc est vita æterna; Vt cognoscant te solum Deum verum, & quem misisti Iesum Christum.

*Consolatio fi-
delium in tri-
bulationibus.*

His consolationibus longè suauissimis confirmantur Catholici in obsequio fidei, & accenduntur in amore mandatorum Dei. Nihil enim ita corda fidelium confirmabit in variis tentationibus, nec suauius consolabitur in cunctis calamitatibus, quàm scire se in eū Deū credere, qui potēs sit nos liberare. Omnia, inquit, mihi tradita sunt à patre meo. &c. Nam ipse pater dedit eum caput super omnem Ecclesiam, quæ est corpus ipsius, Ephe. 1. Hinc influit mèbris vitæ Ioan. 5 Sicut enim pater suscitavit mortuos & viuificat, sic & filius quos vult viuificat.

*Nosse patrem
quid sit.*

Nosse patrem, est metuere ut Deum: diligere ut patrem, & affici, Malach. 1. Et tali modo reuelat filius patrem. Ioan. 17. Pater iuste, & cætera, notum feci eis nomen tuum, &c. Item, Pater, manifestavi nomen tuum hominibus quos dedisti mihi. Et Ioan. decimoquinto. Vos autem dixi amicos, quia omnia quæ audiui à patre meo, nota feci vobis, &c. Filium nosse, est in eum credere, & imitari. Nam ut filius imago est patris, sic & nos imaginem filij debemus portare. Rom. 8. & 1. Corinth. 15 Et hoc opus est patris. Ioan. 6. Nemo potest venire ad me, nisi pater traxerit eum. Et Matth. 16. Beatus es Simon Bar-Iona quia caro & sanguis, &c.

*Laborantes &
onerati qui
sunt.*

4 Loquitur Christus cum peccatoribus: & vocat ad se omnes afflictas conscientias, ut ipsas consoletur, & ait: Venite ad me omnes qui laboratis, & onerati estis, & ego reficiam vos Sunt autem laborantes & onerati, qui peccata sua sentiunt & agnoscunt, sibi quæ ab ira Dei, morte & inferis timent, & ob id turbatam habent conscientiam, summis tamen votis auxilium à Deo expectant. His qui ita laborant, & onerati sunt, dicit Christus: Venite ad me omnes: ne curratis ad alios, non ad Phariseos, nec ad Leuitas, non ad reliquam turbam Iudæorum, qui imponunt vobis opera grauias & importabilia, quique vos tristiores quàm accessistis, dimittunt. Ad me festinate, ego solus (non Moses) sum vester saluator, pater, frater, dominus, magister. Clementior ero quàm Dauid erga Absalon, aut Ioseph erga fratres suos. Ad me venite omnes: non hic vel ille, sed omnes qui curis, doloribus,

*1. Reg. 14.
& 12.
Gen. 45. et 50*

bus, peccatis laboratis: non quia glorificari me à vobis opus est mihi, sed quia salutem omnium sitio, omnes suscipiam. Summatim indicat se venisse propriè, vt leuet quosquos ex iplo sperant peccati vel conscientiarum vel cuiuscunque mali remedium.

Indicat Christus cur praeveniret.

Tollite iugum meum super vos. Est autem duplex iugum. Alterum spiritus servitutis peccati, & afflictæ conscientiarum, de quo Psal. 37. agitur: Iniquitates meae sicut onus graue grauatæ sunt super me. Hoc iugum, ait Christus, à vobis tollam, tollam spiritum servitutis in timore, tollam ceremonialia illa præcepta graua & importabilia, tollam maledictionem transgressoribus legis positam. Quod etiam apostolus testatur, Galat. 3. dicens: Christus nos redemit de maledicto legis, factus pro nobis maledictum. De onere aut iugo peccatorum quod venit Christus auferre, dictum est Isa. 10. Eterit in die illa, auferetur onus eius de humero tuo, & iugum eius de collo tuo, & computrescet iugum à facie olei. Hoc in Christo impletum testatus est Petrus. 1. eiusdem. 2. cap. Qui peccata nostra, inquit, ipse pertulit in corpore suo super lignum vt peccatis mortui, iustitiarum viuamus. Alterum autem iugum est Euangelij & gratiarum. De hoc ait Christus: Dabo vobis iugum Euangelij, spiritum adoptionis & gratiarum, quæ impleatis mandata: & sit suaue, quod fuerat in lege durum & acerbum. Hinc 1. Iohan. 5. dicitur, Mandata eius graua non sunt, imò dulciora super mel & fauum, Psal. 118.

Iugum duplex.

Deut. 7. Hebra. 10.

Iugum Euangelij & gratiarum

Iugum primum fuit Moysis, de quo dicit Petrus, Act. 15. Vt quid tentatis Deum, ponentes iugum super ceruices discipulorum, quod neque nos neque patres nostri portare potuimus? Dicit quoque de eodem Paulus, Galat. 5. Nolite iterum iugo servitutis contineri. Illud iugum Christus dirupit, nostrisque ceruicibus excussit. Gala. 3. & 4. Secundum fuit Christi, & de illo dicit Christus, Matt. 11. Iugum meum suaue est, & onus meum leue: Hoc nobis ipse imposuit, & vt facilius ipsum feramus, nobiscum & ipse collum submittit accepit. Exemplum, inquit, dedi vobis: vt quemadmodum ego feci, ita & vos faciatis, Iohan. 13.

Iugum Moysis Christus dirupit, nostrisque ceruicibus excussit & suum nobis imposuit.

Quid commodi accessurum sit iis qui iugum Christi porterint, docet Dominus cum ait: Et inuenietis requiem animabus vestris. Nam Christianus non debet requiem animæ aut in hac vita aut in rebus temporalibus quærere, cum hic permixta sit multis curis & anxietatibus. Nam risus dolore miscetur, & extremum gaudij luctus occupat. Nec est quærenda requies carnis, quæ est voluptuosa. Miseros iudicemus eos qui in hac vita requiem suam quærunt, dicentes: Comedamus & bibamus, cras enim moriemur. Sed vt ait Paulus. 1. Corinth. 15.

Commodum Christi iugum portantium.

Miseri iudicandi sunt qui in hac vita.

*requiem suam
quarunt.*

*Iugum Christi
duabus virtu-
tibus se finit
gestari, man-
suetudine &
humilitate.
1. Reg. 24.
2. Reg. 18.*

Et discite à me quòd mitis sum, & humilis corde. Si quis roget, quo-
modo iugum hoc Euangelij sit ferendum, Christus respondet,
Discite à me, quia mitis sum, & humilis corde. Iugum enim
Christi his duabus virtutibus se finit gestari, mansuetudine, &
humilitate. Ita Moses incredibili suauitate pondus huius iugi
sustinuit, Numer. 12. Ita Dauid eximiam mansuetudinem erga
Saul & alios inimicos suos ostendit, quando nec in spelunca,
nec in castris dormientem, cùm in manu haberet, ipsum con-
fodere voluit. Item erga Absalon, quem sibi asseruari iusserat
in praelio. Ita Christus singulari mansuetudine tulit crucem, in-
iurias, passionem ac mortem; ad eò vt pro crucifixoribus oraue-
rit. Ita Paulus erga Iudæos capitales hostes, Roman. 9. Idcirco
scriptura de Mose ait: Erat Moses vir mitissimus super omnes
homines qui morabantur super terram, Numer. 12. De Dauide
ait, Memento Domine Dauid, & omnis mansuetudinis eius,
Psalm. 131. De Christo ait: Tanquam ouis ad occisionem du-
ctus, & sicut agnus coram tondente obmutescet, Isa. 53. Paulus
quoque ait: Quis infirmatur, & ego non infirmor? & Omni-
bus omnia factus sum, vt omnes facerem saluos. 2. Corinth. 11.
& 1. Corinth. 9.

*Ratio cur iu-
gum Mosi Iu-
dæis durum;
Christi verò,
nobis sit sua-
ue, datur ab
Apostolo.*

Quæ sit ratio quare iugum Mosi Iudæis durum, Christi ve-
rò sit suauis nobis; respondet Paulus 2. Timoth. 1. Non dedit no-
bis Deus spiritum timoris, sed virtutis & dilectionis. Quia Iu-
dæi non habebant spiritum virtutis atque dilectionis, sed tantum
spiritum seruitutis & timoris; ideo erat illis durum iugum Mo-
si. Nos verò quia habemus spiritum virtutis, dilectionis &
gratiæ, qua possumus implere præcepta, ideo iugum est
suauis.

*Amor omnia
sæua & im-
mania, prorsus
facilia, & pro-
pe nulla facit.*

Nos igitur qui sumus vocati, qui Christum sequimur, & ipsi
nomen dedimus, imitemur eundem Christum, heroicis ipsius
virtutibus animas nostras exornantes. Quòd si hoc arduum vi-
detur, imitemur Moysen, Dauid, Paulum, qui homines fuerunt
miseri ac peccatores, sicuti nos. Quòd si omnia sæua & imma-
nia, prorsus facilia & propè nulla facit amor, quem admodum
paruit in Iacob, Genes. 29. cui videbantur in seruiendo & alijs
septem annis pro Rachel, dies pauci præ amoris magnitudine:
quid non molle & commodum & leue ipsis videbitur, qui co-
to pectore fidunt bonitati diuinæ, quique conceperunt ignem
charitatis Euangelicæ? Roman. 8. Quis nos separabit à charita-
te Dei, &c. Quemcunque enim verè gustus ille celestium occu-
pauerit, huic nausea erit omnis transitoria voluptas, huic facilè
ferre iugum Domini. Simus quoque mites & humiles corde,
vt benedictio mitibus à Christo promissa, Matth. 5. nobis con-
tingat.

EPILOGVS.

1. Christus gratias agit, & exultat in patre, quod Apostolis sui aduentus aperuerit sacramenta, quae ignorauerunt scribae & pharisaei, qui sibi sapientes videntur, & in conspectu suo prudentes. Scriptum est, ait Apostolus. 1. Corinth. 1. Perdam sapientiam sapientium, & prudentiam prudentium reprobabo.

Isa. 29.
Abdi. 1.

2. Aequalitate naturae nemo nouit filium, nisi pater, neque patrem quis nouit, nisi filius: sed reuelantis dignatione nobis filius per patrem & pater per filium reuelatur & innotescit, ut cognoscamus ex parte. 1. Corin. 13.

3. Clementia & comitas benignissimi Iesu erga fideles omnes, inuitantis ut ad se veniamus. Nō vult autem mortē peccatoris, sed magis ut &c. Eze. 32. Qui locus hic non de oratione aut intercessione sanctorum est intelligendus: sed de onere legis, in qua nulla quies aut consolatio est, & de labora ethnica tenebrositatis est accipiendus. Locus, quem elegit Christus ut ibi inueniatur, est ecclesia. in hac iugum domini suauē: quoniam (ut Theophylactus ait) omnia propter futuram retributionem lenia. Item Ecclesia non urget nolentes, quemadmodum Moyses, sed ducit ultio sequentes, hoc est, volentes. Sanctae libertatis ductu primitiua Ecclesia (ut exemplis agam) gaudens verbera sustinuit synagoge, Act. 5.

IN FESTO CONCEPTIONIS CHRISTI,

SIVE ANNUNTIATIONIS

MARIAE, Epistola.

Locutus est Dominus ad Achaz, dicens, Pete tibi signum a Domine Deo Isaia. 7. *tuus in profundum inferni, siue in excelsum supra.* Et dixit Achaz, Non petam, & non tentabo Dominum. Et dixit: Audite ergo domus David: Nunquid parum vobis est molus esse hominibus, quia molesti estis & Deo meo? Propter hoc dabit Dominus ipse vobis signū: Ecce virgo concipiet & pariet filium, & vocabitur nomen eius Immanuel. Butyrum & mel comedet, ut scias reprobare malum, & eligere bonum.

Vaticinij huius occasio ita habet: Cū reges Syriae & Israelis altera vice contra Achaz proficiscerentur, & qui prius vicerant, etiam tunc victuri viderentur, ac proinde populus trepidaret, & rex Assyrium vocaturus esset, missus est Propheta, qui populum atque regem solaretur. Ordo ergo vaticinij ita habet:

1. Primò promittitur liberatio ab utroque hoste, indicata & hostium eorundem leuitate, quod non nisi titiones sint: & interitu, quod per breui nihil sint futuri: indicato etiam vincendi modo, ut externae opi valedicant, neque confidant, & diuinæ opi placidè acquiescant. Sed hanc promissionem reiicit Achaz metu hominum. obstat enim ei prior sua clades, hostilis vis, ciuilis ratio defendendi; & mala sua conscientia. Pergit igitur Propheta ad secundum membrum, id est signum.

Promissio liberationis ab hostibus Achaz, facta. Promissionis reiectio.

2. Offert signum: idque partim solito Dei more, quo cum verbo iungitur, ita enim solet Deus facere propter fidem nostrā regi Achaz.

Signū offertur regi Achaz.

G g 2 confir-

confirmandam, ne vacillet, aut succumbat : coercendam ne vagetur, & vana speculatione evanescat : & eandem exercendam, ne torpescat, utque sensibus repugnare discat. Partim singulari modo offert signum, quod regi libertas eligendi quaecunque vellet, seu caeleste seu terrestre relinquatur. Id quod miræ fuit bonitatis, cum per se, (nam propriè ut promissa, sic & signa pertinent ad solius Dei arbitrium) tum propter impium regem, quo vix ullus fuit superstitiosior.

*Vi promissæ sic
& signa proprie
pertinent
ad solius Dei
arbitrium.*

Deut. 6.

*Achaz æquè
signum respuit
ut promissio-
nem.*

Sed mutatur istud signum. Nam & Achaz æquè illud respuit ut promissionem, licet alio (ut prætendit) metu, Dei nempe, ne quid Deum tentet. Mouebatur igitur prius rationis ductu, hic scriptura quasi impeditur. Aded prudens atque sanctus est hypocrita: interea tamen multipliciter peccat. Nam & Deum repugnando tentat, minimè tentaturus obsequendo: & prophetam quoque falsitatis ac impietatis propè arguit.

Vnde Isaïas propter impiam regis recusationem variare illud cogitur: idque eo pacto. Primò taxat regem & coniunctos propter incredulitatem, eos nec Daudico sanguini respondere, nec prophetis, ut quos homines solùm non ministros putent credere, neque ipsi Deo fidem adhibere.

*Promittitur
Mesias ex vir-
gine nascitu-
rus, cuius in-
carnatio signum
profundum &
excessum fuit.*

Secundò subiicit aliud multò maius signum: idque his de causis. 1. Ut cum impij nolint, pijs tamen liberationis signum proferat. 2. Ut eius liberationis causam eorundem meritis detrahat. 3. Ut causam omnium Dei beneficiorum erga populum indicet. 4. Ut maximum beneficium, quodque maximè prædicandum, demonstraret.

Ista serie subiicit aliud multò maius signum. Refert namque de venturo Christo quæ ad hodiernum festum spectant. 1. Miram eius natiuitatè, quod è virgine nasciturus sit. Nam vocè Haalmah, virginem denotare constat. 1. Ex vocabuli etymologia, & communi vsu. Dicitur enim à cælando & claudendo: & pro virgine manifestè sumitur, Gen. 24. Exod. 2. 2. Ex prophetæ consilio, qui miraculosi, non consueti partus meminit.

*Partus Imma-
nuelis mira-
culosus.*

3. Ex imposito nomine. Patrum enim erat dare liberis nomina. hic cum mater det, indicium est quod proles sit terreno patre caritura, hucque angelus Luc. 1. spectat.

4. Ex vetustis promissionibus, ut quæ factæ sunt Adamo de mulieris semine, Gen. 3. Abrahamo de benedicto, id est, separato seu virgineo semine, Gen. 12. & 22. Nam coniuncta semina mox reatum quoque conferunt.

*Vox Imma-
nuel quid do-
ceat.*

2. Refert miram naturarum vnionem. Vox Immanuël docet ipsum Deum fore atque hominem, licet hoc non tantum ad naturam, sed officium quoque pertinet, quod & Deum nobis patefaciat atque reconciliet, & nos suo merito, spiritu, patrocínio, tandem etiam gloria seu felicitate sua donet.

3 Refert educationem, qua & victu & progressu intelligentiæ quantum ad humanitatem nobis similis sit futurus. Luc. 2.

*Educatio
Immanuelis.*

His expositis, ne languescant tamen pij propter moram temporis, addit etiam de præsentis temporis mitigatione, antequam puer (indefinitè loquens) ad discretionis annos veniat, perituros ambos reges. Idque sic factum est. Nam Assyrius eo ipso anno Syrum sultulur, Israëlitis verò rex intra octo annos obiit.

DOCTRINA.

Nos hypocrisis profligata hinc discamus, Dei promissionibus fidere, & signa ut adminicula magnificare: utq; pij veteris Testamenti, primi Christi aduentus cogitatione in omnibus discriminibus erexerunt, ita nos eiusdem fructu, & postremi expectatione consolemur.

EPILOGVS.

1 Rasin rex Syria, & Phacee rex Israel, excitantur contra Achaz & Ierusalem. Erat diuersa religio, tamen conueniunt in hoc, ut regem persequerentur Iuda. Sic namque solet malo contra malum uti Deus, tyrannum impiū tyranno impio puniendo: sed electorum paucorum amore pepercit Deus regi Achaz & multitudini.

2 Admonetur Achaz credere in promissum à Deo auxilium, & huius promissionis signum querere, sed impiis neque excusatio, neque scriptura deest.

3 Promittitur Christus Messias ex virgine nasciturus citra viri operam: cuius incarnatio signum profundū & excelsum fuit. Eius quoque natura seu substantia describitur, quod nempe futurus esset duplicis natura, humana & diuine. Iuxta humanam quidem, Immanu, hoc est, nobiscum, seu nostre substantie: iuxta verò diuinam, El, hoc est, Deus verus. Iuxta humanitatem comesturus erat butyrum & mel, hoc est, futurus non homo phantasticus, sed verus, naturalis, essentialis, corporalis, certus, humanis necessitatibus obnoxius per omnia. Iuxta diuinitatem verò, & in huius verissimum argumentum, sciturus erat (in ipsa statim infantia) bonum & malum: quod certe nemo hominum (præter hunc) vel unquam potuit, vel etiamnum potest, contra Iudaorum & hæreticorum peruersitatem.

Immanuel duplicem in Christo naturam denotat.

IN FESTO EODEM

EVANGELIUM.

IN mense autem sexto missus est Angelus, Gabriel à Deo in ciuitatem Galilee, cui nomen Nazareth, ad virginem desponsatam viro cui nomen erat Joseph, de domo Dauid: & nomen virginis Maria. Et ingressus Angelus, ad eam dixit, Ave gratia plena, Dominus tecum: benedicta tu in mulieribus. Qua cum audisset, turbata est in sermone eius, & cogitabat qualis esset ista salutatio. Et ait Angelus ei, Ne timeas Maria, inuenisti enim gratiam apud Deum. Ecce concipies in utero, & paries filium: & vocabi nomen eius IESVM. Hic eris magnus: & filius Altissimi vocabitur, & dabit illi Dominus Deus sedē David patris eius: Et regnabit in domo Iacob in æternum, & regni eius non eris finis.

Luc. 1.

III. Dixit autem Maria ad Angelum, *Quomodo fiet istud? quoniam virum non cognosco.* Et respondens Angelus, dixit ei, Spiritus sanctus superueniet in te, & virtus altissimi obumbrabit tibi. Ideoque & quod nasceretur ex te sanctum, vocabitur filius Dei. Et ecce Elizabeth cognata tua & ipsa concepit filium in senectute sua. Et hic mensus sextus est illi, quia vocatur sterilis: quia non erit impossibile apud Deum omne verbum. Dixit autem Maria: Ecce ancilla domini, fiat mihi secundum verbum tuum.

Historia huius Euangelij complectitur tria, Primò, initium salutis humanæ, nempe, incarnationis Christi. Vbi consideranda sunt septem. 1. Tempus annuntiationis, cum ait: *In mense sexto, à conceptione Iohannis Baptistæ.* Nam de Messia vaticinatum erat, venturum illum tempore ablati à Iudei sceptri, & venturum quidem statim post Angelum præcursores, Gen. 49. Malach. 3.

2. Nomen angeli, cum ait, *Missus est angelus Gabriel,* qui fortitudo Dei dicitur, quia illum annuntiabat, de quo Psal. 23. Dominus fortis & potens, dominus potens in prælio: illo nimirum prælio, quò potestates æreas debellare, & ab earum tyrannide mundum veniebat eripere. Luc. 1. Iohã. 12. 3. *A quo missus sit angelus,* cum ait: *A Deo.* immediate, non ab alio angelo, quemadmodum Zacha. 2. *Curre inquit angelus alteri angelo,* loquere ad puerum istum. Sic Danic. 8. *Audiui vocem viri in via: Gabriel,* fac istum intelligere visionem. Author namque huius negotij fuit Deus. is enim angelum misit à cælo, qui & conceptionem ipsam & conceptionis modum annuntiaret, sicque impleteretur quod dominus promiserat, nempe, domui David daturum signum, Isa. 7. 4. *Ad quam prouinciã & ciuitatem,* cum ait, *In ciuitatem Galilææ cui nomen Nazareth.* Non ad Romam urbem primariam, totiùsque orbis dominam: in qua erant principes potentissimi: non ad Athenas, vbi erant viri sapientissimi, ac philosophi clarissimi: non ad Ierusalem, vbi erant viri religiosissimi, sed ad Nazareth ciuitatem Galilææ paruam & despectam, Iohan. 7. vt conuincat Dominus se non quærere, sed contemnere mundana: vtque doceat se semper requiescere super humilem & pauperulum, & trementem sermones eius. Ignobilia enim mundi & cõtemptibilia elegit Deus. 1. Corin. 1. Isai. 66. *Quod etiam sine altera caussa factum non est.* nam & inde certum est, conceptum illum fortum Messiam esse: quodd, scilicet, prædictũ sit, in Galilæa omnium primò lucem magnã (hoc est Messiam) exoriturã, & Messiam vocandũ esse Nazarethũ, Isa. 11. 5. *Ad quam personam,* cum ait: *Ad virginẽ desponsatã.* Virginẽ carne, virginẽ mente & professione, virginẽ qualẽ describit Apostolus. 1. Corin. 7. *Mulier innupta & virgo cogitat quẽ Domini sũt,* vt sit sancta corpore & spiritu. Virginẽ, inquã, quã non regi alicui magnifico, nec sacerdoti summo, nupferat, sed

Tempus Annuntiationis, mensis sextus à Iohannis conceptione. Gabriel fortitudo Dei.

Author incarnationis Christi fuit Deus.

Locus cõceptionis Christi humilis & despectus.

Christus oraculo Isaia Messias esse conuincitur, quòd prædixit eũ vocandũ esse Nazarethum. Maria triplici ratione virgo fuit.

fed fabro lignario. 6. Ad quē virum, cūm ait, *Viro desponsatam cui nomē erat Ioseph, de domo David.* Quod nō sic debet accipi, quōd matrimoniali actū vlt fit, sicut reliqui coniuges: Sed oportebat Mariam habere virum, qui testis esset integritatis ipsius certissimus, & nati ex ea domini & Saluatoris nostri esset nutritius fidelissimus, quique pro eo paruulo secundū legem hostias ad templum deferret, & eum instante persecutionis articulo, quando scilicet Herodes quæreretur hōdum paruulum Christum contra legem, Exod. 34. in lacte matris suæ coquere, in Aegyptum cum matre deferret ac referret, aliaque illi plura quæ assumptæ humanitatis fragilitas poscebat, necessaria ministraret, & contra legis transgressionem testimonium ferret. Non decuit, inquit Ambrosius, virginibus sinistra opinione viuētibz velamen excusationis relinqui, quōd infamata mater domini fuisset. Oportebat hoc etiam, vt per Ioseph generationis Christi series texeretur (vt vult Hieronymus) qui fuit de domo David, quemadmodum virgo. Nam viri suæ tribus fœminis iungebantur, præsertim in hæreditate paterna succedentibus, Num. 36. Et ne res non congrueret prophetiæ, quæ Messiam promiserat ex genere David regis. Rom.

1. Qui factus est ei ex semine David secundū carnem. 7. *Nomen virginis,* cūm ait, *Maria:* quæ maris stella dicitur, quia luce à se prodeunte mundum illustrauit. Dicitur & amarum mare, quia suam ipsius animam gladius doloris pertransiuit, Luc. 2. Sic & domina, quia regem regum, & dominū dominantū nobis peperit, Apo. 19. Item exaltata, quia respiciens humilitatem ancillæ suæ, eā exaltauit supra ōnes mulieres. Quam delegit Deus, ne quid in hoc celesti negotio sibi mūdus vindicaret.

Quōd autem Lucas hanc historiam tot verbis ac circumstantiis describat, non temerè facit. Si enim in ciuilibus causis tam serid agitur, vt notarij adhibeantur, qui locum, tempus, & personam literis mandant, traduntur libelli, & appenduntur sigilla, vt fides habeatur: quanto magis hoc debuit fieri in causa tã ardua, nēpe, in incarnatione Christi, vt nos de promissionibus Dei certos redderet, & hæreticorum subsequētiū hæreses, ac Iudæorum obstinationem conuinceret.

2. Secundò complectitur præsens historia nuntium angeli: quo aggreditur virginem Mariam, & eam comiter salutat, cūm dicit: *Ingressus angelus ad eam.* Vbi secretò patrem orabat, clauso (vt dicit Bernardus) oitio, quemadmodum postea filius docuit Matth. 6. Quibus verbis Lucas voluit nobis commendare virginis mores castissimos, vt quæ non, vt vulgus virginum solet (sicut de Dina legimus Gen. 34.) per compita & theatra vagata fit, fractoque gradu discurrent, sed in ædibus paternis ocellula fuerit, imo vltro inclusit, ibique rebus sacris & honestis

*Maria virgo
cur desponsata
viro.*

*Maria quid
interpretetur.*

*Maria moribus
castissima,
& secretiorū
locorum ama-
trix.*

*Angeli de-
stantur aſtare
orantibus, &
iis qui puras
manus eleuāt
ad deum.
Maria gratio-
ſa.*

exercuerit ſeſe, propheticas que lectiones euoluērit. Et taliter orantibus ſolent aſtare angeli, & delectari in iis quos vident puras manus leuare in oratione. Patet in Zacharia, cui angelus apparuit ſtans à dextris altaris incenſi, Luc. 1. & in Cornelio Centurione, Act. 10. Quantum autem Mariæ placuerint orationes domino, angelus indicat, qui tam reuerenter eam ſalutauit dicens, *Aue gratia plena.* Aue, hoc eſt, ſalue, ſeu gaude Maria. Mox addit, *Gratia plena,* hoc eſt, dilecta, gratioſa, fauorabilis; plurimum conſecuta gratiæ, vniceque à Deo in gratiam recepta. Apertiſſimum quippe erat, vt gaudiij vocabulo ſalutaretur, quæ veræ voluptatis authorem erat conceptura: & gratiæ vocabulo compellaretur, quæ Ieſum erat paritura ſalutaris gratiæ principem & authorem. Nec dubium quin pater cæleſtis filio ſuo vnigenito eximium & ſplendidiſſimum præparaue- rit tabernaculum. Sanctificauit nanque tabernaculum ſuum altiſſimus. Magnificè ac ſplendidè præparata fuerat arca illa vet. teſt. in qua manna reponebatur: quantum ſplendidius pretioſiusque oportebat eſſe tabernaculum in quo panis ille verè cæleſtis reponendus fuerat? Neque tamen ipſa habebat plenitudinem gratiæ quam filius eius Chriſtus, ſed ſufficientem habuit ad illum ſtatum ad quem fuit electa, ſcilicet vt eſſet mater Dei. Sic Stephanus (Act. 6.) plenus dicitur gratia, quam ſufficientem habuit vt eſſet teſtis idoneus Chriſti. Sic & Apoſtoli, Act. 2. Chriſtus autem ſuper omnes, quia de plenitudine eius omnes nos accepimus, Iohan. 1. Cateris ergo datur gratia per partes, Mariæ autem tota ſe plenitudo gratiæ inſudit.

*Dominus non
tantum potens
tia, ſed etiam
gratia & aliis
donis ſpiritu-
alibus cum
Maria.*

Dominus tecum. Hoc eſt, non tantum potentia, ſed etiam clementia, gratia, fauore, & aliis donis ſpiritalibus. Non tantum filius tecum quem concipis, ſed & dominus ſpiritus ſanctus de quo concipis, & dominus pater tecum qui genuit quem concipis. Et ided gratioſam te appello, quia Dominus tecum eſt, Dominus tibi fauet, Dominus te elegit. Prouerb. 31. Multæ filiæ congregauerunt diuitias, tu ſupergreſſa es vnuerſas.

*Maria qui-
bus rationibus
pra aliis mu-
lieribus bene-
dicta.*

Benedicta tu in mulieribus. Hoc eſt, laudabilis præ omnibus mulieribus. q. d. Ided Dominus tecum eſt, & tibi fauet, quia fauorem ſuum erga te in eo & per hoc declarat, quod tu es illa fortunata, beata, & laudata præ omnibus mulieribus virgo, de qua præcinerunt prophetae, quæ paritura eſt ſemen illud benedictum, quod conterat caput ſerpentis, Gen. 3. quæ conceptura & paritura ſit Immanuelem Chriſtum Domini, Iſa. 7. Bernard. Benedicta tu inter mulieres, quæ ſola illam generalem maledictionem euafiſti (Gen. 3.) In triſtitia paries filios tuos: & nihilominus illam (Exod. 23) Non erit inſœcunda nec ſterilis in Iſraël, ac conſecuta es benedictionem vt nec ſterilis maneat

maneat, nec cum dolore parturias. Verè benedicta, quæ sine exemplo muliebris conditionis, cum decore virginitatis gauisa est honore parentis: quodq; virginem matrem decebat, Deum filium procreauit. Facta est enim mater benedicti seminis, veri Messia. At quæ maior benedictio poterat illi contingere? Laudamus veteris & noui testamenti mulieres sapientia claras, sed vti huic aliquam illarum quis conferat, non patiemur.

Hac salutatione licet quadrifariam vtj: vt, scilicet, 1. inde discamus nostræ salutis & redemptionis initium: cuius memoria tantò magis in gratiarum actione nos excitabit, quantò minus beneficii hoc operum nostrorum merito præstitum nobis fuit. 2. Vt videamus quantam gratiam Deus Mariæ largitus sit, vt qui ipsam in matrem elegerit. 3. Vt tam gratuitis Dei beneficiis & operibus accendamus ad orandum Deum, vt & nobis vel scintillam diuinæ gratiæ impertiat. 4. Vt per mysteria quæ hac salutatione angelica continentur, ipsam oremus vt pro nobis apud Iesum fructum ventris sui ad dominum Deum nostrum intercedere dignetur.

Ista quatuor valde sunt necessaria quæ intelligantur ab omnibus Christianis. Nam 1. Nihil est in tota scriptura scitu magis necessarium Christiano, quàm mysterium incarnationis dominicæ. 2. Videntes hanc gratiam virgini concessam propter humilitatem, eandem in spiritu sperabimus, si modò humiles fuerimus. 3. Qui tantam gratiam dedit virgini, aliquam dabit petentibus & inuocantibus in veritate, Psalm. 144. 4. Nihil est quod magis Mariam delectet, quàm pia angelicæ huius salutationis recitatio.

Nemo ergo inuideat B. Mariæ hanc laudem, nemo minuat. A cælo venit, per angelum venit, imò à Deo ipso venit hoc encomion, vt Maria virgo Nazarena benedicta dicatur inter & super omnes mulieres. Hanc laudem auxit sancta Elizabetha, Luc. 1. Hoc encomio nobilitauit eam illa mulier de turba, dicens, (Luc. 1.) Beatus venter qui te, ô Iesu Christe, portauit: beata vbera quæ suxisti. Si enim nunc sancta trinitas virginem Mariam hac salutatione dignata est alloqui: cur nos detrectemus eam iisdem verbis salutare? Canit enim ipsa, Respexit humilitatem ancillæ suæ, ecce enim ex hoc beatam me dicent omnes generationes. Si hæc verba sint implenda, oportet profectò esse qui eam laudibus euehant & ornent. Sed Iudæi, Turcæ, Gentiles, Lutherani, & alij hæretici id non faciunt, quin iniuriis afficiunt: quomodo ergo erit verum, quod spiritum sanctum affirmat Lucas dixisse per os Mariæ: Ecce enim ex hoc beatam me dicent omnes generationes? Quare nostri erit officij, vt nos qui catholicam religionem veram & antiquam retinemus, eam summis laudibus euehamus: inuocando eius

Salutatione angelica quadrifariam vsu licet.

Nihil in tota scriptura scitu magis necessarium, quàm incarnationis dominicæ mysterium.

Encomij Maria excellētia.

Catholicorum officium est, Mariam summis laudibus euehere, &c.

eius fauorem, petendo subsidium nostris calamitatibus leuandis intercessionem eius ardentius implorando: quodque ipsius animum mirifice in nos propensum reddet, diuinas eius virtutes imitando.

*Dialogismus
Gabrielis &
Mariæ.*

3 Tertio complectitur dialogismus angeli Gabrielis & virginis Mariæ. Nam audito nuntio angeli, turbata est Maria à salutatione insolita, & cogitabat qualis esset ista salutatio, tam excellens, inopinata, & nusquam audita. In quibus verbis, rursus commendantur nobis castissimi & nunquam satis laudati mores virginis benedictæ.

*Verecundia
Mariæ.*

Primum, verecundia. Nam trepidare (vt Ambrosius inquit) virginum est, & ad omnes viri ingressus pauere, & omnes viri aspectus vereri. Solent nanque virgines, quæ verè virgines sunt, semper pavidæ, & nunquam esse securæ, & vt caueant timenda, etiam tuta pertimescere, scientes se in vasis fictilibus thesaurum portare pretiosum, & (vt rectè hoc in loco Bernardus ait) nimis arduum esse, viuere angelicè inter homines, & in terris more cælestium conuersari, & in carne

*Virgines vere-
cundia decet.*

cælibem agere vitam. Duplici ergo nomine turbata est Maria, & quodd videret angelum viri specie ingredientem, & quod eius insolitam audiret salutationem. Deinde, modestia, quia nihil respondit, sed tacuit, & audiuit. Nam ornat virgines silentium. Nimis loquacula, credula, & curiosula erat Eva, quare locum præbuit diabolo. Maria contra non temere credidit, sed cogitauit & expendit apud sese, qualisnam esset ea salutatio. Intelligebat enim salutationem singularem esse & aliquid continentem mysterij: cæterum quidnam illud esset, ignorabat. Siluit ergo, nec respondit quicquam: ea re etiam omnibus virginibus atque matronis exemplum proferens prudentiæ singularis, & custodiæ virginitatis accuratissimæ. Prudentia quippe erat, quia cogitabat quanta esset salutatio, spiritu discretionis ruminans quid prætenderet, quod tenderet, & cui esset exhibita. Sciebat etiam prudens virgo, quodd sæpe angelus satanæ transfiguret se in angelum lucis: ideoque vehementer anxia cogitabat qualis esset salutatio.

*Modestia
Mariæ.
Virgines ornat
silentium.*

*Prudentia
Mariæ.*

Et cum minima esset in oculis suis, ac laudabiliter pudorata, vehementissimè de tanto suo præconio mirabatur: seque laudari ac cunctis præferri mulieribus erubuit atque obstupuit, eo utique amplius, quo minus tale quid suspicabatur aut sentiebat. Sanctæ enim mentes quanto magis laudibus extolluntur, tanto magis timent, & humiliter de se sentiunt, iuxta illud Ecclesiastici. 3. Quanto maiores, humilia te in omnibus, &c. Sic Apostolus. 1. Corinth. 13. Non sum dignus vocari apostolus.

*Mites sancta
quanto magis
laudibus extol-
luntur, tanto
magis timent,
& humiliter de
se sentiunt.
Mos bonorum
angelorum est
consolari met-
culosas mites.*

Sed angelus Mariam consolatur, vt moris est bonorum angelorum, vocans eam ex nomine:

Ne timeas (inquit) Maria, inuenisti gratiam apud Deum. Quasi diceret, Nuntius Dei sum, non diaboli, de salute generis humani, non perditione (vt serpens) venio tecū deliberaturus, nil est periculi.

Quòd appareo tibi, diuinum mandatum est, quod ago, diuinum negotium est, quod nuntio, diuina legatio est: nihil hīc doli, nihil fallaciæ, non sum qui venio suffurari tibi adamatum thesaurum, non sum homo, sed spiritus. Inuenisti gratiā apud Deum. Præ omnibus aliis te elegit ad negotium, quod omnia alia ipsius miracula excedit. Tu es amica illa singularis, speciosa & vnica columba cælestis sponſi, cuius rex concupiuit speciem. Tu arca noui testamenti, quæ alteram columbam emissuræ es, ramum oliuæ toti mundo adferentem, (Bernardus) Dei & hominum pacem, mortis destructionem, vitæ reparationē. Hæc est, inquit, gratia quam inuenisti, sed apud Deum, nam apud mundum gratia fallax, Prou. 3. 1. fallax gratia, & vana est pſchritudo, mulier timens Deum, ipsa laudabitur.

Gratia, quam Maria reperis que sis.

Prodit mox angelus omnia prophetarum oracula, maxime Isaïæ prophetæ, & ait: Ecce concipies in utero, & paries filium. q. d. Haud nescis Maria prædixisse prophetam, futurum vt singularis aliqua & foelix virgo conceptura parituraque sit Immanuel Mefsiam. Ea ipsa virgo tu es, ideoq; tu concipies in utero, non à viro, nam Matth. 1. inuenta est in utero habens de spiritu sancto: & paries Mefsiam, verum Deum & hominem, atque saluatorem orbis. Quia enim homo ad Deum non valuit peruenire, per te decreuit ad homines descēdere. Ne igitur timeas, sed bono sis animo, ac gratulare tibi ob tantam gratiam. Et vocabis nomē eius Iesum, Luc. 2. Mat. 1. Non impones dixit: quia Isa. 49. ait, Dominus ab utero vocauit me, de ventre matris meæ recordatus est nōminis mei. Quod nomen interpretatur saluator. Ipse enim saluum faciet populum suum à peccatis eorum. Hæc nouitas concipiendi & pariendi prædicta fuit etiam Iere. 31. Nouum faciet Dominus super terram: foemina circundabit virum. Verè nouum. Olim homo fieri voluit Deus (Gen. 3.) nūc Deus factus est homo. Olim de viro facta est mulier (Gen. 2.) nunc de sola muliere factus est vir. Olim virga floruit sicca & arida (Num. 17.) nunc virgo intacta peperit.

Maria illa singularis virgo, de qua vaticinatus est Isaias.

Iesus interpretatur saluator

Hic erit magnus, & filius altissimi vocabitur. Dan. 7. Quanquā ex humili loco, ex humili puella natus, tamen diuinis virtutibus erit maximus, aded vt posteaquā innotuerit mūdō, vocādus sit, non propheta, sed filius altissimi. Nihil enim maius, quā esse filium omnipotentis Dei, non per adoptionis gratiam, sicut alij, sed per naturam: vt vna in duabus naturis persona esset redemptoris & mediatoris nostri. Et quia vna erat hypostasis, re vera filius altissimi erat filius virginis. Qui ergo perpetud est magnus

Maius nihil est, quā omnipotentis Dei esse filium, non per adoptionis gratiā, sed per naturam.

Sapientia & prudentia Pharisaorum & scribarum arrogans & uana.

sapientibus & prudentibus, & reuelarit ea paruulis. Sapientes & prudentes tum erant Pharisei, Scribæ, Sacerdotes, Leuitæ, Seniores populi & principes. Hi aded tumebant, ut sola cognitione legis omnia sacramenta tam diuina quam humana comprehendere se posse arbitrarentur. Hi quoque uiribus suis freti censebant hanc legis cognitionem sibi abunde sufficere ad implenda præcepta Dei, & ad salutem consequendam, etiam sine auxilio gratiæ Christi, quod eis cum superioribus illis commune erat. Sunt & hoc nostro seculo tales, qui sapientia sua aded nituntur & fidunt, ut non vereantur reliquos omnes tanquam pecudes impudenter præ se contemnere, & somnia sua velut cælestia oracula pro Dei verbo adoranda proponere: qui inquam, solenne habent inter pocula, ubi mero incaluerint, disputare de verbo Dei, de Euangelio, de Ecclesia, deque sacramentis Christi. Is tantum acquiescunt quæ ipsorum iudicio recipienda sunt: at sancti spiritus per Ecclesiam suam dictantis sententiam petulanter contemnunt, quibus dicitur, Isa. 5. Væ qui sapientes estis in oculis vestris, & coram vobismet ipsis prudentes, de quibus Iob 5. Qui apprehendit sapientes in astutia eorum, & consilium prauorum dissipat. Quos pater reiicit. Nam hi sunt prudentes, sapientesque apud semetipsos, sicut ostensum est ex Isaia, de quibus. 1. Corinth. 1. Perdam sapientiam sapientium, & prudentiam prudentium reprobabo.

Prudentia nostrorum hominum seculi huius sumida.

Paruuli qui fuerunt, & sunt.

Paruuli tum erant, beata virgo, Apostoli, ac reliqui discipuli: Hi nihil se scire, nihil præstare posse agnoscebant, nisi quæ Deus per Christum ipsis daret, ut scirent ac possent. Sunt & hoc nostro seculo tales, qui de se non ita sublimiter sentiunt, sed humiliter: suamque prudentiam & sapientiam non magni faciunt. Nec nouam cōfingunt doctrinam, sed eam quam Spiritus sanctus Ecclesiæ suæ humili reuelauit, retinent & sequuntur. Solum Deum plenè perfecteque iudicant sapientem atque prudentem, qui sapientiam præstat paruulis. Psalm. 18. Quos pater acceptat. Nam hi sunt paruuli, pauperes, simplices, qui nihil sciunt, nec sapere præsumunt, nisi ea quæ pater reuelauit suæ Ecclesiæ. Isa. 66. Ad quem respiciam &c. Item Iaco. 4. & 1. Pet. 5. Deus superbis resistit, humilibus autem dat gratiam.

Sicut Christus tunc exultauit in spiritu, & gratias egit patri, quod mysteria suæ incarnationis reuelasset paruulis, scilicet Mariæ virgini sanctissimæ, Ioseph, Simeoni, Annæ, Apostolis, discipulis qui erant pauperes spiritu, & abscondisset à sapientibus ac prudentibus Ierosolymitanis, ac Philosophis Atheniensibus: ita & modò multò perfectius lætatur, quod eadē ratione sacramenta suæ religionis quibusdam pauperibus, neglectis superbis, reuelet. Quod sic accipi nō debet, quod gaudeat Chri-

Christus & gratias agat de sapientium excæcatione, de qua contristabatur. Marc. 3. sed de paruulorum illuminatione. Sic Apostolus Rom. 6. Gratias Deo, quia fuistis serui peccati, obediistis autem ex corde in eam formam doctrinæ in quam traditi estis.

Gratias non agit, nec gaudet Christus de sapientium excæcatione, sed de paruulorum illuminatione.

Si igitur volumus Deum in dies magis ac magis sua mysteria nobis reuelare, ponamus supercilium: & nos nihil scire nisi Iesum Christum, & hunc crucifixum, nobis habeamus persuasum. 1. Corint. 2.

Facti huius æquitatem Dominus paternæ voluntatis iudicio confirmat, ut qui dedignantur paruuli in Deo fieri, stulti deinceps in sua sapientia fiant. Sic enim diuino placuit consilio, humanam damnare sapientiam, & per humilitatem Euangelicæ doctrinæ bonos ad se trahere. Ita pater, inquit, quoniam sic placitum fuit antequam. Quibus etiam verbis Christi exemplum humilitatis accipimus, ne temerè discutere superna consilia de aliorum vocatione, aliorumve repulsione præsumamus. Iniustum esse non potest, quod placuit iusto. In cunctis ergo quæ exterius discipuntur, aperta causa rationis est occultæ iustitiæ voluntatis.

Beneplacitum diuini consilij.

Hinc Augustinus: Quem trahat, quem non trahat, cur istum trahat, & illum non, noli diiudicare, si non vis errare. Nunquā ab hominibus discutienda consilia Dei in operibus eius, quid fecit, qua ratione sic fecit: sed quomodocunque rem suam voluit ordinare, gratias agens, sufficiat tibi ad testimonium ipsa Dei natura: quia Deus sine ratione, sine iustitia nihil facit. Non enim iudicem te esse voluit actuum suorum, sed seruum præceptorum suorum. Boni enim domini est, omnia providere quæ ad utilitatem pertinet serui: boni autem serui est, fideliter operari, & nō discutere Domini sui actus. Ecclesiastici 3. Altiora te ne quæsieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus eius ne fueris curiosus. Nam Prouer. 25. dicitur: Sicut qui mellis multum comedit, non est ei bonum: sic qui scrutator est maiestatis, opprimetur à gloria.

Consilia Dei in operibus eius nunquam ab hominibus discutienda.

Deus sine ratione & sine iustitia nihil facit.

3. Loquitur de seipso, & ostendit quis sit, & quid de ipso sit nobis sentiendum, cum ait: Omnia mihi tradita sunt à patre meo. Nemo nouit filium, nisi pater: neque patrem quis nouit nisi filius, & cui voluerit filius reuelare. Ex his verbis Christi habemus duplicem consolationem. Alteram, quodd agnoscamus Dominum nostrum Iesum Christum esse verè omnipotentem, qui omnia habeat in sua potestate, tam cælestia quàm mundana: De quo dicebant duo illi discipuli qui ibant in Emmaus, quodd esset vir potens in opere & sermone, Luc. 24. Hic poterit nos ab omnib⁹ inimicis nostris liberare. Sic enim ait Dominus, Mat. 28. Data est mihi omnis potestas in cælo & in terra, sic etiam dicebant homines,

Consolatio duplex.

Christus est verè omnipotens, omnia habens in sua potestate tam cælestia quàm mundana.

Qua-

*Iesus Christus
summus do-
ctor qui nihil
ignorat, quod po-
test nos omnia
ad salutem neces-
saria docere.*

Qualis est hic, quia venti & mare obediunt ei? Matth. 8. Alteram quod agnoscamus Dominum nostrum Iesum Christum summum doctorem, qui nihil ignorat, qui poterit nos omnia quæ ad salutem sunt necessaria, docere: atque patrem, qui est principium, fons, & scaturigo nostræ salutis, nobis monstrare. Qui non foris tantum docet ut reliqui magistri: sed intus corda insruit, tanquam verus author vtriusque hominis. Qui solus in notitiam patris nos perducere potest. Sic enim Pharisei loquebantur de eo: Quis est hic qui peccata dimittit? Luc. 7. Et Christus ipse sic ait, Ioân. 17. Hæc est vita æterna; Ut cognoscant te solum Deum verum, & quem misisti Iesum Christum.

*Consolatio fi-
delium in tri-
bulationibus.*

His consolationibus longè suavisissimis confirmantur Catholici in obsequio fidei, & accenduntur in amore mandatorum Dei. Nihil enim ita corda fidelium confirmabit in variis tentationibus, nec suavius consolabitur in cunctis calamitatibus, quàm scire se in eū Deū credere, qui potēs sit nos liberare. Omnia, inquit, mihi tradita sunt à patre meo. &c. Nam ipse pater dedit eum caput super omnem Ecclesiam, quæ est corpus ipsius, Ephe. 1. Hinc influit mēbris vitā. Ioân. 5. Sicut enim pater suscitavit mortuos & vivificat, sic & filius quos vult vivificat.

*Nosse patrem
quid sit.*

Nosse patrem, est metuere ut Deum; diligere ut patrem, & affici, Malach. 1. Et tali modo revelat filius patrem. Ioân. 17. Pater iussit, & cætera, notum feci eis nomen tuum, &c. Item, Pater, manifestavi nomen tuum hominibus quos dedisti mihi. Et Ioân. decimoquinto. Vos autem dixi amicos, quia omnia quæ audiui à patre meo, nota feci vobis, &c. Filium nosse, est in eum credere, & imitari. Nam ut filius imago est patris, sic & nos imaginem filij debemus portare. Rom. 8. & 1. Corinth. 15. Et hoc opus est patris. Ioan. 6. Nemo potest venire ad me, nisi pater traxerit eum. Et Matth. 16. Beatus es Simon Bar-Iona quia caro & sanguis, &c.

*Laborantes &
onerati qui
sint.*

4. Loquitur Christus cum peccatoribus: & vocat ad se omnes afflictas conscientias, ut ipsas consoletur, & ait: Venite ad me omnes qui laboratis, & onerati estis, & ego reficiam vos. Sunt autem laborantes & onerati, qui peccata sua sentiunt & agnoscunt, sibi quæ ab ira Dei, morte & inferis timent, & ob id turbatam habent conscientiam, summis tamen votis auxilium à Deo expetunt. His qui ita laborant, & onerati sunt, dicit Christus: Venite ad me omnes: ne curratis ad alios, non ad Phariseos, nec ad Leuitas, non ad reliquam turbam Iudæorum, qui imponunt vobis opera gravia & importabilia, quique vos tristiores quàm accessistis, dimittunt. Ad me festinate, ego solus (non Moyses) sum vester saluator, pater, frater, dominus, magister. Clementior ero quàm Dauid erga Absalon, aut Ioseph erga fratres suos. Ad me venite omnes: non hic vel ille, sed omnes qui curis, doloribus,

*1. Reg. 14.
& 15.
Gen. 43. 11 50*

bus, peccatis laboratis: non quia glorificari me à vobis opus est mihi, sed quia salutem omnium sitio, omnes suscipiam. Summatim indicat se venisse propriè, vt leuet quotquot ex ipso sperant peccati vel conscientiae vel cuiusunque mali remedium.

Indicat Christus cur propriè venerit.

Tollite iugum meum super vos. Est autem duplex iugum. Alterum spiritus seruitutis peccati, & afflictiō conscientiae, de quo Psal. 37. agitur: Iniquitates meae sicut onus graue grauatae sunt super me. Hoc iugum, ait Christus, à vobis tollam, tollam spiritum seruitutis in timore, tollam ceremonialia illa praecepta grauiā & importabilia, tollam maledictionem transgressoribus legis positam. Quod etiam apostolus testatur, Galat. 3. dicens: Christus nos redemit de maledictō legis, factus pro nobis maledictum. De onere aut iugo peccatorum quod venit Christus auferre, dictum est Isa. 10. Erit in die illa, auferetur onus eius de humero tuo, & iugum eius de collo tuo, & computrescet iugum à facie olei. Hoc in Christo impletum testatus est Petrus. 1. eiusdem. 2. cap. Qui peccata nostra, inquit, ipse pertulit in corpore suo super lignum vt peccatis mortui, iustitiae viuamus. Alterum autem iugum est Euangelij & gratiae. De hoc ait Christus: Dabo vobis iugum Euangelij, spiritum adoptionis & gratiae, quae impleatis mandata: & sit suaue, quod fuerat in lege durum & acerbum. Hinc 1. Iohan. 5. dicitur, Mandata eius grauiā non sunt, imò dulciora super mel & fauū, Psal. 118.

Iugum duplex.

Deut. 7. Hebra. 10.

Iugum Euangelij & gratiae

Iugum primum fuit Moysis, de quo dicit Petrus, Act. 15. Vt quid tentatis Deum, ponentes iugum super ceruices discipulorum, quod neque nos neque patres nostri portare potuimus? Dicit quoque de eodem Paulus, Galat. 5. Nolite iterum iugo seruitutis contineri. Illud iugum: Christus dirupit, nostrisque ceruicibus excussit. Gala. 3. & 4. Secundum fuit Christi, & de illo dicit Christus, Matt. 11. Iugum meum suaue est, & onus meum leue: Hoc nobis ipse imposuit, & vt facilius ipsum feramus, nobiscum & ipse collum submittit ac gestat. Exemplum, inquit, dedi vobis: vt quemadmodum ego feci, ita & vos faciatis, Iohan. 13.

Iugum Moysis Christus dirupit, nostrisque ceruicibus excussit & suum nobis imposuit.

Quid commodi accessurum sit iis qui iugum Christi porterint, docet Dominus cum ait: Et inuenietis requiem animabus vestris. Nam Christianus non debet requiem animae aut in hac vita aut in rebus temporalibus quærere, cum hic permixta sit multis curis & anxietatibus. Nam risus dolore miscetur, & extremum gaudij luctus occupat. Nec est quærenda requies carnis, quae est voluptuosa. Miseros iudicemus eos qui in hac vita requiem suam quærunt, dicentes: Comedamus & bibamus, cras enim moriemur, Sed vt ait Paulus. 1. Corinth. 15.

Commodum Christi iugum portantium.

Miseri iudicandi sunt qui in hac vita.

Corrumpunt bonos mores colloquia praua.

*requiem suam
quærent.*

*Iugum Christi
duabus virtu-
tibus se finit
gestari, man-
suetudine &
humilitate.*

1. Reg. 24.

2. Reg. 18.

Et discite à me quòd mitis sum, & humilis corde. Si quis roget, quomodo iugum hoc Euangelij sit ferendum, Christus respondet, Discite à me, quia mitis sum, & humilis corde. Iugum enim Christi his duabus virtutibus se finit gestari, mansuetudine, & humilitate. Ita Moses incredibili suauitate pondus huius iugi sustinuit, Numer. 12. Ita Dauid eximiam mansuetudinem erga Saul & alios inimicos suos ostendit, quando nec in spelunca, nec in castris dormientem, cum in manu haberet, ipsum confodere voluit. Item erga Absalon, quem sibi asservari iusserat in prælio. Ita Christus singulari mansuetudine tulit crucem, iniurias, passionem ac mortem: aded vt pro crucifixoribus orauerit. Ita Paulus erga Iudæos capitales hostes, Roman. 9. Idcirco scriptura de Mose ait: Erat Moses vir mitissimus super omnes homines qui morabantur super terram, Numer. 12. De Dauide ait, Memento Domine Dauid, & omnis mansuetudinis eius, Psalm. 131. De Christo ait: Tanquam ouis ad occisionem ductus, & sicut agnus coram tondente obmutescet, Isa. 53. Paulus quoque ait: Quis infirmatur, & ego non infirmor? & Omnibus omnia factus sum, vt omnes facerem saluos. 2. Corinth. 11. & 1. Corinth. 9.

*Ratio cur iu-
gum Mosi Iu-
dæis durum;
Christi vero,
nobis sit sua-
ue, datur ab
Apostolo.*

Quæ sit ratio quare iugum Mosi Iudæis durum, Christi vero sit suaue nobis: respondet Paulus 2. Timoth. 1. Non dedit nobis Deus spiritum timoris, sed virtutis & dilectionis. Quia Iudæi non habebant spiritum virtutis atque dilectionis, sed tantum spiritum seruitutis & timoris: ideo erat illis durum iugum Mosi. Nos vero quia habemus spiritum virtutis, dilectionis & gratiæ, qua possumus implere præcepta, ideo iugum est suaue.

*Amor omnia
sæua & im-
mania, prorsus
facilia, & pro-
pe nulla facit.*

Nos igitur qui sumus vocati, qui Christum sequimur, & ipsi nomen dedimus, imitemur eundem Christum, heroicis ipsius virtutibus animas nostras exornantes. Quod si hoc arduum videtur, imitemur Moysen, Dauid, Paulum, qui homines fuerunt miseri ac peccatores, sicuti nos. Quod si omnia sæua & immania, prorsus facilia & propè nulla facit amor, quemadmodum paruit in Iacob, Genes. 29. cui videbantur in seruiendo & alijs septem annis pro Rachel, dies pauci præ amoris magnitudine: quid non molle & commodum & leue ipsis videbitur, qui toto pectore fidunt bonitati diuinæ, qui quæ conceperunt ignem charitatis Euangelicæ? Roman. 8. Quis nos separabit à charitate Dei, &c. Quemcunque enim verè gustus ille cælestium occupauerit, huic nausea erit omnis transitoria voluptas, huic facile ferre iugum Domini. Simus quoque mites & humiles corde, vt benedictio mitibus à Christo promissa, Math. 5. nobis contingat.

EPILOGVS.

1. Christus gratias agit, & exultat in patre, quod Apostolis sui aduentus aperuerit sacramenta, quae ignotaerunt scribae & pharisaei, qui sibi sapientes videntur, & in conspectu suo prudentes. Scriptum est, ait Apostolus. 1. Corinth. 1. Perdam sapientiam sapientium, & prudentiam prudentium reprobabo.

Isa. 19.
Abd. 1.

2. Aequalitate natura nemo nouit filium, nisi pater, neque patrem quis nouit, nisi filius: sed reuelantis dignatione nobis filius per patrem & pater per filium reuelatur & innotescit, ut cognoscamus ex parte. 1. Corin. 13.

3. Clementia & comitas benignissimi Iesu erga fideles omnes, inuitantis ut ad se veniamus. Non vult autem mortem peccatoris, sed magis ut &c. Eze.

32. Qui locus hic non de oratione aut intercessionem sanctorum est intelligendus: sed de onere legis, in qua nulla quies aut consolatio est, & de labore ethnica tenebrositatis est accipiendus. Locus, quem elegit Christus ut ibi inueniatur, est ecclesia. in hac iugum domini suauiter: quoniam (ut Theophylactus ait) omnia propter futuram retributionem leuia. Item Ecclesia non urget nolentes, quemadmodum Moses, sed ducit ultro sequentes, hoc est, volentes. Sancta libertatis ductu primitiua Ecclesia (ut exemplis agam) gaudens uetera sustinuit synagoge, Act. 5.

IN FESTO CONCEPTIONIS CHRISTI,

SIVE ANNUNTIATIONIS

Mariæ, Epistola.

Locutus est Dominus ad Achaz, dicens, Pete tibi signum a Domino Deo Isaia. 7. Tu in profundum inferni, siue in excelsum supra. Et dixit Achaz, Non petam, & non tentabo Dominum. Et dixit: Audite ergo domus David: Nunquid parum vobis est molestum esse hominibus, quia molesti estis & Deo meo? Propter hoc dabit Dominus ipse vobis signum: Ecce virgo concipiet & pariet filium, & vocabitur nomen eius Immanuel. Butyrum & mel comedet, ut sciat reprobare malum, & eligere bonum.

Vaticinij huius occasio ita habet: Cum reges Syriae & Israelis altera vice contra Achaz proficiscerentur, & qui prius vicerant, etiam tunc victuri viderentur, ac proinde populus trepidaret, & rex Assyrium vocaturus esset, missus est Propheta, qui populum atque regem solaretur. Ordo ergo vaticinij ita habet:

1. Primum promittitur liberatio ab utroque hoste, indicata & hostium eorundem leuitate, quod non nisi titiones sint: & interitu, quod per breui nihil sint futuri: indicato etiam vincendi modo, ut externae opi valedicant, neque confidant, & diuinæ opi placide acquiescant. Sed hanc promissionem reiecit Achaz metu hominum, obstat enim ei prior sua clades, hostilis vis, ciuilis ratio defendendi; & mala sua conscientia. Pergit igitur Propheta ad secundum membrum, id est signum.

Promissio liberationis ab hostibus Achaz, facta. Promissionis reiectio.

2. Offerret signum: idque partim solito Dei more, quo cum verbo iungitur, ita enim solet Deus facere propter fidem nostram regi Achaz.

Signum offertur regi Achaz.

3 Refert educationem, qua & victu & progressu intelligentiæ quantum ad humanitatem nobis similis sit futurus. Luc. 2.

*Educatio
Immanuelis.*

His expositis, ne languescant tamen pii propter moram temporis, addit etiam de præsentis temporis mitigatione, antequam puer (indefinitè loquens) ad discretionis annos veniat, perituros ambos reges. Idque sic factum est. Nam Assyrius eo ipso anno Syrum sustulit, Israël's verò rex intra octo annos obiit.

DOCTRINA.

Nos hypocriti profligata hinc discamus, Dei promissionibus fidere, & signa ut adminicula magnificare: utq; pii veteris Testamenti, primi Christi aduentus cogitatione se in omnibus discriminibus erexerunt, ita nos eiusdem fructu, & postremi expectatione consolemur.

EPILOGVS.

1 Rasin rex Syria, & Phacee rex Israel, excitantur contra Achaz & Ierusalem. Erat diuersa religio, tamen conueniunt in hoc, ut regem persequerentur Iuda. Sic namque solet malo contra malum vii Deus, tyrannum impiū tyranno impio puniendo: sed electorum paucorum amore peperciit Deus regi Achaz & multitudini.

2 Admonetur Achaz credere in promissum à Deo auxilium, & huius promissionis signum querere, sed impiis neque excusatio, neque scriptura deest.

3 Promittitur Christus Messias ex virgine nasciturus citra viri operam: cuius incarnatio signum profundū & excelsū fuit. Eius quoque natura seu substantia describitur, quod nempe futurus esset duplicis natura, humana & diuine. Iuxta humanam quidem, Immanu, hoc est, nobiscum, seu nostra substantia: iuxta verò diuinam, El, hoc est, Deus verus. Iuxta humanitatem comesturus erat butyrum & mel, hoc est, futurus non homo phantasticus, sed verus, naturalis, essentialis, corporalis, certus, humanis necessitatibus obnoxius per omnia. Iuxta diuinitatem verò, & in huius verissimum argumentum, sciturus erat (in ipsa statim infantia) bonum & malum: quod certè nemo hominum (præter hunc) vel unquam potuit, vel etiamnum potest, contra Iudeorum & hæreticorum peruersitatem.

Immanuel duplicem in Christo naturam denotat.

IN FESTO EODEM

EVANGELIUM.

IN mense autem sexto missus est Angelus, Gabriel à Deo in ciuitatem Galilee, cui nomen Nazareth, ad virginem desponsatam viro cui nomen erat Ioseph, de domo David: & nomen virginis Maria. Et ingressus Angelus, ad eam dixit, Ave gratia plena, Dominus tecum: benedicta tu in mulieribus. Qua cum audisset, turbata est in sermone eius, & cogitabat quæ esset ista saluatio. Et ait Angelus ei, Ne timeas Maria, inuenisti enim gratiam apud Deum. Ecce concipies in utero, & paries filium: & vocabis nomen eius IESVM. Hic eris magnus: & filius Altissimi vocabitur, & dabit illi Dominus Deus sedem David patris eius: Et regnabit in domo Iacob in æternum, & regni eius non erit finis. Luc. 1.

nis. Dixit autem Maria ad Angelum, Quomodo fiet istud? quoniam virum non cognosco. Et respondens Angelus, dixit ei, Spiritus sanctus superueniet in te, & virtus altissimi obumbrabit tibi. Ideoque & quod nascetur ex te sanctum, vocabitur filius Dei. Et ecce Elizabeth cognata tua & ipsa concepit filium in senectute sua. Et hic mensis sextus est illi, quia vocatur sterilis: quia non erit impossibile apud Deum omne verbum. Dixit autem Maria: Ecce ancilla domini, fiat mihi secundum verbum tuum.

Historia huius Euangelij complectitur tria, Primò, initium salutis humanæ, nempe, incarnationis Christi. Vbi consideranda sunt septem. 1. Tempus annuntiationis, cum ait: *In mense sexto, à conceptione Iohannis Baptiste.* Nam de Messia vaticinatum erat, venturum illum tempore ablati à Iudei sceptri, & venturum quidem statim post Angelum præcursores, Gen. 49. Malach. 3.

2. Nomen angeli, cum ait, *Missus est angelus Gabriel,* qui fortitudo Dei dicitur, quia illum annuntiabat, de quo Psal. 2. 3. Dominus fortis & potens, dominus potens in prælio: illo nimirum prælio, quò potestates aëreas debellare, & ab earum tyrannide mundum veniebat eripere. Luc. 1. Ioh. 1. 2. 3. A quo missus sit angelus, eum ait: A Deo. immediate, non ab alio angelo, quemadmodum Zacha. 2. Curre inquit angelus alteri angelo, loquere ad puerum istum. Sic Danie. 8. Audiui vocem viri in via: Gabriel, fac istum intelligere visionem. Author nanque huius negotij fuit Deus. is enim angelum misit à cælo, qui & conceptionem ipsam & conceptionis modum annuntiaret, sicque impleretur quod dominus promiserat, nempe, domui David daturum signum, Isa. 7. 4. Ad quam prouinciã & ciuitatem, cum ait, *In ciuitatem Galilæe cui nomen Nazareth.* Non ad Roman urbem primariam, totiùsque orbis dominam: in qua erant principes potentissimi: non ad Athenas, vbi erant viri sapientissimi, ac philosophi clarissimi: non ad Ierusalem, vbi erant viri religiosissimi, sed ad Nazareth ciuitatem Galilæe parua & despectam, Iohan. 7. vt conuincat Dominus se non quærere, sed contemnere mundana: vtque doceat se semper requiescere super humilem & pauperulum, & trementem sermones eius. Ignobilia enim mundi & cõtemptibilia elegit Deus. 1. Corin. 1. Isai. 66. Quod etiam sine altera causã factum non est. nam & inde certum est, conceptum illum fortum Messiam esse: quodd, scilicet, prædictũ sit, in Galilæa omnium primò Nicem magnã (hoc est Messiam) exoriturã, & Messiam vocandũ esse Nazarethũ, Isa. 1. 1. 5. Ad quam personam, cum ait: *Ad virginẽ desponsatã.* Virginẽ carne, virginẽ mente & professione, virginẽ qualẽ describit Apostolus. 1. Corin. 7. Mulier innupta & virgo cogitat quẽ Domini sũt, vt sit sancta corpore & spiritu. Virginẽ, inquã, quã non regi alicui magnifico, nec sacerdoti summo, nupserat, sed

Tempus Annuntiationis, mensis sextus à Iohannis conceptione. Gabriel fortitudo Dei.

Author incarnationis Christi fuit Deus.

Locus cõceptionis Christi humilis & despectus.

Christus oraculo Isaia Messias esse conuincitur, quod prædixerit eũ vocandũ esse Nazarethum. Maria triplici ratione virgo fuit.

fed fabro lignario. 6. Ad quē virum, cūm ait, *Viro desponsatam cui nomē erat Ioseph, de domo Dauid.* Quod nō sic debet accipi, quōd matrimoniali actū vīa sit, sicut reliqui coniuges: Sed oportebat Mariam habere virum, qui testis esset integritatis ipsius certissimus, & nati ex ea domini & Saluatoris nostri esset nutritius fidelissimus, quiq; pro eo paruulo secundū legem hostias ad templum deferret, & eum instante persecutionis articulo, quando scilicet Herodes quæreret hōedum paruulum Christum contra legem, Exod. 34. in lacte matris suæ coquere, in Aegyptum cum matre deferret ac referret, aliāq; illi plura quæ assumptæ humanitatis fragilitas poscebat, necessaria ministraret, & contra legis transgressionem testimonium ferret. Non decuit, inquit Ambrosius, virginibus sinistra opinione viuētib; velamen excusationis relinqui, quōd infamata mater dominifuisse. Oportebat hoc etiam, vt per Ioseph generationis Christi series texeretur (vt vult Hieronymus) qui fuit de domo Dauid, quemadmodum virgo. Nam viri suæ tribus fœminis iungebantur, præsertim in hæreditate paterna succedentibus, Num. 36. Et ne res non congrueret prophetiæ, quæ Messiam promiserat ex genere Dauid regis. Rom. 1. Qui factus est ei ex semine Dauid secundū carnem. 7. *Nomen virginis,* cūm ait, *Maria:* quæ maris stella dicitur, quia luce à se prodeunte mundum illustrauit. Dicitur & amarum mare, quia suam ipsius animam gladius doloris pertransiuit, Luc. 2. Sic & domina, quia regem regum, & dominū dominantū nobis peperit, Apo. 19. Item exaltata, quia respiciens humilitatem ancillæ suæ, eā exaltauit supra ōnes mulieres. Quam delegit Deus, ne quid in hoc celesti negotio sibi mūdus indicaret.

Maria virgo cur desponsata viro.

Maria quid interpretatur.

Quōd autem Lucas hanc historiam tot verbis ac circumstantiis describat, non temerè facit. Si enim in ciuilibus causis tam ferid agitur, vt notarij adhibeantur, qui locum, tempus, & personas literis mandant, traduntur libelli, & appenduntur sigilla, vt fides habeatur: quanto magis hoc debuit fieri in causa tã ardua, nēpe, in incarnatione Christi, vt nos de promissionibus Dei certos redderet, & hæreticorum subsequētiū hæreses, ac Iudæorum obstinationem conuinceret?

2. Secundò complectitur præsens historia nuntium angeli: quo aggreditur virginem Mariam, & eam comiter salutatur, cūm dicit: *Ingressus angelus ad eam.* Vbi secretò patrem orabat, clauso (vt dicit Bernardus) ostio, quemadmodum postea filius docuit Matth. 6. Quibus verbis Lucas voluit nobis commendare virginis mores castissimos, vt quæ non, vt vulgus virginum solet (sicut de Dina legimus Gen. 34.) per compita & theatra vagata sit, fractoq; gradu discurrerit, sed in ædibus paternis occlusa fuerit, imò & vltro incluserit, ibiq; rebus sacris & honestis

Maria moribus castissima, & secretiorum locorum amatrix.

*Angeli de-
stantur aſtare
orantibus, &
iis qui puras
manus eleuāt
ad deum.
Maria gratio-
ſa.*

exercuerit ſeſe, propheticaſque lectiones euoluērit. Et taliter orantibus ſolent aſtare angeli, & delectari in iis quos vident puras manus leuare in oratione. Pater in Zacharia, cui angelus apparuit ſtans à dextris altaris incenſi, Luc. 1. & in Cornelio Centurione, Act. 10. Quantum autem Mariæ placuerint orationes domino, angelus indicat, qui tam reuerenter eam ſaluta- uit dicens, *Aue gratia plena.* Aue, hoc eſt, ſalue, ſeu gaude Mariā. Mox addit, *Gratia plena,* hoc eſt, dilecta, gratioſa, fauorabilis; plurimum conſecuta gratiæ, vnicequē à Deo in gratiam recep- ta. Apuſſimum quippe erat, vt gaudiij vocabulo ſalutaretur, quæ veræ voluptatis authorem erat conceptura: & gratiæ vo- cabulo compellaretur, quæ Ieſum erat paritura ſalutaris gra- tiæ principem & authorem. Nec dubium quin pater cæleſtis filio ſuo vnigenito eximium & ſplendidiffimum præparau- rit tabernaculum. Sanctificauit nanque tabernaculum ſuum altiffimus. Magnificē ac ſplendidē præparata fuerat arcā illa vet. teſt. in qua manna reponebatur: quāto ſplendidius pretio- ſiusque oportebat eſſe tabernaculum in quo panis ille verē cæ- leſtis reponendus fuerat? Neque tamen ipſa habebat plenitudi- nem gratiæ quam filius eius Chriſtus, ſed ſufficientem habuit ad illum itatum ad quem fuit electa, ſcilicet vt eſſet mater Dei. Sic Stephanus (Act. 6.) plenus dicitur gratia, quam ſufficien- tem habuit vt eſſet teſtis idoneus Chriſti. Sic & Apoſtoli, Act. 2. Chriſtus autem ſuper omnes, quia de plenitudine eius om- nes nos accepimus, Iohan. 1. Cæteris ergo datur gratia per par- tes, Mariæ autem tota ſe plenitudo gratiæ infudit.

*Dominus non
tantum potens
tia, ſed etiam
gratia & aliis
donis ſpiritu-
alibus cum
Maria.*

Dominus tecum. Hoc eſt, non tantum potentia, ſed etiam cle- mentia, gratia, fauore, & aliis donis ſpiritualibus. Non tantum filius tecum quem concipis, ſed & dominus ſpiritus ſanctus de quo concipis, & dominus pater tecum qui genuit quem concipis. Et ideo gratioſam te appello, quia Dominus tecum eſt, Dominus tibi fauet, Dominus te elegit. Prouerb. 31. Multæ filiæ congregauerunt diuitias, tu ſupergreſſa eſ vnuerſas.

Benedicta tu in mulieribus. Hoc eſt, laudabilis præ omnibus mu- lieribus. q. d. Idē Dominus tecum eſt, & tibi fauet, quia fauo- rem ſuum erga te in eo & per hoc declarat, quod tu es illa for- tunata, beata, & laudata præ omnibus mulieribus virgo, de qua præcinerunt prophætæ, quæ paritura eſt ſēmen illud ben- dictum, quod conterat caput ſerpentis, Gen. 3. quæ concep- tura & paritura ſit Immanuelem Chriſtum Domini, Iſa. 7. Bernard. Benedicta tu inter mulieres, quæ ſola illam genera- lein maledictionem euafiſti (Gen. 3.) In triſtitia paries filios tuos: & nihilominus illam (Exod. 23) Non erit infœcunda nec ſterilis in Iſraēl, ac conſecuta es benedictionem, vt nec ſterilis

maneat

*Maria qui-
bus rationibus
pre aliis mu-
lieribus bene-
dicta.*

maneas, nec cum dolore parturias. Verè benedicta, quæ sine exemplo muliebris conditionis, cum decore virginitalis gauisa est honore parentis: quodq; virginem matrem decebat, Deum filium procreauit. Facta est enim mater benedicti seminis, veri Messiae. At quæ maior benedictio poterat illi contingere? Laudamus veteris & noui testamenti mulieres sapientia claras, sed ut huic aliquam illarum quis conferat, non patiemur.

Hac salutatione licet quadrifariam vtj: vt, scilicet, 1. inde dicamus nostræ salutis & redemptionis initium: cuius memoria tantò magis in gratiarum actione nos excitabit, quantò minus beneficiū hoc operum nostrorum merito præstitū nobis fuit. 2. Ut videamus quantam gratiam Deus Mariæ largitus sit, vt qui ipsam in matrem elegerit. 3. Ut tam gratuitis Dei beneficiis & operibus accendamus ad orandum Deum, vt & nobis vel scintillam diuinæ gratiæ impertiat. 4. Ut per mysteria quæ hac salutatione angelica continentur, ipsam oremus vt pro nobis apud Iesum fructum ventris sui ad dominum Deum nostrum intercedere dignetur.

Ista quatuor valde sunt necessaria quæ intelligantur ab omnibus Christianis. Nam 1. Nihil est in tota scriptura scitu magis necessarium Christiano, quàm mysterium incarnationis dominicæ. 2. Videntes hanc gratiam virgini concessam propter humilitatem, eandem in spiritu sperabimus, si modò humiles fuerimus. 3. Qui tantam gratiam dedit virgini, aliquam dabit petentibus & inuocantibus in veritate, Psalm. 144. 4. Nihil est quod magis Mariam delectet, quàm pia angelicæ huius salutationis recitatio.

Nemo ergo inuideat B. Mariæ hanc laudem, nemo minuatur. A cælo venit, per angelum venit, imò à Deo ipso venit hoc encomion, vt Maria virgo Nazarena benedicta dicatur inter & super omnes mulieres. Hanc laudem auxit sancta Elizabetha, Luc. 1. Hoc encomio nobilitauit eam illa mulier de turba, dicens, (Luc. 1. 1.) Beatus venter qui te, ô Iesu Christe, portauit: beata ubera quæ suxisti. Si enim nunc sancta trinitas virginem Mariam hac salutatione dignata est alloqui: cur nos detrectemus eam iisdem verbis salutare? Canit enim ipsa, Respexit humilitatem ancillæ suæ, ecce enim ex hoc beatam me dicent omnes generationes. Si hæc verba sint implenda, oportet profectò esse qui eam laudibus edehant & ornent. Sed Iudæi, Turcæ, Gentiles, Lutherani, & alij hæretici id non faciunt, quin iniuriis afficiunt: quomodo ergo erit verum, quod spiritum sanctum affirmat Lucas dixisse per os Mariæ: Ecce enim ex hoc beatam me dicent omnes generationes? Quare nostri erit officij, vt nos qui catholicam religionem veram & antiquam retinemus, eam summis laudibus euehamus: inuocando eius

Salutatione angelica quadrifariam vsu licet.

Nihil in tota scriptura scitu magis necessarium, quàm incarnationis dominicæ mysterium.

Encomij Maria excellens.

Catholicorum officium est, Mariam summi laudibus euehere, &c.

eius fauorem, petendo subsidium nostris calamitatibus leuandis intercessionem eius ardentius implorando: quodque ipsius animum mirifice in nos propensum reddet, diuinas eius virtutes imitando.

*Dialogismus
Gabrielis &
Mariæ.*

3. Tertiò complectitur dialogismus angeli Gabrielis & virginis Mariæ. Nam audito nuntio angeli, turbata est Maria à salutatione insolita, & cogitabat qualis esset ista saluatio, tam excellens, inopinata, & nusquam audita. In quibus verbis rursus commendantur nobis castissimi & nunquam satis laudati mores virginis benedictæ. Primum, verecundia. Nam trepidare (vt Ambrosius inquit) virginum est, & ad omnes viri ingressus pauere, & omnes viri affatus vereri. Solent nanque virgines,

*Verecundia
Mariæ.*

*Virgines vere-
cundia decet.*

quæ verè virgines sunt, semper pauidæ, & nunquam esse securæ, & vt caueant timenda, etiam tuta pertimescere, scientes se in vasis fictilibus thesaurum portare pretiosum, & (vt rectè hoc in loco Bernardus ait) nimis arduum esse, viuere angelicè inter homines, & in terris more cælestium conuersari, & in carne cælibem agere vitam. Duplici ergo nomine turbata est Maria, & quodd videret angelum viri specie ingredientem, & quod eius insolitam audiret salutationem. Deinde, modestia; quia nihil respondit, sed tacuit, & audiuit. Nam ornat virgines silentium. Nimis loquacula, credula, & curiosula erat Eua, quare locum præbuit diabolo. Maria contra non temere credidit, sed cogitauit & expendit apud sese, qualisnam esset ea saluatio. Intelligebat enim salutationem singularem esse & aliquid continentem mysterij: cæterum quidnam illud esset, ignorabat. Siluit ergo, nec respondit quicquam: ea re etiam omnibus virginibus atque matronis exemplum proferens prudentiæ singularis, & custodiæ virginitatis accuratissimæ. Prudentia quippe erat, quia cogitabat quanta esset saluatio, spiritu discretionis ruminans quid prætenderet, quod tenderet, & cui esset exhibita. Sciebat etiam prudens virgo, quodd sæpe angelus satanæ transfiguret se in angelum lucis: ideoque vehementer anxia cogitabat qualis esset saluatio.

*Modestia Ma-
riæ.
Virgines ornat
silentium.*

*Prudentia
Mariæ.*

*Mentes sancta
quanto magis
laudibus extol-
luntur, tanto
magis timent,
& humilior de
se sentiunt.
Mos bonorum
angelorum est
consolari met-
culosas mentes.*

Et cum minima esset in oculis suis, ac laudabiliter pudorata, vehementissimè de tanto suo præconio mirabatur: seque laudari ac cunctis præferri mulieribus erubuit atque obstupuit, eo vtique amplius, quo minus tale quid suspicabatur aut sentiebat. Sanctæ enim mentes quanto magis laudibus extolluntur, tanto magis timent, & humilior de se sentiunt, iuxta illud Ecclesiastici. 3. Quanto maiores, humilia te in omnibus, &c. Sic Apostolus. 1. Corinth. 13. Non sum dignus vocari apostolus.

Sed angelus Mariam consolatur, vt moris est bonorum angelorum, vocans eam ex nomine:

Ne timeas (inquit) Maria, inuenisti gratiam apud Deum. Quasi diceret, Nuntius Dei sum, non diaboli, de salute generis humani, non perditione (vt serpens) venio tecū deliberaturus, nil est periculi.

Quod appareo tibi, diuinum mandatum est, quod ago, diuinum negotium est, quod nuntio, diuina legatio est: nihil hīc doli, nihil fallaciæ, non sum qui venio suffurari tibi adamatum thesaurum, non sum homo, sed spiritus. Inuenisti gratiā apud Deum. Præ omnibus aliis te elegit ad negotium, quod omnia alia ipsius miracula excedit. Tu es amica illa singularis, speciosa & vnica columba cælestis sponsi, cuius rex concupiuit speciem. Tu arca noui testamenti, quæ alteram columbam emissuram es, ramum oliuæ toti mundo adferentem, (Bergardus) Dei & hominum pacem, mortis destructionem, vitæ reparationē. Hæc est, inquit, gratia quam inuenisti, sed apud Deum, nam apud mundum gratia fallax, Prou. 3. 1. fallax gratia, & vana est p̄schrutudo, mulier timens Deum, ipsa laudabitur.

Gratia, quam Maria reperis que sit.

Prodit mox angelus omnia prophetarum oracula, maximè Isaia prophetæ, & ait: Ecce concipies in vtero, & paries filium. q. d. Haud nescis Maria prædixisse prophetam, futurum vt singularis aliqua & foelix virgo conceptura parituraque sit Immanuellem Messiam. Ea ipsa virgo tu es, ideoq; tu concipies in vtero, non à viro, nam Matth. 1. inuenta est in vtero habens de spiritu sancto: & paries Messiam, verum Deum & hominem, atque saluatorem orbis. Quia enim homo ad Deum non valuit peruenire, per te decreuit ad homines descendere. Ne igitur timeas, sed bono sis animo, ac gratulare tibi ob tantam gratiam. Et vocabis nomē eius Iesum, Luc. 2. Mat. 1. Non impones dixit: quia Isa. 49. ait, Dominus ab utero vocauit me, de ventre matris meæ recordatus est nominis mei. Quod nomen interpretatur saluator. Ipse enim saluum faciet populum suum à peccatis eorum. Hæc nouitas concipiendi & pariendi prædicta fuit etiam Iere. 31. Nouum faciet Dominus super terram: scemina circundabit virum. Verè nouum. Olim homo fieri voluit Deus (Gen. 3.) nūc Deus factus est homo. Olim de viro facta est mulier (Gen. 2.) nunc de sola muliere factus est vir. Olim virga floruit sicca & arida (Num. 17.) nunc virgo intacta peperit.

Maria illa singularis virgo, de qua vaticinatus est Isaias.

Iesus interpretatur saluator

Hic erit magnus, & filius altissimi vocabitur. Dan. 7. Quanquā ex humili loco, ex humili puella natus, tamen diuinis virtutibus erit maximus, aded vt posteaquā innotuerit mūdō, vocādus sit, non propheta, sed filius altissimi. Nihil enim maius, quā esse filium omnipotentis Dei, non per adoptionis gratiam, sicut alij, sed per naturam: vt vna in duabus naturis persona esset redeemptoris & mediatoris nostri. Et quia vna erat hypostasis, re vera filius altissimi erat filius virginis. Qui ergo perpetuū est

Maius nihil est, quā omnipotentis Dei esse filium, non per adoptionis gratiā, sed per naturam.

• magnus

*Filius virginia
reuera etiam
est filius altissi-
mi, quia una
hypostasis.
Matth. 17.
Marc. 15.
Luc. 23.*

magnus Deus, futurus erat magnus homo: & qui iuxta diuinitatem est filius altissimi, etiam iuxta humanitatem filius altissimi vocandus erat, q. d. angelus: Quis erit magnus, quisve vocabitur filius altissimi? Ille, inquam, quem in vtero concipies, quem paries, quem vocabis Iesum. Quando vero talis vocabitur? Non statim à natiuitate, sed aliquantò post. Multi enim multis & variis illum vocabunt nominibus, sed postquam in crucem exaltatus fuerit, satanam & peccatum deuicerit, tunc tandem apparebit quis qualisve sit. Hæc vera esse nos Christiani scimus. Cui non notæ sunt voces illæ, Verè hic homo iustus filius Dei erat? Et Paulus Philip. 2. scribit Christum filium Dei Deo Patri cælesti obedientem fuisse vsque ad mortem: & addit, Propter quod exaltauit illum, & dedit illi nomen quod est super omne nomen.

*Michæ. 4.
Daniel. 7.*

Et dabit illi Dominus Deus sedem David patris eius. Psal. 131. Et regnabit in domo Iacob in æternum: & regni eius non erit finis.

*Regnū Christi
nō mundanū,
sed spirituale
& æternū.*

Hæc non sunt intelligenda Iudaicè, hoc est, carnaliter, sed spiritualiter. Cùm enim propheta dicant Messiam in æternū regnaturum, mundus verò æternus non sit, facillè apparet Christi regnum non fore mundanum: quinimo turbis eum volentibus regem facere, aufugit. Ioan. 6. Spirituale itaque intelligit regnum, quod hîc in electis auspicatur, & in futuro seculo in perpetuum durabit, dedit enim Deus Christo suum regnum, non typicum, sed verum: non temporale, sed æternum: non terrenum, sed cæleste. In Isaia legimus cap. 9. Multiplicabitur eius imperium, & pacis eius non erit finis. Super solium Dauid, & super regnum eius sedebit, vt confirmet illud, & corroboret in iudicio & iustitia amodò & vsque in sempiternum. Dedit enim redemptori sedem Dauid, quando hunc de genere Dauid incarnari disposuit, Rom. 1. vt populum quem Dauid temporali rexit imperio, ipse gratia spirituali ad æternum prouheret regnum. Colof. 1. Qui eripuit nos, &c. Summa: Angelus suis ad Mariam verbis apertissimè testatur filium eius fore Immanuèlem illum regemque æternum domus Iacob. Domus autem Iacob sunt, qui ex Iudæis & gentibus crediderunt, Rom. 9. Non enim omnes qui ex Israël, hi sunt Israëlitæ: neque qui semen sunt Abraham, hi filij: sed qui filij sunt promissionis, æstimantur in semine.

*Domus Iacob
quæ sint.*

*Iesus filius Maria
reuerus Deus
& homo.*

Hæc concio est illustrissima: nam quamuis sit brevis, tamen est efficacissima. Indicat enim Iesum filium Mariæ esse verum Deum & hominem, admirabilem in conceptione, in natiuitate, vita, & morte. Ac præter illa quæ de regno eius prædicti prophete sunt vaticinati, & alia quàm amplissima reperire est quæ Dauid Regem nostrum habiturum affirmat. Dicit enim Psal. 71. illum futurum regem, scilicet iustum. Iudicabit, inquit,

pau-

pauperes populi, & humiliabit calumniatorem. Multi dominij, cum ait, Et dominabitur à mari vsque ad mare. Adorandū: Adorabunt eum omnes reges terræ. Liberatorem: Liberabit pauperem à potente. Clementem: Parceret, inquit, pauperi & inopi. Dicit præterea illum futurum regem æternæ vitæ, cum addit, Et viuēt. Qui aurum habebit Arabicum, non quoduis: cum ait, Et dabitur ei de auro Arabia. Quod timebūt eum inimici eius, cum ait, Coram illo procident Aethiopes, & inimici eius in terram concident. Tandem æternum, cum ait: Et permanebit cum sole & ante lunam, in generatione & generationem.

*Tituli de Mes-
sia vaticinati
sunt, rex mis-
ericordie, liberator,
clemens, vita,
æternus, &c.*

Item tertid complectitur dialogismum virginis Mariæ & angeli Gabrielis. Nam consolata paululum Maria, respondet angelo: *Quomodo fiet istud? quoniam virum non cognosco.* Non dubitat de verbo diuino: non ignorans nihil esse tam arduum, quod nutu non possit Deus. Credit vera esse omnia illa prophetarū oracula & vaticinia quæ frequenter legerat, in quibus contemplandis non parum temporis insumpserat. Credit iuxta verbū angeli, se matrem Iesu futuram, sed qualitatem ipsius & modum inquit, quem non legerat, qui nec prophetæ reuelatus fuerat. q. d. Credo promissionibus Dei. Scio cælum & terram transitura, verbum autem Dei non transiturum. Noui quid per Isaiam dictum sit. Si ergo ego illa sum, per quam Deus velit hunc filium mundo exhibere, obsecro te pauld apertius rei futuræ modum declares. Discamus ex Maria, verbis diuinis Ecclesiæ catholicæ acquiescere, atque obsequentes nos præstare, vt quæ à Christo nobis sint allata. Verba Christi sunt omnes doctrinæ quas catholica (quæ est Romana) tenet Ecclesia. Si aliqua videatur obscuriora: Christum quē Ecclesiæ dedit scripturas, idem illi reliquit Spiritum sanctum, qui ipsi interpreta retur & doceret omnem veritatem. Ad hanc confugiamus vt quæ columna & firmamentum sit veritatis. 1. Tim. 3.

*Modus quo
virgo illa sa-
virginali pud-
icitia fieret ma-
ter Maria ab-
sconditus, nec
propheta reue-
latus.*

Dixit Maria ad Angelum: *Quomodo fiet istud? quoniam virum non cognosco,* id est, voui virginitatem: quomodo salua & illæsa mea virginali pudicitia potero esse mater? Vnicē nanque virginitatē amabat curabatque thesaurum: non signum rei (vt Zacharias) sed modum (vt diximus) requirens. Nec debet cuiquam hoc mirum videri: siquidem Maria nec sua ætate viderat, nec superioribus legerat aliquid tale quoddam virgo aliqua esset, & stāte atque illibata virginitate mater esset: non habuerat exemplū tale ab orbe condito.

Angelus respondit, *Spiritus sanctus superueniet in te, & virtus altissimi obumbrabit tibi. Ideoque & quod nascetur ex te sanctum, vocabitur filius Dei.* Quasi dicat, Sicut illa quæ ex me audisti, diuina sunt & non humana: ita & modus architecti diuinus erit, & non huma-

*Architectus
incarnationis
Christi Spiritus
sanctus.*

humanus. Spiritus sanctus erit architectus, in te perficiet opus Dei priusquam sentias. Is qui in tua conceptione ab omni prauitate te expurgauit, idem te ornabit cumulatissimè cælestibus donis in corpore & anima: atque eius virtute concipies. Est autem hæc summa responsionis angelicæ. q. d. non periclitabitur hic tua virginitas, neque quisquam virorum te accedet aut contingeret, sed Deus ipse per virtutem Spiritus sancti sui ex te excitabit filium, sine virili semine te Spiritus sanctus fecundabit: ideoque concipiens ac pariens, nihil detrimenti sentiet tua integritas & virginitas: & sic fœtus tuus sanctus erit: atque vocabitur ob id, non Iosephi aut alterius cuiusquam viri filius, sed filius vnus Dei.

*Maria fœtus
sanctus.*

Observatione hic dignum quod ait: nasci sanctum ex diua virgine. Hoc enim præter naturam, (quatenus scilicet corrupta est) humani generis fit. Omnes enim in genere nascimur filij iræ, & (vt Iob ait) immundi de immundo concepti semine. Maria verò, ipsa nimirum sancta & munda per Dei gratiam, ex se sanctum genuit, non in peccatis conceptum, sed mundum & sanctum illud, per quod omnes electi & mundantur & sanctificantur, Exo. 31. Ego Dominus, qui sanctifico vos, & Heb. 13. Propter quod Iesus, vt sanctificaret populum per suum sanguinem, extra portam passus est. Angelus confirmat Mariam signo & exemplo.

Ecce, inquit, Elizabeth cognata tua. Ecce, id est, considera, expende eius condiciones: attamen *Concepit filium in senectute sua.* Et hic mensis est sextus illi qua vocatur sterilis: quia non erit impossibile apud Deum omne verbum. q. d. Elizabeth semper sterilis fuit; estq; iam grandæua insuper, & tamè concepit in effœta sua senectute filium, filij tui præcursores, qui & etiâ nunc viuunt ac mouentur in tumido matris utero. Is igitur qui illam fecundauit contra naturam, & te contra naturam fecundare potest, imò & certò fecundabit. Hæc ab angelo dicuntur non ad confirmandam fidem Mariæ, sed ad augmentum gaudij.

*Signis cōsuluit
Deus infirmi-
tati Iudaica.*

Virgo sanctissima erat Iudæa, & Iudæos (ita Deo volente ipsorum infirmitati consulere) quando aliquod magnum sacramentum futurum illis prædicebat, signo confirmabat. Ita legimus admiranda & tremenda illa signa quæ fecit Deus per Moysen & Aaron in liberatione populi ex Aegypto de manu Pharaonis, Exod. 8. 9. 10. & c. Moyses vt confirmaretur in fide, vidit rubum ardentem, & non exustum, Ibid. 3. Iosue vellus rore coopertum in medio aræ siccæ, & iterum siccum in medio aræ rore perfusæ, Iudic. 6. Sic Isaïas dicebat Achaz, cap. 7. Petetibi signum à Domino. Sic Iudæi petebant signum à Christo, Mat. 12. Luc. 11. Cùm populus Israëliticus fuisset huiusmodi signis à Deo assuefactus, virgoq; sanctissima in his scriptu-

ris tractandis fuisset exercitatisima: voluit illam Deus confirmare signo illo de Elizabeth,

Voluit angelus ita inferre: Si potuit Deus vuluam Saræ, ob ætatis sentum concipiendæ proli ineptam, conceptioni aptam facere: poterit & nunc sua admiranda potentia, inscrutabiliq; sapientia perficere, vt tu quæ virginitatem vouisti, incontaminata concipias & parias. Esto obediens diuino mandato: reliqua omnia, teq; ipsam ipsius potētiae ac bonitati cōmitte: quia non est impossibile apud Deū omne verbum. Quale enim verbum illi impossibile, qui per verbum fecit omnia? Psalm. 148.

Gen. 1. Nihil enim potest à Deo promitti tam nouum aut magnum, quod ipse non queat præstare. Iere. 32. Nunquid mihi difficile erit omne verbum? Vtinam Caluinus, atq; alij pleriq; sententiam hanc Dei potentiam declarantem, pro sua dignitate expendissent: nunquam ed dementiæ prorupissent, vt contra verba Trinitatis per angelum prolata, affirmarent Christum corpore glorificato post resurrectionem non potuisse ianuus clausis ingredi coenaculum discipulorum: indeq; negarent verum corpus Christi, quod de virgine fuit natum, & in cruce passum, sub speciebus panis & vini in sacramento subsistere. Qui cū hoc negant, necesse est eradant particulam illam symboli, qua consentitur Dei omnipotentiam, dicentes, Credo in Deum omnipotentem, tollant omnipotentem, & substituant, aliquid potentem. Secundò necessariò sequitur, ipsos negare virginitatem Mariæ. Nam si glorificatus & impassibilis non potuit ianuus clausis ad discipulos ingredi, multò minus potuit passibilis nondumq; glorificatus intemerata virginali matris pudicitia ex sanctissimo eius utero nasci. Hoc quàm sit impium, quàmque sacrilegum, facild iudicauerit is quem vel minimus religionis Catholicæ amor afficit. Nos credentes Deum omnipotentem, credimus id quod angelus, vel ipsa potius sancta Trinitas docuit: Quia non est impossibile apud Deum omne verbum.

Confirmata infide Maria verbis & exemplis, respondit angelo, Ecce ancilla Domini, Fiat mihi secundum verbum tuum. Laudatur Maria ab humilitate & prudentia in responso. Mater Dei eligitur, & ancillam se nominat. Non mediocriter re vera humilitatis insigne, nec oblata tanta gloria obliuisci humilitatem. Non magnum est esse humilem in abiectiōe, magna prorsus & rara virtus humilitas honorata. Prima mulier audiens, Eritis sicut dii, statim in superbiam elata, contra creatoris imperium manum extendit ad ligni prohibiti fructum. Hæc audiens se matrem filij Dei regnantis in domo Iacob in æternū, paucis, sed quæ summam animi modestiam cum summa fiducia pietateque coniunctam testarentur, respondit: Ecce ancilla Domini,

Nihil tam nouum aut magnum potest à Deo promitti, quod ipse non queat præstare Caluini cauellatio.

Maria humilitas.

Magna & rara virtus humilitas honorata.

cui

112
cui semel dicata sum, parata ad omne obsequium. Fiat mihi secundum verbum tuum, ut de spiritu sancto concipiam.

Simul atque Maria respondit, spiritu sancto repletur & concipit non hominem tantum, sed Deum, verum filium Dei, salvatorem mundi. Et reparavit Maria, quod Eva perdididerat. Discessit quoque angelus à Maria: nimirum cum reuerentia valedicens, peracto negotio rediens ad eum qui miserat, latum cæli ciuibus referens nuntium, ruinam in proximo fore restaurandam: & accessit Dei filius Dominus noster Iesus Christus qui est benedictus in secula seculorum. Concepit virgo sanctissima hominem Deum factum, & Deum factum hominem. Unde si deles rectè eam Dei genitricem & matrem vocamus, cuius intercessione vitam etiam speramus æternam. Amen.

Maria reparavit, quod Eva perdidit.

Maria Theos esse vocatur.

EPILOGVS.

1 A sancto virginis cum angelo colloquio Deus auspicari voluit restituendæ generis humani negotium, quando primum illud præstiterum virginis cum serpente colloquium, exiitj seminarium inuexerat mundo. Ad lapsum quippe hominis concurrebat Angelus malum suggerens, mulier inconsultè suggestioni consentiens, & vir transgressionem diuini præcepti perficiens. Sic in reparatione angelus nuntians, virgo consentiens, & Christus perficiens. Bernardus: Redditur semina pro semina, prudens pro fatua, humilis pro superba: qua pro ligno mortis, gustum tibi porrigit vite: & pro venenoso cibo illo amaritudinis, dulcedinem parit fructus æterni.

2 Tota huc tendit Euangelica historia, ut ostendat Mariam illam Nazarenam Iosephi sponsam, verè esse Malnah, ac Messia Matrem, & huius filium Iesum servatorem nostrum verè Immanuelem Messianique esse, ex Isaia vaticinio. In cuius humane nature assumptione tria singularia mirabilia facta narrat Bernardus. Coniuncta sunt, inquit, simul Deus & homo, mater & virgo, fides & cor humanum.

3 Modus quomodo virgo conceperit filium Dei, describitur, nimirum per fidem, credidit enim, Deo omnia esse possibilis, & angeli verbum Dei verbum esse. Ex hac fide (ut & Sara olim) accepit vim concipiendi ex seipsa, citra viri operam, per solum Spiritum sanctum. Habemus igitur hic absolutissimum veræ fidei exemplum, quod imitemur. Quod fiet, si iidem audito verbo Dei credamus ex animo, nos & omnia nostra permittamus Deo, inque eius fidelis obsequia nostros præbeamus, facientes ipsius voluntatem summa cum fidelitate & humilitate, nam sic & ipsi Christum concipiemus, pariemusque in vitam æternam.

DE SANCTIS QVORVM FESTA IN-
TER PASCHA ET PENTECOSTEN
OCCVRRVNT, EPISTOLA.

IAm non estis hospites & aduena: sed estis ciues sanctorum & domestici Dei: *Ephes. 2.*
Superadificati super fundamentum Apostolorum & Prophetarum, ipso
summo angulari lapide Iesu Christo: In quo omnis adificatio constructa, crescit
in templum sanctum in Domino, In quo & vos coedificamini in habitaculum
Dei in Spiritu sancto.

PAULI mens atq; ordo hic expendendus occurrit. Vt Ephesij
magnitudinē beneficiorum Dei, euāgelicū; ministerij gra-
tiam probē apud se expenderent, debitaque laude celebra-
rent: narrate eis Paulus, sicut in prioribus, sic in hisce quoque
verbis, primō quales antē fuerint, nempe hospites siue peregri-
ni, quos superius hospites tabularum promissionis dixerat. *Ephesij quales
ante fidem fue-
runt.*
Porro peregrinitas illa cernebatur tum ac etiāminum cernitur
in incredulis. Partim in nomine seu professione, qua omnino
variabant à peculio populoque Dei. Partim in notitia, quod
nec scirent, neque scire cuperent quæ ad sanctæ vrbis ciues per-
tinent, vt est notio capitis siue magistratus. Nam essentiam Dei *Ephesij quoru-
plici varietate
peregrini.*
neque vnā neque tres personas continentem norant. Volun-
tatem Dei quantum ad Ecclesiā seu præsentem seu futuram
gubernationem plane ignorabant. Et quantum ad mundi gu-
bernationem aut similiter ignorabant, aut si norant, tamen du-
bitanter aut corruptē norant. Item vt est notio legum seu sa-
crarum literarum, quarum nullus inter eos erat vsus, vt est no-
tio præfidiorum ac munitiorum quibus Dei filius atque ange-
li eius nos pios tegunt, quarum nulla fuit inter eos cura. Vt est
notio opum, id est gratiæ, adoptionis ac æternæ vitæ, quos
thesauros illi prorsus nesciebant. Vtque postremo est notio scē-
derum quæ inter nos & Deum sunt per Christi sanguinem
facta atque obsignata, quorum illi erant inscij, & quæ inter nos
& fratres sunt per Christi inter nos communionem spiritum-
que instituta, quorum æque erant tum ignari.

Partim peregrinitas illa cernebatur in affectu. quod amore
nunquam vero, puro, firmo, ceu fideles solent, neque inter se
nec cum Dei ciuibus cohærebant.

Partim in habitu siue moribus. Nam si res vel prosperas vel
aduersas spectes, nunquam inter eos fuit talis gratitudo ac mo-
destia, item inuocatio tolerantiaque, sicut in electis solet. Si
officia studiaque spectes, nulla erat ibi talis vel mortificatio vel
sanctificatio.

Dicit præterea quod fuerint inquilini siue incolæ, quos su-
perius alienos à Repub. Israelis dixerat. Cernebatur autem iste
inquilinatus partim in iure, quod in cælestibus bonis nullum, *Ephesij inquili-
ni siue incolæ.*

in terrenis nullum nisi mutuatū penes ipsos erat. Nam & terra propriè est fidelium, & fidelium causa tolerantur illi in presenti vita. Partim cernebatur in societate quam cum sanctis tantum obtinebant ratione onerum, sicut inquilini simul pugnant, sed non regunt. Porro onera illa sunt calamitates quibus æquè tum affligebantur ut electi. Nam & mundus ipse se cupiditate & mutua infestatione torquet. Satan omnium tum piorum tum & impiorum malis gaudet: Deus semper suæ iustitiæ documenta edit, non autem ratione honorum: Nam nec Deo grati erant, neque Dei grata organa, neque Ecclesiæ membra, aut consortes ministerij. Et talis quidem etiānum est conditio quorumcunque Ethnorum.

2. Secundò narrat Apostolus Ephesiis quales possit in Christo esse cœperint: quod & nostri causa obseruemus: nam & nos in eum statum euecti sumus. Ephesiorum igitur & fidelium quorumcunque statum, quem per Euangelij apprehensionem consequuntur, notat D. Paulus triplici hac figura, quod facti sint ciues sanctorum: domestici Dei: & lapides structuræ Dei, id est, membra Ecclesiæ Dei, nam Ecclesia dicitur ciuitas Dei, Esa. 60. Hier. 13. dicitur domus Dei. 1. Tim. 3. Hebr. 3. dicitur & templum Dei. 1. Cor. 3. Porro hisce verbis inest incrementum. Magnum beneficium est donari peregrinum, exulem, hostem, ciuitate, & sanctorum quidem ciuitate:

In qua hæc cernuntur:

*Ephesi quales
facti sint post
acceptam fidem.*

*Ecclesia ciui-
tas, domus &
templum Dei
est.*

*Ordines ciuita-
tis Dei inuisi-
biles & visibi-
les.*

Leges.

*Immunitates,
Conuentus.*

*Commercia.
Mœnia.*

*Ecclesia san-
ctorum ciuitas.*

Ordines omnium decentissimi, ut sunt inuisibiles præfidentis Christi moderantis spiritus ascendentium descendantiumque angelorum, & visibiles docentium prophetarum, apostolorum, pastorum, auditorum, confitentium, inuocantium, celebrantium.

In qua etiam cernuntur leges credendarum atque agendarum rerum in scripturis exactissimæ.

Immunitates contra legem, mortem, satanam amplissimæ. Conuentus verbi precum, sacramentorum honestissimi atque utilissimi.

Commercia charitatis iucundissima.

Mœnia & præsidia contra omnes hostes validissima.

Quæ & hinc amplificantur, quod & istius ciuitatis constitutio maximo consistit, nempe, Christi sanguine: quod affectio est facillima, ut quæ omnibus sit expolita, atque vera fide impetretur. Quod & inhabitatio est perpetua, quam ne moriens quidem deserat, sed commutet solum, migrans, nempe, in beatiorem vrbe locum. At observa simul quod sanctorum ciuitas dicitur: neque enim quicquam fert pollutum, ut nec castra Israël, Apoc. 21. & 22.

Maius verò beneficium est, in familiam quoque recipi, ubi est
arctior

arctior communitas, maior notitia, diligentior cura, amplior communicatio. Atque eò quidem nos recipimur qui re vera prius fugitiui, prodigi, scelerati, imò iræ filij fuëramus. Et recipimur vt cælesti potiamur mensa, victu, aspectu, colloquio, fide, consuetudine, facultatum omnium iure ac quiete, idq; Deo patre, Christo fratre, angelis seruis, sanctis familiaribus. Sed & hîc obserua quòd domesticij Dei non honoris tantum vel utilitatis, sed obedientiæ quoque causa appellamur. Deum igitur vereamur, Deo laboremus & negotiemur.

Maximum autem beneficium est, & habitaculum Dei fieri, in quo ipse Deus gratia & omnigenis suis donis reſideat. Nemo autem fit eiusmodi templum Dei, nisi pari & magni templi sit, de quo Apostolus hic & postea 4. cap. loquitur, in quo breuiter hæc cernuntur.

Beneficiũ maximum est habitaculum Dei fieri.

Fundamentum imum: angulus siue nexus circumquaque vniuersi ædificij, item apex & supremum caput, solus Dominus noster Christus.

Ecclesia fundamentum unũ, angulus, apex & supremum caput, Christus.

Architecti: Summus dici potest Spiritus sanctus, quem Ecclesia solum pro magistro summo habet. Nec diuersum est, quòd Christus se magistrũ solum vocat. Medici ac Prophetae, Apostoli, Pastores, & ministri omnes, quorum opera Spiritus sanctus vitur.

Architecti.

Materia ex qua ædificium fit, sunt lapides seu credentes omnes, qui de petra Petri sunt, solidique soli manent: ceteri vt in limo hærent, & arenæ innituntur, sic & ipsi nihil sunt quàm limus, quàm arena, puluis, gluma.

Materia ex qua.

Materia per quam ædificium fit, est verbum quod ab aliis rectius atque purius, à nonnullis peius & impurius adhibetur. Item sacramenta, quæ iam melius, iam corruptius applicantur. Quoad probè vsurpantur, faciunt ad structuram: quoad secus, igni tandem quasi tempestate diruuntur. 1. Cor. 3.

Materia per quam.

Opera quæ infumitur in secando siue poliendo, est prædicatio poenitentiae, qua ad basin siue Christum homines adducuntur. Opera verò quæ infumitur in collocando siue extruendo, est prædicatio reconciliationis, qua vt perdita ouis humeris, ita ipsi basi suæ Christo imponuntur.

Opera.

Forma collocationis, si spectemus basin, est cuiusque fides qua incumbit Christo. Surgens ædificium est conformitas nostræ fidei, qua cum omnibus sanctis qui nos præcesserunt, maximè verò cum Prophetis & Apostolis (qui non operarij tantum, sed & pars sunt ædificij) consentimus. Propriissimus noster situs, est cuiusque singularis labor & vocatio, qua pro fidei ac donationis Dei modo stationem suam seruat atque obit. Forma symmetriæ, hoc est, commensurationis, partim est & exæquatio & consensus fidei & amoris, partim splendor

Forma.

Situs.

inde proficiscens innocentiae seu bonorum operum.

Finis.

Finis quo ad exedificationem nullus erit ante extremum diem. Semper enim surgit aedificiū quoad prorsus absoluat, quo momento simul aderunt & extremus dies, & aeterna gloria. Finis verd quo ad vsum, est inhabitatio Dei, qui in tali templo residere, & complere donis vniuersam suam domum ceu in festiuissima Pentecoste cupit: Contra illud aedificiū frustra parant suam turrim Babyloniam, frustra struunt aduersarij. Porrae inferi non praeualebunt aduersus illud, Matth. 16.

*Turris Babylo-
nia frustra pa-
ratur contra
Dei templū.*

DOCTRINA.

Contemplemur igitur etiam nos in eo speculo, veteremque sortem cum donata conferamus, ut illius deploratione in huius praedicationem accendamus, & hic ut ciues sanctorum, domestici & templum Dei credamus & viuamus, quoad plenē in altera vita honores consequamur.

EPILOGVS.

1 Apostolus proponit bona per Christum (ipsissimum fundamentum apostolorum ac prophetarum) nobis Gentibus communicata & paria: quae nempe sunt, quod nos qui olim eramus hospites & aduena, hoc est, à gratia ac salute alieni exclusique, iam sumus conciuēs sanctorum & domestici Dei per Christum facti, hoc est, vocati, reconciliati, sanctificati & saluati.

2 Lapis angularis & fundamentum primarium Christus, qui vos superstruxit super fundamentum Apostolorum ac Prophetarum, hoc est, super semetipsum, à prophetis praedictum & Apostolis praedicatum: quo omnes sancti vincti nuntiantur, & in quo omniū spes reuincit. Is, inquit, superstruxit nos super semetipsum, hoc est, infirmitates, iniquitatesque nostras portauit & dependit, suorumque meritum nos per fidem ac sacramenta fecit participes, Isa. 53. 1. Pet. 2. Tit. 3. Est igitur, unde gratias ei agamus perpetes, est quoque unde ex animo exultemus & letemur semper.

3 Finis, in quem tantis bonis nos Christus cumulauit, est, ut tanquam lapides vni illi superstructi, succrescamus in aedificium spirituale, hoc est, in templum sanctum Domini. Sumus igitur & nos in finem hunc Christo superstructi, ut per inhabitantem in nobis Spiritum sanctum, templum ac domicilium Dei simus, hoc est, corpora & corda nostra ipsi sanctificemus, ipsumque in nobis per fidem & charitatem habeamus habitantem.

IN FERIIS IISDEM EPI-

STOLA ALTERA.

*Prov. 10. &
Eccl. 44.*

Benedictio Domini super caput eius. Ideo dedit illi Dominus hereditatem & diuisit illi partem in tribus duodecim, & inuauit gratiam in conspectu omnis carnis. Magnificauit eum in timore inimicorum, & in verbis suis monstra placauit: glorificauit eum in conspectu regum, & ostendit illi gloriam suam in fide & lenitate ipsius sanctum fecit illum, & elegit eum ex omni carne. Dedit illi praecepta, & legem vitam & disciplinam, & excelsum fecit illum. Statuit illi testamentum sempiternum, circumcinxit eum zona iustitiae, & induit eum Dominus coronam gloriae.

IN

IN præfenti Epistola tria occurrunt diligenter obseruanda. Primo ostendit Sapiens cuique nostrum benedictionem esse necessariam ad salutem, cum dicit, *Benedictio domini super caput iusti*. Hæc domini benedictio quosdā dicit bonis temporalibus: quosdam verò spiritualibus. Siquidem benedictio domini diuites facit, ditauit enim bonis temporalibus Laban apud quem Iacob seruiuit, 14. annos, dicebat enim illi Iacob: Antequam venirem ad te, parum habuisti, & ecce diues effectus es, benedixitque tibi Deus ad introitum meum. Gen. 31. Et hæc est benedictio à sinistris: in sinistra enim illius diuitiæ & gloria. Sed quid profuit nobis superbia, inquit, aut diuitiarum iactantia quid contulit nobis? Transierunt omnia sicut umbra, Sap. 5. Piscantes ad hanc sinistram, casto labore spe sua perfrustrantur, Iohan. 21. vnde & ardenti diuiti in inferno dicitur: Recordare fili, quia recepisti bona in vita tua, &c. Luc. 16. Benedictio ramen ista plerunque cedit his quos mundus vbique cæteris præfert ad dextram. Sed quia futurum est (nimirum sic disponente Deo) quoddam primi nouissimi, & nouissimi primi erunt, cancellatis quodammodo manibus, minori Deus dextra, maiori verò sinistra benedicit. Aperit quippe manum suam, & implet omne animal benedictione, Psal. 144: Diligit enim omnia, & nihil odit eorum quæ ipse fecit, Sap. 11. ideoque & iumentis dat escam ipsorum, & pullis coruorum inuocantibus eum. Pascit & potat ingratos, & pluit super iustos & iniustos, Matt. 5. Istis ergo à sinistris benedicit, quemadmodum & patriarcham Iacob fecisse legimus. Is enim interpellatus à Ioseph filio suo, vt suis filiis Manasse, videlicet, maiori à dextris constituto, & Ephraim minori à sinistris, priusquam ipse moreretur benediceret: cancellatis brachiis maiori filio sinistra, minori autem dextera benedixit, Gen. 49.

Quosdam verò Dei benedictio, bonis dicit spiritualibus. Sunt enim, vt ait Sap. Eccles. 44. homines diuites in virtute, quos pretiosis Deus diuitiis locupletat, vt requiescat super eos (vt Isaias ait cap. 11.) spiritus sapientiæ & intellectus, spiritus consilij & fortitudinis, spiritus scientiæ & pietatis, & repleat eos spiritus timoris Domini. Et hæc est benedictio à dextris Dei, apud quam longitudo dierum consistit, Proverb. 3.

Siquidem hæc dona pretiosæ & veræ diuitiæ sunt. Opes autem huius seculi diuitiæ non sunt, quæ nostræ mentis inopiam non depellunt. Nec nostræ sunt quæ nobiscum remanere non possunt. Ergo veræ diuitiæ non sunt opes, sed virtutes. Huiusmodi benedictionem, nequaquam Testamenti veteris legislator Moses dare potuit, sed summo duntaxat legislatori Christo, id muneris seruabatur. Quod propheta præuidens

Benedictio à sinistra.

Benedictio Domini à dextera.

Opes seculi huius vera diuitia non sunt, sed virtutes.

ait Psal. 83. Etenim benedictionem dabit legislator, ibunt de virtute in virtutem, videbitur Deus deorum in Sion. Hæc est benedictio Ephraim minoris, videlicet, & ad sinistram collocati, cui tamen per manuum cancellationem benedictio potior à dextra cessit: humilibus enim dat gratiam qui superbis resistit, 1. Pet. 5. Et mysteria sua quæ à sapientibus & prudentibus abscondit, paruulis reuelat cælestis Pater, Matth. 11.

2. Secundò ostendit sapiens Sirachus quoddam hæc benedictio duo confert, hæreditatem, scilicet, & gratiam. Vnde consequenter de primo subdit: Ideo dedit illi Dominus hæreditatem, & diuisit ei partem in tribus duodecim. Si hæc ad beatum Apostolum N. referas, utique palam est Dei benedictionem abundè collatam ei fuisse, per quam & cælestem hæreditatem, & in sacro electorum Apostolorum numero duodenario consecutus est partem & Apostolicam dignitatem. Cui etiam non mediocrem mundi partem in sortem prædicationis Deus ipse diuisit, hoc pulchrè deducente Apostolo Rom. 10. ex Psal. 18.

Verum si id quod dictum est, de quouis iusto accipias, tunc aduertendum est, quemadmodum per diuinam benedictionem, hæreditatem & gratiam ipse consequatur. Vnde notandum quod sicut hæreditatis consecutionem præcedit benedictio, ita etiam benedictionem præcedit palpatio: ut per eam innotescat num filius sit, & dignus benedictione & hæreditate, necne. Isaac patriarcha filium suum benedictione consecraturus: accede, inquit, huc primum ut tangam te fili mi, & probem utrum tu sis filius meus Esau, an non, Genes. 27. Tactus iste per aduersitatum & tribulationum immisionem correctionis paternæ censura est. Corripies me, inquit Ezechias, & viuificabis me, in talibus enim vita spiritus mei, Isaia 38. Et Iob 5. Increpationem Domini ne reprobes, quia ipse vulnerat & medetur, percutit & manus eius sanabunt. Hinc etiam per Salomonem dicitur Prouerb. 3. Disciplinam Domini ne abicias fili mi, nec deficias cum ab eo corripieris. Quem enim diligit Dominus corripit, & quasi pater in filio complacet sibi. Quam sententiam secutus Apostolus Heb. 12. scribens, ait, Fili mi noli negligere disciplinam Domini, neque fatigeris dum ab eo argueris. Quem enim diligit Dominus castigat, flagellat autem omnem filium quem recipit. In disciplina perseuerate, tanquam filiis vobis offert se Deus. Quis enim filius, quem non corripit pater? Quod si extra disciplinam estis, adulteri & non filii estis. Quisquis ergo exceptus est à participatione flagellorum, exceptus est etiam à numero filiorum. Quisquis etiam huius patris attræctionem seu palpationem hanc substinere rebellionem superba recusat, nec agnoscetur pro filio, nec cælestem vllatenus consequetur hære-

Benedictio Domini duo confert.

Hæreditatis consecutione quid præcedat.

Tribulatio vtilis.

hæreditatem, Salomone hoc attestante cum ait Prouerb. 1. Eo quod exotam habuerunt disciplinam, & timorem domini non susceperunt, inuocabunt dominum, & non exaudiet eos, mane confurgent, & non inuenient eum. Quibus etiam per Ezechielem, cap. 16. à Domino dicitur: Recessit zelus meus à te, iam non irascar tibi.

Quod autem per hanc benedictionem, non modò æterni Patris hæreditatem, sed etiam apud omnes vbique gratiam consequamur, ostendit consequenter, dicens: *Et inuenit gratiam in conspectu omnis carnis.* Quod duobus modis potest exponi: Primo sic, Dei munere gratus acceptusque extitit vniuersis, iuxta quod per Salomonem dicitur Prou. 16. Cum placuerint viæ hominis Deo, inimicos quoque eius conuerteret ad pacem. Deinde hoc modo potest exponi: *Inuenit gratiam in conspectu omnis carnis*, id est, palam est omni carni, quòd inuenit gratiam apud Deum, iuxta quod ex persona damnatorum de iustis loquentium scriptum est Sap. 5. Ecce quomodo computati sunt inter filios Dei & inter sanctos fors illorum est?

Porro non solum diuinæ benedictionis effectus est hæreditatis adeptio & gratiæ consecutio, sed insuper, etiam magnificatio & glorificatio. de quo subditur: *Magnificauit eum in timore inimicorum, & in verbis suis monstra placauit. Glorificauit eum in conspectu regum, & ostendit illi gloriam suam, Ecclesiastici. 45.* Profectò magnus est cui succumbunt inimici, præsertim inuisibiles, & nihilominus visibiles, scilicet, homines maligni. Tam enim demones ipsi, quàm mali homines, iustorum timent & verentur sanctitatem. Porro monstra quæ verbis suis iusti placant seu perdomant, vel ipsas brutales carnis concupiscentias accipere possumus, vel alia quæcunque indomiti vitia animi, quæ sancti rationis imperio frenant subiiciuntque, vel certè prauos homines & impios, quos sancti doctrina & animi mansuetudine, plerunque perdomitos ad rectos mores perducunt.

Denique diuinæ benedictionis effectus est glorificatio, *Glorificauit eum in conspectu regum.* Nimirum reges sunt, qui acceperunt regnum decoris, & diadema speciei de manu domini: sed & regum nomine non immeritò censentur, qui carnis appetitui, & inferioribus animæ viribus, rationis imperio principantur: quibus dicitur, Et nunc reges intelligite, erudimini qui iudicatis terram. In horum ergo conspectu regum, iustos suos Deus glorificat, cū illos similes facit in gloria sanctorum: laus enim erit vnicuique à Deo. 1. Corint. 4. laus vtique à laudatore magno, vnde & ambienda vehementer.

Possumus etiam regum nomine huius seculi mortales principes intelligere, coram quibus sanctos suos plerunque Deus vsque ad eòdè glorificat, vt vestigia pedum ipsorum osculari se iores.

Magnus in uirtute quis sit.

Reges moraliter qui sint.

Sancti regibus seculi super mores.

exultent, & sacras eorum reliquias vel magnificis exstructis templis, vel margaritis aut auro argentoque contendant honorare. Qui etiam sanctorum gloriam longè suis præferre sceptris & sedibus non dubitant. Et verè gloriosi & à Deo glorificati sunt, quorum longè lateque, cum illustri laude clara noticia est. Venerandum quippe seculo nomen & meritis & morte pretiosa sibi comparauerunt. Proinde quis non gloriosos confiteatur eos qui vident Deum, & quibus ostendit gloriam suam? Ex quorum persona Apost. ait 2. Cor. 3. Nos autem reuelata facie gloriam domini speculantes, in eandem imaginem transformamur à claritate in claritatem tanquam à domini spiritu. Nam cum videbimus eum sicuti est, inquit B. Ioannes 1. cano. 3. cap. Scimus quia similes ei erimus. Nec mirum, cum iam nunc beati sic Deo sint inhabitante pleni, & ita in Dei similitudinem transformati, ut à se defecisse & in eum, quo ineffabiliter fruuntur, transisse putentur, quemadmodum ferrum totaliter ignitum in naturam ignis, & aquæ gutta mero infusa in illius speciem & naturam transisse omnino videntur, & à sese ac sua specie defecisse.

3 Tercio hic notanda occurrit conueniens ad salutem in homine dispositio, cum dicitur: *In fide & lenitate ipsius sanctum fecit illum, &c.* Non enim sufficit homini ad salutem diuina præuentio, quod videlicet Deus hominem iustificandum præuenit in benedictionibus dulcedinis, nili etiam & ipse cooperetur. Vnde per Salomonem dicitur, Prouerb. 17. Hominis est animum præparare, & domini gubernare linguam. Et post pauca: Cor hominis disponit viam suam, sed Domini est dirigere gressus eius. Debet autem homo à Deo sanctificandus animum præparare per hoc præsertim, quod Deo perfectè subiicitur, tam quoad intellectum, quam quo ad affectum, quod utique per hæc duo fit, quæ sunt fides & lenitas. Fides enim Deo subiicit intellectum, lenitas autem voluntatem seu affectum. Accipitur autem hoc loco lenitas pro mansuetudine, seu animi tractabilitate. Hinc enim per sapientem dictum est, Ecclesiastici. 11. Beneplacitum est Deo fides & mansuetudo. Siquidem per hæc duo animum suum homo præparat, ac sese totum subiectum reddit Deo, ut in ipso secundum arbitrium suæ bonitatis operetur. Contra verò & sine fide impossibile est placere Deo, & iis qui mansuescere recusantes obdurauere corda: Deus in ira sua iurauit, quod non intrabunt in requiem suam, Hebræor. 11. Psalmo. 94. Exemplo est tam angelorum ruina quam protoplastorum. Qui quoniam per obedientiam mansuescere & se Deo subiicere noluerunt, in perditionem delapsi sunt. Hinc etiam in Euangelio veritas loquitur dicens Matth. 7. Non omnis qui dicit mihi

Per duo disponitur homo ad salutem.

Do-

Domine Domine, intrabit in regnum cælorum, &c. Quod etiã ratione astruitur. Cùm enim æterna beatitudo maius bonũ sit eo, quod vel sensu corporeo cognosci, vel humana possit ratione comprehendi (dicente Apostolo. 1. Cor. 2. Nec oculus vidit, nec auris audiuit, nec in cor hominis ascendit, quod præparauit Deus his qui diligunt illum) ideo nifi se homo subiciat quo ad intellectum credendo assertioni diuinæ de his rebus, quæ non valet intellectu comprehendere, ad bonum illud pertingere non meretur. fides enim est de his quæ rationem humanam excedunt. Vnde cùm interrogaretur à discipulis suis Dominus quis posset saluus fieri, respondit: Apud homines impossibile est, omnia autem possibilia sunt Deo, Math. 19. Et alio loco cuidam ait: Si credis, omnia possibilia sunt credenti, Marc. 9.

Hebr. 11.

Consequenter ponit sapiens profectum virtuosum hominis sancti & saluandi per dei gratiam, cùm subdit: *Et elegit eum ex omni carne.* Illa videlicet carne, de qua ipse ait, Gen. 6. Non permanebit spiritus meus in homine in æternum, quia caro est. Ideo elegit eum ex omni carne, ne periret ipse cum omni carne. Omnis quippe caro fœnum, & omnis gloria eius quasi flos fœni, Isa. 40. Fœnum autem hodie est, & cras in clibanum mittitur, Mat. 6. Hoc est, in gehennæ incendium. Hoc est fœnum tectorum in alto vanitatis nascens, in arido figens radices, quod priusquam per mortem euellatur, per defectum gratiæ cælestis exaruit, Psal.

Ex omni carne à deo eligi.

Elegit etiam eum ex omni carne, id est, ex contagiosa carnalium hominum societate, ne & ipse simul vnà cum ipsis periret, sicut & ad Loth in Sodomis habitatem ab angelis dictum est: Egredere, ne & tu pereas in scelere ciuitatis huius, Gen. 19. Ab omni denique rerum mundanarum & carnalium voluptatum amore peruerso, deus iustum & sanctum suum exemit & elegit: quemadmodum egregij fructus planta in deserto nata eligitur, atque horto concluso plantatur: Ita elegi, inquit, vos, & posui vos vt eatis & fructum afferatis, & fructus vester maneat, Iohan. 15. Nisi enim ab inconcessa carnis voluptate segregentur, sancti spiritus habitaculum effici nequaquam possunt. Scriptum quippe est, Sap. 1. In maleuolam animam nõ introibit spiritus sapientiæ, nec habitabit in corpore subdito peccatis: Sequitur:

Et dedit illi cor ad præcepta, & legem viam & disciplinam. Dedit illi cor, hoc est, inclinationem ad ea quæ bona & recta sunt, donũ hoc à deo petiit, qui ait: Inclina cor meum deus in testimonia tua, Psal. Et alius quidam vir sanctus precatus est dicens, Domine quod iubes, & iube quod vis. Et dominus ipse per prophetam Ezechiel. 36. Auferam, inquit, cor lapideum de carne

Augustinus.

*Lex vita que
fit.*

vestra, & dabo vobis cor carneum, & faciam vt in præceptis meis ambuletis & operemini. Siquidẽ cor regis in manu domini, quocunque voluerit inclinabit illud. Prouer. 21. Lex autem vitæ, doctrina Christi est, sicut ipse ait, Iohan. 6. Verba quæ ego loquutus sum vobis, spiritus, & vita sunt. Et rursum, Iohan. 5. Omnes qui in monumentis sunt, audient vocem filij Dei, & qui audierint, viuent. Vnde quoque Petrus ad Christum loquens, ait: Domine verba vitæ æternæ habes, & quod ibimus? Iohan. 6. Et rursum per sapientem, Prouerb. 13. dicitur: Lex domini fons vitæ, vt declinet à ruina mortis.

*Lex discipli-
na.*

Porro quoniam plerique pigrorum animalium more stimalis & virgis agi quodammodo debent, idcirco ad legem vitæ, etiam lex disciplinæ superadditur. Quibusdam enim sola vexatio dat intellectum: erudiet illum, inquit, in iudicio, deus suus docebit illum, Isa. 28. Vnde etiam per Ieremiam dominus loquitur cap. 6. dicens, Erudire Ierusalem, ne fortè recedat anima mea à te, ne fortè ponam te desertam. Et iterum, Per omne flagellum, inquit, erudieris. Et rursum cap. 3. 2. de his qui nec per disciplinā relapsi sunt ait, verterunt ad me terga, & non facies suas cum docerem eos & crudirem diluculo, & nollent audire vt acciperent disciplinam. Sed quid eis comminetur sermo diuinus, aduerte. Ait enim Leuit. 26. Quodd si nolueritis recipere disciplinā, sed ambulaueritis ex aduerso mihi, ego quoque contrā aduersus vos incedam, & percutiā vos septies propter peccata vestra, inducamque super vos gladium, ultorem fœderis mei. Itaque prout. S. suadet Apostolus, in disciplina perseuerare, tanquam filius vobis offert se Deus, Heb. 12. Omnis enim disciplina & si in præsentī quidem videatur non esse gaudij, sed mœroris: postea tamen fructum pacatissimum exercitatis per eam reddet iustitiæ. Igitur non iræ Dei, sed misericordiæ est indicium, aberrantes à recto, disciplinæ flagello in viam Dei reuocare: Vnde & confitentes iustos dixisse legimus. 2. Machab. 6. Non sinere peccatoribus ex sententia agere, sed statim iustam ultionem adhibere, magni diuini beneficii indicium hoc esse.

*Misericordia
Dei est, et non
ira, aberrantes
flagello disci-
plinæ in viam
Dei reuocare.*

*Magnus effi-
citur qui legi
vitæ & disci-
plinæ acquie-
scit.*

Proinde quia magnus est cui Deus dat cor ad præcepta, & quem per legem vitæ & disciplinæ gubernat, rectè subiungitur: Et excelsum fecit illum. Hinc enim ait vir secundum cor Dei, quem disciplina Domini corripuit in finem. Perfecit pedes meos tanquam ceruorum, & super excelsa statuens me. Et rursum per Isaiā dicitur cap. 33. Qui ambulat in iustitiis, & loquitur veritatem: qui proicit auaritiā ex calumnia, & excutit manus suas ab omni munere: qui obturat aures suas ne audiat sanguinem, & claudit oculos suos, ne videat malū, iste in excelsis habitabit, munimenta saxorum sublimitas eius, panis ei datus est, aquæ

aquæ eius fideles sunt, regem in decore videbit, oculi eius cernent terram de longe, &c. Sequitur, *Statuit illi testamentum æternum*, Hoc est testamētum pacis, quod morte sua nobis Dominus confirmavit: Pacem meam, inquit, do vobis, Ioan. 14. Et alibi ait: Testamentum meum fidele ipsi. Testamentū hoc disposuit electis suis. Longè tamen est testamentum hoc à quibudam: Sed is cuius cor & voluntas recta est cum Domino ut ambulet in lege eius, veram habet pacem, non modò cum Domino Deo, sed etiam cum proximo, & cum semetipso, iuxta quod ait propheta: Pax multa diligentibus legem tuam. Sequitur:

*Testamentum
paci.*

Et circumcinxit eum zona iustitiæ. Iustitia non incongruè zona appellatur. Nam sicut se zona præcingit, vel qui vult operari, vel qui ambulare, vel qui pugnare debet, ita nimirum iustitiæ virtus necessaria est meritorie operanti, spiritualiter proficiēti, & quasi adrepromissam viuentium terram proficēti, & contra hostem antiquum, & cunctas huius mundi & carnis illecebras viriliter decertanti. Iustitia indutus sum, inquit vir sanctus, & vestiui me sicut vestimento, Iob 29. Porro de homine iniusto & iniquo quid sermo diuinus propūtiēt, animaduerte. *Induit, inquit, maledictionem, sicut vestimentum, & intravit, sicut aqua in interiora eius, & sicut oleum in ossibus eius.* Psal. Fiat ei sicut vestimentum, quo operitur, & sicut zona qua semper præcingitur. Sequitur: *Et induit eum Dominus coronam gloriæ.* De hac corona per Isaiam, 29. dicitur, Erit Dominus exercituum corona gloriæ, & sertum exultationis residuo populi sui. Et rursus in persona redemptoris nostri de seipso loquentis idem propheta ait: Spiritus Domini super me, eo quod vnixerit me: Ad annuntiandum mansuetis misit me, &c. Currunt amatores huius seculi & certant ut corruptibilem coronam accipiant; nos autem, inquit Apostolus, incorruptam. 1. Corinth. 9. De hac B. Petrus ait. 1. cap. 5. Cum apparuerit princeps pastorum, percipietis immarcescibilem gloriæ coronam. Sed ad hanc coronam non nisi per labores, tentationes & certamina peruenitur, sicut B. Iacobus ait cap. 1. Beatus vir qui suffert tentationem, quoniam cum probatus fuerit, accipiet coronam vitæ, quam repromittit Deus diligentibus se, & perseuerantibus in dilectione vsque ad mortem, iuxta quod vnumquemque Dominus admonet, dicens Apoc. 2. Esto fidelis vsque ad mortem, & dabo tibi coronam vitæ. Si regni alicuius terreni & corruptibilis corona proponeretur labore & humana industria promerenda, quanti se certatim ingererent, huius coronæ lucrificandæ gratia nullum laborem non subeuntes, nulla pericula formidantes. Rursus si mille aut eò amplius annorum vita

*Ad tria præ-
cinctum esse
oportet.*

*Corona vitæ
qualiter obti-
netur.*

Similita.

morta-

mortalibus in hoc mundo quantumvis magnis laboribus obtinenda proponeretur, quam multi hanc desiderarēt, quantoque pretio non segniter eandem si fieri posset emerent, quam tamē varijs aduersitatum casibus plenam, & innumeris respersam amaritudinibus, tædijs, & ærumnis esse constat. Quantō igitur maiori studio ad illam coronam, & regnum illud sine fine beatum, cunctis est credentibus properandum? Non sunt enim condignæ pæsiones huius temporis, ad futuram gloriam quæ reuelabitur in nobis, Roman. 8.

EPILOGVS.

1 Laus virorum sanctorum depingitur, qua Deus gratuitis eos præuenit benedictionibus, nec non bonis diat spiritualibus, iuxta illud Prouerb. 10. Benedictio domini diuites facit.

2 Benedictionis diuinæ effectus est non solum hereditatis adeptio & consequutio gratiæ, sed insuper etiam magnificatio & glorificatio, Roma. 8.

3 Quicquid uos quum ad virtutis perseuerantiam, tum perennis gloriæ securam felicitatem promouet, potissimum Dei gratiæ attribuendum est. Nam gratiam & gloriam dabit dominus, ait Psal.

IN IISDEM FERÏIS SANCTORVM

EVANGELIUM.

Ioan. 15.

Ego sum vitis vera, & Pater meus agricola est. Omnem palmitem in me, nō ferentem fructum, tollet eum: & omnem qui fert fructum, purgabit eum, ut fructum pluri afferat. Iam vos mundi estis propter sermonem quem locutus sum vobis. Manete in me: & ego in vobis. Sicut palmet non potest ferre fructū a semetipso, nisi manserit in vite: sic nec vos nisi in me manseritis. Ego sum vitis; vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmet, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcunque vuleritis petetis, & fiet vobis. In hoc clarificatus est Pater meus: ut fructum plurimum afferatis, & efficiamini mei discipuli: Sicut dilexit me Pater, & ego dilexi vos, Manete in dilectione mea. Si præcepta mea seruaueritis, manebitis in dilectione mea: sicut & ego Patris mei præcepta seruauī, & maneo in eius dilectione. Hæc locutus sum vobis: ut gaudium meum in vobis sit, & gaudium vestrum impleatur.

Agricola siue
vinitor Deus
pater.

In hoc Euangelio depingit Christus Ecclesiam: & ostendit tria: Primò, quis sit vinitor, siue agricola, nempe, Deus pater. sicut enim agricola de agris suis sollicitus est, & vinitor vineam suam semper habet in memoria, siue dormiat, siue vigilet, quamquam aliquando extrinsecus videatur (præsertim in hyeme) planè nullam curam vineæ habere, non tamen eius obliuiscitur: sic pater cælestis etsi aliquando dissimulet se vineam suam respicere, hoc est electos, nunquam tamen ipsos relinquit, aut eorum obliuiscitur, nunquam non pro ipsis sollicitus est, atque adeo tunc maximè curat, cum minimè videtur curare. Hinc in

l'iaia

Isaia. 54. dicit: Ad punctum in modico reliqui te, & in miserationibus magnis colligam te. Semper enim respicit & curat vehementer suos. Non tantum eos creat, verum etiam pascit, nutrit, gubernat, atque ad ætatem adultam deducit. Testatur hoc iterum scriptura. nam quotidie orantes dicimus diuina institutione formati, Pater noster qui es in cælis, sanctificetur nomen tuum, adueniat regnum tuum, &c. In qua oratione fatemur edocti à fratre nostro Christo, Deum patrem nostri curam gerere, eumque esse qui omnia quæ ad victum & amictum, quæ ad corpus & animam pertinent, nobis cõferat. Hoc etiam docet illud Isaia 49. Nunquid obliuisci potest mater infantem suum, vt non misereatur filij veri sui? Et si illa oblita fuerit, ego tamen non obliuiscar tui, &c. Ecce in manibus meis descripsi te, &c.

Semper respicit & curat vehementer suos, Deus.

Deinde ostendit quæ sit vitis, nempe, Christus. Sicut enim vitis etsi in hyeme sola & sine palmitibus videatur, tamen æstate superueniente in plures palmites erumpit: sic Christus etsi tempore peregrinationis suæ pauci in eum crederent, & in passionis hyeme solus & ab omnibus relictus videretur, transacta tamen hyeme, & appropinquante æstate resurrectionis, statim priores eius palmites reffloruerunt, & alij accreuerunt, adeo vt tempore ascensionis iam essent centum viginti palmites, Act. 1. In ipso autem die Pentecostes accrescerent tria millia, Act. 2. Denique adeo copiose hæc vitis in palmites erupit, vt breui totam terram occuparit. Nam vnus Paulus palmites eius extendit ab Hierusalem vsque ad Illyricum. Roma. 15. Deinde sicut vitis succum suum in palmites transfundit, & frugiferos facit, omnemque suam naturam & nobilitatem in palmites emit: sic Christus de suis bonis transfundit in eos qui sacramenta suscipiunt, & in charitate perseverant. Omnia quæ habet, fidelibus communicat, succum gratiæ, vinum illud verè latificans cor hominis, spiritum scilicet sanctum: communicat illis nomen suum, hæreditatem suam, denique quantum fieri potest etiam naturam suam, vt & nos dicamur & simus filij Dei, si nõ natura, certè adoptione. Testatur hoc scriptura. Nam Iohan. 1. dicitur quodd nos omnes de plenitudine eius acceperimus gratiam pro gratia. Et Paulus Ephes. 4. Vnicuique autem nostrum data est gratia secundum mensuram donationis Christi, Rom. 12. 1. Corint. 12. 2. Cor. 10. Hebr. 13. Participes enim Christi effecti sumus. Maxima & pretiosa nobis promissa donauit, vt per hoc efficiamini diuinæ consortes naturæ.

Vitis Christus.

Omnia quæ habet Christus, suis communicat. Psalms. 103.

1. Petr. 7.

Præterea ostendit qui sint palmites, nempe, omnes Christi fideles. Sicut enim palmites à vite resecti arescunt, & collecti in ignem mittuntur: sic Christiani à Christo deficientes, nisi resipiscant, gehennæ traduntur. Testatur hoc scriptura. nã Mat. 3. dicitur: Omnis arbor quæ non facit fructum bonum, excidetur, & in ignem mittetur,

Palmites omnes Christi fideles.

Docet

*Similitudo hęc
rustica quid
nos doceat.*

Docet autem hæc rustica similitudo, quòd Pater in creati-
one nos fecit, in regeneratione sanctificauit, & virtutibus atque
studiis quotidianis excolèdo facit in horas meliores. Non enim
cessat, nisi nos celsèmus, sua virtute interna, & suo sancto ver-
bo externo, extirpare mala semina ex veteri Adā nobis relicta,
charitate corda purificare, virtutum semina in nostris cordibus
seminare, quotidiana gratia ipsa, vt ad luculentam frugem per-
ueniant, irrigare: non cessat expectare fructus bonos. Vtinam
non dicat de nobis illud Isa. 5. Quid vltra facere debui vineæ
meæ, & non feci? Expectaui vt faceret uvas, &c. Item Ierem. 2.
Quomodo conuersa, &c.

*Christus nobis
natus, circumci-
sus, passus &
mortuus, &
quid meriti,
gratia, & di-
gnisatu ha-
buit, hoc nobis
communicat.*

Docet item quòd Christus non sibi natus, nec circumcissus,
non sibi passus, nec mortuus, nec sibi legem obseruauit: sed quic
quid meriti, gratiæ & dignitatis habuit, hoc nobis pro nostra
capacitate communicat, non in imputatione, sed interna spiri-
tus communicatione.

*Christum quā-
diu manent in
Christo, sunt
fecundi.
Palmites fru-
gistros vinu-
purgat.*

Docet tertio quòd Christiani quandiu manent in Christo,
sunt fecundi, operaque pietatis digna gratia vitæque æterna
fructificant.

*Quando pur-
gamur.*

Secundo ostendit quid vinitor sic facturus palmitibus. i. fru-
giferis, hoc est, ferentibus fructum: nempe, purgabit eos, vt co-
piosiores fructum ferāt. Habenti dabitur, inquit Mat. 25. Sic
Noë cum diluuij calamitatem videt (Ge. 7.) Ioseph cum in car-
cerē adducitur. (Ibidē 39.) Dauid cum in exiliū à filio pellitur
(2. Reg. 15.) Ezechias cum Ierusalē oblidetur (4. Reg. 19.) Da-
niel cum in lacum leonū mittitur (Dan. 6.) Paulus cū palsim
ab omnibus oppugnatur (2. Corint. 1. 11.) & Ignatius cum
leonibus ac bestiis obicitur: purgantur. Tunc enim purga-
mur, quum aduersus Deum in tribulationibus non fremimus,
non indignamur: sed retinemus fidem, charitatem, ac susten-
tamur spiritu sancto, ne opprimamur dolore aut desperatione,
sed cum tribus illis pueris Hebræis dicimus in medio ignis tri-
bulationis: Benedictus es Domine Deus patrum nostrorū, &
laudabile & gloriosum nomen tuum in secula: quia iustus es
in omnibus quæ fecisti nobis, & vniuersa opera tua vera, &c.
Peccauimus enim & iniquè egimus, &c. Danie. 3.

*Fideles omnes
opus habent
quotidianam pur-
gatione.
Psal. 118.*

Purgat igitur pater pios homines à reliquiis peccatorum.
Nemo enim etiam si sanctus sit, immunis est à peccato quan-
diu viuit in hoc mundo. Opus igitur habent quotidiana pur-
gatione. Hinc & Dauid ait, Psal. 50. Cor mundum crea in me
Deus. Et iterum, Inclina cor meum in testimonia tua, & non
in auaritiā. Auerte oculos meos ne videant vanitatem. Dein-
de purgat eos, hoc est, humiliat & deprimat. Sicut enim palmes
si non putetur, in nimiam altitudinem crescit, ac per hoc om-
nem succum in ramos & folia infumit: sic quod fructum ferre
non

non potest: ita caro si pro sua libidine, etiam in sanctissimis ferretur: Deus, si fieri posset, contumacia carnis è diuino maiestatis suæ solio deturbaretur. Audi enim in quantam altitudinem & superbiam excreuerit rex Babel, Isai. 14. Ascendam, inquit, in cælum, & similis ero altissimo. Item: Quis est Deus in cælo, qui vos eruat de manu mea? Daniel. 3. Non dissimilia loquitur rex Tyri: Deus, inquit, ego sum, & in cathedra Dei sedeo, &c. Usque aded turgescit caro beneficiis saginata, & interim non putata aduersitatibus & cruce. Ac piis hominibus nonnunquam ex virtutibus & donis crescit superbia. Natura enim nostra semper alta expetit. Atqui superbia omnia opera nostra & fructus nostros vitiat. Nihil enim gratum est nisi quod ex humili corde procedit, vt patet in Luca, 18. Itaque pater agricola credentem purgat & humiliat. Primò, interdù id de quo gloriabatur homo, amputat & aufert, hoc est, dona sua: & hominem cadere permittit. Sic Petrus cadere permisit, vt non glorieretur de viribus suis, Matt. 26. Alioqui si Petrus non cecidisset, quantum tribuisset suæ fortitudini, qui ante casum tanta præsumebat? Etiam, inquit, si omnes scandalizati fuerint in te, ego nunquam scandalizabor. Hic igitur opus habebat putatione, ne aliud cresceret. Deinde etiam aduersis & cruce suos purgat, & humiliat Deus, ne nimium insolefcent. Hæc igitur est spiritalis illa circuncisio, quam toties commemorat Paulus, quæ non consistit in licera, sed spiritu: quæ non semel tantum fit, sed per totam vitam. Et hæc quidè purgatio vel putatio extra dolorem non fit. Omnis enim disciplina (dicit Apostolus Hebr. 12.) in præsentia non videtur esse gaudij: sed mœroris: (quemadmodum in Isa. 4. cap. dicitur, Purgabit Dominus sordes filiorum Israël in spiritu iudicij, & spiritu ardoris.) postea autem fructus pacatissimos adfert exercitatis per eam. Hinc & Dauid Psal. 118. Bonum mihi, inquit, quod humiliasti me. Et iterum Psal. 93. Beatus quem tu corripueris Domine, &c vt mitiges ei à diebus malis, quibus scilicet impij perdendi sunt. Ideò iubetur:

Vt fructum plus afferat. Vbi manifestè vides quòd Dominus non affligit vt perdat, sed vt sanet, quemadmodum agricola putat palmites, non vt totum abscondat, sed vt purget, ad copiosorem fructum ferendum. Hinc Ieremias orat trigesimo cap. Castiga me Domine in iudicio: tamen non in furore. Et Sapiens Prouerb. 3. Noli negligere disciplinam Domini. Quem enim diligit corripit, &c. Hoc idem ad longum docet Paulus Hebr. 12. Duplicem igitur ex hoc verbo possumus habere consolationem, imò triplicem in aduersis. Primò, quòd Christus afflictiones nominat purgationem, per eas enim expurgantur reliquie peccati. Secundo, quòd dicit afflictiones idè immitti, vt plus fructificemus. Tertio, quòd dicit omnem pal-

Natura humana semper alta expetit.

Superbia omnes fructus bonos vitiat.

Petrus opus habuit purificationis.

Putatio seu purgatio fructus pacatissimos adfert.

Deus non affligit nos vt perdat, sed vt sanet.

Triplex consolatio pro fidelibus.

mitem

mitem sic purgari. Non enim solus es qui affligeris: idem con-
rigit omnibus sanctis: id quod Paulus diffusè probat ad He-
bræ. 11. & 12. cap.

*Vinitor quid
facturus sit
palmitibus in-
frugiferis.*

Item ostendit quid vinitor sit facturus palmitibus infrugife-
ris, hoc est, non ferentibus fructum: nempe, abiiciet eos, ne na-
tium succum alijs intercipiant. Sic Cain, Ismaël, Esau, Saul,
Achaz, Herodes, Iudas, hæretici, quum in malitia sua pergunt
peruersè viuentes, dum sectas confingunt, falsam doctrinā do-
cent, vt Lutherani, Caluinistæ, Anabaptistæ, &c. abiiciuntur.
Tunc enim abiicimur, quum aduersus Deum in tribulationi-
bus fremimus & indignamur, oppugnamus virtutes, studia
sancta, blasphemis prosequimur Ecclesiam, sacramenta, opera
pia, & omnem creaturam diris vouemus. Hoc euidenter argu-
mentum quoddā à Deo sumus abiecti & deserti: sed ipse nemi-
nem deserit, nisi desertus 2. Para. 12. Obseruandum ex terribili
hac sententiā maximè hoc est, quoddā patrem dicit non tantum
vepres excisurum, sed etiam quosdam palmites, hoc est, nō tan-
tum ethnicos eiecturum, qui iam igni adiudicati sunt, quia nō
credunt, Iohan. 3. Itemque manifestè malos, sed etiam otiosos.
Huc pertinet ficus illa sterilis à domino maledicta, Mat. 21. I-
tēque parabola de alia ficu quam paterfamilias omni anno
visitans, &c. semper infructuosam inueniens, tandem excindi
iussit. Luc. 13: hinc & Paulus Heb. 6. Terra quæ sæpe imbrem
suscipit, & tamen spinas germinat, maledictioni proxima est.

*Argumentum
euidens abie-
ctionis & de-
sertionis diui-
ne.*

*Formidolosa
& terribilis
sententiā pal-
mitem infra-
giferum à ve-
ra vite abiici,
excindi, & se-
uiri.*

Deinde terrorem auget quoddā dicit omnem palmitem infrugi-
ferum excindendum. Nullus enim latere poterit, nec oculos hu-
ius agricolæ fallere. Existimasti, inquit, inique, quoddā ero tui si-
milis, &c. Arguam te, & statuam, &c. Psal. 49. Item Sopho. 1.
Scrutabor Ierusalem in laternis. Maximè autem terret quod
dicit, Tolle eum, hoc est, à Christo seiunget, vt nihil commu-
ne cum ipso habeat: quo quid grauius comminari potuisset?
Hoc verbo suprā Petrum mirum in modum terruit, vt excla-
maret, Domine non tantum pedes, sed & manus & caput, To-
hau. 13. Audierat enim à Christo, Si non laucro te, non habe-
bis partem mecum. Deinde tollit, hoc est, auferet ei humorem
gratiæ, vt dictum est, quem acceperat: quemadmodum & ser-
uo infideli pecunia quam in terram defoderat, aufertur, Matt.
25. Hoc modo Iudas amisit gratiam quam acceperat. Sic &
Iudæi postea omnem Dei gratiam & fauorem amiserunt, A-
missa autem gratia quantum malorum sequatur, in Iuda &
Iudæis videmus. Demum tollit infructuosum palmitem à glo-
ria & congregatione sanctorum & felicitàte. Sic Isaias. 26.
ait: Tollatur impius ne videat gloriam Dei; In iudicio enim se-
parabit omnino oues ab hædis, Matt. 25. Quamquam igitur
nihil adhuc de pœna sensibilis gehennæ dicat. (hanc enim in-
fra

*Pœna pœna-
rum est alieni*

infra quoque explicabit) tamen etiam hic satis poenarum est, *esse à Christo,*
alienum esse à Christo, amittere gratiam, excludi à gloria. *amittere gra-*
dere igitur hic licet, quod non sine causa ad Ecclesiam, quæ est *tiam, excludi*
vineam domini, vocati sumus. Videmus etiam pia opera necessa- *à gloria.*
ria est ad salutem. Quod si sic punitur qui bonum fructum non
facit, quale iudicium eos manet, qui pessimos quosque fructus
faciunt? Si in viridi ligno hæc fiunt, in arido quid fiet? Luc. 23.

Summa: Palmes infructuosus, est fides sine operibus. Sequitur: *Palmes infra-*
tuosus fides
Iam vos mundi estis. Ne apostoli ex eo quod dixerat: Omnem *sine operibus.*
palmitem non ferentem fructum, tollet pater, terrentur, quæ- *Ioan. 13.*
si præter Iudam adhuc aliqui excindendi essent, dicit ipsos esse

mundos & sanos palmites. Solet enim pium cor ad omnia Dei *Cor pium ad*
iudicia contremiscere, & quo generalius proferuntur, eo magis *omnia Dei iu-*
timent ne in se recidant. Sic supra cum diceret Christus se ab y- *dicia contre-*
no ex ipsis tradendum, omnes exterriti fuerunt. Impius autem *misit.*
non timet Dei iudicia, nec credit, donec in ipsis caput recidat. *Impius nō ti-*
Cæterum quod mundos eos dicit, non sic intelligendum est, *met Dei iudi-*
quod omnino sine peccato essent. Nemo enim in hoc mundo *cia, donec in*
ad tantam munditiam peruenire potest, ut non necesse habeat *caput ipsius*
dicere: Dimitte nobis debita nostra, Matth. 6. In multis enim *recidant.*
peccamus omnes. Hinc & supra dixit, etiam his qui loti sunt
opus esse ut pedes lauent, Iohan. 13. Item quod pater etiam fru-

ctuosos palmites purgat, &c. Mundi autem erant Apostoli, *Apostoli quo-*
Primò, ab errore incredulitatis. Secundò, à peccatis mortalibus *modo mundi*
licet non omnino à venialibus. Tertiò mundi erant, quia *fuerint.*

propter fidem in Christum non imputabantur eis pecca-
ta. Mundi erant in Christo, & si in seipsis adhuc essent pecca-
tores. Solet enim scriptura credentes appellare sanctos propter *Credentes in*
sanguinem Christi quo mundati sunt, & spiritum sanctum *sacra scriptu-*
quem acceperunt. interim autem ipsi se non nisi peccatores iu- *ra appellantur*
dicant. Hinc Paulus. 1. Timoth. 1. Christus venit peccatores *sancti.*

saluos facere, quorum primus ego sum. Attendendus autem
ordo verborum: Primò pronuntiat eos mundos esse: quod pro-
culdubio summè lætificauit corda apostolorum. Quis enim
non optaret hanc vocem audire, remissa scilicet sibi peccata es-
se? Beati, inquit, (Psal. 31.) quorum remissæ sunt iniquitates,
&c. Pro hac enim remissione orat omnis sanctus in tempore
opportuno. Quanquam & nos hanc vocem si volumus, pos-
sumus audire in absolutione sacramentali, scilicet post con-
fessionem, &c. Verum ne Apostoli hoc vel sibi ipsis vel proprie
iustitiæ aut meritis adscriberent, addit: Mundi estis propter sermo-
nem: demùm addit, quem locutus sum vobis, ne putemus quem li-
bet, aut cuiuslibet sermonem mundare. Solus enim sermo
Christi mundat, non autem hominis sermo. Propter sermonem, in-
quit, quem locutus sum vobis. Hunc autem sermonem possumus

Solus sermo
Christi mun-
dat, non homi-
nis.

accipere velem quem de sua passione & resurrectione fecit, (per hæc enim mundamur) vel eum quo dixit (Iohan. 14. (Ego sum via, veritas & vita: Vel eum quo dixit; Pacem meam do vobis. Quid enim est pax Christi, nisi remissio peccatorum? Qui igitur pacem Christi habent, iuste audiunt: *Iam vos mundi estis propter sermonem*, &c. Potest etiam intelligi generaliter de quo cunque verbo Dei. Verè enim verbum Dei aut Christi mundat Mala. 3. Est enim quasi ignis conflans, & quasi herba fullonũ, vnde de Christo ibidẽ dicitur, sedebit cõflans & emundans argentũ, & purgabit filios Leui. Mundat autẽ verbũ Christi: Primò, quia cor concutit peccatoris, vt etiam in medio cursu peccatorum quasi subsistat. Vnde in Ieremia. 2. Verbum meum quasi ignis, & quasi malleus conterens petras. Et Paulus Hebr. 4. Sermo Dei viuus & efficax est, & penetrabilior gladio ancipiti. Secundò mundat verbum Christi, quia nos à mundo & ab impijs, segregat. Sic verbum Dei Abrahamũ eduxit & segregauit à terra & cognatione sua, & domo patris sui, Genes. 12. Hinc Christus Matth. 10. Non veni (inquit) pacem mittere, sed gladium, & separare hominem, &c. Tertiò mundat, quia omnia à nobis vitia amputat, & etiam ab omnibus membris. Neque enim verbum Dei aliquod vitium suffert, quod non reprehendat. Quartò mundat, quia ad omnia bona inducit & excitat. Vnde David Psal. 118. Ignitum eloquium tuum vehementer, & seruus tuus dilexit illud: Et iterum Psal. 118. Lex domini immaculata, conuertens animas: testimonium domini fidele, sapientiam præstans paruulis. Iustitiæ domini rectæ, latificantes corda: præceptum domini, lucidum, illuminans oculos. Quintò mundat, quia eum ostendit & ad eum dirigit, qui solus mundare potest. Non ad lacunas turbidas, sed ad ipsum fontem vitæ & puritatis Christum nos dirigit. Sextò mundat quia est ipsum instrumentum & medium, per quod Spiritus sanctus nobis datur, sic loquente Petro (Act. 10) Spiritus sanctus cecidisse legitur super omnes qui audiebant verbum. Demum etiam ideò mundat verbum, quia sacramentis dat virtutem mundandi & sanctificandi; alioqui si verbum detrahatur, nihil faciunt sacramenta, imò non sunt sacramenta sine verbo. Accedit enim verbum ad elementum, & fit sacramentum. Detrahe verbum baptismo, & quid est aqua nisi aqua? Igitur etiam in aqua verbum mundat: Hæc Augustinus, Hinc Paulus dicit, Ephes. 5. Quod Christus Ecclesiam quidem mundat lauacro aquæ: sed addit, in verbo vitæ. Sic verbum Christi etiam aliis sacramentis vim & efficaciam tribuit, &c. Videmus igitur verè dictum esse, nos mundari propter sermonem Christi. Palam item constat quantus thesaurus sit verbũ Dei, & quàm cæci simus, qui hunc thesaurum tam nihili pendimus.

*Verbum Dei
quotupliciter
nos mundat.*

Verbũ Dei instrumentum & medium per quod Spiritus S nobis datur. Verbũ Dei dat virtutẽ sacramenti, sine quo non sunt sacramenta.

Thesaurum ingis verbũ Dei.

Hoc

Hoc itaque verbo & apostolos, omnesque Christianos ad maiora hortatur, cum ostendit eos non frustra sibi inhæsisse, aut sermonem suum audiuisse. Quod si iam tanta acceperunt, quis dubitat eos maiora accepturos si persistant in fide?

3 Tertiò ostendit Christus qui sint præcipui cultus in vinea Domini, id est, in Ecclesia Christi: nempe fides, spes, charitas. Vult enim Deus ut ipsum colamus manentes radicati & fundati in fide & charitate in ipso: ita ut hæc charitas non tantum Deum amet, sed etiam in Deo, & propter Deum, proximum diligat. Et qui hoc facit, manet in Christo, estque verus eius palmes, & fructum expectatum adfert: ac Christus ei, tanquam viti palmes, per charitatem infertur, veritatem diuinam inspirat, inspirabitque quandiu à charitate non exciderit.

Cultus præcipui in Ecclesia Christi fides, spes, charitas.

2 Doctrina Ecclesiæ, & sacramentorum usus. Vult Deus, ut Ecclesiam sponsam suam, & matrem nostram, tanti faciamus, ut eius doctrinam & sacramenta veneremur ac suscipiamus, & à Christo in nostram salutem instituta confiteamur. Et verba Christi in illis manent, qui Ecclesiæ filij sunt obediētes, qui doctrinam eius, præcepta, & sacramenta suscipiunt tanquam diuina, & ab ipso Christo mandata, instituta & ordinata.

Ecclesia tanti facienda, ut eius doctrinam & sacramenta veneremur ac suscipiamus.

3 Animorum consensus in charitate, fide, doctrina, & moribus. Vult item Deus, ut sciamus solam fidem nulli unquam profuisse, nec profuturam ad salutem, nisi charitatem qua Deus nos diligit, & sui dilectores facit, habeamus: qua iustificamur, qua & Deum super omnia, & proximum sicut nos ipsos amamus. Et qui charitate mutua se amant, ac manent in Christo, non sunt seditiosi, nec tumultuantes, nec odii intestinis tumultu se prosequuntur. Sed cum Deus charitas sit, & qui manet in charitate, in Deo manet: charitas quæ omnia fert, omnia illa mala à corde abiicit.

Charitas non est tumultuosa nec seditiosa.

Et ut ad hanc salutiferam doctrinam capeffendam promptiores reddat, pollicetur precum ex auditionem, fructuum abundantiam, scilicet gratiam, remissionem peccatorum & alias virtutes: gaudium perpetuum, iusticiam, pacem, ac tandem coronam inmarcescibilem, quam reddet Dominus unicuique pro operibus suis. Hinc docemur insignem promissionem Deum facere iis qui in charitate & ex charitate orauerint: aded ut ei qui ita orat, totum se præbeat.

Sed est notandum quid Christus statim subiiciat, scilicet: Sicut dilexit me pater, & ego dilexi vos. Manete in dilectione mea. Si præcepta mea seruaueritis, manebitis in dilectione mea. Hinc constat.

1 Signum, ex quo possimus considerare num in dilectione Christi simus, necne. Nam quicumque seruauerit mandata Christi, (inquit ipse saluator) manebit in dilectione Christi. Ergo non ineptè inferimus, quicumque non seruauerit mandata

Signum ex quo cognosci queat num in dilectione Dei simus, necne.

Christi, non est discipulus Christi, etsi fidem habeat: sed manebit in ira & odio Christi. Est igitur fidelibus necessaria charitas, & obseruatio mandatorum Dei, vt gratiam Dei Domini nostri Iesu Christi adipiscamur, & in ipsa maneamus, & vt veros discipulos Christi nos esse cognoscamus.

*Fides sola non
sufficit ad con-
ciliandū nobis
Christum.*

2 Elicimus ex hac scriptura, solam fidem non sufficere ad conciliandum nobis Christum, nec ad promerendam eius gratiam, dilectionem & iustitiam: neque eius veros discipulos, neque amicos nos facere.

3 Elicimus hinc, contra scripturas sacras facere atque docere, qui aliter quā per dilectionem, & mandatorum Dei obseruantiam, in Christo fideles manere posse dixerit. Nos igitur si in dilectione Christi & eius gratia manere volumus, seruemus eius mandata, maneamus in ipso, & ipsius verba maneant in cordibus nostris, quæ viuens dixit discipulis, & discipuli nobis tradiderūt, de Ecclesia & eius capite, & authoritate, & hierarchico ordine: vt seruatis hīs mandatis, vitam possimus consequi æternam. Amen.

EPILOGVS.

1 Congrua valde & opportuna similitudine docet Christus se ea bona quæ in patre suo possidet, & quæ per crucem meruit, nempe, victoriam peccati, mortis, diaboli, &c. remissionem peccatorum, iustitiam, salutem, &c. non sibi soli retinere, sed credentibus velle communicare, dicens, Ego sum vitis vera, &c. Quod (vt ait B. Augustinus) dicit secundum quod est caput Ecclesie, nosque membra eius, homo Christus Iesus. Vnius quippe natura sunt vitis & palmites. Propter quod cum esset Deus, cuius natura non sumus, factus est homo, vt in illo esset vitis humana natura, cuius & nos homines palmites esse possemus.

2 Verbo Christi mundamur, & obediendo veritati per Spiritum sanctum cum charitate fraternā, Malach. 3.

3 Sine operibus nemo potest esse in Christo: O felices eos qui Christi palmites sunt, & ipsi per fidem & charitatem se in se ipsos cognoscunt, quique intelligunt, nihil gratiæ, nihil virtutis, nihil boni se habere, quod non à vite Christo proueniat. Recensentur item reprobatio & pœna auertentium se à Christo, cum dicit, Mittetur foras, arefcet, in ignem mittetur vt inutilis palmes, & ardet.

IN FESTO B. MARCI EVANGELISTÆ, EPISTOLA ET EVANGELIUM REPERIUNTUR in festis diuorū inter Pascha & Pentecosten occurrētibus.

*Litania duplex
maior, & mi-
nor.*

Hoc festo celebratur Romæ Litania maior, vtpote in maiori loco, scilicet Romæ & à maiori, puta Gregorio magno, necnon quia pro magno & grauissimo morbo pellendo
piè

piè instituta est. Alia quæ diebus rogationū fit, dicitur Litania minor, quia in minori loco scilicet Viēna & ab humiliori Episcopo, B. nempe, Mamerto tēpore Clodouæi regis inuenta fuit, ad varia cūm rerum, tum corporum & animarū pericula euadenda, Hæc Auitus archiepiscopus Viēnnensis, quem Ginnadius nominat inter viros illustres, & fuit B. Mamerti successor. Vtraque iam per totam Ecclesiam recolitur, & quod olim sanctè animo conceptum fuit, hodie Psalmis ac precibus sancta mater Ecclesia inclamat.

Litania Græcè apud nos supplicatio seu rogatio est, & fundata, &c. Luc. 18. Vbi dicitur, Oportet semper orare, & nō deficere. Item. 1. The. 5. cūm Apostolus dicit, Sine intermissione orate, in omnibus gratias agite: Hæc est enim voluntas Dei in Christo Iesu in omnibus vobis. Nā si semper est orandū, certè etiā tum est Deo supplicandum cūm obedientiæ sacramento ad hoc obsequij genus inuitamur. Quod bonū est tenete, ait Apostolus. 1. The. 5. Pessimè ergo Apostolastri Litanias, Aduentū, Ieiuniū quadragesimale, Parasceuen & hoc genus pias institutiones abrogant; Bacchanalia verò, Martinialia conuiuia, Pen tecostales cōpotationes, psittaci iocos, & arcus exercitia & plurima id genus pessima prorogantes. Præposteri hī planè reformatores abusuū sibi censuram vsurpant, noctem vertentes in diem, & tenebras in lucem. Vnde nec alios suos habēt admiratores quā tenebrarū filios. At filij lucis norunt Litaniam esse maiore quæ in die S. Marci peragitur, & est à S. Gregorio summo pontifice Romę instituta: esse etiā minorem quæ certis diebus, rogationū dies, appellatis exigitur, & esse in Galliis institutam à S. Mamerto Viēnnensi archiepiscopo. Perquā necessariū esse arbitror vt catholici istis diebus exhortētur, vt Ecclesiæ hunc, scilicet, supplicandi ritū perpetuare studeāt. Perpetuabunt tunc potissimū cūm ipsum ab omni abusu vindicauerint. Abusus est, sine verbi Dei prædicatione vltro citroque cursitate garriendo, ridēdo, vociferando, &c. Cantui qualicūque plurimum, declamationi verbi nihil tribuere: Garrulitas leuis vulgi, & hoc genus abominationes nulla cēsuraleuissimi cleri possunt cohiberi. Verbū Deigladius est, etiā ipsas penetrās ossium medullas. Huius sedula denuntiatione possunt tam clerici, quā plebis abusus corrigi, cūm etiā eo Antichristus, deniq; sit conficiendus. Optimus supplicandi modus necnon impetrandi docetur Ioēlis 2. cap. Canite, inquit, tuba in Sion, sanctificate ieiuniū, vocate cœtū, cōgregate poplū, sanctificate Ecclesiā, coadunate fenēs, cōgregate paruulos & sugētes vbera. Egrediatursponsus de cubili suo, & sponsa de thalamo suo. Inter vestibulū & altare plorabunt sacerdotes ministri Domini, & dicēt, Parce Domine, parce populo tuo, &c. Vide & lege etiā Ionæ 3. cap.

Litania quid interpretetur. Litania fundata est in sacro literis.

Præposteri reformatores haeretici.

IN FERIIS PHILIPPI ET IACOBI

APOSTOLORVM EPISTOLA.

Sapient. 9.

Stabant iusti in magna constantia aduersus eos qui se angustiauerunt, & qui abstulerunt labores illorum: Videntes turbabuntur timore horribili, & mirabuntur in subitatione inasperata salutis: gementes pre angustia spiritus, dicens intra se penitentiam agentes, & pre angustia speritus gementes: Hi sunt quos habuimus aliquando in densam & similitudinem improperij. Nos insensati vitam illorum aestimabamus inanis, & finem illorum sine honore: ecce quomodo computati sunt inter filios Dei, & inter sanctos Dei fors illorum est.

Vita piorū & impiorū in hoc seculo dispar.

Hac lectione docemur duo. Primò, quod sit discrimen inter piorum & impiorum vitam. Pij in hoc mundo varijs circumaguntur exercenturque tentationibus, molestiis, tristiis, afflictionibus, miseri. Spectacula sunt mundo & angelis, omnium periplemata & reiectacula. 1. Cor. 4. Tota die morti destinantur, non secus atque oues abducuntur ad occisionem, Psal. 43. Exemplo sunt Lazarus, Luc. 16. Naboth. 3. Reg. 21. Impij contra hinc summa fruuntur pace, tranquillitate, lætitia, voluptate, & omnium rerum breuiter abundantiā. Hi aded non affliguntur vnquam, vt ab omnibus etiā maxima vi defendantur. Imò vsque aded rerum potiuntur passim, vt nemo illis, si maximè velit, possit vim inferre. Exēplo sunt, diues ille epulo, Achab, Iezabel, &c.

Sors & finis piorum & impiorum.

2 Secundò docemur, quis & qualis futurus sit finis piorū & impiorum, qualemque sortem accepturi sint post hanc vitam. Audiamus de vtriusque Paulum. 2. Thess. 1. sic differentē: Nos ipsi (puta Apostolus & Sylluanus) de vobis gloriamur in Ecclesijs Dei de tolerantia vestra & fide, super omnibus persecutionibus vestris & afflictionibus quas sustinetis, documentū iusti iudicii Dei, vt digni habeamini regno Dei, pro quo & patimini. Siquidem iustum est apud Deum, reddere his qui affligunt vos, afflictionem: & vobis qui affligimini, relaxationem nobiscum, cum reuelabitur Dominus Iesus de cælo cum angelis potentie suæ, cum incēdio flammæ, qui infligit ultionem his qui non nouerunt Deum, & qui non obediunt Euangelio Domini nostri Iesu Christi, qui pœnam luent interitum æternum à facie Domini, & à gloria fortitudinis illius, cum venerit vt glorificetur in sanctis suis, & admirandus fiat in omnibus credentibus. Quemadmodum enim vtrorunque vita inæqualis est, sic dispar quoque exitus. Pij verò cum præsens vita transmissa fuerit, in die nimirum iræ, quando vniciue retribuetur secundū sua facta, (Matthæi 25. Romanorum 14. 2. Corinth. 5.) stabunt in magna constantia aduersus impios, connumerabuntur inter filios & sanctos Dei, donabuntur æterna pace, fruentur gaudijs cælestibus. In summa: mœror illorum vertetur in lætitiā,

Vita inæqualis dispar futurus est exitus.

Piorū sors post hanc vitam.

nam, inopia in diuitias, miseria in voluptatem, afflictio in gloriam, Ioan. 16. Apocal. 21. Qui, inquam, hinc angustiantur propter iustitiam, tunc (hoc est, ut diximus, in iudicio) in constantia seu fiducia consistēt maxima, qui hinc suis inmeritis exuuntur bonis, tunc æternis ditabuntur: qui hinc impiis habentur (pro ipsorum libidine) vel derisui, vel improprio, tunc summo in honore habebuntur: qui denique hinc censentur impij ac Dei hostes, computabuntur tunc inter filios Dei, interque Dei sanctos piissimosque fors illorum erit. Dominus enim vindex est miserorum, qui etiam pauperum se assertorem futurum promisit, Matth. 5. Luc. 6. Interim animæ occisorum iacent sub altari, voce magna clamitantes: Domine qui sanctus es & verax, quando tandem vindicas sanguinem nostrum de his qui habitant in terra? An qui finxit aurem, non audit? Qui finxit oculum, non considerabit? Deus non faciet vindictam electorum suorum clamantiū ad se die ac nocte: & patientiam habebit in illis? Dico vobis, quia citò faciet vindictam illorum. Luc. 18.

Deus miserorum vindex, & pauperum assertor.

At contrā diuersissima fors impios manebit. Ipsorum nanque pax momentanea vertetur in turbationem sempiternam, tranquillitas brevis in æternam destructionem, labilis læticia in perennem tristiciam, voluptas fluxa in miseriam perpetuā. Et qui hinc angustiarunt pios, manus sanguine innocentum imbuerūt, oculosque suos cruore humano satiarunt atque oblectarunt, tum præ angustia spiritus gement, timebuntque sibi admodum, qui hinc aliorum auferunt labores, tum bonis omnibus destituentur, qui & derident & opprobriis afficiunt pios, tum vicissim deridebuntur, ac confundentur æternum: qui hinc denique sese vendicant pro sanctissimis, aliosque præ se condemnant, tum in numero filiorum Belial ac impiorum deprehenduntur. Diffusè hæc docet Isaias cap. 64. Tum agnoscant pios, sed serò. Cuperent se eorum gloriam non videre, sed videbunt, & dentibus frendent. Non est enim minimum impiorum supplicium, quod vident beatitudinem eorum quos ipsi in hoc seculo infelices sunt arbitrati, & nunquam non ludibrio habuerunt. O quam horrenda diuitis purpurati, etiam Lazaro & Abrahamo miserranda mendicitas, qua saltem guttulam rogans aquæ repulsam patiebatur, Luc. 16.

Sors impiorum post hanc uitā.

Supplicium non minimum impiorum, quod vident prius beatitudinem.

Tum poenitebit eos impietatis, sed nimis serò. Sera poenitentia, quæ in illum differtur diem. In die iræ frustra gratia petitur. Omnia suum habent tempus. Temporibus medicina prodest. Hinc prædicatur poenitentia, sed ecce impij culpas culpis aggrauant. Vnde qui sua peccata hinc confiteri & corrigere negligit, in futuro seculo hoc facere vellet, sed nō poterit. Hinc spes: quam qui per bona opera certam sibi facere supersedit, per

Poenitentia impiorum sera. Temporibus medicina prodest.

carnem suam mundi præstigiis seductus perit. Posthac confitebuntur impij, primò, vt alios præ se contempserint. Secundò, vt ipsi malè vixerint. Quos hîc damnauerit tanquam iniustos; illic iustitiæ admirabuntur: se verò tunc culpabunt, quorû hîc suiphius accusator nullus esse voluit.

Hoc iam discrimen probè obseruemus fratres. Expendamus vtrorunque vitam, vtrorunque mortem, finem ac præmiû. Sed ita expendamus, vt meminerimus nos alterutram partem sequi oportere, velimus nolimus. Nihil enim tertium est. Si ergo cõsultum nos saluti nostræ cupimus, ne simus in impiorum tyrannorumque sodalitiis, quantumlibet hi hîc benè habeant. Nā si hîc coram mundo pacificè, tranquillè, lætè ac voluptuose viuere animus sit, non est quod putemus nos coram Deo substitutos in iustorum numero. Nam dicit apertè Psalmista Psal. 1. Non resurgent impij in iudicio, nec peccatores in concilio iustorum. Sed laboremus vt simus in piorum seu iustorum commercio, quantumlibet hi opprimantur, affliganturque hîc, si coram Deo consistere velimus, inque iustorum referri catalogum. Nam qui ad beatorum sortem pertingere cupit, in mundo afflictiones, dolores, tristitias, morbos, paupertatem, misérias patiatur necesse est. Necesse est, inquam. Quemadmodum enim lucem necessariò comitatur umbra, sic quoque necessariò pietatem sequitur afflictio, Act. 14. 2. Timo. 3. Eligamus ergo momentaneam afflictionem, vt consequamur gloriam æternā. Eligamus breuiusculam mœstitudinem, vt adipiscamur gaudium sempiternum. Eligamus miseriam temporaneam, vt voluptatem nanciscamur nunquam finiendam, Moysi exemplo. Heb. 11. Longè enim præstat, hoc in mundo ad tempus modicum angustari, spoliari, derideri ac daminari, quàm illic torqueri æternum. Nam id quod in præsentī est momentaneum & leue tribulationis nostræ, supra modum in sublimitate æternū gloriæ pondus operatur in nobis, &c. 2. Corinth. 4.

EPILOGVS.

1 Sors iustorum & impiorum in hoc mundo adumbratur varia. Hoc nimirum in mundo varia incommoda excipere oportet pios, impij e contrario omnem suam egregiè explent libidinem.

2 Constantia iustorum posthac ostenditur, quòd scilicet iusti iniustos vicissim reos agent. Hac Græcè vocatur parthesia: item impiorum conturbatio terrificæ, & eam epestasin vocant. Vnum saltem instanti horrore est remediû, nempe vt peniteamus subito, ne nos mox præueniat mors.

3 Dispar vita disparē sortitur exitum. Nam gloria Christi manet miseros, quos mundus hîc videt: idola autem gloriosi huius mundi, cruciatus æternus, ululatus, & stridor dentium, Matth. 22.

IN

*Sodalitium
impiorum su-
gisandum.*

*Commercium
piorum ample
stendum.
Ut lucem ne-
cessariò comi-
tatur umbra,
ita pietatem
necessariò se-
quitur affli-
ctio.*

IN FERIIS EORVNDem APOSTO-

LORVM, EVANGELIVM.

In illo tempore, Dixit Iesus discipulis suis: Non turbetur cor vestrum. Creditis in Deum, & in me credite. In domo Patris mei mansiones multe sunt. *Ioan. 14.* si quò minus: dixissem vobis, Quia vado parare vobis locum. Et si abiero, & preparaverò vobis locum: iterum venià, & accipiam vos ad meipsum, ut ubi sum ego, & vos sitis. Et quò ego vado scitis, & viam scitis. Dicit ei Thomas, Domine, nescimus quò vadis, & quomodo possumus viam scire? Dicit ei Iesus, Ego sum Via, Veritas, & Vita, nemo venit ad Patrem nisi per me. Si cognovissetis me, & Patrem meum utique cognovissetis: & amodo cognoscetis eum, & vidistis eum. Dicit ei Philippus, Domine ostende nobis Patrem, & sufficit nobis. Dicit ei Iesus, Tanto tempore vobiscum sum, & non cognovistis me? Philippe qui videt me, videt & patrem. Quomodo tu dicis, Ostende nobis Patrem? Non creditis quia ego in Patre, & Pater in me est? Verba quæ ego loquor vobis, à meipso non loquor: Pater autem in me manens, ipse facit opera. Non creditis quia ego in Patre, & Pater in me est? Alioquin propter opera ipsa credite. Amen amen dico vobis, qui credit in me, opera quæ ego facio & ipse faciet, & maiora horum faciet, quia ego ad Patrem vado. Et quodcunque petieritis Patrem in nomine meo, hoc faciam: ut glorificetur Pater in Filio.

In hoc Evangelio Christus facit tria.

In Consolatur suos discipulos contra imminentem crucem, *Consolatio contra crucem, promissio cælestis habitationis apud patrem.* promittitque cælestem habitationem apud Patrem. In hac consolatione utitur valde familiaribus verbis, ut facile sit videre quantè diuinum eius cor amore in discipulos flagrarit, necnon quàm sollicitam eorum curam habuerit, ut etiam suæ passionis obliuisceretur. At autem, Non turbetur cor vestrum, neque formidet. Signanter dicit, Non turbetur cor: tum quia impossibile est ut natura non turbetur & exhorreat crucem, id quod & in Christo videmus, tum ut doceat consolationes suas cor respicere, non corpus. Externo enim homini crucem imponit, internum consolatur. Sic enim utriusque cōuenit: Crux externo, ne lasciuiat: quia qui delicatè nutrit seruum suum, inueniet eum contumacem, Prouerb. 29. Cibaria ergo & virga & onus asino: panis & disciplina & opus seruo, Eccl. 33. Consolatio interno homini, ne deficiat. Psalm. Secundum dolorem in corde meo consolationes tuæ lætificauerunt animam meam. Non igitur prohibet quamcunque turbationem, (quomodo enim pater continud moriturus tantam à pupillis suis exigeret fortitudinem, ut secum pariter ad mortem duci non vereantur?) sed inordinatā, quæ rationem præuenit, & impedit, paci quæ & tranquillitati opponitur: quæ turbatio consurgit ex animi passione inordinata, tristitia scilicet, ira, aut dolore.

Est autem hic verborum sensus: Quoniam satanas expetiuit vos ut cribraret sicut triticum, & tanta trituræ vis erit, ut dispergami omnes, & me solum relinquantis: hoc vnū restat *Luc. 22.*

persuadere, vt corporaliter disperfi, ſaltem corde imperturbato permaneatſi mecum in tentationibus meis. Ne turbemini ergo, etiam ſi audiatſi me moriturum, neque ullus metus vos opprimat: non enim ita abeo, vt omnino ſeparer à vobis, ſed vt habitu meo maiora vobis bona acquiram & parem. Deinde nō formidet cor veſtrum de veſtra perſecutione. Non enim tanta ingruent mala quæ à Deo vos ſeparant: non derelinquemini in aduerſis. Eſt autem hic locus ampliſſima conſolatio in aduerſis. Hinc enim diſcimus, quodd & ſi Deus tempore aduerſitatis videatur abire, abſcondendo conſolationes, gaudia, vitam, ac felicitatem, & relinquēdo in nobis aduerſa, triſtitias, mortem, dānationem, interim tamen hoc habitu ſuo vera nobis bona parat, adeo vt abſconſio Dei ſub cruce, non ſit perpetua piorū derelictio, ſed maiorum bonorum officina. Vnde non immeritō monet Iac. i. Omne gaudium exiſtimate fratres, ſi in tētationes varias incideritis, ſcientes quodd probatio fidei veſtræ patientiā operatur, &c. Quis enim turbationi dabit locum in corde ſuo, cū audiat Chriſtum dicentem, Non turbetur cor veſtrum, neque formidet? nobis dicūt illa verba, nobis loquitur Chriſtus, vt non turbeamur, neque formidemus, quamuis hinc Turca, illinc Mauri, aliunde Lutherani, & reliqui hæretici in nos inſurgant. Summatim docens oportere certatim omni abiectō terrore labores & pericula pro vera gloria libenter ſubire. Magnum enim fortitudinis fundamentum eſt mēs & animus non turbatus.

Conſolatio ampliffima in aduerſis.

Abſconſio Dei in cruce nō eſt perpetua piorū derelictio, ſed maiorum bonorum officina.

Magnum fortitudinis fundamentū, mēs & animus nō turbatus. Munitio cōtra ſcandalum crucis.

Luc. 24. Indicat Chriſtus ſe Deum eſſe, & Deo æqualem, unde & animi fiducia in ipſo collo. anda. Math. 11.

Creditis in Deum, & in me credite. Quemadmodum priori verbo eos cōſolatus eſt de ſuo diſceſſu, & ipſorū perſecutione, ſic hoc verbo eos munit contra ſcandalū crucis. Quia enim Chriſtus crucifigitur, non creditur eſſe ſalutis auctor. Vnde & diſcipuli dicebant: Nos ſperabamus quodd ipſe redempturus eſſet Iſraēl. Igitur hoc verbo indicat ſe Deum eſſe, & Deo æqualē, indicatq̃ne ſe reſurrecturum, quaſi dicat: Si in Deum creditis, id eſt, ſi ipſum iudicatis potentem, quem nulla vis aut potentia deprimere poteſt, bonum ſupremum, in ipſoq̃ue animi veſtræ fiducia collocatis, ſperantes quodd poſſit vos liberare? idē de me vobis pollice mini, certi q̃; eſtote nec tantillum maietatis meæ quam habeo in patre, poſſe propter crucem futurā perire. Credite in me, qui ſum æqualis patri. Sic alibi monet, Beatus qui non fuerit ſcandalizatus in me.

Docemur ergo hoc verbo ne alios iudicemus Deo cōtrarios, ſi videamus eos aduerſa pati, dummodo non propter impietatem patiantur; deinde ne putemus nos à Deo reiectos aut omnino perituros, ſi aduerſis ſubdamur, quandoquidem & Chriſtus mala quidem perpeſſus eſt, nec tamen idē minus à Deo dilectus, nec quicquam illi propter hoc deceſſit. Hoc tantū qui-

quilibet curet, ne patiatut vt homicida, aut alioqui impius. Si autem patitur citra suum demeritum, beatus est. Si exprobramini in nomine Christi, beati eritis, ait Petrus.

1. Pet. 4.

Matth. 5.

1. Pet. 3.

Græci legunt: *Credite in Deum, & in me.* &c. Secundum hoc igitur docet quibus armis se præmunire debent aduersus omnia mala, nempe, fide in Deum. Hoc enim est scutum illud in quo omnia tela nequissimi illius ignea extinguuntur. Hęc est victoria quæ vincit mundū, fides nostra. His armis gloriatur Dauid, cum dicit: Dominus illuminatio mea & salus mea, quem timebo? Credamus ergo & nos Iesum Christum Patri æqualē potentia, maiestate ac gloria. In eī credentes, speremus quodd nisi nostra peccata impediānt, nos liberaturus sit de ore leonis. Si Deus pro nobis, quis contra nos? Rom. 8. Dominus mihi adiutor: non timebo quid faciat mihi homo. Psal. 117.

Fides scutum
aduersus omnia mala.

Ephes. 6.

1. Ioan. 5.

In domo Patris mei mansiones multe sunt. Quasi dicat, Si satan & Iudei impij tyranni vos ad suas sedes admittere noluerint, ne turbetur cor vestrū. Nam in domo Patris mei mansiones multe sunt. Dulcissima consolatio ex hoc quoque verbo elicitur. Quid amabilius nobis vel familiarissimus amicus promittere potuisset, quā si dicat, si alibi non est tibi locus, si incerta sede vagaris, diuerte ad me, non in viciniam, non in hospitium, sed in domum Patris mei: te gratisimo animo excipiam. Hanc habitationem optauit Dauid, quando dicebat (Psal. 26.) Vnā petij à Domino, hanc requiram, vt in habitem in domo Domini omnibus diebus vitæ meæ. Item Paulus, Philip. 1. Cupio dissolui, & esse cum Christo.

Dulcissima cō
solatio, quod
incerta sede va
gantibus pro
mittuntur mā
siones stabiles.

Eandem verbum hoc sententiam habet, vt illud Luc. 12. Nolite timere pusillus grex, quia complacuit Patri vestro dare vobis regnum. Sic hic sensus est, Non est quod vel propter meum abscessum vel vestrū periculum despondeatis animum. Iam enim vobis paratum est regnum patris mei ab exordio mundi, & electi estis antequam iacerentur fundamenta orbis. Proinde non est quod vobis possit incommodare siue peccatum, siue mors, siue mundus, siue diabolus. Nemo enim potest electos rapere de manu Patris mei. Domus autem Patris ipsum celum est, vbi sancti æternū requiescunt, lætantur, & Deus in sua gloria conspicitur. Huius regni promissione & spe contempefunt sancti omnia regna mundi, & ornatum seculi, mortem, tyrannos, &c. Hac fide Moses grandis effectus est, & negauit se esse filium filiæ Pharaonis, magis eligens cum populo Dei affigi, quā temporalis peccati habere iucunditatem: maiores diuitias æstimans thesauris Aegyptiorum, improprium Christi, respiciebat enim remuneratorem. De hac promissione exultauit Dauid, dicens: Lætatus sum in his quę dicta sunt mihi in domum Domini ibimus.

Ephes. 1.

Domus Patrē
calum est.

Heb. 11.

Psal. 122.

In celo sunt mansiones stabiles, certæ & perpetuæ.

Hob. 13.

Mansiones ab æterno paratæ sunt, sed in solo Christo, per solum Christum, & propter solum Christum.

Capacitas cæli

Baruch. 3.

Differentia futura gloriæ.

1. Cor. 15.

Vna beatitudo est omnium electorum quo ad obiectum, sed secundum diuersa merita diuersa sunt dona gloriæ.

Isa. 64.

Emphasim habet & illud quod dicit: In domo Patris sunt mansiones. Non tantum habitationes ad tempus durantes, sed mansiones stabiles, certæ & perpetuæ. Hic enim non habemus manentem ciuitatem, sed futuram inquirimus, &c. Item 2. Corint. 5. Cum domus hæc nostra dissoluitur, scimus quoddam ædificationem habemus ex Deo, domum non manu factam in cælis, &c.

Verum hic quæstio oritur: nempe, si paratæ fuerint cælestes mansiones ante Christi aduentum, cur ergo is venerit, & quomodo ipse suo abitu parauerit locum? Respôdemus: Sunt quidem paratæ mansiones illæ electis, antequam etiâ mundi fundamenta iacerentur, sed in solo Christo, per solum Christum, & propter solum Christum mediatorem & intercessorê: ideoque non potuit aperiri ianua & aditus ad eas, nisi Christus easdem & sua doctrina ostenderet, & suo abitu referaret. Heb. 10. Non est enim virium humanarum accedere ad Deum, ascendere in cælum, iustificari & saluari. Ioan. 3. Nemo enim ascendit in cælum, nisi qui descendit, &c. sed solius Christi hoc opus est, tùm deniq; obstabant peccata & maledictio, iraque Dei. Necessarius igitur erat Christus, vt nos à peccatis munderet, & spiritu suo ad mansiones suscipiendas præpararet & confirmaret, accessum nobis ad cælum & ad Deum pararet.

Ostendit Christus hoc verbo: Primum cæli capacitatem dicendo, Ibi mansiones multæ sunt: iuxta illud: O Israël quàm magna est domus Dei, & ingens locus possessionis eius! Deinde per hoc verbum indicat etiam differentiam futuræ gloriæ. Sicut enim stella à stella differt in claritate, sic erit & resurrectio mortuorum. Et sicut alia est claritas Solis, alia Lunæ, alia stellarum, sic & mansiones multæ sunt, & in gloria differunt. Veruntamen omnes in firmamento immortalitatis & incorruptionis stabilitæ sunt, quemadmodum & stellæ. Vna quippe beatitudo est omnium electorum quo ad obiectum, sed non æqualiter ab omnibus participatur: quinimo sicut diuersa sunt merita viuientium, sic diuersa sunt dona gloriæ. In summa retributio certa est, tantum vt nos parati simus, & viam aggrediamur, eoque tendamus.

Si quò minus dixissem vobis: quia vado parare vobis locum. Quasi dicat, Si quò minus, id est, si aliter res se haberet, ac soli mihi esset locus, dixissem vobis modò: quia vado vobis parare locum. Auferam de medio animarum voratores, satanam, mortem, infernum, vt liberum ac tutum habeatis aditum ad Patrem: quod non fieret, nisi mea morte intercedente. Nunc igitur non dico paraturum mansiones, sed vos parabo mansionibus, quia adhuc estis in peccatis vestris omnes filij Adam, quemadmodum ingenuè falsi sunt prophete. Facti, inquit, sumus immundi omnes, &c.

&c. Vado ergo lauare vos à peccatis vestris in sanguine meo, vt digni sitis introire in illas sydereas mansiones, in illa cælestia sancta sanctorum, vt sitis regnum & sacerdotes: quia non aliter suscipient vos illæ mansiones, iustè ac legitimè hætenus ex hæ redatos pro communis patris veltri vitio, nisi per me alium patrem, secundum scilicet Adamum in morte mea vos regenerantem, introducami, ordine iustitiæ seruato. Verè igitur parauit Christus nobis locum, moriendo, Spiritum sanctum mittendo, & pro nobis Patrem interpellando. Nam in passione oràs cum lachrymis, exauditus est pro sua reuerentia. Hebr. 5. Et quid certius verbo Dei, quod permanet in æternum? Si quod minus, dixissem vobis. Quia quæ Christus tradit, indubitata fide vult à nobis credantur. Ipse sua bonitate præcedit, vt iter quod nobis est ingrediendū, prius à latronibus liberet, potestates aereas vincat, liget, praua directa faciat, & montes humiliet, & conualles impleat, Isa. 40.

Locum quomodo nobis Christus parauerit.

Si abiero, & præparauero vobis locum: iterum venio, & accipiam vos ad meipsum: vt vbi sum ego, & vos sitis. Quasi dicat, Et quamuis modò discedam, non vos prorsus deferam. Longè mihi chariores estis, quàm vt vos inter tor lupos ac tyrannos absque consolatione relinquam, non ita ingrediar in regnum Patris mei, & dominium super peccatum, mortem & diabolum, vt illud mihi soli retineam, sed vt & vobis illud parem. Sicut enim non mea causa descendi in carnem, sed vestra: sic & vestra causa nunc iterum ad regnum Patris contendo. Iterum igitur venio ad vos, scilicet, resurgendo à mortuis, pace inter Deum & vos reformata, pacem & remissionem vobis annuntians ascendendo, & Spiritum sanctum mittendo. Nihil igitur aliud vult, quàm quod Dauid dicit Psal. 67. Ascendit in altum, dedit dona hominibus. Abiit siquidem morte, rediit autem resurrectione, ascensione, spiritus sancti missione, quibus rebus sese proprium nobis donauit, & distribuit, dicens: Ecce vobiscum sum omnibus diebus vsque ad consummationem mundi, Matth. 28.

Abiit Christus suos non deseruit, sed profuit.

Reditus Christi quid sitis vobis.

Vel sic potest accipi: Iterum veniam, tempore mortis, vel in iudicio futuro, carnis resurrectione, iuxta illud, Ecce venio cito, & merces mea mecum: itè iuxta illud 1. Thes. 4. Ipse Dominus veniet in iussu & voce archangeli, &c. & tunc in sedes illas vobis ab origine mundi destinatas vos assumam; vt vbi ego sum, illic & vos sitis. In huius figura Ioseph olim fratres suos ad se assumpsit, ne perirent fame in terra Chanaan, Genes. 46. Maxima etiam consolatio in his verbis latet. Nihil enim suauius, nihil grandius nobis polliceri potuit, quàm cum ait: Vbi sum ego, illic & vos sitis. Admirantur cæli, paudent inferna, vbi audiunt hominè cum Deo futurū, creaturā cum creatore, seruum

Apo. 22.

Figura aptissima.

Suauius & grandius nihil, quàm vt ibi sit, adoptatus, vbi est vnica.

seruum

*Nomen Christi
quid compre-
hendas.*

seruum cum Domino, peccatorem cum ipsa sanctitate. Sicut enim Deus benedixit Laban propter Iacob (Gen. 30.) Aegypto propter Ioseph (ibid. 39.) Syriæ propter Naaman (4. Reg. 5.) & Persiæ propter Danelem: ita propter Christum & propter nomen eius, id est, propter incarnationem, natiuitatem, passionem ac mortem, atque propter alia sacramenta & mysteria generis humani concedit nobis Deus omnia quæ ad salutem corporis & animæ sunt necessaria. Ita propter sanctos ac iustos seruat regna, ciuitates, imperia, priuatas edes; in ipsisque pacem & temporalia interdum multiplicat. Ita etiam propter dilectum suum filium atque sanctos Ecclesiam catholicam immunem seruat ab hæredibus. Idem (ex Apostolorum traditione) in fine earum orationum quas vniuersalis canit Ecclesia, semper concluditur: Per Dominum nostrum Iesum Christum, id est, per virtutem passionis eius & mortis, petimus nobis cōcedas quod supplicamus. Ambrosius lib. de Isaac & anima ait, loquens de Christo, Ipse enim os nostrum est, per quod Patri loquimur: oculus noster, per quem Patrem videmus: dextera nostra, per quam nos Patri offerimus: quo nisi intercedente, nec nobis, nec sanctis quicquam cum Deo est. Si cuti enim nihil Deus Pater nobis concedit, nisi per Christum, ita nihil à nobis ut gratum accipit, nisi per Christum oblatum.

*Apostolica tra-
ditio est oratio
nes concludere
in nomine Do-
mini nostri Ie-
su Christi.*

*Os nostrum, o-
culus noster, et
dextera nostra
Christus.*

Et quò vado scitis, & viam scitis. Quibus verbis ostendi quan-
ta iam acceperint, & quid ipsis restaret. q.d. Quò vado scitis.
Nam Deum Patrem ad quem vado, in meipso ostendi vobis,
ad hæc meipsum (qui sum via ad Patrem) vobis manifestaui,
primò prædicatione verbi mei, deinde voce Patris supernè de-
lata, postea miraculis, postremò glorificatione mea, quam ali-
quibus vestrum ostendi in monte Thabor. Huc accedit quòd
vos ipsi confessi estis me esse filium Dei. Nihil igitur ad felici-
tatem vestram deest, nisi quòd nondum nec patrem nec mere-
velatè cognoscatis. Absoluam autem & hoc opus per crucem
& mortem meam, qua inpetrabo vobis spiritum sanctum. Is
enim docebit vos omnia, & clamabit ad Deum in corde vestro
Abba pater: hoc est, declarabit manifestè Deum esse patrem ves-
trum, & vos per me filios Dei. Monemur & nos hoc verbo co-
gitare quanta acceperimus præ aliis, ut grati simus, & benè uti-
mur acceptis: alioqui verbuni hoc nobis omnem excusatio-
nem auferret.

*Patrem in se-
ipso Christus
ostendit Aposto-
lus, atque sup-
sum variis ma-
nifestauit mo-
dū.*

Matth. 1.

Matth. 17.

Matth. 16.

Ioan. 14.

Gal. 4.

Dicit ei Thomas, Domine nescimus quò vadis, & quomodo possumus
viam scire? Obiectio hæc Thomæ occasionem inde sumpsit,
quòd dixerat Dominus scire discipulos quò ipse vaderet, &
viam etiam illos scire. Hoc igitur utrunque negat Thomas, sci-
re nimirum se aut locum, aut viam, quò & quà iturus ille esset:
nò quòd mendacij cum arguere voluerit, sed tantum prodit &
inge-

ingenue fatetur suam ignorantiam & carnalitatem, vt Christum prouocet ad clariù ostendendum quòd ire vellet. Verùm docemur nos hinc, quàm profunda sit ignorantia in rebus Dei, & ad Christi regnum pertinentibus. Consolationem quoque hinc (& inde præsertim, quòd Christus tam leniter & patienter fert Thomæ inscitiam, ipsumque ad meliora instruit) haurimus, ne scilicet ilico despondeamus animum, nosqueriectos à Deo esse putemus, si quando in fide titubauerimus, & nos non statim operibus, & verbo Dei accommodauerimus per omnia, modò tamen instrui nos sinamus, & parati simus meliora amplecti. August. Errare, inquit, possum, sed hæreticus esse non possum.

2. Secundò, Si de via dubitauerimus, docet se esse viam ad patrem. Dicit enim: Ego sum via & veritas & vita. Thomæ mirum videtur, quòd Christus dicat eos viam scire. Ided respondet, Domine nescimus quo vadis: & quomodo possumus viam scire? Sed quomodo hæc conueniunt? Christus ait eos viam scire, Thomas autem negat. Sciebant discipuli Christum passurum, & confitebantur eum esse filium Dei: sed hæc confessio fuit infirma, fuitque adhuc in eis quædam incredulitas (vt dictum est) & scripturæ ignorantia. Sed Christus dignatur Thomam illustri responso, quò evidentissimè explicat se vnicum esse saluatorem; & extra se non esse salutem: se, inquam, esse viam vnicam ad patrem, per quem solum iustitiam & salutem consequamur: se esse veritatem, qui & ipse natura verax sit, & nos veraces faciat, extra quem omnia sint mendacia ac vanitas, se esse vitam, qui solus sit immortalitatis fons, qui solus viuificet, & æterna vita nos donet. In summa, se esse omnia in omnibus, & ait: Ego sum via, & veritas & vita: Quo verbo nos oēs cōsolatur & roborat in omni tentatione, & maxime in morte. Ego, inquit, sum via, per me euadetis. Ego veritas: sine dubio erunt quæ promisi. Quæ procedunt de labiis meis: non faciam irrita. Ego vita: igitur nec mors impedire potest quòd minus ad me perueniatis.

Nemo venit ad patrem nisi per me. Primò sic intelligitur, Nemo cognoscit patrem nisi per me. Deum enim nemo vidit vnquam: vnigenitus filius enarrauit nobis. Secundò sic, Nemo venit ad patrem, &c. Hoc est, omnia alia nos absterrent, ne patrem accedere audeamus. Primò ratio humana ignorans Dei, deinde peccata, præterea lex, quæ Deum proponit vt iudicem. Postremò etiam diuina maiestas sublimior est, quàm vt possimus ad eam viribus humanis accedere. Solus denique ipse est medium & via, & ostium quo ad patrem peruenimus. Consequitur igitur non satis esse in patrem credere, nisi credamus & in filium. Item consequitur, quòd nullis nostris viribus & operibus salutē

Ignorantia & carnalitas Thomæ.

Ignorantia humana profunda in rebus Dei, et ad Christi regnū pertinentibus.

Christus via, veritas, & vita.

Christus omnia in omnibus. Consolatio in tentatione & maxime in morte. Tsal. 88.

Medium, via, & ostium Christus est, per quē & Patrem cognoscimus & ad eum peruenimus.

Ioan. 10. Non sufficit in Patrem credere, nisi etiā credamus & in filium.

con-

Epheſ. 1.

conſequi poſſumus, niſi in Chriſtum credamus. Non enim propter opera noſtra inſe nos Deus gratos habet, ſed propterea quod in Chriſtum credimus: Gratos, inquit, nos ſibi fecit in dilecto filio. Si cognouiſſeris me, & patrem meum vtique cognouiſſeris, &c.

Craſſities Philippi.

Hic Philippus inquit, Domine oſtende nobis patrem, & ſufficit nobis. Hic Philippus, vt Thomas antea, ingenij ſui craſſitatem exerit. Non vult enim fide & Chriſti verbo eſſe contentus, ſed certò ſentire & cernere vult res creditas. Item ſolum patrem cupit, excluſo interim Chriſto, in quo ſolo innotescit Deus pater. Chriſtus reſpondit, increpans Philippum: Tanto tempore vobiſcum ſum, & non cognouiſti me? Philippe, qui videt me, videt & patrem, &c. Hic de ſua diuina natura plenius loquitur: docetque vt in perſona alius eſt à patre, ita ſe ipſa ſubſtantia prorsus vnum eſſe cum patre, item ſe expreſſiſſimam eſſe patris imaginem, vt per quem ſolum innotescat & natura & voluntas patris, ſuam quoque & patris operationem eſſe indiuiduam, ita vt ſuum verbum fit patris verbum, & patris verbum contrà ſuum. Patris opera eſſe opera ſua, & ſua viciffim eſſe opera patris. Et vt

Patris & filij indiuidua operatio.

Opus Dei, Euangelium Chriſti, imò Chriſtus ipſe adhuc hodie videtur; & auditur in Eccleſia.

verba & facta Chriſti ſunt patris: ita verba & facta apoſtolorum, & omnium miniſtrorum, ſunt domini noſtri Jeſu Chriſti. Si quando igitur audis prædicari Euangelium, vides paruulum baptizari, peccatorem abſolui, alia ſacramenta adminiſtrari, traditiones apoſtolicas tractari: poteris ac debes dicere, Hodie vidi opus Dei, imò ipſum Chriſtum vidi Euangelium prædicantem, baptizantem, abſoluentem, ſacrificantem aut alia ſacramenta operantem. Nam lingua & vox quidem hominem ſonant: ſed officium, verbum, authoritas & virtus, Dei eſt. Qui non ita ſublimiter ſentit de ſacramento adminiſtrato per ſimplicem ſacerdotem, nec eadem reuerentia ſuſcipit eius doctrinam catholicam, etiam à malo ſacerdote traditam, atque ſi ab aliquo apoſtolorum reciperet: iniuriam facit Chriſto, qui ait, Luc. 10. Qui vos audit, me audit: & qui vos ſpernit, me ſpernit, &c.

Pollucitatio de exauditione precum in nomine eius.

3 Tercid pollicetur diſcipulis & omnibus fidelibus Chriſtianis à patre dandum, quicquid ſint in nomine ſuo petaturi, hoc eſt, fiducia virtutis & meritorum eius. Et bis repetit hæc verba: Quicquid petieritis in nomine meo, & per nomen meum, hoc faciam vt glorificetur pater per filium. Quasi dicat, Per meam paſſionem, mortem & reſurrectionem, vincam ſatanam, peccatum, mortem, infernum, & ad dexteram patris ſedebo, vt potenter impetrem, & omnia mihi ſubiiciam: vt poſſim dicere ſatanæ, morti & inferno, Vbi eſt mors victoria tua? Obmutefce ſatana. 1. Cor. 15. Mar. 1. & vobis apoſtolis & concionatoribus, Tu Petre, Paule, Thoma, euntes prædicate Euangelium vniuerſo mundo

mundo, omni creaturæ: absque personarum acceptione. Si vos acceperint, pacem illis annuntiate per me inter Deum & genus humanum operatam, & prædicate illis quæ audistis & vidistis. Erigite Ecclesiam Catholicam, tradite sacramenta: præceptorum doctrinam, quæ necessaria est ad salutem, diligenter declarate.

Christus vnus Deus, vna substantia cum patre est. Qui in Christum non credit, is nunquam ad notitiam patris perueniet: multò minus ad æternam vitam. Christus enim est via, veritas, & vita. Qui eam viam rectè sequitur, is errare non poterit. Qui in hac veritate, scilicet Christo, manet, is falli nequit. Qui in charitate Christi manet, manseritque vsque ad mortem, is veniet ad patrem, superato omni periculo carnis, mundi atque diaboli. Christus ipse est aduocatus. vnde 1. Ioan. 2. Si quis peccauerit, aduocatum habemus, &c. Ipse est intercessor. vnde Paulus Rom. 8. Iesus qui ad dexteram Dei sedet, qui etiam pro nobis interpellat, &c. Ipse est mediator, vnde. 1. Timoth. 2. Mediator Dei & hominum, homo Christus Iesus, &c. Ipse est saluator, vnde ad Philippen. 3. Saluatorem expectamus, &c. Ephes. 5. Christus caput Ecclesiæ, ipse est saluator eius. Ipse est redemptor, vnde Isa. 54. Redemptor tuus sanctus Israël, dominus, &c. Ipse est magister. vnde Ioan. 13. Vos vocatis me magister & domine, &c. Ipse est pastor, vnde Ioan. 10. Ego sum pastor bonus, &c. Ipse est sacerdos, vnde Dauid Psal. 109. Tu es sacerdos in æternum. Ipse Christus est Iudex, vnde Petrus Act. 10. Constitutus est à Deo iudex viuorum & mortuorum.

Aduocatus noster Christus, intercessor, mediator, saluator, redemptor, magister, pastor, sacerdos, & iudex.

EPILOGVS.

1 Christus abitus à suis, multis argumentis eos consolatur multipliciter turbatos. qd Ne despondeatis animum, quod prædixerim vobis atrociora ea quibus me accipiet synagoga, & quod prædixerim vos manere similia, succedet enim huiusmodi maxima gloria. Hac etiam nunquam cogitatione ardeant nos. Hæc cogitatione etiam peritumpamus quæque durissima. 1. Corint. 4. etiam si vita & omnia quæ possidemus, ponenda sint in extrema pericula.

2 Christus Alpha & ω, exordium, medium, & finis salutis nostre. Initium salutis nostre est transitus à peccato ad iustitiam, & ex ista in gratiam Dei: Medium est cognoscere veritatem. Finis autem est, apprehendere vitam æternam. Omnia autem hæc per Christum consequimur. Ipse enim est viuum illud verbum Dei, quod fide apprehensum ducit ad Deum, hoc est, à peccato ad iustitiam, à morte ad vitam, à tristitia ad gaudium, à damnatione ad salutem. Item verbum Dei est ipsa veritas: omnia alia sunt falsitas & vanitas. Est quoque verbum Dei vita, non ob id tantum quod omnia per ipsum creata sunt, sed etiam ob id quod credentes retereas & renouat noua spiritus regeneratione: reliqua omnia sunt mors & perditio. Quia igitur Christus est verbum Dei, congruè dicit, Ego sum via, veritas & vita. In summa, indicant hæc verba, quantum nobis thesaurus sit Christus.

Ioan. 1.

3 Iesus Christus verus est & homo & Deus. Humanitate quidem in-

repellat pronobis, & apud patrem petita nobis impetrat: divinitate verò ipseniet facit & largiunt petita, non minus, quàm ipse pater. Propterea tam insigniter hic dicit, Ego faciã: ut certi simus eandem ipsi esse potentia, quam pater habet. Huic ergo debemus, & per hunc nobis donatur ut credamus, ut bona operemur, ut in adversis perstemus, ut exaudiamur, ut denique veniamus ad patrem, & salvemur.

IN FESTO INVENTIONIS SANCTAE

CRUCIS, EPISTOLA.

Gal. 3. & 4.

Fratres: Ego confido in vobis in Domino, quod nihil aliud sapietis: qui autem conturbat vos, portabit iudicium, quicumque est ille. Ego autem fratres, si circumcisionem adhuc pradico: quid persecutionem patior? Ergo evacuatum est scandalum crucis. Vinam & abscondantur qui vos conturbant. Quicumque enim volunt placere in carne: hi cogunt vos circumcidi, tantum ut crucis Christi persecutionem non patiantur. Neque enim qui circumciduntur, legem custodiunt: sed volunt vos circumcidi: ut in carne vestra glorientur. Mihi autem absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo.

Notas depingit verorum et falsorum doctorum.

Signa pseudo-
doctorum.

Doctorum falsorum proprium est velle placere hominibus, vanam gloriam venari, & externorum operum fiduciam docere.

Joan. 3.

IN HAC lectione Epistolari certæ nobis notæ proponuntur, quibus dignoscere valeamus veros Apostolos seu catholicos concionatores è falsis & pseudodoctoribus, doctores è seducto-
ribus, pastores è lupis: verum item Christi populum à pseudo-christianis. 1. Primò falsi signis his præditi sunt, quod subintroeunt non miseri, Hier. 23. quod palpum auditoribus obtrudant, quod in illorum glorientur carne, quod externa solùm opera & caeremonias vrgeant, quod passionis Christi derogant merito, quod denique huc omnes suos conatus dirigant, ne pati persecutiones cogantur. tales videlicet erant, de quibus hic Paulus peculiariter agit, eorumq; notam his verbis depingit ac cõmonstrat, d. Quicumque volunt iuxta faciem placere in carne, hi cogunt vos circumcidi, tantum ut crucis Christi persecutione nō patiãtur. Neq; enim qui circumcidiuntur, legē custodiunt. sed volunt vos circumcidi, ut in carne vestra glorientur. In hoc falsorū doctorum proprium est placere velle hominibus, vanam gloriam venari, & externorum operum fiduciam docere. Tales subintroierunt inter Galatas, qui sese Apostolos Christi simulabant, ut sic auctoritatem apud Christianos consequerentur: docebantq;e, quasi ex Christi iussu contra veros Apostolos, quod nemo saluus fieri posset nisi circumcissus & legem Mosaicam seruans: qua quidē doctrina adimebant salutem omnem Christi morti, tribuebantq; hanc operibus, meritisq; humanis: idq; aded eum in finem, ut in aliorum carne gloriarentur, & ut à persecutionibus omnibus Iudaicis immunes essent. Quicumque igitur placita prædicant, suæ gloriæ student, & in aliud fiduciam collocare docet quàm in vnum Christum, is sunt pseudoapostoli, fures & latrones. Quicumque item hos seductores & audiunt volentes & sectantur, pseudo sunt Christiani.

Verum

Verùm Paulus sese his quàm acerrimè opponit vbique, dicitque hîc, esse illos cõturbatores ac labefactores veræ fidei, op-
tatque iisdem proin, vt abscindantur: imò prædicat etiam, iudi-
cium illos certò portaturos, hoc est, damnatum iri in tenebras
exteriores. Deinde verò adimit salutem omnem circuncisioni ac
legi Mosaicæ, tribuitque eam vnice cruci Domini nostri Iesu
Christi, hoc est, eius passioni mortique: in qua vna ille & om-
nem suam gloriatiõem collocat. In huius rei signum Ioannes
qui legem concluderebat, non erat lux, nec agnus, sed testimoniũ
perhibuit de lumine, & verum agnum digito indicauit. Ioã. 1.
2. Vnde secundo loco verorum Apostolorum, doctorum &
pastorum sinceriorũ notas explicat Paulus, quod neque in se-
metipsis, neque in vllò alio gloriantur, quàm in cruce Domini
nostri Iesu Christi: hoc est, quod vnus Christi merito, iustitia,
& redemptione, tanquàm vnica suæ salutis causa, fidant ac ni-
tantur, quodque in hoc gloriantur, quod habeantur digni ad
contumelias atque afflictiones pro nomine Iesu sufferendas,
Act. 5. Talis nimirũ Paulus ipse fuit, & omnes Apostoli: ideo-
que ait, *Mihi autem absit gloriarì, nisi in cruce Domini nostri Iesu Chri-
sti, per quem mihi mūdus crucifixus est, & ego mundo.* Vide hoc discer-
niculo dinoscuntur veri & germani. Primò nulli placere stu-
dēt quàm vni Christo, nullius gloriam venantur nisi ipsius.
Deinde in nihil aliud salutis ancoram & fiduciam collocant,
quàm in crucem Domini nostri Iesu Christi. Quicunque ergo
summam gloriam, summũ lucrum æstimant placere Christo,
& hunc solum prædicant saluatorem ac iustificatorem omnium,
ij genuini sunt concionatores, veri Apostoli. Quicunque etiam
illos tum audiunt, tum pro virili imitantur, germani Christiani
sunt.

In hac ergo Apostolica sentētia & nos perpetuo esse, manere-
que debemus, hoc est, gloriarì in sola cruce Domini nostri Ie-
su Christi, huicque omnem vnice & nostram & aliorum salu-
tem acceptam ferre. Neque enim est aliud nomen sub cælo da-
tum nobis, in quo oporteat nos saluos fieri. Act. 4.

Sed videamus interim ne in gloriatiõem duntaxat ac fiducia
crucis Christi imitemur Paulum: verùm eò conscendamus
etiã, vt verè dicere cum illo possimus: *Per quem mūdus mihi cruci-
fixus est, & ego mundo.* Itemque, Viuo non iam ego, viuit verò in
me Christus, Galat. 2. Non enim statuendum est, si omnis
omnium salus in vna cruce Domini nostri Iesu Christi confi-
stat, ergo nihil boni esse agendum, sed indulgendum carni. Sed
hoc contra statuerit nos oportet, quando Christus & tanto no-
pretio redemerit, & tantam omnind salutem sua passione,
morteque gratuitè contulerit nobis maximã decere nos erga
ipsum gratitudinē, ideoque mundo, hoc est, satanæ & peccatis

*Pseudo-doctorũ
cuius sunt, con-
turbatores, &
vera fides la-
befactores.*

*Omnis salua
tribui debet
cruci Domini
Iesu Christi,
hoc est, eius pas-
sioni morti-
que.*

*Apostolorum
verorum nota
quod neque in
semetipsis, ne-
que in alio glo-
riantur, quàm
in cruce Do-
mini nostri Ie-
su Christi.*

*Christiani ger-
mani qui sint.*

*Christiani in
sola cruce Iesu
Christi glorien-
tur.*

*Cum Apostolo
eò etiam con-
scendamus o-
portet vt mun-
dus nobis cru-
cifixus sit, &
nos mundo.*

omnibus (à quibus ille nos adseruit) mortuos esse oportere, ac iustitiæ contra vivere per reliquum tempus, Rom. 6.

Ratio Aposto. Cur autem non sit pseudoapostolorum more in carne & externis caeremoniis gloriandum, sed potius verorum Apostolorum exemplo in cruce Domini nostri Iesu Christi: & moriendum mundo, his verbis declarat Apostolus: *In Christo enim Iesu, inquit, neque circumcisio aliquid valet, neque præputium, sed nova creatura.* Quasi dicat: Externus & carnalis cultus nos non commendabit Deo, sed si illi probari velimus, spiritu nos prorsus renouari oportet: vt ipse enim spiritus est, sic quoque spiritu gaudet coli, Ioan. 4. &c.

Satis constat, omnes nos hodie inuentæ crucis Domini nostri Iesu Christi solennem in Ecclesia memoriam agere. Ob id igitur præsentem lectionem hodierno festo dedicarunt patres, vt nimirum verbi ministris ex ea (in qua crucis subinde fit mentio) subministrarent ansam de cruce dicendi. Verùm Paulus hic non loquitur de ligno illo crucis, in quo salus nostra pependit, sed de ipsa Christi passione ac morte. Occasionē huius festi petet pius concionator ex sermone B. Ambrosij Episcopi, in obitu Theodosij, & ex historia Ecclesiastica.

EPILOGVS.

1. *Scopus præsentis lectionis est præcipuus, perstrictio damnatioque pseudo prophetarum, vi & meritis crucis Christi sua falsa persuasione detrahentium, qui videlicet cum multis alijs, tum Galatas præsertim turpissimè seduxerant.*

2. *Vsus lectionis huius est quòd nullis caeremoniis, operibus, aut creaturis, quantumvis etiam splendidis, debeamus nimium fidere, præterquam solius Christi mortui, iustitiæ, sapientiæ, sanctificationi & meritis, & qui gloriatur, in Domino gloriatur. 1. Corinth. 1. & 2. Corinth. 10.*

3. *Verorum Christianorum nota sunt, mori & crucifigi, carni, mundo, peccatis, satana, & fieri noua creatura, hoc est, in nouitate vitæ ambulare, vivere sobrie, pie, castè, & iuste in hoc seculo, Tit. 2. Sic certò futurum est, vt quemadmodum Paulus dicit, pax & misericordia Dei Israël super eos maneat in æternum.*

Euangelium præsentis diei quærat Catholicus concionator in festo Sanctissimæ Trinitatis, Erat homo ex Phariseis, Nicodemus nomine, &c. Ioan. 3.

*Finis Euangeliorum & Epistolarum partis
Hyemalis de Sanctis.*

A		Apostolorum verorum notæ.	147 156
A Beundo Christus suos non de-		Apostolica traditio est orationes	
seruit, sed profuit.	141	concludere in nomine Domini	
Abiconfio Dei in cruce nō est pio-		nostri Iesu Christi.	142
rum perpetua derelictio, &c.	138	Architectus incarnationis Christi	
Actorum liber quid testetur.	36	Spiritus sanctus.	110
Achaz æquē signū respuit vt pro-		Architecti qui	115. materia, opera,
missionem.	94	forma &c.	ibid.
Admiranda Christi & Ioannis hu-		Arca Noë.	10
militas.	82	Ascensio & præparatio donata ca-	
Aduocatus noster Christus, interces-		lestis hæreditatis, &c.	88
for, mediator, saluator, &c.	145. 155	Auctor incarnationis Christi	
Affectus spiritus, quā naturæ ve-		Deus.	102
hementiores.	69	B	
Agni Paschalis typus.	53	Baptismus magnificandus à no-	
Agnus dicitur Christus.	53	bis.	84
Agricola siue vinitor Deus pa-		Baptismus aqua vitæ.	85
ter.	124	Baptismus summus noster thesau-	
Alas contrahere.	40	rus.	85
Amor omnia sæua & immania fa-		Baptismus vnde suam virtutem &	
cilia facit.	98	auctoritatem habeat.	83
Amicitia veræ indicia.	47	Baptizatus Christus quid orabat.	84
Ambitio, odij Herodis in Christū		Baptismus vnica & summa nostra	
causa.	58	consolatio.	84
Animarum curatores Christū se-		Baptizari voluit Christus anno tri-	
qui debent.	11	cesimo varias ob causas.	81
Angeli quibus astare delecten-		Baptismus Christi in Iordane cui	
tur.	104	respondeat.	81
Angelus testamenti, Deus & ho-		Beatitudo vna omnium electorum	
mo.	ibid.	quoad obiectum, &c.	140
Anno quoto Christus baptiza-		Beatus de proprio labore viuere.	10
tus.	81	Benignitas Dei mira erga Iudeos.	37
Animi liberalitatem Deus magni		Benedictio Domini duo con-	
facit.	131	fert.	118
Apostolus nouus ē quo numero		Beneficia Dei maxima in Euangelio	
selegendus.	9	prædicantur.	25
Apostoli quomodo mundi fue-		Beneficium maximum habitaculū	
runt.	129	Dei fieri.	115
Apostoli ad quid piscaturi missi.	12	Benedictio Domini à dextra.	117
Apostoli missi ob Iudeorum salu-		Benedictio à sinistra.	117
tem.	37	Beneplacitum domini consilij.	95
Apostoli quibus primum prædica-		Beneficium Christi in suos marty-	
runt.	5	res.	34
Apostoli Christi legati fuisse.	36	Bonitas Dei vocantis magna.	12
Apostoli alterius subrogatio neces-		Bonitas Christi erga D. Tho-	
saria.	91	mani.	28

Boni non moriuntur, sed dor-	Christiani germani qui sint.	147	157
miunt.	35	Commodum Christi iugum por-	97
C		tantium.	97
Astutia studere.	54	Consilia Dei non discutienda.	95
Calamitas extrema ubi nullū		Consolatio in tentatione & maxi-	
verbi Dei semen.	36	me in morte.	143
Carbolici scriptores nomina sua		Conuersionis Pauli modus du-	
non subicent, pseudographorū		plex.	65
more.	87	Consolatio duplex.	95
Caluini turpis error.	83	Consolatio dulcissima incerta sede	
Caluini caullatio.	111	vagantibus, &c.	139
Calix Christi gloriosus.	46	Conuersionis & obedientie for-	
Causa quæ veritati innititur, de-		ma.	15
fendenda.	33	Consolatio amplissima in aduer-	
Capacitas cæli.	140	sis.	118
Causa sceleris Iudæ proxima & re-		Consolatio maxima in cruce &	
mota.	91	morte.	34
Cæli apertio quid significet.	84	Consolatio contra crucem promissio, &c.	137
Cælum est venale.	11	Consolatio dulcis pro pauperibus.	70
Cælestem Pauli conuersionem, ministerialis secura est cōuersio.	65	Corona vitæ qualiter obtinetur.	123
Charitatis doctrina.	8	Cor primum ad omnia Dei iudicia	
Charitas non est tumultuosa nec		contremiscit.	129
seditiosa.	131	Crasitutes Philippi Apost.	144
Charitas de sua & aliorum salute		Credentes in sacra scriptura appel-	
solicita.	79	lantur sancti.	119
Christus Paulum ter alloquitur.	65	Cultus quis diuini gratior exhiberi	
Christiani in sola cruce Iesu Christi gloriantur.	147	potest.	21
Christi piscatio.	10	Cultus præcipui in Ecclesia qui.	131
Christum sequi quid sit.	68	Cum Apostolo eo conscendendum,	
Christus per baptismi sacramentum		ut mundus nobis crucifixus sit,	
cur iustitiam adimplere elegerit.	82	&c.	147
Christus via, veritas, & vita.	143	Cum Apostolo quo oportet con-	
Christus omnia in omnibus, &c.	143	scendere.	157
Christus salutare Dei.	80	D	
Christus non sine cruce sequendus.	46	Eus diuersis mediis ad se-	
Christus verè omnipotens omnia		quedum eum vocet, nobis non	
habens in sua potestate.	94	est inuestigandum.	72
Christus indicat se Deum esse & Deo		Desertionis & abiectiois diuinæ	
æqualem, &c.	138	argumentum euident.	128
Christiani multifariam à Deo per		Deus diues in omnes.	6
Christum vocantur.	68	Deo tres peculiariter placuerunt.	10
Christus sanæ asconsonem suam quæ		Deo in tribus placere possumus.	20
fecerit.	21	Deus non affligit nos ut perdat, sed	
Christiano futuro quid facto opus		ut sanet.	127
sit.	67	Deus sine ratione & sine iustitia nihil facit.	94
Christus duas ob causas baptizatus est.	82	Deus vitæ & mortis Dominus.	50
		Deus non irascitur in finem.	19
		Deus	

Deus saluat in maximis pericu-	Ecclesia ciuitas, domus & templum.	114
lis.	56 Dei est.	114
Deus ingrauescente periculo suis	Educatio Immanuelis.	101
adest.	57 Electi soli ab æterno salute donari-	
Deus bis pater noster factus.	88 tur.	89
Deus cum nostra præmiat merita.	Electis iure optimo exultandū.	90
sua dona coronat.	71 Electionis modus.	91
Decretum Christi immobile.	57 Electi quibus notis deprehendun-	
Deus semper respicit & curat	tur.	54
suos.	125 Encomij Mariæ excellentia.	105
Deo qui fidit, non pudebit.	5 Episcoporum & pastorum electio	
Deus vult inueniri ab iis qui ipsum	penes quos.	11
ex animo querunt.	79 Ephesij quales ante fidē fuerint.	113
Defectionis ludæ cur meminerit	Ephesij inquilini siue incolæ.	113
Petrus.	91 Ephesij quales facti post acceptam	
Dissecari cordibus quid sit.	33 fidem.	114
D. Ioannis martyrium.	48 Ex omni carne eligi quid sit.	121
D. Petri curiositas.	48 Exhortatio ad laudem Dei.	87
Dilectio fortis vt mors.	46 F	
Differentia futuræ gloriæ.	140 F Ame spirituali qui pereunt.	36
Doctrina liberi arbitrij obedi-	Facta quædam diuina cur nobis	
ris.	11 occulta.	49
Domini in nomine exaudimur.	6 Facultas edendorum miraculorum	
Domesticorū suorum cura haben-	quibus primum data.	32
da.	14 Fidelium carmina.	54
Domus Iacob qui sint.	108 Fidelium consolatio in tribulatio-	
Documentū in quo casu Dei indi-	nibus.	96
catio & auxiliū implorandū.	92 Fides Thomæ & confessio proban-	
Doctrina pro ministris diuini ver-	tur.	29
bi.	2 Fidei nostræ scopus.	32
Donationis finis duplex.	26 Fideles omnes opus habent purga-	
Dominandi cupiditas mortalibus	ratione.	116
quantum attulerit malum.	62 Fidei & precationis cognitio.	7
Doctorem falsorum propriū quid	Fides securum aduersus omnia ma-	
sit.	141 156 la.	150
Domus patris cælum est.	139 Fides totius Ecclesiæ.	29
Doctrina de iudicantibus non ran-	Fides sola non sufficit ad concilian-	
dum cōcernit Apostolos, &c.	70 dum nobis Christum.	112
Duplex sequendi Christū ratio.	13 Finis fidei salus animarum.	89
E	Finis & fors piorū & impiorū.	114
Ecclesia sanctorum ciuitas.	114 Fortitudinis magnum fundamen-	
Ecclesiæ variæ appellationes.	53 tum mens, & animus non tut-	
Ecclesiæ fundamentum imum, an-	batus.	138
gulus apex, &c. Christus.	115 Formidolosa sententia palmitum	
Ecclesia catholica cur hodie à mul-	infrugiferum à vera vite ab-	
tis auferatur.	42 iici.	128
Ecclesiæ quanti facienda.	131 Fructus quartus iusti & timennis	
Ecclesia vera & inuisibilis.	51 Dei.	44
Ecclesia Christi duplex.	52 Frugiferos palmites vinitor pur-	
Ecclesia Romana verè pontificia,	gar.	126
&c.	45 Fructus iustum qui sequantur.	43

Fuga Christi in <u>Egyptum</u> .	58	Iesus filius Marię verus Deus & ho	
Functio apostolica pender à solius	mo.		108
Dei calculo.	92	Ierusalem omniū malorū lerna.	37
Fuga Christi in <u>Egyptum</u> causse	107	Iesus interpretatur saluator.	107
dux. 59 quę etiam parentibus ignorantia humana profunda in			
Christi crux subamara fuit. ibid.		rebus Dei, &c.	145
G		Immanuel duplicem in Christo na	
Audendum de quo.	91	turam denotat.	101
Gabrielis & Marię dialogus.	106	&c.	129
Gabriel fortitudo Dei.	102	Immanuelis partus miraculosus.	94
Gratia quam Maria reperit quę.	107	Imitatio spiritualis.	133
Gratias quomodo <u>agar Christus</u>		Improbiorum mos.	32
pro Apostolis.	94	Indoctos cur vocauit Deus.	11
Gratiam primam nemo mereri po		Incarnatio Christi salutis parat	2
test.	71	indicium.	88
Grauitas sceleris Iudz.	91	Indicat Christus cur proprię vene	
H		rit.	97
Hæreditatis consecutionē quid		Innocentes pueros cur Deus occidi	
præcedat.	118	permiserit. 61 martyres confes	
Hæresiarum ferent seductorū <u>pecc</u>		sores sunt & doctores.	ibid.
cata.	39	Infantes iustificari in baptismo pos	
Hæreticis non datur verba Chri		sunt, &c.	84
sti tractare.	51	Institutio Christiana de morte.	51
Hæretici præposteri. reformato		Ioannes Euangelista quorū dupliciter	
res.	133	commendetur.	47
Hæretici Iudæorum instar Episc		Ioannes cur angelus dictus.	72
pos ac cōcionatores occidit.	38	Ioas pontifex binomius.	40
Hæretici verbum Dei contempnunt		Ioas ob scelus in Zachariam patr	
& Ecclesiam.	24	tum occiditur.	42
Hæretici viperarum filij.	39	Ioannes quos baptizauit.	81
Herodes Pharaoni nō ab similit.	60	Ioas regis à lege defectus.	39
Herodes & hæretici <u>saianę ferui</u>	57	Iudicium horrendum malis exti	
Herodes <u>lupo</u> similis, tyrannus sa		mescendum.	70
uissimus, &c.	60	Iudicium in hæreticos.	24
Homini exte	no	Iustus quis sit.	43
Deus erucem im		Iudæi omnium gentium miserabi	
ponit, internum consolatur.	137	liores.	40
Homo per duo disponitur ad salu		Iustum omnem quis impleat	82
tem.	120	mahtiam omnem item quis im	
Homines in quibus angelis simi		pleat.	ibid.
les.	33	Iugum duplex 97 Euangelij & gra	
Mortati Petri electio noui Aposto		tiz iugum.	ibid.
li instituta.	91	Iugum Christi duabus virtutibus	
Hostes Euangelij non tam alio		se finit gestari.	98
quā seipfos lædunt.	65		
Humilitas & charitas Marię decla			
ratur.	76		
Humiliora plerunque Deus magis			
probat.	92		
I			
Iesus Christus summus doctor.	96		

Aborantes & onerati qui. 96
Laudatio Dei in quibus confi
stere debeat. 90
Laudibus summis Mariam euehere
catholicorum officium est. 10

Lætitia carnis vana.	93	Metus viros etiam constantes in-	66
Lætitia spiritualis Christianos de-		uasi.	66
cer.	93	Medium, via, & ostium Christus	
Lex purificationis in noua lege vti-		est, &c.	143
lis & honesta.	77	Messias promittitur ex virgine na-	
Lex redemptionis primogenitorū		sciurus, &c.	94
ob tres causas Iudæis data.	77	Messias quod venite debeat ostendi-	
Lex purgandæ mulieris, quid admo-		tur.	73
nebat.	177	Mens sibi bene conscia thesaurus	
Legi vitæ & disciplinæ qui acquie-		insignis.	33
scit, magnus efficitur.	122	Misericordia Dei est, & non ira, ab-	
Lex vitæ quæ sit. 122 & lex disci-		ertates disciplinæ flagello, &c. 122	
plinæ.	ibid.	Miracula in baptismo Christi fa-	
Litania duplex.	132 & 133	cta.	84
Litania quid interpretetur.	133	Misericordia Dei commendatur	2
Litania sandata in sacris literis. ibid.		beneficentia.	6
Locus conceptionis Christi humi-		Modestia Mariæ.	106
lis & despectus.	102	Modus optimus moriendi.	34
Locum quomodo Christus nobis		Modus quo virgo illæsa virginali	
parauerit.	14	pulicitia fieret mater Mariæ ab-	

M

M aria illa singularis virgo de		Mors Christi & Petri similis.	46
qua vaticinatus est Isaias. 107		Mos improborum.	33
Maria castissima, &c.	103	Mos bonorum angelorum quis	
Maria reparauit quod Eua perdi-		sit.	106
dit.	112	Mosis iugum Christus dirupit,	
Maria triplici ratione virgo fuit. 102		&c.	97
Maria gratiosa. 104. & quomodo		Mosi iugum eorum Iudæis durum, &	
gratia plena.	ibid.	Christi suauē.	98
Maria quid interpretatur.	103	Mundatum officium.	74
Maria virgo cur despōsata viro. 103		Munio contra scandalum cri-	
Mariæ fetus sanctus.	76 110	cis.	138
Maria legi purgationis obnoxia nō			
fuit.	76		
Magnitudo virtualis triplex. 18. &c.		N atura Dei quid.	16
Magnus in veritate quis sit.	119	Natura humana semper alia	
dein.		expetit.	127
Mansiones stabiles cetæ & perpe-		Neminem debet pudere ab inferio-	
tuæ sunt in celo.	140	ribus baptizari.	83
Mansiones ælestes in solo Christo,		Nemo à minimis doceri dedignari	
per solum Christum; & propter		debet.	66
solum Christum paratæ.	14	Nidus Christi ciuitas Ierusalem. 40	
Materia baptismi aqua naturalis &		Nihil debet nos ab obedientia Dei	
non artificiosa.	84	reuocare.	60
Mentes sanctæ inter laudes semper		Nihil maius quàm per naturā om-	
timent & humiliter de se sen-		nipotentis esse filium.	107
tiant.	106	Nihil promittit Deus quin præsta-	
Meritum non ex nobis, sed ex Deo		re queat.	111
depedet.	71	Non sufficit in patrem credere nisi	
Messias repurgaturus, restitutus		etiam credamus in filium.	143
quæ omnia.	74	Notæ vetotum & falsorum docto-	
		rum.	145 156

- Notæ & signa falsandorum & ele- Pater quando relinquendus. 14
 storum. 89 Paulus præsertim gentium aposto-
 lus. 66
 Nomen Christi quid comprehen-
 dat. 141 Paulus ante conversionē qualis. 63
 Numerus Apostolicus in vet. lege Partium nostrarum est. Christo of-
 varie præfiguratus. 92 ferre spirituales hostias. 71
 Palmites omnes Christi fideles. 125
 O Bedientiæ doctrina. 14 Paruuli qui fuere & sunt. 94
 Oblatio quibus circumstantiis Patrem in seipso ostendit Christus
 suscipi debeat. 17 Apostolis. 142
 Obdormire quid. 50 Pauli conuersio vbi contigerit. 64
 Oblatio purgandæ mulieris du- Piorū cōmerciū amplectendū. 116
 plex. 77 Pietatem necessario sequitur affi-
 Oblationis & redēptionis primo- ctio vt lucem vmbra. 136
 genitorum lex. 76 Piorum fors post hanc vitam. 134
 Offerendū pro peccatis quomodo. 17 Petrus opus habet putatione. 127
 Officium Messiz. 74 Petri Apostoli cura superuacua. 50
 Omnia quæ potest Deus non sta- Petitiones iustas & sanctas Deus li-
 tim facit. 59 benter exaudit. 79
 Omnia quæ habet Christus suis Petrus & Andreas ad Christi pri-
 communicat. 125 mam vocem omnia negligūt. 14
 Omnia pro derelicto habere. 67 Placere Deo, & sibi ipsi, quid. 20
 Operum bonorum viaticum qui Plaga horrenda. 36
 sibi comparauerunt, libenter ex- Pollicitatio de exauditione precum
 hoc seculo migrant. 80 in nomine eius. 144
 Opus Dei. 26 Pœna pœnarum quæ sit. 118. & 129
 Oportet præcinctū esse ad tria. 123 Pœnitentia impiorum sera. 135
 Opus Dei Euangelium Christi, & Potentia Dei erga Paulum. 64
 Christus ipse adhuc videtur & Prudentia Mariæ. 106
 auditur hodie in Ecclesia. 142 Prudentia nostrorum hominū tu-
 Operes seculi non veræ diuitiæ, sed mida. 94
 virtutes. 117 Prouidentia Christi in vita &
 Opus Apostolicū est prædicare. 92 morte. 50
 Oraculo Isaie Christus Messias esse Præmia Christum verè sequentium
 conuincitur, &c. 102 duplicia, 69
 Oratio Christi quid nos doceat. 84 Promissio Achaz regi facta. 99 sig-
 Ordines ciuitatis Dei, inuisibiles num eidem offertur. ibid.
 & vlibiles leges, immunitates, Primatus S. Petri constituitur. 47
 &c. 114 Primus aduentus Christi placidus. 80
 Originem luminarium vnde in illi- Prædicatio à missione pendet. 6
 tust Ecclesia. 31 Prædicatio Dei legatio. 8
 Os nostrū, oculus noster, &c. Chri Prærogatiua castitatis D. Ioānis. 47
 stus. 141 Pseudodoctorum tituli qui. 147
 Pseudodoctorum signa. 136
 P Almes infructuosus fides sine Putatio fructus pacatissimos ad-
 operibus. 129 fert. 127
 Patris & filij indiuidua operatio. 144 Purgandæ mulieris lex. 76
 Patrem nosse quid sit. 96 & filiū
 nosse. ibid.
 Patres testantur in Ecclesia semper Vando purgamur. 116
 paruulos baptizatos fuisse. 83 Qui miseri iudicandi in hac
 vlt. 37
 Quo-

Quotuplici ratione Ephesij pere-	Salus quomodo à Deo patre detur.	
grini.	113	88 & ob quā causā detur. ibid.
Quadrifariam angelica salutatione	Sanctorum varia conditio.	49
vñ licet.	105	Sapientia Dei circa Pauli conuer-
Quomodo impleuerit Christus o-	tionem.	64
mnem iustitiam.	82	Sacerdotis veri munus est diuinū.
Quid in tota scriptura scitu magis	&c.	18
necessarium.	105	Sacrificiaque minimē Deo placēt.
Quibus rationibus Maria prae aliis	Salus quid sit.	89
mulieribus benedicta.	104	Sapientia & prudentia Phariseorū.
Qualem Deum solum scriptura	& Scribarū vana & arrogans.	94
nobis commendet.	87	& quis sit Satanæ inuentum est quod Ana-
qui Deum non nouit.	ibid.	baptizet, &c.
Quicquid meriti Christus habuit,	Sacerdotes ministeriales qui.	17
hoc nobis communicat.	126	Sancti qui sint imitandi.
Quomodo Dominus cum Ma-	Salus à quo solo expectanda.	87
ria.	104	Scripturæ sacræ deferendum.
R	Sedes duodecim significant vniuer-	
Ratio Apostolica cur non in	sitate iudicantium.	70
carne & externis caeremoniis,	Sermo Christi solus, non hominis	
sed in cruce Domini glorian-	mundat.	129
dum.	148	157 Serui oscitantes. 22. fideles, infide-
Ratio humana rerum diuinarum	les.	24
percutiatrix.	48	Sequelæ Christi insigne exemplum
Rachel plorās, typus matrum pue-	in Paulo.	68
ros suos plangentium.	61	Signū an in dilectione Dei simus.
Reges moraliter qui sint.	119	nece.
Religio catholica & traditio Apo-	Signa Pseudodoctorum.	146
stolica pueros baptizare.	85	Simeonis canticum cōtinet tria.
Redemptori quando sedes David	Simeonis feruens desiderii	79-gau-
data.	108	diurni eius ineffabile.
Resurrectio certum argumentum	Similitudo de gallina quid deela-	
ablati peccati, &c.	88	rer.
Resurrectionem futurā, cur Chri-	Signis consuluit Deus infirmitati	
stus vocet regenerationem.	69	Iudaicæ.
Rete Euangelicum.	10	Sodalitiū impiorū fugitandū.
Reditus Christi quid sibi velit.	141	Sors impiorū post hanc vitā.
Regnum Christi non mundanum,	Sors & vita saluandorum in hoc	
sed spirituale, &c.	108	mondo.
Resurrectio Christi prædicationis	Spiritus sancti reuelatione & inha-	
scopus.	92	bitatione qui digni.
Rustica similitudo de vinea quid	Spiritus Domini ibi est, vbi libera	
nos doceat.	126	& prompta obedientia.
S	Spiritus sanctus delectatur in Eccle-	
Sacerdotes morales peculiare,	sialisticis conuentibus.	79
seu ministeriales.	16	Stephani fides vera ac fortis.
Sancti regibus seculi sunt maio-	Stephani inuicta patientia.	34
res.	119	Stephanus à ludæis in quatuor ac-
Sacerdos quid docere debeat.	16	cusatus.
Salus omnis tribui debet cruci Do-	Superbia omnes bonos fructus vi-	
mini nostri Iesu Christi.	147, 156	tiar.
		Suppli-

Supplicium impiorum non minus	Tyranni quos terrent, ipsi plus me-	
mum quale sit.	135	tuunt. 60
Suavius nihil quam ut ibi sit ado-		V
ptatus, ubi est vnicus.	141	Verbum Dei instrumentum per
T		quod Spiritus S. nobis datur.
Abule dux, & quid per eas in-	130.	verbū Dei dat virtutem sa-
telligendum.	16	cramentis, &c. ibid.
Talis Deus nūc erga nos est, qualis	Verbū Dei	quotupliciter nos mun-
olim in beatos.	58	der. 130
Tēplū Iudaicū cuius typus erat.	33	Verecundia Matiaz. 106
Tēpus annūciationis dominicę.	101	Verbi Dei potentia, vna & effi-
Tempus Messię vērū innuitur.	72	cax. 12
Temporibus medicina prodest.	135	Verba Christi non sunt pro cuius-
Testamentum pacis.	123	que sensu interpretanda. 51
Terminos nouit Deus quādo sint.		Vitis Christus. 125
&c.	64	Vita piorum & impiorum in hoc
Ternum munus sacerdotale.	18	seculo dispar. 134
Theotocos testē Matia vocatur.	112	Virtus pro comite habet inui-
Thesaurus ingens verbū Dei.	130	diam. 32
Thesaurus singularis & pretiosissi-		Vinitor quid facturū sit in frugife-
mus.	48	ris palmitibus. 128
Thomę confessio.	29	Vincentij Lyrinensis canon. 45
Thomę ignorātia & carnalitas.	143	Virginis filius reuera etiā altissimi
Thomę inspectio & contradictio.		filius. 106
nobis profuit.	28	Virtus Christi non est alligata sa-
Timens Dei quis sit.	42	cramentis. 83
Tuli pseudodoctorū qui sint.	156	Vix inæqualis dispar futurū est
Tituli de Messia vaticinati qui.	109	exitus. 134
Timor filialis.	78	Virgines verecundia decet. 106
Timoris Dei & iusti premiū.	43	Virgines ornat silentium. 106
Trinitas auctoritatiue.	Christus	Videre Dei quid, 9 & Christi in-
executiue iudicabit.	70	tuitus. ibid.
Tribulatio vilis.	118	Vindex miserorum Deus, & pau-
Triplex cōsolatio pro fidelibus.	127	perum assertor. 135
Trius duodecim quid significet.	7	Vox Immanuel quid doceat. 94
Tria ad sacerdotale munus perti-		Vox aquarum multarum. 54
nent.	16	Nox citharz. ibid.
Turcæ ac Iudæi veram vniū Dei.		Vocatio Dei duplex. 10
notitiam non habent.	27	Vnusquisque in sua vocatione ne-
Turbatio inordinata prohibe-		gociari debet. 12
tur.	137	Z
Turris Babylonica frustra contra		Zacharias propheta occiditur. 40
Dei templum paratur.	116	

Liber hic cum suis annotationibus nihil habet S. Romanę Ecclesię fidei contrarium aut Reipub. offensivum: imo dignus est qui iuratus imprimatur omnibus legendus. quod testor

Sebastianus Baer Delphius Coll. Ecclesię
S. Marię Hantuerpiensis Plebanus.